











IOANNIS  
BAPTISTÆ  
VERI

CANONICI PATAVINI  
RERVM VENETARVM

*LIBRI SEX.*

QUORUM ULTIMI DUO

*Hac tertia editione produnt.*



VENETIIS, MDCLXXVIII.

Sumptibus Combi, & Lanouij.

*SUPERIORVM PERMISSV ac PRIVILEGIO.*







SERENISSIMO PRINCIPI  
A L O Y S I O  
C O N T A R E N O  
V E N E T I A R V M D V C I .

I O A N N E S B A P T I S T A V E R V S

F. P.



*Q*Uis jam pridem susceptum  
concisâ brevitâte scribendi  
Venetæ Reipublicæ res bel-  
lo gestas, cum tertio prodire  
debeat in lucem, auctum, tra-  
ductumque ad hæc tempora; Tibi, non alii,  
Princeps Serenissime, à Familiæ tuæ ad-  
scripto

scripto nuncupandum erat. Tibi, inquam, cui divinitus contigisse compertum est illud summum in Republica decus, quod aliàs insigni animi moderatione abnuisti. In hoc tandem supremæ Majestatis solio Francisci Patruī tui successor collocatus es, quod ille, prout Tu, per maximas Magistratum, Legationumque dignitates fuerat consequutus: ne Reipublicæ deesset Dux, quo imperante felicioribus auspiciis in commune bonum coalescerent Religio, & Iustitia. His illa columnis suffulta; ac Tuæ Integritatis, atque Innocentiæ, proposito sibi exemplo, ea perennabit libertas, quam prudentissimi Patres ab initio curarunt extra servitutem ponere, æmulum repressarabie, & domito furore barbaro. Quoniam verò Deo placuit, ut fati vicedendum esset in Creta, honesta tamen pace, quæ belli finis est; ac paucis ante Te Principem creatum annis, quis ibit inficias banc in Te votis conspirasse, à quo fideliter

*liter deinceps custodienda, & conservanda foret? Igitur divinâ quoque Providentiâ accidisse videtur, ut sancitâ concordiâ gauderet Respublica, Te ad illius gubernacula evecto, qui ætatem auream renovares. Interim accipe, Amplissime Princeps, hilari animo, lætoque vultu hoc quaecunque meæ in Te observantiæ pignus, quod Tibi humiliter offero: & si mihi tam beato esse contigerit; tunc forsan me Tuæ clementiæ multis nominibus devinctum cumulatè satisfecisse credam. Deum denique O. M. enixè precor, ut Tu serus in Cælum redeas: ut Serenissima Resp. cæteras gentes in terris diuturnitate imperii vincat, quas hucusque libertatis æternitate superavit.*



# LECTORI BENEVOLO.



Erſatur hujus Operis argumentum in armis: ſed Venetæ Gentis recenſet bella, quæ ab origine ejus præclariffimæ Urbis ad hæc uſque tempora Religionis, ac ſultitiæ cauſa ſuſcepta ſunt & geſta. Cum moleſtis vicinis primùm, inquietiſque populis; deinde ſacris in expeditionibus cum perfidis, & immanibus. Verùm ſi aliquando cum ejuſdem fidei Principibus, ne tum quidem injuſtè, aut temerè; ſed ad propria tuenda, ad repetenda ablata, ad ſervanda fœdera, curandam concordiam, ſubmovendaque odia, dimicatum eſt.

Res priſcas præ antiquitate, & concordî ſcriptorum teſtimonio, obſectationis vitium ſupergreſſas ſincero ſermone, ut ſua tulerunt tempora in compendium arctavit. In noviffimis, & maxime ad Cretam geſto bello omnem operam poſuit, ut in his (quorum inter vivos varia fides, pretium maneat veritati) ſuæ ſcriptionis conſtantiam non mutaret. Eidem placuit peracta à Venetis facinora memorabilia, atque in utraque fortuna præclara virtutis edita experimenta calamo conſcribere, gladio veluti, criminis vacuo, puro, & innocenti, procul ab odio, adulatione, & amore contra quos animi affectus, ſcriptori non minùs, quàm militi, periculoſè pugnatur. Brevitas illi non erit imputanda, ſed laudanda, quæ moras rumpens intempeſtivas, nihil ſubtrahit cognitioni eorum, ex quibus virtutum documenta inde promentes, aut hiftoriarum diverſitate, aut magnitudine obruantur Hoc itaque, Amice Lector, contractum Venetarum rerum Opus noli contracto ſupercilio, ſed exporrecta fronte ſuſcipere conceptum, edicumque ab Auctore, qui ſacræ mancipatus militiæ profitetur ſe nihil, aut pietati, aut honori ſuæ Patriæ citra fidem dediffe. Vale.

NOI

# NOI RIFORMATORI

DELLO STUDIO DI PADOVA.

**H**Avendo per fede del Padre Inquisitore nel Libro intiolato JOANNIS BAPTISTÆ VERI RERUM VENETARUM LIBRI SEX; non esser cosa alcuna contra la Santa Fede Cattolica, come parimenti per attestato del Segretario Nostro niente contra Principi, e buoni costumi, concediamo licenza à' Combi, e La Nou di poterlo stampare, osservando gli ordini &c.

Dat. dal Mag. li 29. Gennaro 1677.

{ Angelo Correr Kau. Proc. Ref.  
{ Battista Nani Kau. Proc. Ref.  
{ Leonardo Pefaro Proc. Ref.

*Lodovico Franceschi Segr.*



# RERVM VENETARVM

## I N D E X

### LIBRI PRIMI.

A.C.		
336.	<b>R</b> <i>Esseſta ſub Tribunis .</i>	pag. 2.
697.	<i>Ducum origo .</i>	3
725.	<i>Prima Venetorum Ducum expeditio ad Rauennam ;</i>	5
737.	<i>Bellum inter Heraclianos, &amp; AEquilios .</i>	6
756.	<i>Conjuratio Gaſſa in Theodatum Principem .</i>	6
773.	<i>In Longobardos expeditio .</i>	7
802.	<i>Civiles Venetorum tumultus .</i>	8
809.	<i>Bellum Gallicum cum Pipino .</i>	10
827.	<i>Bellum Saracenicum primum .</i>	11
830.	<i>Curſſa inſula expugnata .</i>	13
835.	<i>Caroſſiana conjuratio in Principem .</i>	13
839.	<i>Prima in Narentinos expeditio .</i>	14
840.	<i>Bellum Saracenicum ſecundum .</i>	14
864.	<i>Secunda in Narentinos expeditio .</i>	15
867.	<i>Bellum Saracenicum tertium .</i>	16
881.	<i>Comaclenſis pugna prima .</i>	16
887.	<i>Tertia in Narentinos expeditio .</i>	17
903.	<i>Hunni à Venetis viſti .</i>	17
932.	<i>Comaclenſis pugna ſecunda .</i>	18
944.	<i>Impia finitimorum inſidia reſpreſſe .</i>	19
975.	<i>Cadeſ Petri Candiani Ducis .</i>	20
997.	<i>Hiſtria, &amp; Dalmatia in ditionem recepta: &amp; verſi Narentini .</i>	21
1005.	<i>Bellum Saracenicum quartum .</i>	23
1015.	<i>Pugna cum Adrieniſibus prima .</i>	24
1033.	<i>Bellum in Murcimirim Liburnia Regulum .</i>	24
1050.	<i>Prima Iadera deſectio .</i>	24
1080.	<i>Bellum Normanicum primum .</i>	25
1099.	<i>Bellum Syriacum primum .</i>	26
1100.	<i>Bellum Normanicum ſecundum .</i>	28
1104.	<i>Bellum Syriacum ſecundum .</i>	28
1110.	<i>Bellum Patauinum primum .</i>	29
1117.	<i>Iadera ſecunda deſectio .</i>	30
1118.	<i>Bellum Pannonicum primum .</i>	31
1122.	<i>Bellum Syriacum tertium .</i>	32
1125.	<i>Bellum cum Gracis Imperatoribus primum, Iadera tertia deſectio .</i>	34
1140.	<i>Fanenſes Libertati reſtituti .</i>	35
1143.	<i>Bellum Patauinum ſecundum .</i>	35
1149.	<i>Bellum in Rogerium Sicilia Regem pro Gracis .</i>	36
1150.	<i>Cum Finitimis navalis decertatio .</i>	37



1162.	<i>Victoria de Ulrico Patriarcha Aquilejensi.</i>	37
1163.	<i>Pugna cum Adriensibus secunda.</i>	38
1170.	<i>Bellum cum Græcis Imperatoribus secundum.</i>	38
1172.	<i>In Antonianos expeditio prima.</i>	41
1177.	<i>Bellum pro Alexandro III Pontifice in Federicum AEnobarbum Imperatorem.</i>	41
1187.	<i>Iadæ quarta defectio.</i>	43
1192.	<i>Bellum Syriacum quartum.</i>	44
1193.	<i>Expeditio in Pisanos.</i>	45
1202.	<i>Bellum Constantinopolitanum primum. Tergestum receptum. Iadæ quinta defectio. Creta Veneti iuris facta.</i>	45
1205.	<i>Expeditio in piratas prima.</i>	49
1207.	<i>Rebellantium in Creta tumultus sedati. Bellum cum Genuensibus primum.</i>	49
1215.	<i>Bellum Patavinum tertium.</i>	54
1236.	<i>Bellum in Federicum II Imperatorem.</i>	55
1238.	<i>Bellum Constantinopolitanum secundum.</i>	56
1240.	<i>Ferraria Romano Pontifici servata.</i>	56
1242.	<i>Iadæ sexta defectio.</i>	57
1247.	<i>Compressus Alexij Calergij tumultus in Creta.</i>	58
1256.	<i>Bellum in Altiolinum Tyrannum.</i>	58
1257.	<i>Bellum cum Genuensibus secundum.</i>	60
1259.	<i>Constantinopolis à Palæologis occupata.</i>	62
1260.	<i>Bellum cum Genuensibus tertium.</i>	63
1265.	<i>Civilis tumultus ob tributum.</i>	65
1266.	<i>Bellum cum Genuensibus quartum.</i>	66
1271.	<i>Pugna cum Bononiensibus.</i>	66
1276.	<i>Iustinopolis recepta.</i>	67
1278.	<i>In Anconitanos. expeditio secunda.</i>	68
1289.	<i>Bellum Histricum cum Aquilejensibus primum.</i>	69
1291.	<i>Res in Syriæ male gesta.</i>	70
1294.	<i>Bellum cum Genuensibus quintum.</i>	71
1301.	<i>Expeditio in Græcum Imperatorem.</i>	73
1302.	<i>Bocboniana in urbe conspiratio.</i>	73
1304.	<i>Bellum Patavinum quartum.</i>	74
1307.	<i>Bellum Ferrariense primum.</i>	75
1310.	<i>Bajamontis Theupoli conjuratio.</i>	76
1311.	<i>Iadæ defectio septima.</i>	78
1323.	<i>Expeditio in piratas secunda.</i>	78
1328.	<i>Bellum Histricum II cum Aquilejensibus.</i>	79
1330.	<i>Compressa in Creta seditiones.</i>	79
1331.	<i>Expeditio in piratas tertia.</i>	81
1332.	<i>Bellum Turcicum primum.</i>	81

## INDEX LIBRI SECVNDI.

1337.	<i>Bellum in Scaligeros Verona Principes Tarvisinum receptum.</i>	83
-------	---	----

1342. <i>Cretensium defectio</i> .	87
1345. <i>Iadera defectio octava</i> .	87
1348. <i>Bellum Histricum tertium</i> .	88
1350. <i>Bellum cum Genuensibus sextum</i> .	89
1355. <i>Marini Falerii Principis conjunctio</i> .	93
1356. <i>Bellum Pannonicum secundum</i> .	94
1364. <i>Bellum Creticum in Colonos</i> .	95
1368. <i>Terpestinorum defectio prima</i> .	98
1372. <i>Bellum Carrariense primum</i> .	99
1374. <i>Bellum Austriacum primum</i> .	101
1377. <i>Bellum cum Genuensibus septimum Clodianum</i> .	102
1381. <i>Terpestinorum defectio secunda. Iustinopolis iterum recepta</i> .	112
1382. <i>Bellum Carrariense secundum</i> .	114
1388. <i>Fœdus cum Mediolanensium Duce in Carrarienses</i> .	115
1397. <i>Bellum sociale in Galeatium Vicecomitem Mediolani Ducem</i> .	116
1401. <i>Bellum cum Genuensibus octavum</i> .	117
1403. <i>Bellum Carrariense tertium</i> .	118
1409. <i>Bellum cum Sigismundo Imperatore</i> .	120
1420. <i>Vtinum cum Foro-julio receptum</i> .	121
1423. <i>Dalmatia recepta</i> .	122
1426. <i>Bellum Insubricum primum cum Philippo Vicecomite Mediolanensium Duce</i> .	123
1430. <i>Expeditio in piratas quarta</i> .	126
1431. <i>Bellum Insubricum secundum</i> .	127
1432. <i>Bellum cum Genuensibus nonum</i> .	129
1433. <i>Bellum Valli Tellinae illatum</i> .	129
1434. <i>Bellum Insubricum tertium</i> .	130
1443. <i>Expeditio in piratas quinta</i> .	134
1447. <i>Bellum Insubricum quartum</i> .	135
1448. <i>Bellum Neapolitanum primum</i> .	136
1450. <i>Bellum Insubricum quintum</i> .	137
1453. <i>Bellum Constantinopolitanum tertium</i> .	140
1454. <i>Bellum Insubricum sextum</i> .	142

## INDEX LIBRI TERTII.

1463. <i>Bellum Turcicum secundum</i> .	144
1464. <i>Terpestini debellati</i> .	146
1466. <i>Bellum Turcicum tertium</i> .	147
1469. <i>AENUM à Venetis captum, Chalcis à Turcis expugnata</i> .	149
1470. <i>Socialis expeditio in Turcas</i> .	151
1471. <i>Bellum in Cilicia</i> .	153
1472. <i>Bellum in Lycia</i> .	153
1473. <i>Scodra, &amp; Napaëstus à Turcica obsidione liberata</i> .	154
1475. <i>Croja à Turcis capta</i> .	156
1476. <i>Turcica irruptiones in Forum-julium</i> .	157

1478.	Scodra Turcis tradita . Pax .	158
1482.	Bellum Ferrariense secundum, sociale cum Insubric, & Aragoniis in Venetos .	160
1486.	Bellum Rheticum Austriacum secundum .	164
1487.	Cyprus Veneto imperio adjecta .	166
1495.	Bellum Gallicum ad Tarum .	169
1496.	Bellum Pisanum cum Florentinis .	171
1500.	Bellum Turcicum quartum .	173
1503.	Bellum Faventinum .	179
1507.	Bellum Austriacum tertium .	180
1508.	Fœdus Cameracense in Venetos .	182
1509.	Bellum cum fœderatis hostibus ad Caranagium .	183
	Patauium receptum à Venetis frustra à Confœderatis oppugnatur .	186
	Vicentia recepta .	190
	Bellum tertium Ferrariense .	191
	Promiscui bellorum successus .	192
1510.	Fœdus cum Iulio secundo Pontifice .	195
	Irrita Veronæ oppugnatio .	196
	Bellum quartum Ferrariense .	197
	Bellum in Foro-julio, & Histria .	199
	Varia hinc inde hostium expeditiones .	201
1511.	Brixia recepta, mox amissa .	203
1512.	Gallorum fuga ex Italia .	205
	Brixia Hispanis prodita .	206
	Fœdus Venetorum cum Gallis .	207
1513.	Venetorum clades ad Croatium .	209
1514.	Crema obsidione liberata .	212
	Marianum proditione amissum .	213
	Bellum alterum in Foro-julio .	214
	Rhodigium Hispanis ereptum .	215
	Crema rursus servata . Bergomum recuperatum, repente deperditum .	216
1515.	Helvetii victi ad Marignanum .	218
1516.	Brixia, Bergomum, Veroua à Veneto receptæ .	220

## INDEX LIBRI QUARTI.

1527.	Bellum Insubricum septimum .	224
1528.	Bellum Neapolitanum secundum .	230
1530.	Bellum Insubricum octavum .	231
1539.	Bellum Turcicum quintum .	234
1542.	Receptum Marianum .	242
1546.	Vscocchi primum comprehensi .	243
1548.	Expeditio sexta in piratas .	244
1570.	Bellum Turcicum sextum Cyprium, Nicosia subacta .	246
1571.	Tamassus expugnata .	255

Navar-

<i>Navalis de Turcis victoria ad Ebinadas.</i>	261
1572. <i>Varii cum Turca confilius. Pax.</i>	265
1576. <i>Vseochi denud repressi.</i>	268
1601. <i>Expeditio septima in piratas.</i>	272
1605. <i>Interdictum Pontificium in Venetos.</i>	273

## INDEX LIBRI QUINTI.

1615. <i>Bellum Austriacum quartum. Vseochi deleti.</i>	274
1617. <i>Hispana expeditiones terra marique cœreita.</i>	284
1618. <i>Gradiſeia obſidione liberata. Pax.</i>	290
<i>Conjuraciones in Rempublicam detectæ, &amp; puniæ.</i>	291
1622. <i>Vallis Tellina tumultus extort, &amp; compreſſi.</i>	296
1628. <i>Mantuanæ belli origo.</i>	304
1629. <i>Venetæ auxilia Mantuæ à Germanis oppugnata.</i>	307
1630. <i>Mantua Germanis prodita.</i>	314
1638. <i>Oſtævæ in piratas expeditio.</i>	318
1641. <i>Belli Parmenſis cauſa.</i>	323
1642. <i>Barberina expeditio in Odoardum Parmæ Ducem.</i>	325
<i>Principum confociatio in Parmenſis Ducis cauſa tuenda.</i>	327
<i>Bellum Sociale, Venetum, Etruſcum, Mutinenſe adverſus Barberinos.</i>	329
<i>Ducis Odoardi ingreſſus in Romanas ditiones.</i>	331
<i>Varii armorum ſucceſſus. Odoardus Bondenum, &amp; Stellatam occupat.</i>	333
<i>Multiplices Oppidorum aggreſſiones, &amp; propugnationes.</i>	337
<i>Barberinæ militiæ irruptio in Policinium.</i>	342
<i>Marei Juſtiniani Veneti Imperatoris expeditio. Inauſpicatum Comitibus Federici Mirolî facinus.</i>	346
<i>Variæ concertationes.</i>	348
1644. <i>Pax inter federatos Principes, &amp; Barberinos. Caſtrum Odoardo Duci reſtitutum.</i>	352

## INDEX LIBRI SEXTI.

1645. <i>Bellum Turcicum ſeptimum.</i>	356
<i>Origo Cretici belli.</i>	358
<i>Turcica claſſis expeditio in Cretam. Oppugnata Cydonia deditione.</i>	361
<i>Venetæ Claſſis navigatio in Cretam.</i>	370
1646. <i>Ioannes Capellinus Claſſis Imperator. Thoma Mauroceni geſta.</i>	378
<i>Rithymna capta à Turcis. Arx deditione accepta. Andrea Cornelii interitus.</i>	377
1647. <i>Thomas Maurocenus pugnat ſolus cum Turcica Claſſe. Viſtor occumbit.</i>	378

TURCA

	<i>Turca capinnt Novigradum.</i>	
	<i>Leonardus Fusculus Dalmatia Praefectus.</i>	381
	<i>Xemonicum à Marco Antonio Pisano expugnatum.</i>	
	<i>Duracbi nece, &amp; Halyii captivitate.</i>	382
	<i>Novigradum receptum.</i>	384
	<i>Nedinum captum cum Scardona.</i>	386
	<i>Clades Messaræ in Creta.</i>	388
	<i>Sebenicum à Turcis frustra tentatum.</i>	390
	<i>Oppida Dernisii, &amp; Tininii obtenta.</i>	391
1648.	<i>Cliffa occupata à Venetis.</i>	
	<i>Turcarum immanitas in Albanenses.</i>	392
	<i>Sorichii Morlachorum duelloris trucidatio.</i>	396
	<i>Antibarim Fusculus re infecta aggreditur.</i>	
	<i>Rhizinium occupat.</i>	397
	<i>Varii rerum maritimarum eventus.</i>	
	<i>Ioannis Baptistæ Grimani ad insulam Tsyram naufragi mors.</i>	400
	<i>Aloysius Mocenicus Grimano naufrago suffectus. Candia oppugnatio.</i>	
	<i>Hibraimi Turcarum Regis interfectio.</i>	403
1649.	<i>Gesta Constantinopoli adversus Venetum Legatum.</i>	405
	<i>Navalis victoria de Turcis in Phocæa portu.</i>	407
1650.	<i>Candia iterum oppugnata.</i>	410
	<i>Maritima expeditio. Intercepta Cydoniæ subsidia.</i>	412
	<i>Castra Theodori, &amp; Turluru recepta, &amp; diruta.</i>	413
1661.	<i>Venetæ Classis couflictus cum Turcica.</i>	414
1652.	<i>Duare oppidum in Dalmatia captum.</i>	416
1653.	<i>Navalis Classis successus Imperatore Leonardo Fusculo.</i>	418
1654.	<i>Pugna cum Turcica classe infelix.</i>	419
	<i>Irrita Tininii oppidi aggressio Laurentio Delphino Dalmatia Praefide.</i>	421
	<i>Morlachorum irruptio in Turcas. Pirata domiti.</i>	423
	<i>Aloysii Mocenici altera in Turcas expeditio. Eiusdem mors.</i>	424
1655.	<i>Aegina, &amp; Pollus expugnata. Hieronymi Fuscarenii obitus.</i>	425
1656.	<i>Multiplex in mari cum Turcis dimicatio. Laurentius Marcellus pugnan-</i>	
	<i>do interiit.</i>	430
	<i>Tenedus, &amp; Lemnus insula capta. Alexandri Borri, &amp; Horatii Parmen-</i>	
	<i>sis Principis obitus.</i>	435
1657.	<i>Lazari Mocenici gesta cum Turcis, &amp; interitus.</i>	438
	<i>Tenedus, &amp; Lemnus à Turcis receptæ.</i>	443
1658.	<i>Turcica excursionnes in Dalmatia compressæ. Ascrivium defensum. Ca-</i>	
	<i>milli Gonzaga mors.</i>	446
	<i>Respublica externis auxiliis adjnta.</i>	448
	<i>Francisci Mauroceni in Cretam expeditio. Maritima ejusdem facinora in</i>	
	<i>Turcas.</i>	449
	<i>Hieronimi Contareni pugna cum Turcis.</i>	452
1659.	<i>Castri, Ruzi, Toronis, &amp; Chia arcis expugnatio.</i>	453
	<i>In Dalmatia repressi Turcici excursus. Dominicus Contarenius Dux.</i>	454
1660.	<i>Schiaston Castrum captum à Venetis. Clades accepta ad Cydoniam. Al-</i>	

	<i>merici Ateflini Principis mors.</i>	455
1661.	<i>Res à Maurocenis Francisco, &amp; ejus successore Georgio gesta.</i>	459
1662.	<i>Mari, terraque cum Turcis certatum.</i>	461
1663.	<i>Successus varii in Dalmatia, &amp; Creta.</i>	464
1664.	<i>Intercepta subsidia, &amp; plura Turcarum navigia.</i>	465
1665.	<i>Primi Visiri Achmeti profectio in Cretam. Obitus Ioannis Capellii, cuius, &amp; Ballarini omnis de pace tractatus inanis.</i>	467
	<i>Senatus Marchioni Villæ peditum Præfecturam decernit: hic lustrat Dalmatiam Præside Catharino Cornelio. Intercipiuntur Turcici com- meatus.</i>	471
1666	<i>Varia eventuum vicissitudines terrestres, ac maritima.</i>	473
	<i>Turcæ Dalmatiam excurrunt, Ballarini obitus, Candiam terrent infortu- nia. Captivitas Ægyptii Sanguachi Ramadami.</i>	477
1667.	<i>Obsessa Candia annus primus, Hieronymus Iavarina Ballarino subroga- tus pestilentia in Turcarum castris absumitur.</i>	480
1668.	<i>Senatus Aloysium Molinum mittit ad Turcas pacis Legatum. Annus obsesse Candie secundus.</i>	487
	<i>Nocturna in mari pugna cum Turcis. Durachus Bejus vißus occiditur.</i>	489
	<i>Catharino Cornelio Classis administrationem Senatus tradit. Villa Can- dia discedentis vicē S. Andrea Marchioni Mombruno Gallo committit.</i>	492
	<i>Ducis Bassæ in mari pugna cum Piratis Gallis, cum Vitali, &amp; Lescasio. Leonus navium Præfectus contra decem Punicas à tribus Venetis de- fenditur.</i>	493
1669.	<i>Obsessa Candia annus tertius. Pacem à Visiro cum Molino pangendam disturbant auxiliares accessus. Catharini Cornelii interitus.</i>	497
	<i>Candiam accedunt Gallica auxilia. Erumpunt in Turcas tristi eventu. Ducis Belfortii mors.</i>	503
	<i>Nulla navalium suppetiarum utilitas. Novalea ab Creta discessus. Mirandulani subsidii extenuata vires.</i>	505
	<i>Candia deditio. Pax.</i>	512

ERRATA			CORRIGENDA	
Pag.	lin.	Err.	leg.	
17	6	ceciderit		ceciderit
30	29	ceciderit		ceciderit
34	8	is		isidem
67	9	redigerunt		redegerunt
149	4	Romanus	adde	Pontifex
199	16	parumque		parumque
225	31	summissis		submissis
238	11	Curzula		Curzola
383	12	Xemonium		Xemonium
396	3	Ducis		duktoris
418	20	hæc		hæc igitur
425	23	alienissimo		alienissimo
447	16	quasi		quasi
448	29	eb		ab
455	23	Saxorum		saxosum
461	5	lunaris		lunaris
471	7	lustrat	adde	hic lustrat
496	15	ceciderint		ceciderint

Vidit Nicolaus Gulielmus C. P.

IOAN-





# IOANNIS BAPTISTÆ

V E R I



CANONICI PATAVINI

## RERVM VENETARVM

L I B E R P R I M V S.



I ulli populo unquam visum est licere suam ad Deos originem referre, Veneto maximè jus est; neq; enim, nisi Deum in aquis tantæ molis, ac tanti miraculi auctorem existimare ab eventu putandum: ac Deo conditori, quo quidem nomine nemo alius mortalium gloriari potest, stupenda suis primordiis augu-

stissimæ Vrbis incrementa, atq; in hunc usque diem sapientissimæ Reipublicæ administratio humanæ varietatis expers, respondent. Etenim grata Civitas à Numinis cultu sub ipsum initium, & à religione natalem annalesque suos auspicata est: nempe à dedicatione Templi, quod incendio repente sedato dicatum Divo Iacobo, extruxit, post Christum natum ccccxj. mense Martio. Prima Vrbis administratio neque Regia neque Consularis. Vnicum, aut ex sin-

A gula-

gulari duplex imperium olim in tyrannidem abiit. Quae de causa prudens Resp. suum libertatis decus plurimum dominio fascibus integrum tutari voluit. Singulis nanque in insulis singuli creabantur Tribuni, penes quos summa vitae, necisque erat auctoritas. Annuum placuit esse hunc magistratum, decretumque; ut si quid gravius accidisset, conventus omnium indiceretur in aliam, atque aliam insulam, ne in una continuata dignitas invidiam pareret, atque imperii jus collocare videretur. Verum quia tantæ Reip. initia, leges, acta claris scriptoribus memorata sunt: nos paucis perstringemus & quas ipsa domi contentiones, & studia habuit: & quæ foris bella à primis ad hæc usque nostra tempora confecit.

*Res gesta sub Tribunis.*

A.C. DXXXVI.

**V**enetum nomen propagari cœpit iis artibus, quibus deinceps semper Majores nostri studuere, nempe maritimis: nam in mari fundata Vrbs, à mari, aut injuriam timere, aut illatam vindicare debuerat. Anno quingentesimo trigesimo sexto Iustinianus Imperator Amalasunthæ Reginæ necem ulturus in Gothos bellum suscipit, duce Belisario. Hic adversus Vitigem ejus gentis Regem Romam strenuè defendit, cæsoque exercitu, reliquum hostem Ravennam usque propellit, quò insecutus fugientem, cum urbis munitionibus tutum expugnari posse diffideret, ad deditionem fame compellere meditatur. Sed quia deerant naves, quibus à mari, & à fluminibus prohiberentur transpadanæ Gothorum urbes, ne commeatum obfesso Regi deferrent, petit Belisarius à Venetis, ut iis comparatis, atque instructis, natum penè cum ipsa Rep. Græcorum imperium tuerentur. Præsto fuere, nihilque duxerunt illustrius, quàm pro amico Principe arma primum

mum capeſſere. Naves ergo alias adverſo Pado traducunt, ne Ticino Ravennam aliquid inveheretur: alias in fluminis oſtio ſiſtunt, ne quid à vicino mari in obſeſſum oppidum comportari poſſet. Hæc inter hoſtica claffis, Vitige per extrema omnia opem ſolicitante, Ticino delata ſecundo amne in Venetam irrupit ſolidè inſtructam. Repulſi fractique Barbari, Veneto ex navibus acriter, nec minus ab utraque Padi ripa Belifarii milite dimicante, poſt deſperatam ſalutem ſeſe cum tota claſſe dedidèrè Imperatorio duci, penes quem belli fructus, apud Venetos ſumma laus fuit. Hac una victoria occupata Ravenna, & captus Vitiges. Anno poſt hanc pugnam quintodecimo Totilas Italiæ Regnum adeptus cum altero Juſtiniani exercitus ductore Narſete infelici exitu conſluxit. Primum victoriarum omen pro Græcis apud Anconam maritimam urbem illuxit, Venetis navali prælio decertantibus. Hi compluribus roſtratis ad liberandum obſidione oppidum navigantes, cum in Gothicas triremes, & numero, & robore validiores incidiffent, iniquos apparatus æqua virtute tolerarunt; Vtriſque igitur infeſtis proris concurrentibus, dubio Marte aliquandiu pugnatum eſt: tandem procedente prælio, quo Veneti clarum militiæ ſpecimen edidèrè, Totilæ claffis proſtigatur.

*Ducum Origo.*

DCXCVII.

**C**Aeterum Tribunicia poteſtas, quæ ducentos annos duraverat, ſub hoc tempus novo Magiſtratu inducto, in hunc modum excidit. Cœperant finitimorum armis Reipublicæ fines turbari, vixque intra ipſas inſulas, Tribunorum incuria atque inertia, Veneti tutos ſe credebant, ſæpius à proximis populis piraticam exercentibus vexabantur. Hi Gradum, & Heracleam continentis oppi-

A 2 da

da populari, noctu in Rivoaltum descendunt, ibidemq; aliquot deprædantur onerarias. Navium custodes à Tribunis tum negligentius suo munere fungentibus in excubiis dispositi, non prius latrones repulere, quàm in condito clamore universam Civitatem perturbassent. Re cognita fit undique ad naves concursus, fuganturq; tumultuaria decertatione piratæ, non paucis tamen Venetorum aut occisis, aut vulneratis. Insolita clades adeò omnium animos perculit, ut quasi violata Urbis esset securitas, & libertas, Tribunis abrogatis, unius Principis, novus indaceretur Magistratus, nomine Ducis. quo pacto prudenter constitutum, ut in eo, quod titulo rectius, & augustius est, apud unum, unius nomen, & majestas supra cæteros insignis esset: &, quod pro libertate singulorum tutius apud plures, administratio, & imperium pluribus, iisque Patriciis, committerentur. Anno servati orbis sexcentesimo nonagesimo septimo: urbis verò conditæ ducentesimo septuagesimo sexto primus omnium recenti dignitatis splendore Paolucius Anafestus insignitur, vir præ aliis conspicuus. Anafesto Marcellus Heracleanus successit. hunc excepit Horleus Vrsus, qui ab instituta Ducis dignitate cùm trigessimus nondum annus præteriiisset, facinorosa seditiosorum manu opprimitur. Tanta rei novitate perturbata Resp. alteram publicæ administrationis formam reperit, & pro Ducibus Magistros militum sibi creavit, quorum munus annuum. Attamen & his post sextum annum sublatis, cùm se superbe, atq; insolenter gererent, ad Duces reditum est. His primùm Heraclea urbs: deinde Methamaucum imperii sedes fuit: postremò Rivoaltus. Cæterùm si Reip. benè constitutæ salus, dignitas, ornamenta, & securitas firmantur legibus: his Veneta tam sanctis semper usæ est, ut non mirum, si per tot jam ætates primam illam & religionem, & nunquam interruptam libertatem pari fortuna, studioque ad nostrâ usque sæcula conservatam.

con-

conservatura deinceps sit. nam cujus origini Deum assuisse compertum est: nunquam ei humanam virtutem, & sapientiam crediderim defuturam.

*Prima Venetorum Ducum expeditio ad Ravennam.*  
DCCXXV.

**H**Orleus Vrsus ita quotidianis laboribus, rebusque navalibus Venetam juventutem exercuit, ut ea, quæ tum temporis quasi adhuc metu proprii exitii collecta multitudo in insulis veluti delitescibat, apud externos demum clarior innotuerit. Hinc primùm sub tanto Duce Venetæ genti peperit decus Ravenna recepta. Parebat ea urbs Græcis Imperatoribus, quibus Veneti favebant publicæ augendæ rei studio. Civilium per ea tempora discordiarum fluctibus agitatam facile se oppressurum vix agnovit Luithprandus Longobardorum Rex cum exercitu Ildeprandum nepotem transmisit, qui brevi urbem non tam bellicis oppugnatam operibus, quàm intestinis dissidiis proditam occupavit, fugato Exarcho. Is ad Venetam fidem confugit, Gregorio II. Romano Pontifice ad Rempublicam litteris flagitante. Missum igitur instructissimæ classis auxilium octuaginta triremium. Sed ut hostes nihil minùs metuentes faciliùs pellerentur, Horleus, ficto repudiati Exarchi titulo, evulgatoque suo in Orientem apparatu, noctu Ravennam enavigat. Ita, ubi primùm illuxit, propè urbis moenia applicuit, jactis, quàm opus, pontibus, & per muros maturato usu scalarum jubet suos in incautos descendere, uno, eodemque tempore, quo Exarchus, dato signo, cum terrestribus copiis, quas tumultuario delectu in Aemilia comparaverat, urbem clamore maximo, impetuque aggreditur. Exciti re inopinata Longobardi, Venetum jam incubantem faucibus nec repellere, nec sustinere potuerunt. Ildeprandus somno adhuc obrutus, improvisoque tumultu

tu perterrefactus, cum neque consilii quidquam, neque virum, occiso Peredæo duce, amplius haberet, in Vrsi potestatem devenit. Sic Ravenna Longobardico jugo erepta Græcis restituitur: atque inde Venetum nomen illustrius redditum, ac in finitimos postea acrius, vehementiusque insurrexit.

*Bellum inter Heraclianos, & Aequilios.*

DCCXXXVII.

**B**ellum hoc civile crescentis Reipublicæ statum aliquandiu turbavit. De finibus in multos annos protracta controversia inter Heraclianos, & Aequilios: nunc assidue, & sine intermissione toto biennio infestius repetita est, sæpius ancipiti eventu, certa demum utriusque gentis calamitate, & vastatione ambarum urbium, quæ ad Anaxi ostia sitæ erant. Præsentium discordiarum Vrsus auctor habitus, dum Heraclianis nimium studere creditur, adversæ partis odium incurrit: quare post multas hinc inde illatas, acceptasque clades à tumultuante populo interficitur, mutata in Principem fide vel metu, vel necessitate.

*Conjuratio Galla in Theodatum Principem.*

DCCLVI.

**T**heodatus Vrsi Principis filius, ac publicæ dignitatis heres, ut partes expleret optimi Ducis, cujus in primis est tueri suos, ne unquam externis pateant aggressionibus, Brundulum castrum, quod imminet ostio Athesis, quæ in mare influit, firma arce muniendum, latisque vallandum aggeribus curavit: profectus & ipse in eum locum, ut opus præsentia acceleraret. Hanc nactus occasionem Methamaucenus quidam, Galla nomine, tyrannidis suspicionem

sem in Principem apud cives concitavit. Ea injecta vulgo, creditaq; cum nimia suspecti sceleris indignitate omnium animi angerentur, facta conspiratione, ad arma concursus est, ac Theodatus ex improvise interceptus congressu iniquioris aliquanto pugnae, fortisque, dum parati imparatos invadunt, fuga etiam sibi consulentibus, qui circa Ducem versabantur: in quem exinde Galla sceleratas manus injecit, ac dignitate, nec non & oculis orbatum procul à patrio solo relegavit. Restitutæ quasi libertatis vindicti Gallæ summus Reip. honor defertur. sed cum partem scelere potestatem per scelus exerceret, ea altero anno exiit, effossisq; luminibus justas sui flagitii poenas persolvit.

*IN Longobardos Expeditio.*

DCCLXXIII.

**A**Dversus Longobardos Carolus Gallorum Rex, ob res præclare gestas, Magnus cognomine, prospere dimicavit. Eos populos ducentis ante annis ad invadendam Italiam è Scandinavia Oceani Aquilonaris peninsula exciverat Gothorum terror, exitiumque Narses, masculæ prorsus virtutis miles, qui non minùs sagaciter, quàm verè Imperatrici se ad pensum revocanti, ordiar, inquit, telam, quam nec ipsa tu, nec maritus facillè retexet. Postremus Longobardorum Rex Desiderius, quamvis exutus viribus, armisque Gallicis Ticini obsideretur, haud tamen recuperandi Regni spem abjecerat, qui aperto amne sat commodè bellum trahebat. Quamobrem, ut urbs cum hoste citiùs caperetur, Venetorum auxilia sollicitari cœpta. Hi Romano Antistiti, Regiq; Gallo sic precantibus XXV armatis navibus in Padum, Ticinumque trajecti, omni auxilio inclusum hostem spoliant; eundemq; sequenti anno victum, capto oppido, in Galliam Carolus abducit. Ex hac decora expeditione Veneti ab Adriano Pontifice in grati

grati animi monumentum obtinent, vt Episcopali dignitate Rivoaltus nobilitaretur, quam olim Gradenitium propriam demum in Patriarchalem commutavit Nicolaus Quintus sexcentesimo, ac septuagesimo septimo post anno, idque muneris, honorisque Laurentio Iustiniano sanctissimo viro primùm obtigit.

*Civiles Venetorum tumultus.*

DCCCII.

**M**Auritus Galbajus Princeps, ita sibi in Reip. administratione publicum amorem conciliarat, ut filiam obtineret dignitatis consortem, & successorem, pernicioso quamvis ad posteros exemplo, quod annis CC. circiter, ac LX. usque ad Principatum Dominici Flabanici invaluit: nam tum mos ille cooptandi in gubernanda Rep. socii, successorisque sublatus est. Mortuo Galbajo Ioannes filius Mauritium ex se natum in imperio collegam ascivit. Sed vt primùm juvenis mores se detexere, Venetos concessæ potestatis pœnituit. nulla erant scelera, quæ liberæ genti invisa non committeret. hæc Pater dissimulatione alcebat: quare eò usque progressum, vt ex sese Mauritius omnia tam humana, quàm divina administraret. Ea propter Ioannes Patriarcha Gradenfis amicitix jure crebriùs admonuit, ne pergerent tantis criminibus se fœdare: scirentq; libero populo imperare sibi datum. Verùm degenerant Principes in tyrannos, quando justæ admonitionis sensum excutiunt. Illi pium censores ægrè ferentes Gradum paratis bello navibus clam provehuntur, Patriarcham fraudis ignarum capiunt, celsaque turri præcipitant exprobrantes ei, quòd Principibus oblatrasset. Infandum parricidium Venetus, aut ferro, aut igni expiandum conclamat. at interim popularem impetum compescuit delata Patriarchalis dignitas Fortunato demortui nepoti. Is nihilominus com-

missi



missi à Ducibus sceleris vindictam reposcens, conjuncto sibi Obelerio Methamauceno, ad Carolum Magnum in Galliam proficisci meditabatur, ut regia arma adversus Duces excitaret. de hoc illi moniti consilio Gradum rursus perrexerunt. Fortunatus arrepta fuga maturavit in Galliam: Obelerius cum in Tarvisinum agrum recessisset, ab exulibus Venetis, & Ducum hostibus Reip. Princeps declaratur, validaque agrestium manu adiutus, Methamaucum oppugnatum venit. Joannes, & Mauritius à suis destituti, cum se armato hosti opponere non possent, subito effugio, Mantuam petiere. Victori Obelerio publica administratio confirmatur, datusque socius frater, cui Beato nomen. Interim, quia de revocandis in urbem, & imperium Ducibus compertum est studere Heracleanos: Obelerius Aequiliorum auxiliis subnixus impigrè obstitit. nec manu minùs, quàm lingua promptus, ut Joanni, & Mauritio spem omnem in patriam redeundi eximeret, suis persuasit, non priùs à civilibus discordiis cessatum iri, quàm ipsa una Heracleanorum urbs funditus deleteretur. ita commisit utrumq; populum, qui in diversa distractus continuis dissidijs, præliisque se cò usque laceravit, donec mutua clade cives, mutuoque excidio civitates ambæ conciderint. Ex eo tempore Methamaucum, & Rivoaltus insulæ habitatoribus auctæ. Cæterùm exacti Duces patria, & honoribus spoliati, Nicephorum Græcum Imperatorem adiere imploratum subsidia, quibus ad suos reducerentur. Quam ob causam Fortunatus & Obelerius veriti, ne impetrata ope pellerentur, Pipini Italiæ Regis arma in Græcos rebellium auxilios fautores sollicitarunt. Attamen diversum sortita est eventum Gallica expeditio; dum sanior Veneti populi pars, Angelo Baduario consulente, in eam sententiam coiret, non esse cum Nicephoro fœdera violanda. Hinc Obelerius, ac Beatus, qui contrà obstinatissimè nitebantur, popularem tumultum ut declinarent, exules urbe discesserunt, ac in

B

patriam

patriam concitavere Pipinum . Nec multò pòst divisum Orbem constat inter Carolum Magnum Pipini patrem, & Nicephorum ea lege, ut alter Orientis, alter Occidentis Augustus diceretur: & medius inter duo Imperia, veluti utriusque terminus, Veneta Respublica staret, tertium veluti Numen, nulliq; obnoxia majestas.

*Bellum Gallicum cum Pipino.*

DCCCIX.

CUM Pipino Italiæ Rege declarato bellum gessere Majores nostri, non tam hostium strage funestum, quàm suæ virtutis experimentis præclarum: atque tum primum pro libertate deprompta fuerunt arma. maximeque hoc bellum curam Reip. sollicitam habuit. populus enim in se, vicinosque satis pollens, utrùm in procurrentis imperii Gallici impetum, ac in omnem partem valeret, non sine trepidatione dubitatum. Ea certè belli contentio fuit, ut in experimentum illata fato putaretur, an scilicet Veneta virtus imperium stabile contra omnes, ac æternum quaqua- versum habitura foret. Re vera Pipini ambitio Venetos invasit, ut imperij sui fines dilataret. Nostri hostium minas sprevere primum freti Græcorum classe sub Paulo Patricio: quo tandem discedente, propter occultas cum civibus quibusdam similtates, soli rem sedulò navarunt. Sub hæc conatur Pipinus legatione transmissa Venetos ab Imperatore Græco retrahere: idemque speciosis nominibus agit cum Dalmatis, ut horum populorum auxiliis, concessq; usu portuum, tutius alienas ditiones occuparet. Nostri, quamvis neutrius censerentur imperij, Nicephori tamen rebus summè aderant, cum id Reip. interesset. quare neque regiis in præsens postulatis, ut antea, neque Ducum adhortationibus acquievere. His commotus Pipinus bellum acerrimè intendit, parataque numerosa classe primum Dalmatiæ portus

portus vexare cœpit: mox inde crebris incurſibus proxima urbi loca infeſtare. id animo cogitabat fore, conſulente Obelerio, ut occupatis in vicinia inſulis, & oppidis, nulli Venetias commeatus importarentur, atque ita noſtri, excluſis terra marique ad vitam neceſſariis, inedia tandem, ultimo obſeſſarum urbium malo, compulſi deditionem facerent. At Veneti, nec hoſti cedendum, nec bellum remittendum rati, ut Gallum propulſarent, majores naves in anchoris juxta Meduaci portam ſtare jubent adverſus navigia, quæ Rauenna duci credebantur, Brunduli arcem geminato præſidio communiunt: & contra fluviatiles lintres ex omnibus inſulis contrahunt minores cymbas. Hæc inter Pipinus terreſtri exercitu omnem littoris oram occupat, Brundulano vico poritur, præter arcem. Clodiam exinde pergens ſubegit, ac reliqua circum ſtagnantia loca breui temporis momento in poteſtatem ſuſcepit. Methamau-ceni, cognita vicinarum gentium calamitate, certique imminere hoſtem, mature omnes in Rivoaltum confugerunt; vacua Gallis hoſpitia relinquentes. Ejus fugæ nuncio Pipinus graviter iratus, quia ſe tum deceptum ſpe, ſuiſque è manibus elapſam prædam videbat. Noſtri in Rivoalto confidentes ob inſulæ inacceſſæſitum univerſas Gallorum vires, & furias in circumſuſis longè, lateq; æſtuarijs facilè ſperabant eluſum iri. Interim compluribus diverſi generis extructis navigiis Rex ex Albiola ſolvit, & ut pro comperto habuit, Venetis certum eſſe, aut mori, aut vincere, in eos ferociter movit innumerabili miſſilium jactu. illi, quibus à Clafſis Præfecto, cui Victori nomen, foelici omine, in hoſtem promittebatur victoria, tum navium agilitate, tum rei navalis, ac præſertim canalium errantium peritia, obſervato aquarum in altum recurſu, in adventantem Gallum à fronte, à lateribus impigrè inuehuntur. Crudele continuò miſcetur certamen. hoſtes prædæ cupiditate trahi: Veneti pro aris, focisq; proq; ipſa libertate, qua nihil

carius, in pugnam ruere. ob id acerrimè dimicantes memorabilem Gallorum cædem edidere. Ita fractus Pipino animus, injustæq; expeditionis præmium clades, dedecus fuit, ac foedus discessus: immò certa mors. ubi enim Mediolanum se recepit, debacchante in semet ira, ob rem malè gestam, paucos intra dies extinctus est. Sic aduersus Caroli Magni filium prosperè pugnatum accepimus: & bono Reip. fato. nam tum primum ob excisum Methamaucum Ducalis sedes in Rivoaltum ab Angelo Baduario, qui Gallicam dissuaserat societatem, ad publicam evecto administrationem traducta est, quò loci in posterum adeò crevit res Veneta, ut non minùs finitimis, quàm longinquis populis etiam bello par esset: ipsaq; urbs haud immeritò omnium Italicarum regina habeatur.

*Bellum Saracenicum primum.*

DCCCXXVII.

**S**Araceni superioribus annis vincendo longiùs progressi Constantinopolim, Byzantium olim, integro septennio obsedere: mox ab irritò conatu in Hispaniam navigantes, totam eam provinciam, Gothis foeliciter expulsis, occuparunt. At Galliam deinceps incurstantes, victoriisq; audentes Carolus Martellus contudit, prostravitq;. Tandem barbaræ quod reliquum nationi Sicilia, Calabria, Apulia, & Italiæ pleraque patuerunt. Cum his hostibus Veneta virtus pro sociis diu se exercuit: atque tum Michaelis cognomento Balbi Græci Imperatoris precibus in Siculam expeditionem Senatus misit. Susceptum in impios hostes bellum Deus non tam læto beavit fine, sed etiam muneribus auxit, allato per eos dies ab Alexandria Divi Marci Evangelistæ corpore, ut illum pro tutelari suo numine Veneta Resp. perpetuis deinde temporibus veneraretur.

*Curiæta insula expugnata.*

DCCCXXX.

**O** Belerius, post acceptam à Pipino cladem, in Curiætam insulam, hodie Vegliam, recessit: sed neque tempus, neque continuata calamitas extinxerant adhuc omnium malorum incendia, cupiditatem imperii, & ambitionem. Quamobrem excitatis media in urbe factionum discordiis, cœrebat patriæ, ac pristinæ dignitati restitui. Illum Methamauceni cives asserabant æmulatione, & invidia Joannis Baduarii Ducis patria prohiberi: jamq; minacibus armis apparebat manu reducendum Obelerium. cùm Princeps prudenti consilio domesticos in primis tumultus reprimere aggressus, sublati penè omnibus aduersæ factionis, Methamaucum scelestorum sedem immisso igne delevit. Secundùm hæc comparata classe in auctorem scelerum se convertit. Tenuit eo usque Curiætam dura obsidione, donec vi expugnatam redegit in potestatem, ac patriæ hostem ultus est. Is oppressus jugulatur, atque militum manu digno suis criminibus supplicio discerpitur.

*Carossiana conjuratio in Principem.*

DCCCXXXV.

**C**arossius quidam nomine, clarus genere, excogitati in Ducem nefandi sceleris patricos satellites habuit. Hoc auctore contracta perduellium societas, & inita conspiratio in necem Joannis Baduarij, cui nihil aliud æquè, ac virtus, & fortuna invidiam mouit. Princeps facinorosum impetum effugio in Galliam declinauit, & Carossius publicam administrationem, quasi vacantem, inuasit. Verùm quia malè acquisitum imperium haud faciliè retinetur:

Veneta

Veneta plebs semper in priorem, ac legitimum dominum pari fide, Carossium adorta, orbatum oculis extra urbem eiecit: neque his contenta, sociis conspirationis ad unum conquisitis, trucidatisque Joannem postliminio suæ reddidit dignitati. Postremò, quòd is graves simultates cum Mastalicia gente, cuius summa apud populum gratia, & auctoritas, exerceret, Gradum relegatus est, ne scilicet continuante dissidio Resp. gravius aliquod damnum contraheret.

*Prima in Narentinos expeditio.*

DCCCXXXIX.

**N**arentini iuxta Naronem fluvium non procul ab Epidaurò ad Illyricum mare siti, suis è latebris anguium more proreptantes quotidie ferme in mercatorias Venetorum naves erumpebant. Infidantium fallacia scopulis ferè, & sinuum fraude juvabatur. Contra prædones modò prospera, modò adversa fortuna visa est. In primo cum illis conflictu sædè repellimur, Petro Tradonico Duce. Hic demum ab externo præservatus hoste domi periit, facta fuorum conspiratione. incertum qua de causa: sed cùm in parricidio nulla satis iusta ad sceleris patrocinium prætexi posset excusatio, de fontibus ultio est habita. Cæterùm non prius Narentino bello C, ac LXX annorum finis datus, quàm jugum illi genti impositum, dirutaq; oppida, ut hodie, quæ, & ubi fuerint, requiratur.

*Bellum Saracenicum secundum.*

DCCCXL.

**V**astabant incendiis, & rapinis Græcas cum primis insulas Saraceni, nihilque extra injuriam, quod ferro, & igne peti posset. Græci proprijs diffisi viribus, sensim colla-

collabante Orientis imperio, ad cohibendas hostium populationes Veneta auxilia impetrant. delectu à nostris validissimarum navium habito in hostes itum est: Venetam, Græcamque classes ductabat Joannes Tradonicus: Saracenam Sabbas. Hic nostros juxta Crotonis littora operire statuit, quò demum loci supervenientes acre cum barbaro iniere certamen. utrimque totis viribus, animisque concursus est, & stetit, post longum, variumque congressum, apud fœderatam classem victoria, nisi Græci ad primum ferè pugnae signum turpiter effugissent. Exinde universus hostilium armorum connisus, & rabies conversa in Venetum, qui diu sibi, reliquisque animo, ac virtute par, ad extremum numero hostium, ac suomet labori impar lassas manus, non victas Saraceno permisit. Triremes ferme omnes, aut captæ, aut mersæ. Prospero hoc successu elati Barbari in Dalmatiam rectà nauigarunt, ut onerarias Reip. apud Tergestinos interciperent, cùm prius singulos captivorum variis cruciatibus enecassent, atque ita omne odium tum in Venetum nomen effudissent.

*Secunda in Narentinos expeditio.*

DCCCLXIV.

**I**llata ab Saracenis clades Narentinis invadendæ Reip. occasionem præbuit. quamobrem per ea tempora ita Adriaticum mare infestum reddebant, ut Venetiarum ora nihilo melior appareret, quàm cujusque arctissimè obsessi oppidi. Sic oppressa civitas in latrones continuo exiliendum proclamabat. non expectandum, ut mediam in urbem irrumpentes, hucusque florentem infanda barbarie fœdarent. Patres iis querelis accensi, vulgique alacritate animosa in victoriæ auspiciis traducta, XXX longarum navium classem quàm celerrimè comparant, cui Ursus Baduarius præficitur, vir tanti nominis in re bellica, ut ad  
evul-

evulgatum instructæ classis, delectiq; ducis nuncium Narentini reformident. ob hanc probè causam, non modò sese subcuntri Baduario obicere non audent, sed etiam supplices pacem per Legatos exorant. Hæc tutior sperata victoria Venetos præbuit faciles deprecantibus: nec alia lex deditis injuncta, quàm ut rata æstimatione, quæ damna intulissent, ex æquo, & bono ea rependerent.

*Bellum Saracenicum tertium.*

DCCCLXVII.

**S**Araceni ad consueta latrocinia reversi Dalmatiæ, & Histriæ maritimas oras depopulantur: demum Gradum per rapinam, & nefas invadunt. Ursus Baduarius Princeps in proximos hostes, & ipsi fortasse urbi ex vicinia insidiantes valido navium apparatu progressus est. Eos circa Gradum præpropere accessu, inopinoq; ita perterrefecit, ut vel ipso pugnae indicto signo turbarit adversam classem, & in fugam converterit. Fugientem insecutus hostem non procul à Tarento penitus profligavit. Rei foeliciter navatæ testis erga Principem extitit publicus Venetorum favor. illi ab expeditione revertenti datus consors imperii Joannes filius, qui tunc etiam ipse non minori virtute contra Barbaros pugnaverat.

*Comaclensis pugna prima.*

DCCCLXXXI.

**I**oannes Baduarius paternæ dignitatis heres Comaclum, quòd intra antiquæ Venetiæ limites esset, Reipublicæ uti debitum asserbat. Hac de causâ fratrem, nomine Baduarium, Romam mittere statuit, ut Pontifice auctore oppidum Veneto juri cederet. Comaclenses explorato Ducis consilio asciscunt in auxilium Rauennates, & Venetum legatum



legatum per suos fines transeuntem adorti multis vulneribus ab itinere avertunt. Baduarius in patriam reversus brevi post interiit. Joannes injuriam, fraternamque cædem ulturus justa classe Comaclum aggreditur, tantoq; irati animi æstu, ut oppidi non contentus expugnatione, omnes ferè illius incolæ cruenta pugna ceciderit. Sed neque hæc vindictæ cursum sistit; impotens est enim iracundiæ gustus, ac sui ipsius esca, & fomes; in ipsos Ravennatium penetrat fines omnia vastando flammis, ferroque, nec prius metam cædibus constituit, quàm desideratis, qui cæderentur, cum reliqui sibi fuga, vel in proximos montes, vel in subjectas castrorum munitiones jam antea consulissent.

*Tertia in Narentinos expeditio.*

DCCCLXXXVII.

**H**I populi, quasi anniversarii Reip. hostes ex Illyrio Caprulas usque, inq; ipsa urbi proxima loca prædabundi advolarunt. Illos à rapinis Venetus ut dimoveret, longis aliquot rostratis insectatus, haud procul à Miculo Dalmatiæ promontorio offendit. Petri Candiani Ducis exemplo, & adhortationibus valida in prædones facta est impressio, primoque congressu res Veneta superior fuit. Cæterùm nutante fortuna, dum Candianus nimium victoriæ audus in confertissimos sese hostes protrudit, ictu sagittæ perimitur. Eo casu consternata classis, cum sine duce loco stare non posset, nudatur sensim defensoribus, & in rapaces manus tota concedit.

*Hunni à Venetis victi.*

DCCCCIII.

**R**es publica si qua vulnera superioribus bellis acceperat, ea Hunnorum spoliis lenivit. Gens illa Scythica

C

thica denuò suis excita sedibus devicit in ipsis Italiæ faucibus Berengarium . atque inde strages, ruinasq; tectis, agrisque inferendo in Carnorum regionem sese effudit : magno demum impetu erupit in hanc nostram provinciam fama Venetarum opum . Tota igitur Venetia iis ingruentibus miserandum in modum vastata ; nobiliora oppida direpta, everfaq; ac inusitatis cladibus infelices populi afflicti. Hoc rerum cursu, nulloque resistente, Hunni, combusta Clodia, nihil prætermittunt, quod nostri, aut pati, aut timere possent . & cum vnam Rivoalti oppugnationem procaci animo volverent, ad hanc paratis undecumque ratibus se instruunt . Porro Veneti, qui adversis in rebus semper invicto fuere animo, ad immanissimum hostem longè arcendum ingentiaudacia, & Gallicæ quondam cladis recordatione erecti bellum procurant, exiliuntq; animosi, præsentē Petro Tribuno Principe . Manus circa Albiolam confertur, & res primò missilibus geri cœpta hostium ictus invalidi cadebant, quia instabiles, incertique . nam jaculatores barbari terrestribus assueti præliis fluctuabant in lintribus . Veneti navibus firmi, veluti stataria pugna, hostes faciliè turbare, sternere, fundere, injectisque harpagonibus in fugam datos sistere, ut uniwersi aut gladiis, aut aquis perierint . Constat, modico Veneti sanguinis impendio tam celebrem de Barbaris hucusque victoribus victoriam constituisse .

*Comaclensis pugna secunda .*

DCCCCXXXII.

**C**Omactenses, deposita prioris cladis, & Venetæ virtutis memoria, obsessis viarum aditibus, in nostros illic transeuntes, latronum more grassabantur . cives sæpiùs conquesti, & mercatores de interceptis mercibus ingeminantes querelas Remp. ad arma compulerunt . sed non priùs hostibus illata, quàm præmissa legatio, qua repetere-  
tur

tur ablatum. Et tamen tum recepta, cùm ex Reip. lege in foro jam occupato recitata Venetum habuit & testem maleficii, & judicem noxæ. Classis cum Duce in hostile solum trajecta omnia circùm diripiendo in anceps dubiumq; periculum oppidanos adduxit. At enim contra hostem jam diu, nimiumq; reluctantem expositi classiarii, & in obstinatum gentem, munitionesq; conjectæ faces. Ita postremò secuta est deditio, restituta furta, & fides publica expressa, qua Comaclenses Veneto imperio se parituros promissere.

*Impia Finitimorum insidia repressa.*

DCCCCXLIV.

**S**emper Veneta Resp. circumfideri visa est ab invidia, & odio finitimarum gentium. Dalmatæ, Histri, ac Tergestini, vicini populi, veriti ne aliquando illius mole opprimerentur, in eius perniciem non semel conjurarunt. Ea propter piraticis insultibus Gradum, proximaq; loca ab his latronibus sæpè vexata, & occupata: a nostris crebrò defensa, ac recepta accepimus. Mos erat convenire quotannis in templum urbis maximum Divo Petro in Insula Castellana dicatum: ubi virgines cum propinquis aderant, quælibet nuptura cui magis, aut dote, aut ore placeret. Finitimi hostes nocturna navigatione in viciniora stagna devecti, tamdiu tacitis insidiis quievire, donec nuptialis conventus ageretur, cujus tandem certiores, factò impetu, templum adorti, armisque repentè omnia turbantes dotalem virginum apparatus depopulati sunt. Insolens hoc facinus adeò Venetæ juventutis animos perculit, ut prædones persequendos nulla mora decreverit. Levioribus itaq; advecta lintribus furta iam dividentes in Caprulanis paludibus inopinatò oppressit, tantoque ardore, ut repetita præda, latrones ad internecionem usque confecerit. Re

foeliciter gesta actæ sunt Deiparæ Virgini grates, quod hucusque ex ipso victoriæ nomine observare licet.

*Cades Petri Candiani Ducis.*

DCCCCLXXV.

**S**upremæ dignitatis fastigium, quod clementia potissimum, ac morum sanctitate sustineri debet, Petrus Candianus Quartus nullo non scelere corruptus. In Reip. gubernacula, adnitente populo, Patri Duci cooptatus imperium sibi uni asserere maluit per nefas, quàm cum aliis per leges habere commune: inde moliri insidias, & seditio- nes alere intra ciues. Quibus studiis offensi Veneti pro- scribere contumacem, spe dignitatis, ac patriæ repetendæ præcisa. At ille ingenio ferox, impetrata ab Rauennatibus ope, foedis excursibus lacepsiuit rem Venetam. Patre extincto hunc tamen eundem civitas, quem jure odisse debuerat, populari prorsus levitate in pristinum honoris gradum exulem revocavit. Sed brevi, ut populum suæ instabilitatis poenituit, ita Candianus meritis tyrannicæ administrationis poenas dedit. Reversus enim in patriam, remoto pudore, ac metu, more veteris impotentia grassabatur. priore abdicata conjuge, VValdertam Oberti Hetruriæ Principis filiam duxit: & hac elatus affinitate omnia pro libidine gessit. Quæsitæ juris specie, qua velaret ambitiosos spiritus, in Opiterginos, ac Ferrarienses, inconsulto Senatu, movit, ut repeteret prædia, quæ sibi dotis nomine assignata jactabat. in præstantiores quoque viros suam sævitiam, ultionemq; confectis criminibus explevit. Postremò, ut cœpit vindicem populum, conscientia scelerum, domestico tyrannorum tortore, reformidare, regias domos comunivit, & in arcis usum forti præsidio firmavit. Interim Venetus avitæ libertatis omnino memor arreptis armis conatus est intra tecta impium Ducem aggredi. Sed,

ut

ut se cominùs repulsum ab custodibus sensit, alti furoris arma faces, & ignem in atrium ejaculavit, quo intestinus hostis subcensus illustre civibus perviciæ spectaculum præbuit. Spretæ apud iratam plebem captivi preces, ac nequicquam pro infante filio deprecantis. utrique fauces elisæ, & cadauera in macellum abiecta, memorabili exemplo puniendæ tyrannidis, ne quis ad imitandum scelus superesset.

*Histria, & Dalmatia in ditionem recepta,  
euerfi Narentini.*

DCCCCXCVII.

**R**Egna, & imperia tunc collabi visa, cùm primùm ab avita religione, & iustitia declinarunt. duobus his fundamentis destitutum Orientale imperium eo tempore corrui, quo Imperatores sacrilegum cum Deo, Diuisque bellum gessere. Inde Principum contemptus, civium querelæ, ortæ seditiones, & discordiæ: adeò Græcorum vires enervatæ, ut in posterum, non fœderatis opem, non suis jam desperatis rebus auxilium ferre possent, vel contra domesticos, vel adversus externos insultus. Cùm itaque gliscerent ubique tumultus, hi potissimùm in Illyricis invalescebant. Histri, & Dalmatæ à finitimis montana incolentibus, & præcipuè à Narentinis perpetuis rapinis divexabantur. Igitur cùm se à tantis calamitatibus eximere propriis viribus nequirent, missa ad Venetos legatione, se, suasque urbes, & liberos Senatui permiserunt. at non prius in tutelam recepti sunt, quàm explorata Græci Imperatoris voluntate, ne quidquam in fœdera committeretur. Hoc factò, Petrus Urseolus Princeps classe lectissima instructus confestim in provinciam transmisit, & primùm in Histriam. Ad Venetarum triremium appulsum primi omnium Parentini alacres se Venetæ potestati submiserunt:

hos



hos secuti Polani, pleraque alia castra, & quacumque Veneta classis pergebat, quæ dederent se oppidorum legati occurrebant. omnes benignè appellatos Princeps cum muneribus, ac privilegiis dimisit. Mox in Dalmatiam trajectum, ubi Jaderenses in Reip. fidem ultrò jurarunt, evulgataque illorum deditione, reliquæ ferè omnes urbes, non tam, quæ littoreis, quàm quæ mediterraneis in locis sitæ erant, se Venetorum fidei commisere. Sic tum nota omnibus Reip. æquitas, justitia, & mite imperium ad se volentes pertraxit eos populos, & retinuit humanitate magis, quàm vi. quo gubernationis genere allecæt finitimæ gentes ultrò Reip. leges amplexatæ sunt. Corcyra tamen nigra, hodie Curzula, & Lefina, olim Pharia, illas detrectantes maluerunt omnia pati, quàm sese tradere. Urseolus, ne aliqua remanerent in provincia bellorum semina, quibus demum in deditis jam populis seditiones nascerentur, decrevit armis uti, ubi Veneta clementia locum non invenisset. cùm interim repugnantium animos partim spe, partim metu tentasset, classem admovit, & quemadmodum hostem primò non violenter terrendum censuit, quòd voluntariam deditionem non desperasset: ita si plus æquo protraheret spem, se nihil hostile prætermisurum minitabatur. Terra marique acri obsidione pressi non diu resistere, quin deditionis signo clementiam, ac virtutem Ducis implorarent. Pharii diutiùs, acriùsq; reluctati sunt. loci quippe natura, situque aspero se inexpugnabiles arbitrabantur. Veneti adversus obstinatum hostem pertinaciter dimicantes magno impetu tentarunt irruptionem in arcem, tantaq; à nostris missilium multitudo fertur emissà in propugnatores, ut hi, ceu densissima grandine obrecti, præsidio tandem decedere, ac mœnia vacua relinquere cogerentur. Suis itaq; defensoribus nudatum oppidum occupatur, ac supplicium de iis sumptum est, deditionem qui dissuaserant. His peractis in Narentinos itur: horum castra,

stra, totaque regio latis vastationibus perpopulata, ac diruta, deletumque cum ipsis oppidis pervicacissimæ gentis nomen. Sic libuit aliquando crudelissimi hostis rabiem, & sævitiam pari crudelitate, ac furore multasse. Ita igitur Narentini everfi, acquisita Histria, occupata Dalmatia, Victri-ci classe reuersus Urseolus ab effusa civitate veluti triumphans excipitur, decretumq; à Patribus, ut deinceps Dux Venetus Dalmatiæ quoq; nobilissimæ provinciæ Princeps appellaretur.

*Bellum Saracenicum quartum.*

MV.

**F**Unesto iterùm agmine Saraceni petentes Italiam, post subactam Capuam, Barium in Apulia terra marique oppugnabant. qui obsidebantur, à fame hoste interno ac inexpugnabili mortalibus malo non minùs pressi, quàm à circumfidentibus Barbaris, jam se hosti permisissent, si eò ampliùs Veneti rei frumentariæ, & militaris apparatus auxilia retardassent. quare iis laborantibus opportunè subvenere fortissima classe, quam militibus & comitatibus non mediocriter instructam eduxerant: ceterùm vehementiùs in Saracenos res gesta, recenti adhuc memoria acceptæ ad Crotonem cladis. At verò à nostris non tam Barium obsidione liberatum, quàm ex ipso hoste, multis ex illius triremibus in conflictu disiectis, reportata victoria gravissimo quidem exitu nobilis, ut Saraceni toto mari depulsi non ampliùs ab eo tempore classibus oras Italicas appetere ausi fuerint.

*Pugna*

polluerunt sese Regi Pannoniæ dedentes: vicinis quoque urbibus sollicitatis, ut detestandum exemplum ejusdem fraudis imitatione comprobarent. Patrum animos inexpectatus tantæ novitatis nuncius summè perturbavit. nisi enim prius quoque tempore expedita classis in Dalmatiam navigaret, non multò post reliqui ejus provinciæ populi defecturi videbantur. Dominicus Contareus Princeps in expeditionem profectus Jaderam eo impetu oppugnavit, ut illa assidue concussa muralibus tormentis, fugatisq; Pannonum auxiliis, ne excisa à fundamentis ignominia suæ testis esset sempiterna, novo fidei sacramento obstricta fuerit. Haud parùm profuit urbs vi recepta; nam à cæteris Dalmatiæ oppidis, illius expugnatione audita, fides servata est Venetis.

*Bellum Normannicum primum.*

MLXXX.

**V**enetorum auxiliis sæpius stetit res Græca, si annalibus credendum, & præcipuè, quo tempore Normanni, Guiscardo Duce, maritimam Macedoniæ oram cædibus, ac rapinis complebant. Ea de causa Græci, ut prospicerent suis accisis rebus, adversus recentes hostes probatam in alios Reip. opem implorant. Quare nostri amicæ genti gratificantes validarum triremium numerum comparant, & Dominico Silvio Duce in Normannos pugnaturi ex urbe discedunt. Pervenere ad Dyrrachium tum obsessum, datoque pugnae signo in aduersam classem fecere impetum. Hostes Venetas triremes non minori impulsu excipiunt, quàm illæ in suas raperentur: certamen utrinque suboritur cruentum, & nostri præliari pro ipsa patria libertate, non pro fociis, videbantur. Diu ancipiti eventu res gesta, tandem disiectis hostibus, submersis, actisq; in fugam navibus, mare Dyrrachinis antea occlusum, & securitatem

D aperuit,



aperuit, restituitque Silvius magna Venetæ gentis fama. Attamen, quia fortunæ vires instabiles sunt, & repentinæ mutationes, bellum hoc à nobis prosperè confectum brevis secuta est quies, pulso ab imperio Nicephoro Botoniæ, & vi illud occupantibus Comnenis. Normanni tumultibus, ac seditionibus, quæ per id tempus Constantinopoli gliscebant, pellekti, reparatis denuo viribus, Dyrrachium regressi adoriuntur, occupantque. Veneti, Græcis rursum supplicantibus, insequenti anno in eosdem hostes navalem conflictum experiuntur; diverso tamen exitu, quamvis eodem ferme loco, & Duce. Numerosissima Venetorum classis adeò dissipatur, ut ex navium multitudine, quas Princeps eò duxerat, nullæ penitus evasisse dicantur, præter parvum navigium, quo ipse cum paucis aufugit. Senatus in Silvium omnem belli cladem confert: eidemq; summo Magistratu abrogato, Vitalem Falerium substituit. Sed cum sub novo Principe classem reparasset, non minorem altera cladem passus est, haud longè Corcyra, quarto post anno. Inde satis constat bellum non eos semper fortiri exitus, qui sperantur, & plus sæpè auctoritatis sibi vindicare fortunam, quàm Ducum virtutem, & ingenium.

*Bellum Syriacum primum.*

MXCIX.

**D**Ecreta in Christianæ Religionis hostes expeditione apud Clarum-montem Arvernæ oppidum, adhortante Urbano II. Pontifice, Veneti ne piæ, communique causæ viderentur deesse, classem, CC navium ut memorix proditum est, compararunt in id bellum, in quo diviso duas in partes mortalium genere, hinc pietas, inde fæda superstitio depugnabat. Validissimo apparatu Præfecti summo cum imperio dati sunt Henricus Contareus Castella-

stellanus Antistes, & Joannes Vitalis Michaelii Principis filius, morum pietate, & rei maritimæ peritia viri, quibus, ut par erat, res publica, & Christiana committeretur. Belli destinata sedes Hierosolymorum civitas. Hæc è Barbarorum manibus ut eriperetur transportati in Asiam magni exercitus, & noster penè orbis sub signis peragrat. Porro Veneti sacræ militiæ dato nomine, in provinciam navigantes, ubi Rhodum appulere, à Pisanis probrosis contumelijs excepti odio ne, an invidia, minùs constat; an potiùs instigante Alexio Imperatore Græco, qui Syriacam expeditionem nostris Principibus invadebat. Illi in certamen vocati justas temeritatis pœnas exolverunt, ex quinquaginta navium classe vix duabus & viginti fuga servatis. captivæ tandem redditæ, quòd bello Christiano inferuissent, & quòd satis esset vicisse. mirum quàm id magnanimitati, & clementiæ Venetis cesserit. Exinde nostri Duces Joppen ingressi torius belli moderatorem Gothofredum Bolionem adire consulturi quòd essent arma dirigenda. Is, laudata Venetorum virtute, expugnandum Porphyriten indixit. Dum itaque oppidi ad radices Carmeli montis positi paratur oppugnatio, gravi morbo laborare Bolioneus fertur, qui, fugatis, profligatisq; sæpiùs in acie Barbaris, urbem, sacrumque solum receperat, post unum, alterumve ab obsidione mensem, cùm omnium primus effractus machinis muros conscendisset. Eo nuncio commoti Venetæ classis ductores festinavere Hierosolymas. Aegrotum Regem morti jam proximum vix allocutos Balduinus Regni successor perhumaniter excepit. Tandem sacra venerati loca ubi in castra rediere, oppugnatione acriùs repetita, Porphyriten occuparunt. Mox Tyberiadem, quam nullo successu Galli erant aggressi, nostro accedente robore, in Venetorum manus concessisse, facta ab incolis deditione, restantur annales. In hunc igitur modum functa pro Christiana Rep. maritimo, terrestrique bello ex Syria in Adria-

riticum classis Veneta relata urbem, triumphis specie, barbaris onusta prædis ingressa est.

*Bellum Normannicum secundum.*

MC.

**Q**uoniam iterum repetitis vastationibus universum ferme Græciæ, & Dalmatiæ tractum exhauriebant Normanni: idcirco etiam ad arma rursus, navalesque apparatus contra inquietos hostes itum est. Veneti cum Pannoniæ Rege, cujus urbes ab iisdem graviter vexabantur, iuncto foedere, in Apuliam armatis navibus properarunt, prudenti consilio, ut hostem ad sua tutanda ab alienis invadendis retraherent. facta itaq; in hostilem provinciam irruptione, ingens circumquaque immissus terror, trepidansque Brundisium, proximaque alia castra ultrò se dedidere. Classis, rapta non modica ex mediterraneis præda, ad suos rediit, & avvocato hosti pacem dedit, sic Dalmatis, Græcisque pristina securitas restituta.

*Bellum Syriacum secundum.*

MCIV.

**R**eceptas Hierosolymas, post Gothofredum, Balduinus fraternæ virtutis, atq; fortunæ heres administravit: & ut apud Christianos tantum imperium stabile, ac diuturnum constitueretur, pergebant Veneti novas semper copias, novosque commeatus in Syriam transnittere. Sed quia maximè ad illius securitatem videbatur opportuna Ptolemais si caperetur, in hanc unam oppugnandam summo studio incubuere. Itaque Ordelapho Falerio Principe, Cnavium classis mira celeritate transmarinis appulsa littoribus in Ptolemaidis conspectum se dedit, conjunctisq; cum Balduino viribus, urbem, quam ille antea pedestri milite

milite frustra tentaverat aperto mari ad omnes suppetias, veluti inexpugnabilem, sic maritima obsidione fatigavit, ut supra spem citius in Christianorum jus, ditionemque venerit. Ptolemaide Sidonem trajectum est, quæ viso classico apparatu portas aperuit; & alia etiam vicina oppida victricibus armis succubuerunt, postquam oppugnari cœpta. Inde nostri ad Pharamiam circa Nili ostia munitam arcem advekti, inita foeliciter pugna, deturbatoque vi præsidio illam à fundamentis evertunt. Sic demoliti piratarum receptaculum, maris usum Christianis in Syriam navigantibus recuperant. Balduinus ut se gratum præberet, effusus in munera Venetæ Reip. in Ptolemaide sacram ædem, forumque concessit, & ut eodem, quo Galli, jure fruerentur: eamque compluribus aliis privilegiis in toto Hierosolymitano regno donavit.

*Bellum Patavinum primum.*

MCX.

**F**Atale ferme genti Venetæ videbatur, ne post Syriacas victorias, diuturno otio torperet; sed ut terra pariter, ac mari imperium extenderet ita de finibus orta cum Patavinis contentio. His, qui à Tarvisinis, & Ravennatibus accepto auxilio superbi ac feroces ferebantur, obviam jere Veneti circa Bebianam turrim, ut opportuniùs à finibus arcerent. Levibus primùm certaminibus dimicatum: postremò, ut in confertam, ac furentem pugnam ventum est, pro Venetis stetit victoria magna hostium cæde, & captivitate: Qui superfuere, correpta fuga, ab Henrico Imperatore tunc subsistente Veronæ exorare properarunt subsidia. Cæterùm supplicibus ille haud manu, sed consilio profuit: ut omisso novarum rerum studio circa fines pacem, & amicitiam cum Venetis inirent, discerentque confide-

siderandum prius, quàm aggrediendum quidquid præter opinionem potest belli contingere.

*Jadera secundæ defectionis.*

MCXVII.

**I**Terùm Jaderenses, Veneto ab urbe pulso Magistratu, defecere ad Pannoniæ Regem. hic violata fœderum sanctitate, in quæcum Rep. adversus Normannos hostes pridem juraverat, quasvis eidem amicas, deditasque urbes, quibuscumque illecebris aut donariis, aut pretiosa suppellectili, quodque magis in præsens congruere videbatur, specioso libertatis nomine ad se pellicere conabatur. Venetiis cùm certa iterati criminis fama innotuisset, extemplò parata classis, quæ rursus Dalmatiam peteret. Prospera navigatione Venetus Princeps ut applicuit, subitam molitur urbis oppugnationem, effususque in agrum latè omnia populatur. Pannonæ, qui præsidio erant, haud territi erumpunt, classiariosque provocant in terrestrem congressum. Hostem docet experimento Ordelaaphus, nihil interesse virtutis terra, an aquis dimicaretur. quamobrem tanto impetu è navibus exilit, prælium capeffit, ut fusi, dissipatique sint Pannonæ, tota breui cedente Dalmatia. Hac enim insigni victoria, suorumque fautorum strage exanimata Jadera rediit in obsequium, conditionibus victoris arbitrio acceptis in pœnam admittæ defectionis. Inde Sicum, nostris Sebenicum, oppidum receptum, moxque vetitum arcis muros, à Veneto milite subrutos, in posterum reparare, ne oppidum munimento confisum deficeret. Princeps ad hæc, æquabili planè fortuna, Liburniæ montibus superatis, hostium reliquias adhuc palantes vel cecidit, vel in captiuitatem traxit: atque ulterius in provinciam penetrans quotquot sese obtulere castra, arcesque inopinato armorum terrore victor subegit. Hinc Venetus Dux

NOVO

novo Croatiae, suae Liburniae Principatus titulo auctus. Tandem recepta Dalmatia, propagatoque imperio clarus Venetias rediens, triumphum captivorum pompa nobilem, nec antea in urbe visum, primus duxit: reportataque de Pannonicis cohortibus vexilla templo suspendi Senatus iussit; ad excitandam scilicet virtutem gloriosum posteris victoriae monumentum.

*Bellum Pannonicum primum.*

MCXVIII.

**F**ama rerum in Liburnia gestarum per Pannoniam gliscens universam regionem in vindictam sollicitat. Maximi apparatus exercitus, & bellicosissimae gentis suis veluti sedibus excita potentia Venetos fines more circumfusi annis irrumpit; recentibusque fortuna invidente victoriis breve sane tempus ad eas recensendas, quin ad recipiendum spiritum vix mora conceditur. Patres igitur anxii de retinenda Dalmatia opportunam classem decernunt adversus ingruentem hostem quae eodem Falerio Duce transmissa explorat circa Jaderam hostilium castra disposita, ductoque ingentis operis vallo vetitum descensum, nec minus interclusum obsessis auxilium. Falerius omnia experiundo ut laborantibus praesto sit, ad pugnam munitionibus elicit Barbaros, ratus quod facilius inter dimicandum intromitterentur auxilia. Ita bellum hinc inde atrox conferitur, & miserranda conspicitur strages, sero ad neutram partem se inclinante fortuna: ad extremum Ducis interitus, qui dum optimi Imperatoris explet munus, non tam consilio, quam manu praesens, occumbit, nostrorum perturbat animos, & Pannonas ferociiores reddit. miles itaque suo Duce orbatus fluctuat, turbatisque ordinibus, trepida ex fuga dispersus victoriam hostibus cedit. Tantae cladis nuncius spem conservandae Dalmatiae Patribus omnem

nem

nem ademit, quòd jam superiores multitudine Barbari undique per provinciam militari licentia discurrerent. Sed victoriæ nusquam temperantibus placuit Senatui non armis, verùm obviàm ire precibus, cum & id censei debeat honestum, quòd tuendæ Reipubl. causa sit factum. Missi igitur legati quinquennales inducias impetrarunt.

*Bellum Syriacum tertium.*

MCXXII.

**Q**uis non admiretur invictum, celsioremque Populi Veneti animum, qui cùm ad retinendam Dalmatiam arma deberet convertere, potiùs in remotam longè regionem mittebat, quippe alacriùs pro fociis, quàm pro se: magisque pro religione, quàm pro imperio dimicabat. In Syriam sub hoc tempus denuò vocatur, quia Parthi ad instar grandinis, nimborumque omnia cædibus ac funestissimis prædis evertebant. Callistus Romanus Pontifex nostros spe gloriæ concitos permovit in Barbaros, qui captum Balduinum Regem Charras in vincula adduxerant. In sacram itaque expeditionem Dominicus Michaelius Ordelapho suffectus CC diuersi generis nauium classem Cyprum versus traducit, eoq; loci audita Joppeni obsidione, ad hanc soluendam statim proras conuertit. Certior in portu sedere hostes uni tantùm rei intentos, ut intercepto comœatu maritimo, tandem se ultrò dederet oppidum fame domitum, in eos plenis velis, incitatoque remige sese immittit; validaque impressione facta tantus iisdem pavor injectus, ut oppressi, cæsi que sint antequam, quid facto opus, dignoscerent. varia itaque strage, & captivitate mulctatis Barbaris, Joppe magna Veneti nominis celebritate ab excidio vindicata, hostilemque omnem classem noster prædatus miles ingenti, & locuplete præda factus est ditior. Post hæc Michaelius Hierosolymas perrexit,  
ut

ut ibidem cum Varimundo sacrae urbis praesule de belli ratione decerneret: Tyros expugnanda deligitur conjunctis exercitibus, quod non tam situ, quam opere munitissima haberetur. Reparata protinus classe, & ex Joppeni portu destinato littori appulsa, simul urbi insultantes foederatae acies, pari tantae virtutis eventu ea se breui potiri posse confidunt. at dum spe longius in obsidione tempus protrahitur, certo ne an ad invidiam ficto auctore, terrestres inter copias rumor emanat expeditissimum obsessis advenire auxilium, & hinc fugam Venetos meditari. Michaelius ubi primum foedam in se, suosque calumniam percipit, ad stabiliendam in sociis Venetae constantiae fidem ademptum singulis suis nauibus omnem apparatus nauticum apud confederatos, ceu fidei pignora, deponit, ut inde constaret, inviolabilem apud Venetos foederum sanctitatem neque eorum animos vel adversa, vel prospera unquam nutare fortuna. Hoc fidei documento ab Veneto Imperatore socii confirmati. Verum qualiscumque de maturatis auxiliis rumor haecenus increbuerat haud vanus extitisset, nisi interceptae essent litterae, quibus à Damasceno Rege monebantur obsessi forti durarent animo, intra paucos dies auxiliares manus affuturas. Memoriae proditum, id nostros rescivisse è litteris, quas pedibus appensas aerius nuncius columba deferebat obsessis, cum ea praetervolans ad ingentes Christiani exercitus clamores concidisset. Nostri opportunam rei bene gerendae occasionem nacti alato tabellario fictas refigunt litteras, quibus Tyrii admonerentur, non esse cur à Damasco expectarent auxilia: undique hostilibus armis obsepta itinera: proinde parerent tempori, ac necessitati. Opportunum commentum votis cumulatè respondet: Tyrii siquidem sese destitutos dubio procul arbitrati, exacto quinto obsidionis mense deditiorem faciunt. Ingressi urbem foederati milites murorum, turriumque pinnis Christiana signa praefigunt, Veneta sci-

E licet



licet Hierosolymitanis immixta . Demum id ex fœdere obtinuit Resp. ut Tyri, receptæque Ascalonis , urbium tertia pars sibi libero jure traderetur ; probatissimum virtutis , deque re Christiana benemerentis argumentum .

*Bellum cum Græcis Imperatoribus primum .  
Jadera tertia defectio .*

MCXXV.

**F**lorens in Asia Venetorum fortuna Græcorum iis attraxit invidiam . Calojoannes Imperator ob partam de Tyro victoriam Reip. fœlicitate offensus , & utcumque nociturus nihil non tentare , ut prosperos bellorum successus moraretur , atque omni Syria deturbaret . Hoc assequi fraudibus cum non posset , ultrò indictis armis hostem sese proficitur , nisi quamprimùm classis in Adriaticum rediret . Nostri minas parvi facientes susceptam expeditionem non tam necessaria , quàm illustri contentione prosequuntur . Sub hæc Græcis in vicina Venetæ urbi loca irrumpentibus , cumque tutum nihil nauigantibus pateret obfesso mari , Michaelius subito recursum desectens in Græciam , Rhodum primò , Chium exinde præcipua Orientalis imperii propugnacula aggressus summa belli prosperitate expugnat . pari mox fortuna nonnullæ in Aegeo insulæ vi captæ , Methone occupata , eiusque arx robustissimo communita præsidio . Hæc victoriæ fama Græcorum repressit insultus , & ab eorum classibus nostrum mare vindicta purgavit . Nec minùs Jaderam compescuit , quæ tertium rebellis quodam veluti contagio Spalatum , Traguriumque infecerat . Receptæ Jaderæ mœnia ubi solo adæquata , reliquis poenæ documentum præbuere . Aliquot maritima oppida , quorum fidem Pannonēs tentaverant , promotis tritemibus nostris conseruata . Sic fortissimus imperator Syriæ , Græciæq; ora uniuersa in Illyrium usque partim armis domita , partim

rim ab hostilibus injuriis vindicata, biennio post in patriam lætis acclamationibus reversus est.

*Fanenſes libertati reſtituti.*

MCXXX.

**F**ANUM-fortunæ per ea tempora fortasse proprio numine veluti desertum à proximis Pisauri, & Senogalliæ populis crebris oppugnationibus infestabatur, hosti haud dubiè cessurum nisi ad notam Venetæ virtutis fortunam confugisset. Hac una favente servatum est. missa quippe in subsidium classis cum hostibus prælium miscet, partaq; victoria Fanensibus libertatem restituit. Asserta civitas, ne tanti beneficii memoria intercideret, multos sese annos, stato pro viribus tributo, Reip. obnoxiam præstitit.

*Bellum Patauinum secundum.*

MCXLIII.

**P**ATAVINI Venetos iterùm finesturbantes Meduaci fluminis aggeres non procul à Gambarariis proscindere conati sunt, apertissimo Reip. detrimento, ut per circumjacentes agros diffusæ aquæ limosis, sterilibusque paludibus urbem nostram obsepirent. Sed missis à Petro Polano Principe in turbidos hostes pedestribus copiis, res bellica strenue gesta est, commisso ad Tumbam certamine, quo Venetus robore, animoque superior Patavinos devicit, cepitque ex eis trecentos ac quinquaginta notæ nobilitatis viros. At primatibus Patavinæ urbis testantibus, id in Veneti nominis odium haud fuisse factum, captivi ad unum remissi sunt.

*Bellum in Rogerium Sicilia Regem pro Gracis.*

MCXLIX.

**H**Is temporibus Hydrunto emissus miles Rogerii Regis ductu extremum Orientalis imperii moliturus erat excidium. Is enim pro libidine efferus in Ionio mari, quod per summum scelus, & avaritiam Imperatorius Quæstor classe nudaverat, Corcyram, Thebas, Chalcidem, nullo prohibente, occupavit: inde infestis agminibus in Peloponnesum raptus opimas quoque Bizantii prædas affectabat. Tantis malis Græcus Imperator oppressus ad Remp. veterum injuriarum oblitam, legatos exoratum misit, ut pro imperij incolumitate tunc etiam contra progredientem hostem arma distringeret. Nostri ex instituto turbatis amicorum rebus præstò affuturi, validam navium classem in Corcyram decernunt præfectis maritimo apparatus Joanne, & Rainerio Polanis. Rebus ad votum succedentibus, Corcyrenses primò, captis Siculis triremibus XIX, hostili jugo exempti: mox insula necessariis munita præsidiiis, in Siciliam belli incendia translata: faciliùs triumphandum erat de hoste res alienas haud ampliùs invasuro, cum suarum defensionì parùm sufficeret. Trajectis Venetis nulum Sicilia funestæ cladis genus non est experta, pagi vastati, ædificia incensa, atque incolarum permulti in captivitatem abducti. multa ubique strages. Nec mirum, sævit enim sui quoque impotens animus, ubi impotenter irritatur, maximè ut iis opem ferat, quibuscum amicitia, fœdusque intercedit. Ita igitur Græcum imperium ea tempestate Venetis armis non solum, ut sæpè antea, defensum, sed antiqua eidem servata majestas.

*Cum*

*Cum Finitimis navalis decertatio.*

MCL.

**D**Ominico Mauroceno imperante adversus finitimos populos, seu veriùs piratas, pari foelicitate pugnatum est. Sex longæ naves urbe emissæ totidem Anconitanas biremes interceptere, extorta ab latronum manibus rapina, interemptoque duce. Sed in Polanos, & Histros piraticam quoque exercentes majori apparatu transmissum. Pola obsessa in obsequium rediit ea lege, ut Veneto Principi in bellum proficiscenti daret auxilia, eadem pœna mulctati Aemonenses. Demum cum Anconitanis contracta societas, percussumque fœdus in communes hostes cum Siculis. Sic Resp. aut metu, aut amore vicinas, remotasque nationes sibi conciliare potuit.

*Victoria de Ulrico Patriarcha Aquilejensi.*

MCLXII.

**V**itale Michaelio Duce hujus nominis II bellum decernitur in Ulricum Patriarcham Aquilejensem. Hic indignè ferens Gradensem sibi Metropolitano à Romano Pontifice prælatum, cum auxiliaribus Carnorum exercitibus Gradum invadit, ejectoque Antistite, plurimam inde tum profanam, tum sacram prædam exportat. Veneti subsidia oppressis allaturi, antequam deleterentur, ad primos tumultus accurrunt, Gradumque armatis trirenibus delati in obvios hostes eò vehementiùs, quò iis numero impares, irrumpunt. Verùm quia pro subditis injustè laceffitis bellum gerebatur; post ancipitem diu conflictum, Carnis turpissimè fugatis ad nostros deflexit victoria, nihil inde cessatum ab armis, Ulricus in captivitatem ductus, Gradum receptum, & libero Marte per Carniam excur-

excursum : sic tota provincia cessit in prædam . Rem admodum præclare gestam postremis Bacchanaliorum diebus anniversarii ludi testantur . Cæterum ut exteris gentibus id quoque Venetæ benignitatis , & clementiæ constaret exemplum , Ulrico cum reliquis captivis pristina libertas à nostris ultrò restituta .

*Pugna cum Adriensibus secunda .*

MCLXIII.

**P**Er eadem tempora Adrienses accita vicinarum gentium manu Venetos fines territarunt , ab Imperatore Federico Aenobarbo ad arma sollicitati , qui Alexandro III hostis implacabilis nostros Pontificiæ majestatis cultores ; propugnatoresque acerrimos summè oderat , vastarunt illi Caputaggeris , & Lauretum multa abacta præda . Hanc noxam ulturus Venerus , scripto tumultuariè exercitu , in populatores irrupit . Verùm cum illi se fuga subduxissent , pari sævitia agros , vicosque subvertit . At nullum memorabile prælium cum fugaci populo initum ; ex concepto tamen pavore ita ejus vires attritæ , ut nihil ampliùs in Rempubl. attentarit .

*Bellum cum Græcis Imperatoribus secundum .*

MCLXX.

**F**ugatis toto Adriatico piratis , producto imperio , edoctis experimento Siculis , quantum polleret Resp. restituta oppressis libertate , iactisque fœderibus cum finitimis populis , nulla circum arma strebebant : atque jure , post magnas victorias magna quoque , & diuturna pax sperabatur . Sed inimica nostræ prosperitatis fortuna , quæ pacata erant , turbavit , graves ferendo simultates inter Emanuele Orientis Imperatorem , & Guilielmum Siciliæ Re-

Regem, cum quo Resp. sub id tempus foedus inierat. Græcus bellum moturus in Siculum Venetos in societatem adsciscere nitebatur: verum nostri foederum leges sanctè colentes negarunt auxilia, quæ in amicum Principem peterentur, Emanuel ea propter versus in rabiem, quæ arma contra Guilielmum compararat, in Remp. sine belli denunciatione convertit, vocatoque in belli aleam Pannone, hic Spalatum, Tragurium, pleraque alia Dalmatiæ oppida, suo Regno adjecit. Jussu intereà ab Senatu ut negotiatores Veneti omnes tota Græcia decederent. At ubi videt Emanuel nostros datæ fidei, & amicitiae (rarissimum in adversis exemplum) esse tenaces, quod vi non poterat, fraudibus assequi studet. Destinatis ergo oratoribus sibi fore gratum proficitur, si Venetæ naves in Græciam ad mercimonia rursus traducerentur. Nostri, qui non nisi maturatè in arma provocari consuecunt, permissa suis in Græcia emporia navigatione veteres amicitias renovant, modò cum Guilielmo inita societas non abrumperetur. In hanc igitur sententiam ivere Constantinopolim legati. At nihil expectari poterat ab Græco hoste, quod fallaciis non scateret. Primum itaque legatos non admisit: deinde, qui ex Venetis mercaturæ operam dabant, constituta ad inauditum facinus die, toto imperio conquisitos in vincula conjecit, interceptisque navibus eorum merces in fiscum redegit: legatos etiam violasset: sed hi trepida fuga dilapsi patriam petiere. Defixit impia rei atrocitas Patrum, Populi-que animos, & deliberato omnium ordinum suffragiis bello, validissima expeditur classis centum longarum navium, quas totidem intra dies diligens fabrorum cura compegit, absolvitque studio festinantis vindictæ: sic annales produnt. Hæc minoribus adaucta navigiis Vitalis Michaelii Principis ductu in hostem ultionis avida dum rapitur, compressit primò totiùs Dalmatiæ defectionem, post in Euboeam delata, eam occupasset Michaelius, si Græcas fallendi

lendi artes novisset. Dum igitur insulæ Præfecto sanctè juranti, Emanuele præsentì bello quamcumque pacem prælaturum, credit, cohibet ille à vastatione milites, & de pace ineunda legatos ad Imperatorem decernit, eorumq; reditum in hybernis iuxta Chium statuit opperiri. Interim monitus Emanuel, quæ callidè cum Veneto acta essent, pacis condiciones moratur eatenus, ut certa nostrorum perniciæ, miles otio corrumperetur, ac opportunum temporis intervallum iis esset, quibus jam mandaverat fontes, ac flumina, vnde classis aquabatur, venenatis succis imbueret. Inde virulento potu infecta adeò acerbam passa est luem, ut non priùs infelix morbus sese remiserit, quàm post uniuerfi militis miserandum exitium. Fertur ex C & LX navibus, X ac VII solummodò, easque nudatas propugnatoribus, remigibusque atque semis fractas funesto spectaculo remigrasse. Legimus etiam omnes in ea expeditione Iustinianæ familiæ viros periisse: unico superstite monasticæ vitæ, sacrisque addicto. Hic in Reip. commodum, Pontificis indulgentia, juncta sibi in uxorem Anna Michaelia Principis filia, uberem & beatam prolem suscepit, quæ illustri serie in hæc usque tempora propagata, inclytæ genti, dubiisque Reip. rebus sæpè domi bellicque auxilio fuit ac ornamento. Dux interim, qui nimia credendi facilitate in deplorandum discrimen lapsus fuerat, consilii inops, dissipatæ classis reliquias in patriam, secundo post anno, omine infausto reduxit. suo enim adventu adeò seua pestilentia urbem invaserat, ut paucos intra dies penè habitatoribus vacua, desertaque remanserit. Ipsi quoque Michaelio exitus lugubris fuit: quippe tanquam Patriæ hostis & proditor à tumultuante populo interfectus est: memorabili cæteris documento, rarò ea bella sceleriter geri, quæ à ducibus suscipiuntur, hostium naturam, artesque ignorantibus, iisque minimè credendum, qui semel fidem, atque jusjurandum violarunt.

*In Anconitanos expeditio prima.*

MCLXXII.

**E**manuel adhuc implacabili in Venetum nomen ex-  
 æstians odio, ut nullum insidiarum, aut crudelitatis  
 genus intentatum relinqueret, quod in ejus perniciem, &  
 contumeliam verti posset; Henricum Dandulum alterum  
 ex legatis, ab Senatu missis, ut repeterent quæ præterito  
 bello Venetis mercatoribus per fraudem fuerant ablata, sub  
 colloquii specie ad se vocatum candenti ære obcæcat. Nec  
 contentus jura gentium violasse, Anconitanos sejunxit à  
 nostrorum amicitia, horumque usus temeritate, rebus no-  
 stris se undequaque præbuit infensum. Verùm non defuit  
 Reip. in adversis prudens consilium. inita enim cum Ari-  
 minensibus societate Anconitanis toto pelago interdixit,  
 expeditaque classe hostes intra murorum septa conclusit,  
 ita ut gravioribus in dies oppressi incommodis, pacem im-  
 plorare coacti fuerint, quæ illis ea lege concessa, ut illati  
 damni æstimatione mulctarentur.

*Bellum pro Alexandro III. Pontifice in Federicum  
 Aenobarbum Imperatorem.*

MCLXXVII.

**N**ullum unquam bellum à Venetis alacriori animo su-  
 sceptrum legimus, quàm quo Romanæ Sedi sua au-  
 ctoritas & antiquum decus conservatum est. Federicus  
 Aenobarbus cum in animi sui deliramenta trahere nequic-  
 quam valuisset Alexandrum Pontificem hujus nominis III,  
 ausus est eum excludere Pontificatu, & ab ejus obsequio,  
 cultuque universam ferme Europam deterrere, aliis sub-  
 rogatis Pontificibus. Verùm apud Venetos plus religio,  
 quam gratia, valuit: & legitimo Antistiti obsequi, ac pa-

F troci-



trocinari maluerunt, quàm præsentem Imperatoris amicitiam per nefas demereri. Idem Federicus per finitimos populos Rempublicam turbat irruptionibus: & Alexandrum ad necem inquirens, ipse Romam armato milite contendit: adventu tanti hostis perterritus inermis Pontifex, Beneventum trepidans primò, mox in Gargarum montem, inde liburnico navigio Jaderam, ac tandem in unicum libertatis, securitatisque asylum, Venetias, confugit. Tantis hospes à pio & religioso Senatu summo honore, cultuque exceptus est, missique ad Cæsarem legati, qui illum publico nomine rogarent, ut depositis cum Alexandro odiis in ejus amicitiam rediret, ac veterem Romano Patri dignitatem assereret, rei que Christianæ prorsus consultum vellet. Superbo animo Federicus legationem excepit, extrema omnia minatus, nisi ad se quamprimùm fugitivus hostis transmitteretur. Sed imperterriti Patres durissima quæque perpeti potius statuere, quàm fidem erga Romanum Antistitem turpi aliquo facinore contaminare. Federicus hæc inter sui impotens, ac præcipiti furore actus cum LXXV rostratis Othonem filium in oram Venetam penetrare jubet, ubi Histriæ littoribus appulsus, vi, & prece, tentatis maritimis oppidis, quædam oppugnat, quædam voluntaria deditione consequitur: Nostri non minori celeritate usi, Sebastiano Ciano Principe, & ductore, XXX longis navibus in hostem procedunt. Non procul à Salborio, quod promontorium in Piranensi tractu est, commissum inter utranque classem certamen, dubioque Marte per multas horas certatum est. Postremò tamen, Deo in rem suam dimicante, Cæsariani, quamvis numero superiores, profligati sunt: eorumque classe fusa, dissipataque, LX triremes, demersis, aut fugatis reliquis, in Ducis potestatem, unà cum Othone, devenere. Infelicem ejus belli eventum, nonnisi ab irato numine profectum, Imperatoris filius religiosè fassus est; quòd si se liberum facerent Veneti, actum

rum

rum cum patre de pacis conditionibus, quibus minimè impetratis, reversurum ad constitutum diem, sanctè spondit. Sic ille dimissus in Germaniam Patri injustam belli causam exhibuit; ideoque à Superis immisam cladem, ac proindè tutiora fore oblatae pacis consilia, quàm execrandum Diis, hominibusque discrimen subire. His commotus Aenobarbus Venetias concessit, & in Marciana æde veteres cum Alexandro, & Republ. similitates detestatus, fœderis, ac ineundæ pacis cupidissimum se præbuit: hæc ubi solemnî ritu firmata fuit, Cæsar primùm decessit; at Pontifex, antequam Romam rediret, in accepti beneficii memoriam augustissimis Principem, & Remp. honorum insignibus illustravit. Hinc perdurat Adriatici maris, Veneto sanguine parti, confirmatum imperium, annua eiusdem deponsatione: hinc publicarum litterarum plumbea obsignatio: hinc cætera illa insignia, & ornamenta, quibus decoratur Dux Venetus, cùm se regia maiestate conspicendum tradit. Porro ex tam pio bello Veneta Resp. clarissimum sibi inter cæteras nationes pietatis testimonium promeruit.

*Jadera quarta defectio.*

MCLXXXVII.

**V**Rbs hæc insigni jam levitate clara non pudore, aut metu cohiberi potuit, quin imperante Aurio Maripetro quartam molita defectionem, ad Belam Pannoniæ Regem desciverit. Perfidiae ac temeritati, virtute viribusque it obviam Resp. & in id unum sua convertit studio, ut domitum jam rebelle oppidum singulari animadversione cæteris fidei servandæ documentum præberet. Quia verò laborante ærario publico celeriter classis instrui non poterat, è civibus locupletiores, quando omnia patriæ debemus, privatas opes in publicam causam erogantes satis opportu-

F 2 num

num apparatus procurarunt. Privatis itaque auxiliis hoc potissimum tempore in Dalmatiam transfretatum est. Jadera acri cincta obsidione dum assiduo machinarum impetu quateretur & circumcirca armorum fragor obstreperet, proximæ insulæ, castraque minus firma in nostram potestatem venire. At ipsum belli caput, penè jam profligatum, cum in deditionem nutaret, Clementis Pontificis hortationibus servatur, pactæque sunt cum Rege Bela in biennium induciæ, & soluta obsidio. Datum & hoc jugis observantiæ erga Romanum Præfulem pignus, satiùsque Veneto visum est, sepium, quàm triumphatorem exhibuisse.

*Bellum Syriacum quartum.*

MCXCII.

**I**N Syriacum, sacrumque bellum Veneti haud segniter jam quartò arma corripunt. Et quia instructissimus debebat terra, marique deduci exercitus, ut Hierosolymæ è barbarorum manibus extorquerentur, ipsi, quam poterant, lectissimam classem appararunt. Hac per Syriaca deVecti littora circa Ptolemaidem constitere: urbem Saladinus Aegypti Sultanus occupaverat, quam Veneti continuata unius anni obsidione, eximiaque virtute recuperarunt, atque rursus obtinere sibi antea jure bellico acquisita privilegia. Recepta Ptolemaide, complura littorea oppida maritimiis fatigata oppugnationibus Christianæ Reip. restituuntur. His tandem, præclarisque aliis in externa provincia perfuncta bellis, Veneta classis tertio post anno incolumis, ac ingentibus de profligatis Barbaris onusta spoliis ad urbem appulit.

*Ex-*

*Expediitio in Pisanos.*

MCXCIII.

**P**isani Syriacis quoque rebus auxiliati classe, non obscuram sibi famam gloriamque in maritimo bello pepererunt; verum æmulatione imperii, atque invidia bellicæ laudis cum Venetis toto triennio decertarunt: hinc in apertas inimicitias ventum est. Cùm primùm enim Veneta classis reducta fuit, illi extemplò aperto Marte Polam, tributariam Reip. urbem, oppressere, eo consilio, ut inibi, si per otium licuisset, hybernarent, sique se offerret occasio, è propinquo omnia Venetis infecta redderent. Excitati Patres insigni contumelia, navibus ad eam ulciscendam convolarunt. Propè Polam in pugnam vocatur hostis, conferitur utrinque audacter manus, victor Venerus oppidum recipit, & plures hosticas naves in portu deprimat, ac incendit, arcemque ne ulla deinceps inimicæ genti securitatis spes ibidem restaret, muris undequaque nudat: Verùm etiam ut toto pelago fœditragum hostem pelleret, Methonem adnavigat, & alteram in itinere classem offendit quam repetito certamine denuò superat, cogitq; Adriatico sinu excedere. Tandem propriam causam in Veneta mansuetudine reponentes Pisani, honestissimam pacis conditionem impetravere.

*Bellum Constantinopolitanum primum. Tergestum receptum. Iadera quinta defectio.*

*Creta Veneti juris facta.*

MCCII.

**T**urcarum ferum genus adeò Christiano nomini fuit ab origine infectum, ut ad illius natum excidium, & ad hominum urbiumque stragem creditum sit. Hæc publica

blica Orbis lues à Scythia, quam Tartariam appellamus, effluxit, suaque multitudine ferox, universa Asia penè subacta, jam Syria, ipsisque Hierosolymis, quæ erant reliquæ, inconditis armis imminebat. Sub id tempus actum de ea provincia, ac de sancta urbe videbatur, nisi deprecante Innocentio Pontifice Balduinus Flandriæ Comes, & plerique alii vicinarum regionum Principes sacræ militiæ nomina dedissent. Innumerabiles itaque copiæ, toto ferme Occidente conscripto, in Barbaros moturæ erant: at non aliorum ope & auxilio facilius, quàm Venetorum traici poterant in Asiam. Delati igitur primùm Venetias Francorum duces ad convectandum belli apparatus, quod maximè in votis sacro militi erat, promptum non solum beneficio Senatum habuere, & magnificentia liberalem (condonata nimirum ingentis pecuniarum summa, quas mutuò acceperant) sed etiam belli socium in ea expeditione, quæ tandem conversa est in Græcum imperium. Id unum interea ab amica gente impetrare visum, ut paribus animis, armisque oppugnata Jadera, quæ per eos dies defecerat, Venetæ ditioni restitueretur. Firmatis hac lege fœderibus, jamque adventantibus ex Occidente copiis, Henricus Dandulus, quem ab Emanuele Græco Imperatore obcæcatum diximus, ut suos, si non manu, consilio saltem juvaret, classem CC ac XL navium ex quibus LX rostratæ, cum reliquis ductoribus conscendit. Conspectu numerosissimæ classis territi Histri, qui rapinis infestabant Adriaticum, annuo tributo Venetis iterum se subdidere. Tergestum eisdem ob insulæ vi petiturum in Reipub. potestatem tum primùm venit. Post hæc in Jaderenses traductum. obsidio, quò longior, eò laboriosior fuit, quia Pannonenses acerrimè rebellem urbem armis protegebant. Forti tamen, & obstinata oppugnatione victa, Venetum imperium quartum accepit. Hæc dum geruntur in Dalmatia, Alexius Angelus, assumpto Commeni nomine, Isaacium fra-

fratrem Orientalis Imperii administratione, oculisque privaverat, cujus filius fuga dilapsus in socialia nostrorum castra pervenit, opem in infelicis patris subsidium adversus tyrannum deprecaturus, utque magis Ducum moveret animos precibus ingentes addidit pollicitationes; Cretam per eos dies ab Insulanis spontè sibi oblatam, Bonifacio affini suo ex Montis-ferrati Marchionibus cessit. Lacrimis adolescentis, scelerisque indignitate permoti omnes è Dalmatia Constantinopolim solvunt, & ad continentem prosperè appulsi, exposito exercitu, paratisque bello navibus, terra Franci Belgæque, pelago Veneti urbem adoriuntur, perrupta catena, quam ad utrumque Bosphori caput imposuerat Tyrannus, ne in portum pateret aditus, primum mari per nostros ex improvisò regia urbs invaditur, & hostiles aliquot biremes capiuntur: exinde faciliùs opera bellica mœnibus sunt admota, colligatisque simul antennis è corbis in muros jacti pontes, e quibus nostri missilibus igneque in proxima tecta conjectis, hostem ita terruere, ut eodem trepidè se recipiente primi intra mœnia disilierint. hæc dum fierent à classiarijs, ab terrestribus copiis impigrè quoque res gesta, quippe plures erumpentium Græcorum turmas prostrarunt, fugentesque subinde insecuti urbem tumultuariò ingressi sunt. Adversis his rebus Constantino-polim tanta incesit consternatio, ut torpentibus civium animis post Alexii fugam, & desperationem, profugi, & ærumnosi principes à suis recepti, & imperatores denuò acclamati fuerint Isaacius, & Alexius filius, cum quo senex pater speciem retinuit pristinæ dignitatis. Sequenti anno, dum exigere satagunt, quæ auxiliariis exsolverent in obstricti animi significationem, temporarium civium suorum ingenium experiuntur. Coorto enim tumultu à Murtzuphlo uno è proceribus imperium affectante obtruncantur: contractoque seditionum agmine in fœderata castra fit irruptio. Sed Græca gens novandis rebus, quàm

quàm gerendis aptior, à nostris facilè repellitur. Murtzuphlus igitur cùm fortunam sibi tanquam impio adversam cerneret, desperata venia, fugæ potiùs, quàm bello salutem commisit. Mortuis itaque ad quos legitimè spectabat imperium, exactoque tyranno, Franci, ac Veneti novis se devincientes fœderibus in hæc pacta ivere, ut quidquid esset fociis armis acquisitum, æquo jure divideretur. Hisce conditionibus iterùm Constantinopolis oppugnatur: atque eadem, quæ priùs emicuit Venetorum virtus, & robur. Priores enim pulsæ moenibus Græcis, urbem intrant, portas confœderatis recludunt, exceptique in hunc modum utriusque exercitus ductores, triumphali prorsus acclamatione simul consalutantur; regiam urbem in jus acditionem recipiunt, anno suscepti belli tertio. Balduino Comiti Imperatoria dignitas communibus Ducum suffragiis defertur, Urbis verò Patriarchalis sedes Thomæ Mauroceno Veneto. Post hæc ex fœderum lege omnes Aegei, ac Ionii majores insulas sibi Resp. subjecit: Cretam quoque recepit, aliaque plura in se commoda ex hac Byzantina expeditione luculenter congeffit. E minoribus autem, quæ iisdem in maribus erant, Insulæ, ut cuique occupanti cederent Senatus consulto permissum. Hoc ubi publicè indictum, Marcus Sanutus, aliisque ex primoribus, Danduli, Viari, externi quoque nonnulli victricia illis in locis arma circumferentes, omnia, quæ piratarum, latronumque antea fuerant, recepraacula sibi subegerunt. magno id factum Reip. commodo, & ad vitanda publica dispendia, & ad certum incrementum, ut, cùm opus foret, suorum civium auxiliis, viribusque uti posset.

Ex.

*Expeditio in piratas prima.*  
MCCV.

**V**eneti ut parva Constantinopolitano bello non tam ab domestica insularum temeritate, quàm ab externo hostium insultu tuta redderent, Petro Ciano Duce, unius & XXX expeditarum triremium classem per Hellepontum disponunt, ne publica ibidem viderentur deesse præsidia. Triremibus dantur præfecti Rainerius Dandulus, & Rogerius Permarenus viri ambo nauticæ artis militiæque peritissimi. Hi ad commissum munus egressi obvias in Adriatico sinu nonnullas præsertim latrocinantium Ligarum naves habuere, quibus, ducente Vetrano, per maritimam nostrorum oram apertissimè deprædabantur. Cum his igitur tanto impetu congressi sunt Veneti Duces, ut Ligurorum impressionem minimè sustinuerit, victusque cum trepidè ex acie aufugeret, reliquerit in nostras manus Vetranum, prædonum caput. Hic Corcyram deportatus piraticum scelus capite luit. Post hæc ad evertenda reliqua piratarum latibula conversi, Methonem, Coronemque, iis inde ejectis expugnant, receptaque castra firmant præsidij. Missa quoque in Corcyram insulam nostrorum colonia, tutum adversus indigenas, ac temerarios hostes munimentum.

*Rebellantium in Creta tumultus sedati.*  
*Bellum cum Genuensibus primum.*  
MCCVII.

**P**urgato piraticis excursibus Adriatico, Veneti ductores in Aegeum nauigarunt, ut Cretam ab invidorum armis Reip. vindicarent. Stetit tamen cupiditas hæc opere non minimo: nec nisi post varios bellorum & casuum

G even-



eventus illa iterum Veneto imperio se submisit. Pacatam Insulam primus omnium Cretici Ducis titulo Senatus decreto administravit Jacobus Theupolus: Cui tamen non defuit hostis in ipsa Creta nutritus & multiplici seditione contumax. Ageostaphanitzæ familiæ luxus, & ambitio, quæ Insulæ imperium affectans, Cretenses ad rebellandum incitaverat. Theupolus cognitare, Marci Sanuti, qui Naxo, ac reliquis Cycladibus imperitabat, auxilia imploravit. Inde castris receptis, quæ defecerant, turbarum auctores facile depressi sunt. Sanutus ex successu Cretensium levitate ignaviaque deprehensa, quasi non patriæ, sed sibi vicisset, cupiditate insulæ accensus, eam sui juris facere conatus est. Damnato itaque Theupoli duro, & vecordi imperio ex levi quidem causa, annonæ ad usum publicum deficientis, tumultus excitat, fugatoque legitimo gubernatore, ipse Cydone, hodie Canea, primaria Insulæ urbe potitur. Hæc Venetijs certis rumoribus sparsa sollicitarunt auxilia, quibus Sanuti protervia castigaretur. Classe igitur secundis ventis in provinciam brevidelata, audentior Theupolus Themeno, quò confugerat, egressus, dum aliò iter fingit, noctu Cydonem devenit, observataque excubitorum desidia, mœnibus scalas admovit, & intromisso milite urbem ex improvviso occupat. Hinc Sanutus consternatus ægrè suas in Aegeum sedes repetit: quibus sic præclarè gestis, Theupolo in patriam reversuro succedit Paulus Quirinus. Hoc rem Creticam gerente biennio post altera excitata seditio, cujus incendium ex scintillula adeò crevit, ut penè tota insula conflagraret. Interceptos aliquot sibi equos ab arcis Bonreparitanæ præfecto Joannes Scordilius querebatur, homo summæ apud Græcos auctoritatis: unde factum, ut cum opinione sua tardius jumentorum restitutio procederet; privatam injuriam publico scelere vindicandam ratus, extimularet in defectionem Cretenses. Quirinus ad factiosos conatus coercendos destinavit

Joan-

Joannem Gritum : qui dum exercitum inexploratò ducit, necatur à rebellibus in Pituronensi saltu circumventus. cautiùs deinde progressus Quirinus tumultuantes magna strage afflixit, & penitus delevit. Subinde Genuenses tantæ insulæ accessione veriti, ne in suam perniciem Resp. ni-  
miùm excresceret, summo studio Venetos ex ea depellere connixi sunt. Junctis igitur viribus cum Melitensium Comite, cui plurima cum Cretensibus privatim amicitia intercedebat, totam penè insulam, quâ vi, quâ fraude, à Veneti nominis devotione abalienarunt. Sed Rainerius Dandulus alter triremium Præfectus, hostium conatibus armata vi occurrens, fortiter juxta, ac fœliciter pugnando, quæ desciverant, oppida recuperavit: & sic bellico quoq; jure in ditionem Venetorum Creta redacta est. Verùm incolæ novum detrectantes imperium turbas rebellionesque concitarunt, ad quas etiam compescendas biennio post missus idem Dandulus, dum strenui ducis & militis obit munera, tela inter dimicandum conficitur: Patres sub hoc valdè anxii de retinenda insula, in eam prudenti consilio decernunt coloniam ex patricio plebeoque ordine: qua deducta postmodum tranquilliore illius Insulæ statu poriti sunt. Verùm tamen Genuenses recentis semper invidiæ causas nacti, sævis excursionibus maria navigantibus infesta reddebant. Joannes Trivisanus classis ductor hostium insolentiam reprimere aggressus, quamvis navium numero, & robore longè impar, animo tamen superior XX eorum infectatus rates non longè à Drepano Siciliæ promontorio XII cepit, & reliquas fugavit, atque ita dissipatis prædonibus Inferum Superumque mare nostris mercatoribus aperuit. Sed & hæc victoria pacem peperit, quam supplex petiit Genuensis, eam iterùm violaturus, ubi de gloria, ac potentia certamen cum Veneta Rep. suggessisset ambitio. Post hæc Cretensi Magistratu abeuntem Quirinum sequitur Joannes Storlatus. Turbavit, & hujus ad-

ministrationis quietem tertia à prima quartodecimo pòst anno nata rebellio. Excitatam legimus à Mellefinis turbidis civibus, & qui rapinis & cædibus eos multabant, qui in nefandi sceleris societatem nomen dare recusabant. Storlatus defectionis initiis maturè occurrendum ratus, extemporaneo collecto milite sceleratis hominibus ita sese opposuit, ut reportata insigni victoria eos in tantam rerum desperationem adduxerit, ut vocato Vatazo Lesbio Principe promissoque ei Cretæ regno, illam negligerent libertatem, qua sub mitissimo Reip. dominatu frui poterant. Vatazus haud ignorans levissimam occasionem, præter spem ad res maximas veluti sese ducem interdum præbere, XXX armatas naves traduxit in Insulam, quarum Navarchus arcium oppugnationi ea solertia incubuit, ut intra paucos dies Rhitymnam, Milopotamum, aliaque castra deditione obtineret. Dux Venetus, cui jam cum duplici hoste pugnandum erat, contra Vatazianam classē constituit primum conflare, ut externo profligato, domesticus hostis omni ope destitutus faciliùs cederet. Quare comparato navali terrestrique robore, ut in conspectum hostilis classis venit, strenuam manu consilioque navavit operam, & ita suos in pugnam hortatus est, ut Vatazianos trepidantes fugarit ab Insula, & plures naves ceperit; nec ad integram victoriam ipsa defuere numina; quippe reliquas jam dispersas propè Cythera fœdissimum naufragium absorpsit. Sublato itaque insidiarum turbarumque fomite, fracti sunt seditiosorum animi, consumptæ vires, inque fidem reducta rebellia oppida. Hinc res Cretenses sine tumultibus aliquandiu fuerunt, quietumq; imperium Storlatus Bartholomæo Gradonico successorī reliquit, atque hujus miti ingenio prudentique dexteritate factum est, ut parta tranquillitate diu insula frueretur. Tandem regente Andrea Zeno magnis irarum motibus iterum concussa est Creta. Occiso Marco Slenza viro primario, Senatus in nocentes,

qui

qui aufugerant, exilii poena animadvertit. Verùm quia fontes ad supplicium graviùs conquirendo, perperam Candacenses querebantur; aliis contrà in eos satis animadversum videretur; in diversa ex jurgiis studia, & motus distracta plebs crebris dimicationibus ex occurſu partium se lacerabant: medio urbis foro civium spectabantur certamina, spreta Ducis majestate, ut nullibi fortassis lacrimabilior civitatis facies: pars illa, quæ domestico congressu inferior erat, tanquam si cum altera ipse Dux sentiret, potiùs quàm civi cedere, externo se dedere meditatur; hinc quartam in defectionem apertissimè discessum. Cæterùm, quæ per eos dies ab Italia venerant copiae, ductore Zeno, civiles impetus sedarunt, & nurantem Insulam captis damnatisque flagitii auctoribus, in fide retinuerunt. Non tamen diu ab consuetis turbis respiravit Creta quintam passa seditionem post quinquennalem quietem. Quidam Cortatii fratres, natalibus, majorumque titulis elati, Venetum ab Insula magistratum, & ipsum quoque nomen deturbare conabantur. Perniciosa in primis scelestorum manu quædam nobiliora castra capta, occupatæ Desilomates angustiae, è quibus perduelles sæpè exiliebant magno insulanorum incommodo. Marcus Gradonicus, iis occurrens dimicavit foeliciter, & rebellem turbam brevi prostravit. Ab insula demigrarunt Cortatii: affeculae pro venia supplices impuniti ultrò etiam recessere. Sopitis in hunc modum tempestatibus, quæ viginti ac sex annos Cretam exagitaverant, optata demum tranquillitas affulsit.

*Bellum Patavinum tertium.*

MCCXV.

**Q**uo tempore in Creta tumultus exorti, tertio cum Patavinis pugnatum est. Tarvisini per eos dies, nimio fortasse luxu dissoluti, ludos quosdam militares instituerant, ad quos confluebant vicini populi, non tam ut ea spectarent certamina, quam ut rudimentis iis ad seria se exercerent. eò itaque Venetorum ac Patavinorum juvenum plurimi accefferant: cumque Veneris jam certaminis palmam spectatores deferrent, Patavini sola invidia moti, facto in Venerum signiferum impetu, vexillum, Marcia icone, & patrio numine venerandum turpi ac probrosa contumelia lacerarunt. Ex injuria continuo orta indignatio tempore adolevit, succrescentibus odiis, & invalescentibus factionibus. Patavini, tanquam ipsi eam vim, & convicia passi essent, indictis armis in nostros concurrere primi, suppeditantibus auxilia Tarvisinis, & dimisso exercitu Venetos agros populantes intravere, nec rapinis contenti, Bebianam turrim non procul à stagnis se demolituros, urbemque ipsam invasuros minitabantur. Ad coercendam igitur hostium audaciam milites subito conscripti sunt, qui audacter progressi hostilia castra adorti grave circa turrim ineunt certamen, quo procedente, tantum pavoris Patavinis incussum est, ut panico veluti metu perculsi quæ cuique patebat ad fugam via, dilaberentur. Nihil deinde à victoria temperatum: nostri, ad prædandum in agros effusi, opima de hostibus spolia retulere: & cum ulterius ad municipiorum expugnationes properarent, revocati sunt ab Senatu, pro hostibus pacem exorante Patriarcha Aquilejensi Innocentii Pontificis Legato, quam utrique populo Senatus clementissimè concessit.

*Bel-*

*Bellum in Federicum II Imperatorem.*

MCCXXXVI.

**S**ub hæc tempora, Iacobo Theupolo Remp.moderante, in duas partes divisa est Italia, quarum uni, quæ Romano Pontifici studebat, Guelforum nomen inditum: Gibellinorum alteri, quæ Cæsarem sequebatur, intestinisque odiis ac factionibus miserè lacerabatur; hæcque infanda nomina, imperante Federico Secundo, ardentioribus propagata studiis civilem pestem, ac perniciem latè in Cisalpina Gallia spargere. Tota hac provincia perstreptentibus Cæsarianis armis in apertum discrimen Pontificia quoque dignitas ruebat, ni Veneti ex veteri instituto eam tutati essent. Itaque contra Federicum Romanæ ditionis oppida turbantem ab Senatu valida ornatur classis, & Petro Joanni Theupolo in Apuliam ducenda traditur. In eam regionem Venetus ductor profectus Thermolas, & Beltricem, aliaq; complura castra Pontificiæ sedi rursus asseruit. His peractis à mari in continens bellum translatum, Petro Theupolo duce, tum à Mediolanensibus in Prætorem ascito, pugnatum est. Porro non eadem ubique fortuna. Theupolus enim dum ad Cortem-novam parùm prosperè configit, accepta clade captus, missusque in Apuliam, à furenti populo ibi discerpitur, quòd antea illius frater eam provinciam in summas difficultates rede gisset. Hæc inter Cæsar nostris adhuc insensus, quia Pontifici favebant, suis militibus Bebianæ turris demolitionem aggreditur. Hostiumq; impressionibus proculdubio illa cecidisset, nisi confestim magna navicularum copia in subsidium missa esset. hoc auxilio pulsus hostibus turris egregiè servatur.

*Bel-*

*Bellum Constantinopolitanum secundum.*

MCCXXXVIII.

**P**RO amicorum securitate denuò Veneti ad arma revocantur. Ut primùm namque nunciatum est Constantinopolim à Joanne Vatazo Lesbi Principe, junctis cum Ponti Rege copiis obsideri, captamque iri, si tantillum amicorum auxilia tardarent. Senatus in subsidiariam expeditionem quinque ac viginti triremium classem ductoribus Leonardo Quirino, & Marco Guffonio decernit. Hæc in Hellespontum advecta hosticam in illius pelagi faucibus offendit, quæ ibi consultò morabatur, ut impediret suppetias. Commissa itaque pugna, pari utriusque constantia, dubium diu fecit bellieventum, sed tandem devicti, superatique hostes vaga fuga nostris relinquere locum, & victoriam. Soluta urbis obsidione, partoque triumpho insigni Venetias classis remeavit. Vatazus tamen, qui Constantinopolis potiundæ impotenti ardebat cupiditate, nostrorum cognito recessu, denuò rem navalem instaurat, & majore impetu repetit obsidium. Iterùm tamen à Venetis repellitur, urbiq; sua securitas confirmatur Joannis Michaelii solertia, qui pro Venetis incolis Byzantii tum Prætorem agens, paucis in Vatazum eductis triremibus, atque tentata veriùs, quàm inita pugna, obsidentem non sine memorabili clade fudit; ostenditque non multitudine militum, sed animorum virtute victoriam parari.

*Ferraria Romano Pontifici servata.*

MCCXL.

**F**ERRARIAM Federicus Imperator Romanæ Ecclesiæ ademerat. Veneti igitur, qui se suaque omnia summo Antistiti devoverant, adversus Cæsarem iterùm arma sumunt.

munt. Classis nempe sub Iacobi Theupoli auspiciis Padum ingreditur, quæ interea secundo flumine inuenta, dum terra Pontificius Legatus & Aëtio Atestinus urbem perstringere adnituntur, bellicarum machinarum robore disjecit moenia, unde per ruinas introgressi nostri portas recluserunt terrestribus copiis, ducto in captivitatem Cæsaris Præfecto Salinguerra Taurelio. Ex hoc postea tempore Ferrariæ libera administratio data est Atestinorum familiæ, quæ urbem à Pontificibus Marchionis primum, deinde Ducis titulo acceptam jure hæreditario retinuit, ad nostram propè tempestatem. Atque hæc expeditio plurima Venetis privilegia peperit in ea civitate, quæ deinceps Venetum Prætorem sibi deligendum perpetuo statuit, tunc ad id munus electo Stephano Baduario, qui Pontificias turmas deduxerat.

*Jadera sexta defectio.*

MCCXLII.

**V**IX à Ferrariensi bello respiratum erat: & nondum arma deposita, cum Jaderæ toties rebellantis alia defectio hæc excitasset, quæ nunc etiam, Veneto Magistratu repulso, Regis Pannonici gubernacula suscepit. Allati nuncii rumor, quod magis sua indignitate Patrum animos incendit, eò citius ad parandam ultioni classem impellit. Conscripto milite, imperatoque remige in expeditionem destinatur Rainerius Zenus. Is postquam Dalmatiæ applicuit, Jaderam, tum terrestri, tum maritima manu circumdedit, & duobus mensibus terra marique oppugnatam jam sextum Venetæ dominationi subjecit. Post hæc Patribus placuit legatos in Pannoniam mittere, Stephanum Justinianum, & Petrum Dandulum, eloquentia præstantes viros, qui publicam rem eo maxime nomine juvarent, quod à Rege impetrassent eam opem & esse, & futuram rebellibus

H

ulti-



ultimam; remisso etiam jure omni, quod sibi quoquomodo in ea urbe esse posset. Tandem civium Venetorum colonia Jaderam ad tempus traducta est: quippe urbes domesticæ fidei exemplo stabilire interdum non minùs est, quàm easdem armis acquirere.

*Compressus Alexii Calergii tumultus in Creta.*

MCCXLVII.

**N**ulla est fides, nullumque tutum obsequium, ubi fines cupiditatis augeat innata ferè viris principibus ambitio. Alexius hic Calergio sanguine opibusque superbus non unius urbis, sed totius Cretæ imperium affectabat. Tantis ea propter incendiis, direptionibusque rebellis legio, cui ille præerat, universam cœdavit insulam, ut pro certo constaret nullius mali expertem esse provinciam, in qua vigerent seditiones, ac intestina bella. Pudet ejus temporis execranda scelera, impios ausus, scelestasque civium cædes hic attexere. Cæterum in Creta extremum subiisset excidium res Veneta, nisi Vitalis Michaelii Cretici Ducis prudentia, ac dexteritate pax cum Alexio firmata esset. Juvat quandoque pacisci cum subditis. Horum quippe exasperati animi non rarò in audaciam & desperationem feruntur, non impetrata Principis clementia, qua opportunè adhibita populorum querimoniæ plerumque sedantur, ac rebellionum seditionumque fax, si qua est, consopitur.

*Bellum in Actiolinum Tyrannum.*

MCCLVI.

**G**ubernante Remp. Rainerio Zeno, Actiolinus Patavinorum tyrannus, ex obscuris natalibus ad regiam propè majestatem evectus, universam penè Cisalpinam Galliam obtinebat, permittente Federico II Imperatore, cujus ,

cujus partes , & nomen ille impigrè tuebatur . Impensè audax, & impius ita in humanum genus grassatus est , ut supra triginta mortalium millia pro libidine ingenii sui teterimis suppliciis sustulisse dicatur . Itaque ad evertendum hoc naturæ monstrum accessit Venetias Alexandri IV Pontificis legatus, ut nostri adversus tyrannum , diris omnibus devotum, auxiliares manus conferrent . Pontificiis monitis, & vicinarum gentium calamitate permoti Patres, confestim delectum militum habent, imperantque navigia, quæ ex Bebiis in Meduacos amnes devecta exercitum tutius, celeriusque exponerent . Copiæ Venetæ eo consilio ductæ in hostiles agros, ut populationibus, & villarum incendiis hostem, mœnibus inclusum, in patentes campos elicerent . Nec secius res contigit . Ansedinum Actiolini nepotem, & Patavinæ urbis Præfectum ad Corregiolam obvium habuere . hîc ille metari statuerat, & Venetos à prædis cohibere . Verùm ex conferta acriter manu inde summotus est magna clade, & in Saccense oppidum fugatus . Insequentibus autem nostris inde etiam turpiter dilapsum tandem excepit Patavium . Inde tota circa eam urbem belli moles, quam admotis machinis noctu diuque Veneri oppugnare decreverunt, quoad, expulsis tyrannis, libertatem civibus procurassent . Lacerati primùm sunt hostes ad Pontem-curvum, atque intra munitiones fœdissimè rejecti, deinde circa Altinatem portam, supervenientibus Pontificiis, atque Atestinorum copiis bellum recruduit, Ansedinoque fuso , & in fugam acto urbs capta est . Actiolinus accepto amissi Patavii nuncio, properè motis castris à Mantuæ obsidione in illius conspectum advolavit: sed irruenti , provocantique in certamen tyranno nihil aliud responsum objectumque, quàm grandi vallo, & robustissimis defensoribus munita mœnia , militarisq; constantia, quæ inaniter furentis impetum fregit, ac delusit . Quæ cum recuperandæ urbis spe frustraretur, quasi in ul-

tionem versus, quos ad XII millia suis in castris habebat, Patavinos, vario mortis genere ad unum necari iussit. Hac ne dum satiatus rabie Patavino agro decedens totam Insu-  
briam immanissimis crudelitatibus replevit. Tanta ille sæ-  
vitia socias omnes civitates in se commovit, atque demum  
has suorum scelerum vindices habuit. Quem itaque imma-  
niter oderant, contracto ad Abduam numerofo exercitu  
subitò appetiere; Deoque justæ causæ favente, tandem  
Actiolinus vulnerato crure captus Soncinum perducitur,  
ubi furiis ultricibus agitur, sibi ipsi mortem, tyranno di-  
gnam, conscivit. Hac victoria bellorum reliquias persecu-  
ti Veneti, Albericum Actiolini fratrem Tarvisio pulsum  
cum uxore, liberisque obtruncarunt, ne quisquam, aut ad  
scelus, aut ad vindictam ex tam nefaria domo superesset. Ita  
penitus Actiolina tyrannide extincta, exoptata rediit liber-  
tas, quæ totis triginta quatuor annis ab universa ferme Cis-  
alpina Galia, totaque Venetia exulaverat.

*Bellum cum Genuensibus secundum.*

MCCLVI.

**C**UM Genuensibus grave, & diuturnum Resp. bellum  
gessit, quo gens illa, armis ferox, Venetos ita exer-  
cuit, ut hi viderentur quasi suos habere Carthaginenses. Le-  
vis quidem ea causa, quæ duos potentissimos Italiæ populos  
funestissimis cladibus, parva interdum respirandi mora,  
commisit. Genuenses in similtates pertraxere Venetorum  
opes, & majestas: ex quibus invidia, & odium, ac publica  
demum diffidia originem duxerunt. Postquam enim Chri-  
stianorum Principum armis Hierosolymæ, ac ferme tota  
Syria Barbaris erepta est, Veneti, ut diximus, in Ptolemaide  
Tyroque urbibus re præclare gesta, juris dicundi suis facul-  
tatem obtinebant, ac proprias ædes, vias, forumque: Hæc  
eadem jura obtinuerant Genuenses, cum ipsi quoque Syria-  
cam

cam expeditionem collato auxilio iuvissent . Nihil itaque utrique genti commune, præter sacra templa . Verùm cum de cœnobio Sancti Sabbæ in ipsa Ptolemaide orta esset contentio, singulis illud sibi vindicare conantibus, lis ad Romanum Præfulem delata ita componitur, ut eo templo, ædibusque tam Veneri, quàm Genuenses communi jure uterentur . Hi Pontificio decreto haud acquiescentes sacra domo illos arcere, eamque in munitissimam arcem redigere non sunt veriti . Nostri, tam gravi injuria affecti, decreverunt armis sua jura tueri, & nefarios hostes etiam urbe ejicere . Ea propter, Rainerio Zeno Duce, XIII triremes eductæ è Tyri portu in Genuenses Ptolemaidem appulerunt, vehementique impressione omnes hostiles naves circa urbem hærentes, ferro, & igne oppressere . Oppidum ingressi, templum à Genuensibus naviter defensum obstinatissimè dimicando capiunt, magna ex parte demoliantur . Prosecuturi totis animis inchoatum bellum adversus turbidum hostem, fœdus cum Siculo Rege constituunt, accersitaque majori classe, quam ducebat Laurentius Theupolus, illum toto pelago insectantur . Sed Ligurum magis irritatus, quàm territus, non contemnendum triremium naviumque apparatus instruxit, & Venetis apud Tyrum certamen exhibuit . Mari itaque collata manus, magnisque viribus, sed majoribus odiis decertatum : cruenta fuit utrinque dimicatio, diuque anceps, ad Venetos tamen inclinavit victoria; & ex hostium XXV navibus, omnes aut captæ fuerunt, aut aquis mersæ . hæc clades hostem lacerum, imminutumque classe Tyrum redegit : Venetus Ptolemaidem victor, ac onustus spoliis admovit, ibique omnia Genuensium ædificia diruit, & eorum plurimos rapuit in captivitatem . Penitus autem integro duorum annorum spatio, quo pugnatum est, deletus esset hostis, nisi Senatus dicto parens Pontificis, pactis cum Ligure induciis, captivos restituisset,

*Con-*

*Constantinopolis à Palæologis occupata .*

MCCLIX.

**L** Esbi Princeps Theodorus Lascaris, morti jam proximus, filio impuberi Michaelẽm Palæologum, qui maternum ab Alexio Comneno trahebat genus, tutorem dedit, mandata eidem tantisper potentissimæ insulæ dominatione, quoad ille capax imperii adolefceret. Palæologus per occasionem tutelæ ad invadendum insulæ imperium animum adjecit. cùm igitur regnandi cupiditate nihil sit iniquius, quæ nec divinis, nec humanis coercetur legibus, ad infandam primò pueri cædem, mox ad Constantinopolitanum imperium, occupata Lesbo, sævos, impiosque conatus direxit. Sed quoniam ambitioni suæ adversum Achajæ Ducem opinabatur, hunc bello aggreditur, & opitulante plerumque scelestis fortuna, captum vinculis destinat, & Achajam sui juris facit. Prosperrimis his rerum successibus, acquisitoque regno superbiens, Balduinum, Byzantij Imperatorem, armis invadit, regiamque urbem terra marique infestat. Is ad inopinatum recentis hostis adventum terrestri manu raptim coacta strenuè in continenti se defendit: dum non minori virtute Marcus Gradonicus, pro Venetis in ea urbe Prætor, aliquot instructis navigiis Palæologam classẽ propulsaret. Porro servata fuisset urbs, si per ea tempora Balduinus Græcis non imperasset. Hæc quippe gens sua in levitate constans, Gallicum exosa nomen, & administrationem, Palæologo spem dedit urbis recuperandæ, si cum validis turmis noctu ad mœnia tacitè constitisset. Ille itaque expeditissimo milite stipatus, prope unam urbis portam furtivè confedit: ubi cùm reigrendæ tempus advenisset, dato signo, à proditoribus necantur vigiles, & novus Imperator cum suis intra muros admittitur. Exauditur confestim horribilis debacchantium

anno-

armorum fragor, & flebiles undique voces, captum esse Byzantium. Balduinus ad omnia pavidus cum sibi nullam recipiendæ urbis spem superesse videret, instructo properè navigio, cum Veneto Prætorè in Eubœam profugit: sicque per prodicionem ad Græcos Constantinopolitanum rediit imperium anno octavo ac quinquagesimo, postquam illud Galli, Venetique conjunctim habuissent.

*Bellum cum Genuensibus tertium.*

MCCLX.

Constantinopolis per prodicionem amissæ casus non levem Veneto Senatui curam intulit. At animo præsens XVIII triremes armat, quibus Marco Michaelio imperatum, ut non solum adversus novos, si qui forent Palæologi insultus, rem Venetam servaret: sed etiam, si è re videretur, Constantinopolim ipsam oppugnaret, & hostium loca omnia bellicis calamitatibus infecta redderet. Michaelium fatis constat eam operam navasse, qua fractus Palæologus, desperatisque rebus dubio procul urbe demigraturus crederetur, nisi Genuenses in nostræ partis invidiam, suæque spem, qua Peram, urbi contiguum oppidum, & Insulam Chium mercenario captarant, laboranti Græco opem tulissent: unde geminato hoste, duplicatoque impetu confusa virtus, Venetumque robur, imparitate actum in fugam elanguit, postremisque fatis concessit Michaelius. Verum cum ad cohibendas inimicorum excursions alia XXX rostrata submissæ essent: Iacobus Delphinus hoc auxilio fatis opportuno erectus Eubœam rebellantem adortus est, demissoque in continentem milite per singulas illius insulæ arces victricia signa circumtulit, nutantemque populum Venetis asseruit. Plures post hac ex vicinitate congressus habuit cum Ligure, tantoque hinc inde odio pugnatum, ut plures utrinque profligatæ naves, interceptæq; dicant-

dicantur, nihilque non actum, quod in alterius partis damnum cessurum videretur. Nullum sanè hostem experta est hucusque Resp. aut magis irrequietum, aut minùs placabilem ipso Ligure, cum quo multos annos, quasi de imperio, & de gloria decertavit, partim proprio, partim alieno Marte. neque enim suum utrique populo studium deerat in Syria, dum Venetis Latini, Genuensibus Græci impensius faverent, unde ferè omnes illius regionis urbes, diversis discissæ factionibus, plerumque mutuis cladibus hauriebantur. Oppresserant hisce temporibus Genuenses nonnulla Venetorum navigia in Hellesponto, remiges, militesque barbarum in morem vel interfecerant, vel excoecarant. Nostri è contra, ut suis moribus domarentur hostes, non paucas eorum naves circa Aeginam in Saronico sinu deprædatisunt. Sed ut validiori apparatu res publica defenderetur, ac quinquaginta triremes adversus Genuenses sex educæ, quæ primùm in Siciliam, tandem in Syriam ad inquirendas hosticas navigant. At iis nusquam occurrentibus, Tyri oppugnationem instituunt, quæ urbs per eos dies hosti se dederat. Quoniam verò in hac expeditione haud opus esset tantis viribus, cum triremium parte Jacobus Dandulus persequendo intra penates Liguri destinatur. Hic, accepto navium supplemento ex Creta, cum Marco Gradonico in Liguriam trajecit, ejusque oram hostiliter diripuit, multa præda, pluribusque adductis navigiis. Contumeliam ulturi Genuenses XXX rostratis Venetum persequuntur, correptumque in sinu Drepanitano adoriuntur haud segniter. Utraque classis pugnandi avida confestim atrox, spectantibus Siculis, miscet certamen, & tam ex propinquo conferuit, ut non missilibus ampliùs, verùm gladiis, propè collato pede, dimicaret. Fortuna, cum in multas horas neutri victoriam adjudicasset, Veneto tandem adhæsit. Hostium triremes XX captæ, combustæ reliquæ, aut aquis, fervente bello, depresso: remigum, militumque

tumque infinitus propè numerus in vincula protractus. Porro nec nobis incruenta victoria, non paucis desideratis, quos mare, marsque absorpserat. Palæologus, audita Genuensi clade, de se sociisque actum timens, cum victore Veneto in quinquennium inducias, ipso excluso Ligure, paciscitur, qui in adversis ferocior factus, ad piraticam convertitur, navemque mercatoriam apud Cytheram prædatur, & Cydonem in Creta oppidum populatur, vastatque. Interim Senatus ne maritimam Græciæ oram sibi subjectam hostilis turbaret irruptio, imperat ad Methonem opportuna triremium præsidia: atque in hunc modum eam littoralem provinciam tutam multos annos retinuit.

*Civilis tumultus ob tributum.*

MCCLXV.

**E**Xausto diuturnis bellorum impensis ærario, videbatur Respub. ampliùs non posse aut alere milites, aut classicos apparatus ita commodè instruere. Persuadendi erant idcirco cives popularesque, ut non tam rei propriæ, quàm communi saluti consultum vellent, qualiscunq; tributum collecta, quod mulctatio ære secundum noxas penderetur. At hoc publicè indictum, mirum quàm plebejos animos offenderit. Ex eo in apertam seditionem ventum est: directis in Curiam armis, ibi primò conjurationis fax eluxit, & in Principem Rainerium Zenum furibunda plebs lapides coniecit; mox plures patriciæ domus expilatæ, & Senatores ad necem sunt conquiriti. Apparebat tumultuantem ea tempestate Remp. pessum ituram. Porro ab irato vulgo in Patres haud ultra processum, postquam jurassent impositi tributum abrogationem. Ita seditiosæ turbæ pacatæ, & reddita mestæ urbi tranquillitas. In quædam tamen scelerum capita animadversum, habitaque de contumacibus quæstione, plures securi percussi sunt. cæteris exemplo, seditiones nunquam suis auctoribus cessasse feliciter.

I

*Bel-*



*Bellum cum Genuensibus quartum.*

MCCLXVI.

**N**ondum exciderat Venetorum animis Cydonis in Creta oppidi exitium ab Genuensibus illatum, quod videbatur Reip. majestati grave, nisi acceptam injuriam vindicarent. His igitur pulsi adactique stimulis Jacobum Dandulum Ptolemaidem tendere jubent, & adversus perfidum hostem hostilia omnia moliri. Immissus Itaque Venetus Præfectus cum instructissima classe in Syriam inter Ptolemaidem, Tyrumque incidit in hostes. eique in pugnam soluto majores objecere vires Genuenses. At quia nostris potior in re navali ars, per medias acies præterlapsi, acrius in obsistentes convertunt proras. in multum diem duravit contentio, quam tandem certa cum victoria pro Venetis fortuna diremit. Verùm inclinante ad vindictam hostium animo, cùm impetratam sibi ab Galliarum, Siciliæque Regibus pacem sprevisset; incassum etiam eam sollicitante Romano Antistite; quinquennales inducias libentius pacisci voluerunt, opportunum rati hoc temporis spatium restaurandis viribus, quibus tandem præsentem injuriam ulciscerentur.

*Pugna cum Bononiensibus.*

MCCLXXI.

**P**ost incæptum cum Genuensibus bellum ita obsidebantur inimicis classibus maria, ut infida & periculosa nostris redderetur ad frumentationem in Apuliam, Siciliamque navigatio: nec poterat vel publica impensa altera parari classis, qua frumentatores ab hostili metu defenderentur. Hinc Veneta urbs sub Laurentii Theupoli Principatu in extremam annonæ penuriam incidit. Ad vicinas  
igitur

igitur gentes itum , quas ab Actiolini tyrannide ope sua paulò antè liberatas, Veneti, gratas, & beneficii memores arbitrabantur. sed contrà accidit. Ferrarienses enim, Tarvisini, & Patavini præsertim, non ære, non precibus flecti unquam potuere, ut liberam egenti civitati darent in ipsorum agris frumentandi licentiam: unde liquidò apparet nihil in populo fluxius esse, quàm accepti beneficii memoriam. Quoniam itaque finitimorum odia Venetos ad longinqua redigerunt auxilia, eaque parùm tuta ab audenti Reip. fortuna, civibus fame laborantibus prosperè consultum est, empto in Sicilia frumento, atque sine jactura in urbem invecito. Porro in vindictam ingratorum Patres novam de portoriis legem promulgarunt, qua vectigalia solverent ii, qui cum mercibus intra Flanaticum sinum Padique ostia navigarent; & ne fraus intercederet, destinata sunt ad exactionem speculatoriæ naves. Bononienses id ægrè passi, legatione missa, se arma correpturos minitantur, nisi decretum vectigal Senatus quàm primùm tolleretur, liberumque maris usum permetteret. Risit is infanientis populi minas, novemque armatis biremibus se illi ad Primarium ostendit. verùm in ulteriore Padi ripa erecto à Bononiensibus castello res Veneta graviter turbabatur. Nostri ad hostium vires sensim debilitandas bellum protraxere in triennium, quo exacto, Marcus Contarenus, jam fessis pacem largitur his conditionibus, ut extructam arcem diruerent, & immuni quarumdam mercium subvectatione, ostiorum Padi custodia penes Rempublicam esset.

*Iustinopolis recepta.*

MCCLXXVI.

**V**T nulla Reip. ab armis esset vacatio, non diu post Bononiensem pugnam nuncius affertur de Iustinopolis defectione. Illa, Veneto Prætor ejecto, specioso

I 2 liber-

libertatis titulo capta rebellarat. Ut in pristini officii leges traheretur, missus Andreas Bassejus cum idoneo navium delectu. Is in provinciam delatus subita oppugnatione contumacem civitatem adeò deterruit, ut, venia suo sceleri desperata, maluerit Aquilejensis Patriarchæ subire servitium, quàm Venetæ benignitati obtemperare. Ille adipiscendæ urbis occasionem amplexus, cum armato milite præstò adfuit: sed bellum cupidius, quàm felicius gessit: quippe obsessis non solum quidquam profuit, sed ipse primis congressionibus in fugam adactus Venetam de se victoriam magis auxit, & Justinopolis, turpiter abeunte defensore, citius recepta est.

*In Anconitanos expeditio secunda.*

MCCLXXVIII.

**E**Adem causa, quæ pridem Bononienfes, in pugnant tunc traxit Anconitanos: de portoriis nempe lata lex: ea negabant pendere, quia id juris non esset Reipublicæ. Horum pervicaciam armis vindicare volentes Veneti, cum sex, ac viginti triremibus Anconam oppugnatum ivere. Classis ante inimicam urbem explicata ingenti pavore hostem affecit: & quia ea erat Romanæ Sedis tributaria, à Pontifice opem postulavit. Interim nostri obsidioni intenti, cum nullam ibidem suis navibus haberent tutam stationem à fœdissima repentinè tempestate jactantur, ac proximis Senogalliæ littoribus illisi triremes aliquot perdidērunt. Non tamen iniqua fors Venetos consternavit, quin aliis in supplementum acceptis Anconam iterum vexarent. Subinde fraudibus rem agentes Anconitani Venetas triremes omni bellico ornamento imitati, obvii procedunt, ac exhibito amicitiae signo, duas è nostris confecto dolo incautas naves opprimunt. Hinc magis irritatis Patrum animis infedit sententia delendi hostem. Quare tandem horum constantia

stantia territi Anconitani iterum Pontificia auxilia implorant : at nihil profectum obsessis , qui in dies ad angustiores rerum anfractus redigebantur . Penè igitur desperationi proximi pacem suppliciter exorarunt. Hæc denegata prius, ut longiores audaciæ , ac temeritatis pœnas darent : postremò benigniter concessa ab Jacobo Contareno Principe ea lege, ne impositum onus exinde detrectarent .

*Bellum Histricum cum Aquilejensibus primum.*

MCCLXXXIX.

**A**Nconitanos Histri exceperunt à Veneto deficientes : ad coercendos rebelles nostri progressi ibidem in armis pro contumacibus conspexere Patriarcham Aquilejensem, qui valida Venerorum classe manuque appetitus, declinando pugnam, veluti subitaneo correptus metu in fugam dilabitur. Ex hoc Veneti facilius Histros recepere. Cæterum vix de recuperata Provincia fama Patribus innotuerat, cum iterum Aquilejensis non tam suis instructus, quàm auctus Goritiani Comitibus auxiliis ad spem melioris fortunæ revertitur . quare cum terrorem tantarum virium latè circumtulisset, altera Histriæ secuta est defectio, dum Reip. præsideret Joannes Dandulus . Nunciata ea Senatui, qui recentem ab urbe classem dimisit, Tergestum in primis rebelle oppidum petitur: sub mœnibus frustra iterata certamina, crebròque promotæ bellicæ machinæ . nam in propugnatoribus singularis constantia, & eximia virtus apparuit . Longiori itaq; obsidione opus erat, ut contumax hostis domaretur : & adhibita quidem à Venetis solertia non parùm hostiles animos infregisset, nisi ad minora officia dilapsus cum maxima parte copiarum Joannes Dandulus animum fecisset Tergestinis, qui nimbum prius sibi instantem in nostros transfuderunt: hoc modo elusa victoria, iræque in aliud tempus dilatæ Tergestum sua obsidione liberarunt .

*Res*

*Res in Syria malè gesta.*

MCCXCI.

**G**liscientibus in dies Venetorum, & Genuensium discordiis Christianæ res in Oriente miserandum in modum occidere. Primò quidem Venetæ ab Syriaca provincia divulsæ; Ligusticæ verò non tam inde, quàm à reliqua Græcia paulò post exterminatæ sunt. Christianis itaq; inter se dissidentibus Hierosolyma urbs antiqua nobilitate celebris, & Christi Dei natalibus, vita, morteque sanctissima in Barbarorum manus rediit, expugnata à Saladino Babiloniæ Rege. Is per eos dies non ultra progressus est, ne totam in se armaret Europam. utque domiti à se bello populi animos quoque captaret, firmaretque tracta ad tempus modestia, compositoque Marte usus erga omnes esse fertur; unde etiam Ptolemaidi indulta quies, pactis cum Veneto induciis. Attamen, ut essent, qui grassantem hostem morarentur, Romanus Pontifex Christianos Principes excitare sedulò adnitebatur, & jam apud Venetos stabat in anchoris parata classis. Sed quid? dum ab reliquis socialia arma cunctantiùs parantur, induciarum tempus per summam Orbis Christiani socordiam elabitur. quam suis rebus occasionem nactus Sultanus, & Saladini; cui successerat, fortunam assecutus post Tyrum, Sidonem, Tripolim, Berythumque incensas, & solo æquatas urbes; Ptolemaidem, tamquam bellicaput, aggressus est. Stetit hæc tamen aliquandiu sola Venetorum virtute, ac viribus; at innumeris penè cincta legionibus, nullisque ab Europa allatis suppetiis, corruit miseranda urbs, & ab imis fundamentis deleta est. Ita non sine infami Europæorum Principum nota, qui arma in pium bellum distringenda, tunc temporis ad se dilaniandos civili quadam rabie convertebant, expulso è sacro solo divino cultu, atque Christiano  
nomi-

nomine, amissimus monumenta pietatis, & tot victoriarum trophæa, quæ annorum ferme CC labore à majoribus nostris parata fuerant.

*Bellum cum Genuensibus quintum.*

MCCXCIV.

**A** Missa Ptolemaide non ampliùs cum Genuensibus dimicandum erat; quippe urbem illam, præteritorum bellorum facem, Sultanus jam extinxerat. hac tamen sublata odiorum causa, aliam livor, & ambitio prætexuere; maris nempe imperium, à Ligure sibi arrogatum. Ea propter rursus inter utramque gentem, repetitis sæpè congressibus, ita præliatum accepimus, ut non minùs victos quàm victores belli poeniteret. Cæterùm hoc ipsum bellum motum est in Genuenses, administrante Remp. Petro Gradonico, cò quòd illi Pisanos ad Lamellam insulam per summam injuriam offenderant. Sociis illatæ cladis ultio mandatur Rogerio Mauroceno, qui cum LX triremium classe devectus in Pontum, Peram, non procul à Byzantio, hostium receptaculum combussit; parique usus celeritate Folia-vetera oppidum injectis flammis solo æquavit. His gestis, domum evocato Mauroceno Joannes Superantius sufficitur. Sub nouo duce Caphata urbs, in qua Ligures negotiabantur, occupatur, diripiturque; inde progressum in Tauricam Chersonesum; ubi Veneti maiorem suo nomini gloriam peperissent, nisi regio illa, perpetuis damnata frigoribus, nautas, & milites ultrà fidem debilitasset. Hæc inter hostes discursantes per nostra maria, in his omnia pro libidine agebant. classem LXX rostratarum Lampadius Auria ductabat, qui prædando, magno nominis armorumque terrore cuncta in vicinis littoribus perturbaverat. Depopulationes, metumque prohibiturus alias naves, triremesque comparavit Senatus, & quidem tumul-

tumultuariò; expletoque XC armatorum navigiorum numero in hostes delegit præstantissimum virum Carolum Dandulum. hic paribus armis, animisque bellum à Ligure oblatum suscepit, quo Corcyra in Illyrio non parùm nobilitata, invecusque in provocantem hostem, præteritarum victoriarum memoria. initum certamen in multas horas protraxit, toto pelago armorum fragore, & cadentium utrimque fremitibus inhorrescente: sed tandem fortuna instabilis, nostrisque adversa, Genuenses sequuta est, ibique deficere visa, ubi virtus eminebat. Nostrorum itaque profligata classe, Dandulus in hostium potestatem venit, eorum ornaturus triumphum nisi generosa morte ignominie se eripuisset. Cæterùm Veneti non inulti, neque hostibus incruento bello cecidere; quippe hi majora non ausi, fugientibus similes, Adriatico excessere. At mirum quantum infremuerit Civitas ad nuncium dissipatæ classis; haud tamen animo consternata recollegit vires, & XXV triremibus Marco Basejo Præfecto, hostibus in Helleponto occurrit. verùm tunc quoque constitit, quamcumque rei militaris gloriam sæpiùs fortunæ, quàm virtutis esse beneficium. Obviàm eunti Veneto pugnam similiter indixere Genuenses, & navium numero, & recenti rerum gestarum recordatione freti. Hos Basejus cùm subito discessu eludere deliberaret, ita properare non potuit, quin circumveniretur: quoad sufficere vires fortiter præliatus est, labore tandem, ac robore impar victori celsit. Duplicato malo nec quidem prostrata Resp. persequendos hostes decrevit, qui libero mari vagantes in Cretam irruerunt direpta iterum Cydone. Itaque tertium relictis grandiconatu viribus in Liguriam trajecit, ut ex impressione illi coacti ab Creta ad tutandam patriam revocarentur. Dominicus quidam Slavus vir prætans animi cum paucis aliquot navigiis universam ferme Ligusticam oram rapinis, incendiis, & vastationibus sædè permiscuit, plures hostium biremes cepit,

cepit, & in ipso quoque Genuæ portu egregia in oppidanorum contumeliam edidit facinora; inde postremò recedens duas Ligusticas triremes oppressit, quas suarum puppibus adligatas, triumphantis in morem, invexit in urbem. Tandem pacem necessariam magis, quàm voluntariam uterq; populus est amplexatus, cum amborum vires continuatis cladibus fractæ, ac extremo penè excidio consumptæ essent.

*Exeditio in Gracum Imperatorem.*

MCCCII.

**C**UM Andronico Palæologo, quòd Venetæ Reip. vel ratum vectigal, vel acceptam mutuò pecuniam solvere recusasset, præliatum est. Missus Belletus Justinianus unà cum VII, ac XX triremibus, ut à Græco, quæ debebat, vi repeteret: enavigavit prospero cursu in Hellespontum, ac multis hostium depressis navibus, aperto mari divagatus, ferme omnes Constantinopolitani imperii maritimos tractus incendiis, & cædibus, quà potuit, desolavit. Qui capti sunt Græci ad unum laqueo spiritum reddidere, æquabili vindicta, quam distulerat, non abstulerat Venetus, memor fraudis, qua ipse Byzantio cum Balduino fuerat ejectus. Hoc metu Justinianus à Palæologo debitum æs extorsit, quod prædæ conjunctum insigni cum victoria patriæ intulit.

*Bochonia in urbe conspiratio.*

MCCCII.

**V**ix libera externo bello Resp. quando ex privatis odiis in domesticum incidit, ob sceleratas quorundam civium conspirationes. Marinus Bochonius Petro Gradonico Duci infensus, eos in nefaria consilia compulit, qui  
K per



per eos dies adversus eundem Principem pari odio furebant: cum posthabito Jacobo Theupolo, quem popularis acclamatio ad supremum Magistratum expetebat, Gradonicum Patres extulissent: vel, quod nefas, quibus inhonora libertate potior tyrannis videbatur. Eo itaque auctore in Principem, quem unum Bochonius impensè oderat, & in optimates, si qui obsistere ausi essent, ad necem usque defœvire constitutum erat. Dicta est sceleri dies, qua Comititia agerentur. Delata Patribus conjuratio in id omnium studia convertit, ut primo quoque tempore tanti criminis capita comprehenderentur. Favit autem publicis votis fortuna. Marinus enim ipse, & primores socii capti, civitasque ab imminente incendio servata est, dum illi, flagitii convicti, capitali supplicio puniuntur.

*Bellum Patavinum quartum.*

MCCCIV.

**P**atavini erecto castello, eique imposito præsidio non procul à stagnis, quibus Petabubulæ nomen, in arma Venetos provocarunt. Apparebat vel etiam invitis his, omnia ea loca, quæ inter Clodiam, & Albanum sita sunt, in salinarum usum per Patavinos fore redigenda, maximo Reip. detrimento; finitimæ gentis machinamenta cognovere Patres in publicam, privatamque perniciem tendere. Quamobrem immissus est miles, qui hostes ejiceret, arcem, munitionesque subverteret. Velitatum est sæpius cum præsidiariis. Patavini, qui ad subsidium venerant, arrepta fuga, sive impares viribus, sive rei malè gestæ pœnitentia, nihil deinceps tentare ausi sunt.

*Bel-*

*Bellum Ferrariense primum.*

MCCCVII.

**N**ulla generis religio, nullum nomen tam sanctum, quod non regnandi cupiditate violetur. Friscus Atestinus parriciale bellum Diis penatibus intulit, ac in paterno sanguine gladiatoriam immanitatem exercuit, impia parentis morte, quia Ferrariæ principatum scelere occupare maluit quàm ex tabulis expectare. Turbatæ eo facinore civitati Venetus assertor adfuit, vetere instituto, ne eadem scilicet fax, quæ domesticos Atestinorum lares nuper cremaverat, sociorum quoque urbem & domos per factiones succenderet. præceps est enim ambitio, ubi aperto flagitio innotuit. Ferrarienses itaque abominati tam crudele imperium, se Romano Pontifici dedunt: indignatus suorum defectione Friscus, ultrà quàm credi potest, in eos qui dicebantur auctores, exquisitissimis tormentis defævit. hinc deploratis novissimè rebus omnibus, ac tardante Pontificis ope, se Veneto Senatui committunt, quos ille in fidem receptos legitimo Domino servabat, firmata prius urbe munitionibus, & Magistratu suo. Verùm Clemens Quintus, qui hos tumultus in Gallia perceperat, Veneto sacris interdixit, eorumque bona, hominesque ubiq; locorum diripiendos permisit, quòd urbem Romanæ sedi subjectam contra jus, & fas occupassent. Accedit demum è Bononiensibus Pontificius legatus cum exercitu, unde recentibus furiis agitata civitas desciscit à Venetis, atque iterùm in Pontificia jura concedit. Tantæ levitatis pertæsi nostri, secundo belli anno urbe cedunt, pacemque à Clemente, diu nequicquam petitam, nota tandem Francisci Danduli moderatione & opera, impetrarunt.

*Bajamontis Theupoli conjuratio.*

MCCCX.

**S**Olet familiæ præstantia, opum ubertas, ac morum licentia ambitiosos spiritus plerumque alere. inde toties expertæ sunt civitates inquietorum civium turbas. nam illi dum pares negligunt, vel superiores non admittunt, laxatis insolentiæ habenis in Patriæ ruinam procurrunt. Hæc omnia in uno Bajamonte Theupolo, ejusque affeclis penè omnibus patricii sanguinis vim tantam habuere, ut horum cæco furore Reip. imperium ferè cum ipsa libertate corrue-rit. Impulit in scelus non amor in patriam, sed simulas, indignatio, & odium in Dandulam familiam, & in ipsum Petrum Gradonicum Principem, qui nimio plus illi favere credebatur, quique Jacobo Theupolo, ejus patri, prælatus fuerat, frustra populo eundem in Principem deposcente. Sed ut plerumque privata odia in publica erumpunt incommoda, exurgente rerum novarum cupiditate: ipso Theupolo duce in curiam primò statutum erat irrumpere, Principem cæterosque sibi invisos confodere, & si qua cederet, occupare imperium. Cùm instaret dies sceleris, densatis tenebris cælum impium facinus exhorruisse dicitur, procelloso tonitruum gemitu, & crebra fulgurum coruscatione: at ea portenta contumaces nec terruere, nec postea ipsa fama patefactæ conspirationis. Hæc, ut Patribus opportunè detecta, ac jamjam immineret vis (id certè divini Numinis auxilium, ut furias in ipso jam successu securas subita ultio exciperet) repentina ad arma conclamatio eorum facta est, qui Remp. salvam vellent. Optimi quique inopinato exciti signo, ac tumultu ad publicam defensionem armati in curiam convolarunt: conjurati, quoque irrumpere in Marcianum forum, & quasi versarentur in militari-  
bus castris execrandum ibidem certamen orsi sunt. Hi  
sua

sua fata urgebant, & ab illis urgebantur singularibus furoribus; ideo præcipites ruere in clades, quas sibi noxiis consiliis paraverant. Conferitur civium manus; libertasq; veluti in medio constituta videbatur à suis vel perdenda, vel conservanda. Conspiratorum impetunt diu paludati Patres sustinuerunt, deinde repulere certa victoria, qua passim consternati, cæsiq; perduelles; superstitibus aut capitis, aut exilii pœnas cum ipso criminis auctore luerunt. Memoriae proditum est, nullam Cisalpinæ Galliæ urbem, nullum oppidum extitisse Venetis extorribus vacuum. Cæterum Theupolus jam publicis armis vix elapsus, mulierculæ manu concidisset, nisi alium mortario dejecto contrivisset, quem caput sceleris ex vexillo opinabatur. Exincta in hunc modum conjuratione, de proditoribus affatim habitata est ultio: in quosdam laqueo, in alios securi est animadversum: omnium gentilitia signa, & nomina ubique locorum expuncta, dirutæ ædes, & bona in publicum translata. Laudatur civico illo conflictu supra cæteros Marci, atq; Vgolini Justinianorum virtus, & pietas. Sic antiqua Reip. restituta tranquillitas, plurimaque postmodum in strenuos cives, ac de patria benemeritos, atque adeò in ipsam animum collata sunt præmia. Receptæ, conservatæque quietis, ac libertatis dies in Venetis fastis viget, decreta quotannis supplicatione Divo Vito, cuius festo extinctam conspirationem accepimus. In parricidam verò exulem, pessimis artibus reditum in patriam rursus molientem, rogata lex, iussumq; ut Franciscus Dandulus, id temporis Venetorum Princeps, quovis ære proscriptum interficiendum curaret.

*Jadera defectio septima.*

MCCCXI.

**E** Vulgata Theupolæ conjurationis fama, quæ omnia in majus auget, Jaderenses pessumdatam Remp. sibi stultè suadentes, septimam ad Pannonos moliti sunt defectionem. Populum ad rebellionem natum non tam pedestri, quàm navali militia domandum, ut aliàs, decretum est, sedente Marino Georgio Principe. Illa Dalmaso homini Hispano conceditur: hæc Philippo Bellegnio. Uterque mira celeritate in provinciam fertur, urbemque contumacem dispositis circum castris acriter oppugnat. Jaderenses armis undiq; septi & auxiliorum inopes ad spectum olim imperium rediissent, nisi Dalmasus, auro polluta fide, in singulos dies nostram producendo victoriam se illis pacis intercessorem exhibuisset. Cognita viri fraude, nihil ab obsessis impetratum, proditor omnibus invisus clam aufugit: cæterum mulciscente Deo perfidiam, mari penè obrutus est, naufragio amissis donariis. Interea non cessantibus Venetis ab oppugnatione, Jaderenses nulla in armis, dolive reperta spe, à certamine ad preces se convertunt, factaq; deditioe eas conditiones accipere, quibus provincialium levitatem à læso dominio cohiberi solitum est.

*Expeditio in piratas secunda.*

MCCCXXIII.

**P**ercrebuerat rumor quædam Ligurum piratarum navigia Venetis in Græcia rebus hostiliter nocuisse. quo Venetias tandem delato, Patres quamprimùm compescendam decernunt eorum audaciam, qui prædari semel edocti, injurii nunquam esse desinebant. Ea propter Justinianum ex Justinianis XL triremium classi præficiunt cum sum-

summo imperio. Vectus in Ponticum, aliquot prædonum naves, circa Thracium Bosphorum captas, incendit; inde conversus ad Peræ expugnationem, coegit oppidanos, ut illata ad eam usque diem Venetis rebus damna persolverent. His benè actis, Joanne Superantio Principe, Cretæ Dux renuntiatur, ut quoddam, quasi debitum virtuti præmium consequeretur.

*Bellum Histricum Ilcum Aquilejensibus.*

MCCCXXVIII.

**V**Allenfes, & Polani, qui olim defecerant, experti quàm dura in se dominia exercerent Aquilejenses, rursus ad mitem Venetorum dominationem ultronea deditione rediere. Ejus temporis Patriarcha transitionem illam impotenti ferens animo, repenti in Histriam cum exercitu profectus est, ut illam armis ad imperium suum reduceret, jamque ex agrorum populationibus ingentem incolis timorem attulerat. Cæterum Veneri retinendis, confirmandisque oppidis intenti Justinianum eiusdem familiæ virum acrem in eam curam expediunt, qui cum hostibus semel congressus victoriam reportavit, fuditque Patriarcham, cujus in provinciam ingressus, non minus fuit ipsi terribilis, quàm turpis & fœda fuerit ejus fuga.

*Compressa in Creta seditiones.*

MCCCXXX.

**N**onaginta ferme annorum tranquillitatem in Creta turbavit nescio quis Varda, homo turbidus & factiosus. occasio furoris fuit denegatum tributum, quo naves in piratas armarentur à Rhitymnæ Quæstoribus, in quos ille non tam verbis, quàm armis insurrexerat. Adhæserè nefario complures. quare ab aucto, armatoq; perduellum

lium agmine haud parùm Cydone trepidatum est. nihil enim prætermisum ab rebellibus, quod igne, ferroque non corrumperetur. Selini castrum expugnatum, Præfectus arcis Hermolaus Bellegnus vinculis addictus, commissæ cædes, aliæque patrata facinora, quæ modò referre non liber. Primus in irrequietam turbam irruit Joannes Cornelius, qui integram, ipso trucidato Varda, assecutus victoriam, omnia recepit oppida, quæ fidem, atque imperium nefariè excusserant. Porro non diuturna pace Insula quievit, ab Leone Calergio novis motibus concussa, qui Venetos dum insula pellerè conatur ingentem rerum tempestatem excitavit. Placuerat Nicolao Priolo duci desperatis non offerre certamen, sed eos blanditiis in obsequium trahere, eoque magis quòd Calergium suscepti facinoris jam poenitere ferebatur, quem etiam blandis litteris & humanitatis plenissimis ad integritatem veteris obedientiæ pellexit. Cum verò per dolum, & occultas machinationes Smerilium Costam jam tumultuantem contra jurisjurandi datam fidem concitaret, denuò manifesti sceleris reus, labem prodicionis, & maculam fatalibus aquis eluere, Prioli sententia, coactus est. Hujus evulgatum supplicium non modò extinxit submersas faces, sed etiam majus rebellionis incendium suscitavit, quo grassante penitus exarsura Creta videbatur, nisi Priolus haud ignarus seditiosos inter se vix unquam stabili fide hædere, valida militum scripta turba perduelles insequurus esset montiumque occupatis angustiis, ne intrà eorum latebras ullum illis pateret effugium, perquisitos dedisset in fugam, & palantes per campestria more pecudum ad internecionem usque mactasset. Hac victoria, rebelliæque sanguine expiata Creta summa in multos annos tranquillitate quievit.

*Ex-*

*Exeditio in piratas tertia .*

MCCCXXXI.

**P**ER eadem tempora Thomas Viarus, infelici successu, cum piratis conflixit: dum enim sex eorum naves infectatur, alias, quæ Venetorum onerarias duas depredatæ fuerant, medio Adriatico offendit. Procedens igitur temerè in pugnam, promissa sibi ex validiore classe, qua fretus erat, victoria, à pirata Ligure ita excipitur, ut momento temporis ejus ferme omnes triremes aut laceratæ, aut captæ fuerint, omnesque milites cæsi, & ipse, vix parvum à bello nactus navigium, Venetias trepidè aufugerit. Cùm autem ejus prælii infelix exitus ex nimia Viari audacia Patribus innotuisset, ad perpetuos carceres illum condemnarunt, memorabili sanè ducibus exemplo, quo scirent, non tam speciosa, quàm necessaria in bellis consilia esse sequenda.

*Bellum Turcicum primum.*

MCCCXXXII.


**T**URCÆ ad servitutem nati, sed Christianorum diffidiis evecti ad imperia, sub Amurathe in Europam, Ligurum ope, remigioque traducti jam Græcas provincias ceperant occupare, nostraque maria ita infesta reddere, ut in Orientem navigantibus nil tutum reliquum esset. Insolentis, audacisque hostis conatibus maturè occurrendum erat. quare Veneti extemplò legatos Romam, & in Galliam dimittunt, Pontificem, & Regem monituros, ne dilata virium conjunctione imminente Barbaro subigenda Italia traderetur. Gallus cùm magis nomen ad præsidium sociorum, quàm vires attulisset, Pontifici, Venetoque solis Italica salus, & libertas concreditur. horum Principum armis per ea tempora Turcarum insultus repressi sunt. Petrus

L enim



enim Zenus Venetarum triremium ductor hosticas in Ionio navigantes cecidit, & omnium primus de Turcis triumphavit. Cæterum hos mari summovisse non contentus plura Græci littoris oppida barbarorum prædis referta populatur, ac evertit. Post hæc renovato cum Christianis Principibus fœdere continuatis in aliquot annos victoriis cum tanto hoste pugnavit. Tandem post purgata piraticis latrociniiis maria gravi, & martia classe Smyrnam applicuit, aggressusque urbis oppugnationem fœliciter confecit, fugatisque barbaris illam recepit. Hinc celebriores triumphos sibi pollicitus in Asiæ Mediterranea descendit, ac fugitivos ubique persecutus est. In ea provincia ut quidam habent annales, egregius imperator dum sacris de more operam daret, à convolantibus undique agrestibus interceptus in templo fœdè opprimitur, & cum tanti viri occasu spes omnis melioris fortunæ evanuit.

*FINIS LIBRI PRIMI.*





# IOANNIS BAPTISTÆ

V E R I

CANONICI PATAVINI

## RERVM VENETARVM

LIBER SECVNDVS.

*Bellum in Scaligeros Verona Principes  
Tarvisum obtentum.*

MCCCXXXVII.



A semper fuit Venetorum pietas, ut vicinos juvarent auxiliis, quando à potentioribus contumeliosè vexarentur. Hinc obliti injuriarum, quibus Patavini eos toties affecerant, arma pro externis aris, focisque suscipiunt adversus Scaligeros, Veronæ Principes. Horum potentia, intra justas imperii metas ne scia consistere, in licentiam quoque erupit offendendæ Reip. Quare, ut latius per opprobrium aliorum suos fines extenderent, arcem in stagnis propè Clodiam insolenti milite communitam erexerunt, ac per Padum, Athesimq;

L 2 navi-

navigantibus Venetias indixerunt portoria, neque alia in turbidis Principibus defuere facinora, quibus sensim res Veneta in perniciem traheretur, nisi quandoque tantis iniitiis maturè iretur obviàm. Interim Patres certi si nihil moverent, eam audaciam in speciem legitimi dominatus transiitutam, Scaligeros, legatione more patrio transmissa, priùs quàm arma arriperent, conati sunt ab injuriis revocare: cæterùm ea spreta, atque turpiter irrita est. Hujus rei fama mirum, quàm magnis, propensisque studiis bellum in juris gentium violatores decretum sit. Primò igitur cum Florentinis percussum foedus jam antèa Venetam opem in eodem hostes implorantibus: mox evulgata expeditione complures Principes, quibus ea potentia suspecta erat, Vicecomites, Atestini, Gonzagæ, & ipse Bojemæ Rex suos internuncios Venetias misere, quò junctis viribus Scaligerorum superbia retunderetur. Adfuisse una die in urbe sexaginta Europæorum Principum legatos, qui apud Senatū, tum de bello, tum de pace tractarent, produnt ejus temporis scriptores. Marsilius quoque Carrariensis vir inter Patavinos summæ auctoritatis, Scaligerorum causam iisdem diebus apud Patres fovebat, & pacis condiciones percontatus, has retulit. Patavino agro hostis decederet: Tarvisum Reip. esset: Rubeis Parma: & Florentinis Luca permitteretur. Verùm ut iniquæ rejectæ, & pax desperata, bellum utrinque maturarunt: Summa itaque cura miles conscriptus, comparatoque exercitui datus imperator Petrus Rubeus Parmensis, duobus additis rei bellicæ procuratoribus, Legatorum nomine, Marco Cornelio, & Andrea Mauroceno. Ille acceptis à Francisco Dandulo Principe sui muneris insignibus, copias in Mortensi agro recensitas, dispositasque in aciem ultra Plaviā trajecit: inde in Patavinos itum, ubi Albertum Mastini tum Veronensium domini fratrem non parum territavit: ac per patens consernatæ regionis solum illatus, cum nullus obex occur-

occurreret, agros passim vastavit, ingentique terrore latè circum sparsa municipia pervasit. Saccentæ castrum, & Caputaggeris se dedidere. Marcus Lauretanus levioribus navigiis arcem in stagnis aggressus, eam deturbato præsidio excidit: venire in fidem Cuneanenses: nec non maxima, eorum exemplo, secuta est oppidorum defectio. Itaque omnia hostibus infesta: nequicquam subinde è Germania conducto milite, quo Patavium oppresserant, non juverant, defectionem molientibus civibus, tyrannidis, bellique mole confecti sunt: Hæc inter Rubeus ad Ateste pugnabat, captivo hosti sat æquus, fama captandæ clementiæ, nam quos inter dimicandum ceperat, omnes libero jure dimisit. Postea ipsa rursus Patavinæ urbis mœnia obequitans, concremataæ unius portæ incendium, quæ Sanctorum dicitur, agrorumque vastationes per contumeliam inclusis Scaligeris exprobravit: at ulterius non progressus, ne desperata spe veniæ pertinacia furor hostis accenderetur, in Tarvisinos concessit. Ea in provincia insperato fortunæ eventu injecto solo nomine metu Tarvisum occupavit, non ausum arma experiri. Mastinus ea propter versus in rabiem Patavio ad Bubulentam promoveret, ibique stationaria aliquot nostrum navigia oppræssit, barbarum in morem cum nautis, custodibusque debacchatus. Quingenti etiam mercenarii milites circa Mestrium vicum Alberti dolo cecidere, deceptus in ipsa vindicta furentis animus, cum eos Venetos omnes esse arbitraretur. Dum igitur in Patavinis, Tarvisinisque bellum ita alitur, Mastino nunciatur, Brixiam à Vicecomitibus obsideri. Ex hoc abeuntis Mastini recessu excitati Patavini à tyrannide se vindicant, auctore Marfilio Carrariense, qui tacitis nunciis accersitum Rubeum in urbem per Pontem-curvum recepit, Albertumque dedit in vincula, ut Venetias duceretur. In hunc modum sine sanguine occupatum servatumque Patavium, habita in seditiosos quosdam animadversione.

Quam-

Quamobrem Senatus commendata Carrariensium fide in benemerentem familiam innumera contulit beneficia, quorum primum, & singulare illud fuit, libera Patavinæ urbis administratio. His gestis, Rubeus ducta copiarum parte ad Montem-silicem oppugnandum, dum impigrum & militis, & optimi ducis navat operam, inter confertissimos missilium jactus miserè cadit: funus quidem tanti viri lacrymabile contigit, accessit demum dolori impetus, dum alter fraternæ virtutis egregius æmulator germanus in Gonzagiacis castris, Vetonam tum obsidentibus, occubuisse. Alius è Rubeis supererat Rolandus nomine æquè clarus militia. Hic suscepto copiarum imperio distulit per eos dies vindictam in Monte-silicenses, & in Veronensium fines populatum penetravit. Subinde Rubei necem ulciscitur Vbertinus Carrariensis, Montis-silicis potitur arce; hostemque terga dantem persecutus profligat. Mastinus, qui jam amissa Brixia redierat, aliquo minus turpi facinore fugam honestaturus Montanianum castrum aggreditur, sed irritò conatu. quippe obvium habuit Andreacium Maurocenum, quem licet ipse Scaliger ignominiosè effugeret, sat multos tamen suorum ad internecionem reliquit, præter captivos. Rolandus cum jam nihil gloriæ deesse, nihil obstare Venetæ virtuti videret, divisis copiis, pluribus simul in locis victricia arma circumtulit, præcipuè in Vicentinos acer, quorum oppidum ea constantia fatigavit, ut inops animi Mastinus pacem, quam antea spreverat, per Oratores ultra deprecatus sit; datis prioribus conditionibus, acceptisque Veneti quievire, ne Italica libertas continuatis bellorum fluctibus mergeretur. Ex hoc bello præter oppidula Venetæ Reip. accessit Tarvisium: deditum quoque erat Patavium, sed, uti diximus, Carrariensibus traditum, quò magis constaret Venetos arma in Scaligeros corripuisse non aliam ob causam, quàm, ut inter vicinos populos pax & securitas vigeret.

*Cretensium defectio.*

MCCCXLII.

**E**X Italia in Cretam, gubernante rem Venetam Bartholomæo Gradonico, bellum translatum est. Necessè erat inconstantissimæ gentis ingenium, & in dissidia proclive armis retundere. Quamobrem Patres robustissimas militum legiones in eam insulam destinarunt. Tripartito agmine terni Duces ex Faleria, Justinianæ, & Maurocenâ familiis in rebellantes solverunt. His fortiter juxta, ac fœliciter dimicantibus secunda fortuna occurrit: nam perduellium munitiora castella vi ceperunt, & dirutis ex iis quibusdam, infessisque montium latibulis, ne receptaculo hostibus essent, circumlatoque passim bello, tantum illis terrorem incussere, ut brevi sedata defectione, sumpto de rebellibus supplicio, tota Insula intestinis purgata discordiis ad vetus imperium redierit.

*Jadera defectio octava.*

MCCCXLV.

**I**Aderenſium defectiones non ſemel depreſſæ, cæſique earum auctores, in alias, atque alias anniverſario quodam furore pullulabant, veluti ſi de occiſorum capitum ſanguine renaſcerentur. Subiit conſeſtim Patrum animos ex Principis Andreæ Danduli ſententia, recepta diu cogitatio, non eſſe impunè relinquendum ſcelus, ne tota provincia conjuratione Jaderenſium erecta, occaſionem rebellandi ſuſciperet. Navali ergo, terreſtrique apparatu urbem oppugnaturi Petrum Canaliū, & Marcum Juſtinianum eò imperant, ut alter mari, alter terra pugnam rebellibus inferret. Primo acceſſu Canalius Pagum cepit oppidum, ita & Juſtinianus ſubitaneis aggreſſionibus Jaderam  
rece-

recepisset, nisi Pannonες victoriam remoratiessent. Advenere ē Pannonia cum ipso Rege expedita copiar: his nostri haud territi obviam procedentes bellum atrox committunt, quo plures hostium cæsi sunt. Verum cum illud magis recrudesceret, oppidani, qui subsidiariorum fugam turbatis ordinibus conspexerant, ut illis opitularentur ē manibus turmatim advolantes, fortunam, ad nostros jam inclinantem, prævertere; sed non multò post justam belli causam, Venetamque secuta illa virtutem, rediit: pedestres enim nostrorum copiar à navalibus sociis opportunè adjuncta, magnam de hostibus stragem ediderunt, sed ea jactura, abundante hostium multitudine, inter damna haud numerata. Dum Jaderæ procedit oppugnatio, in regiis castris non mediocriter annona laboratum, quorum incommodis Venetorum fiducia crevit. Pannonēsque rerum omnium egestate coacti bello excedere nostris victoriam relinquere. Hanc breui cumulavit ipsius rebellis urbis occupatio, quæ Venetum robur diu noctuque perpeffa victori, ac domino se demum restituit subjecitque, impetrata à clementissimo Senatu scelerum venia, cum ē suis avelli sedibus, ne ampliùs fidem violaret, mereretur.

*Bellum Histricum tertium.*

MCCCXLVIII.

Quasi illud rebellionum, conspirationumque seculum esset, allatum de recepta Jadera nuncium, non tam immanis comitata est pestilentia, quàm certus rumor, Justinopolitanos defecisse. Illa, non priùs quàm expleta fati rabie, recessit; isti, antequam externarum gentium robora coirent, Marci Justiniani vigilantia in fidem retracti sunt. Per eos quoque dies, Albertus Carnorum Regulus universam penè Histriam cædibus, & latrociniiis everterat. In eam provinciam exercitum, quo retunderetur

tur

tur illius temeritas, mittendum censuit Sénatus: & cùm primum armatum se ostendit, hostis perterrefactus, quasi manibus arma decidissent, per devia montium aufugit, nusquam ullo certo ordine, aut spe reliqua resistendi: dispersum palantemque infectatus Venerus malè multavit, cepit ducem, & cum eo captivo ad Senatum capta vexilla in victoriæ testimonium præmisit. Porro Albertus audaciæ veniam obtinuit, & libertatem, data fide non ampliùs in Remp. dimicaturum, & aliquot suis in finibus oppida demoliturum, ne ulli in posterum tuti recessus piraticæ genti, ac latrocinantibus barbaris paterent.

*Bellum cum Genuensibus sextum.*

MCCCL.

**H**Ujus belli initium ab intercepta Venetis per mare Ponticum navigatione profectum. Versi primum Genuenses in piraticam, mercatorias naves in Hellesponto prædati sunt. Rei novitas, violataque inde pax, hanc unam curam injecit Patribus, ut per Oratores ablata repeterentur, & nisi essent reddita, bellum denunciaretur. Non accepta legatione, sed elato animo repudiata ad arma propere concursum est, parataque præclara classis, quæ sub Marci Ruzini imperio temerarios & turbulentissimos hostes castigaret. Hic celeri cursu, tendens in Græciam, à speculatoribus quatuordecim Ligusticas naves Carystium portum ingressas audit. Illarum perdendarum concepta spe Ruzinius suas non longè à portu disposuit: nam propius accedere obstabat illius vadosum ostium. Nihilominus hostibus in difficilem eruptionem conjectis haud defuit animus. decreverunt enim ex illis angustiis intumescente mari egredi, etiam cum aperto discrimine; audentibusq; ac desperatis favisset fors, nisi Marcus Maurocenus Adriatici Præfectus ex transverso irruens hostiles triremes IV li-

M bere



berè jam egressas interceptisset. quo casu consternatæ reliquæ, circumventæque à tota classe vicinis littoribus illiduntur, nostrisque in direptionem concedunt. Captivi hostes Chalcidem ducuntur, iturque ad oppugnandam Peram Genuensium coloniam. At hoc nequicquam tentatum est. Idcirco Ligur animos, viresque fumens, Chalcidem appellit, omniaque replet vago tumultu, direptam succendit urbem, captivosque in servitutem abducit, reluctari hosti minimè auso Thoma Viaro Prætorè, quoniam ubi intrat animum pavor id solum metuit, quod formidat. His ultro, citroq; illatis cladibus apparebat bellum hoc diu inter utrumque populum duraturum, neque sine externa ope conficiendum esse. Ea propter Veneti cum Græcorum Imperatore, Aragonumque Rege icto fœdere validiores in pervicacissimam gentem procedunt, ac robustioris quam antea classis moderatorem nominant Nicolaum Pisani, qui continuò è Dalmatia solvens Pancratium Justinianum in Siciliam mittit, ut cum Aragoniis se confortaret. Nihilò segniores Genuenses aucta classe sub Pagani Auriæ auspiciis contendunt in Græciam, circumnavigataque Eubœa, quâ potuere, hostili rabie, excursitarunt, præda Peram reduccta. Interim Veneti cum Aragoniis è Sicilia in horridam ( futuræ calamitatis omen ) incidere tempestatem, qua tandem remittente, fracti penitus, dissolutique Methonem tenuere. Ibidem curato milite, relictisque navibus Peræ obsidium meditantur. Euntibus in expeditionem Genuenses maturè & fortiter occurrere in ipsis Bosphori faucibus, in his faciliè excepturi nostros, quia intra eas angustias non poterat tanta classis commodè, unoque tempore tota in certamen explicari. Eo igitur loci necessariò concursus est, sed magnis viribus, iratisque animis: pugnam summo manè initam cadentes tenebræ dirimere non potuerunt, nec priùs cessatum ab armis, quam lux altera redderetur, & una classium victoriam reportaret.

ret: Initio malè certavimus Græcorum auxiliis; illi namq; lingua, quàm manu promptiores, tentato, non commisso certamine, ad primas Genuensium impressiones proras suas averterunt: Aragonij, qui secundum in congressu locum sustinebant, sive hostis audacia, sive ignavo Græcorum metu exterriti, & ipsi se prælio subtraxere. Omnis itaque vis, & conatus in solos Venetos conversus continuataque cæco Marte pugna tamdiu protracta, quoad fessi, nulloque recreati subsidio, cederent: obstinatè pugnatum, omnesq; victi à victoribus, ob belli pertinaciam, acceptaque damna iratis cæsi sunt. Occubuere eo prælio cum Justiniano complures patricii viri, perpetua tamen apud posteros victuri gloria, quòd fortiter pro patria pugnando mori maluerint, quàm turpiter fugiendo patriæ decus, & avitam nobilitatem fœdare. Iniqui successus fama, non tam timore, quàm pudore affecit Remp. quòd tot validissimarum classium hostis victor abivisset: sed mox erecta in vindictam jubet nulla mora alteras instrui triremes, veteres refici, & Pisenum iterum expediri. Ille redintegrata, suppletaque classe propè Peram, usus meliore fato, hosticas aliquot dispersit: & cum certa fama intellexisset ab Antonio Grimaldo rostratas suprà XXX Aragonias juxta Cynnum perculsas esse, ita opportunè adfuit oppressis sociis, ut hos præter spem erigeret, hostesque inopinato accursu terret, quos fugam jam meditantes harpagonibus remoratus eorum cæde, & plurimarum navium spoliis paulò ante acceptam cladem rependit, majoremque Patriæ ac sibi peperit triumphum. Laceri in hunc modum Genuenses neutiquam superbos animos ad pacem inflexerunt, sed ut magis nativum in Venetos odium testarentur, ipsa neglecta libertate, qua nihil dulcius, Joanni Vicecomiti Mediolanensium Duci urbem, se, suæque omnia spontè tradiderunt; ut ita quæsito ab invidia hoste reperiretur qui adversus Remp. decertaret. Vicecomes dulcedine oblata

M 2      urbis,

urbis, orantibus præstò fuit. Hinc Veneti, futurum sibi belli discrimen cum Insubre rati, confestim omnia in continenti oppida auctis præsiidiis obfirmant, renovatisque fœderibus Scaligeros, Carrarienses, & Gonzagas, veteribus odiis inensos, illi opponunt: sic tutum terra imperium cum videretur, omnis erat sollicitudo in augenda classe. Pisanum igitur tribus aliis, ac XX triremibus præfectum emittunt in Ligurem, qui per eos dies Corcyram nigram, & Phariam tentarat, animique potius desperatione, quàm virium robore audacissimè ruebat in omne facinus. Parentium, vi captum, subjecto igne demolitus est: piratarumque more Adriaticum vexat. Interim Pisanus universum classicum apparatus in ora Peloponnesi ad insulam Sphagiam, quæ hodie Sapiencia est, retinebat. In libero portu, apertoq; facile oppugnatum iri Venetum hostis sibi persuasit, & jam Vicecomitis ope contracta XL triremium classe, portum sine tumultu, perque tenebras, nihil tale nostris cogitantibus intrat, classiarios ignavissimo metu correptos occupat, celerique, & incruenta victoria navibus omnibus potitur unica excepta, quæ inter cæterarum trepidationem casu elapsa aufugit; Pisanus ipse cum quinque hominum millibus Genuam asportatus, hostis triumphum non parum nobilitavit. singulari hoc inexpectatæ calamitatis eventu post integrum belli quadriennium concidisse videbatur Veneti imperii gloria, & vetustissima urbis libertas, si victor victoriam esset persequutus. Patres tamen inflicto vulnus cautè obtegentes non fortuna, at fraude se victose vulgant, quatuorque triremes privatis sumptibus illicò reparant, quæ à popularibus trierarchis ductæ in Tyrrenum proveherentur. Sed ne quidquam ad hostium felicitatem deesse videretur, eam quoque interceperunt navem, quæ furtim à priore jactura evaserat: provectiq; Gradum, ingentem civitati incusserunt formidinem. Repressit tamen non nihil hostiles in vicinia insultus Nicolaus Justinianus, tribusque longis navibus de-

latus

latus in Histriam, nutantem provinciam confirmavit. Cæterum non defuere prodigia, quæ acceptas calamitates porterunt: visi nempe sunt in aere clangentes corvi, atque inter se acerrimè pugnantes, guttæque sanguinis in Venetam classem decidere: conspecta etiam in portu immanis, & monstrosa bellua, quæ casu lapsum in mare hominem protinus voravit; successit demum teterrima pestis, urbisq; ultimum penè excidium, scelestissima ipsius Principis conspiratione.

*Marini Falerii Principis conjuratio.*

MCCCLV.

**M**arinus Falerius Princeps, nondum peracto publicæ administrationis anno, ac propè sexagenarius, vel privatis odiis, vel immoderatæ ambitionis fluctibus agitur, se Venetiarum tyrannum constituere, pluriumq; usurpare dominatum nefaria cogitatione decrevit. Itaque cum publicam privatamque salutem negligeret in impii facinoris societatem trahit plures è vulgo, & veluti cæco quodam furore actus, ac sine consilio cum primoribus agit, ut simulato Ligusticæ classis propè urbem adventu rumores intempesta nocte spargerent de vicino hoste, & quasi repentino pavore conterriti voces ad arma alternarent; scelerique addit commentum, quo populare odium in optimates concitaret, nempe, ut confectis nobilium familiarum nominibus appareret alienas uxores, & filias ad stupra, atque adulteria per viros patricos rapi. Ita igitur evulgato hostium ingressu, sparsaque vanis rumoribus contumelia, condictum erat, ut primi omnium conjurati, veluti ad publicam defensionem, in Curiam properarent, cujus obsessis liminibus, unumquemq; patricii sanguinis interimerent. Sanè discrimini maximo tunc obiciebatur res Veneta, nisi divinitus servata fuisset. Quidam è conspiratorum ducibus,  
Bel-

Beltrandus nomine , Nicolao Leonio , quo viro utebatur familiarissimè , scelus aperit , docetque conjurationis capita sexdecim esse , singulos duces habere sub se milites sexaginta , & horum omnium antesignanum Principem Falerium. Leonius , promissa sceleris impunitate , amplaq; munerum largitione , nihil cunctando Patrum seniores adit , coactoque concilio sub ejus noctis initium , quæ cædibus fuerat destinata , suadet tanto malo celeriter occurrendum , statimque mittendos lictores , qui conjuratos vincirent. Huic decreto patrocinata , ut sæpè in similibus , fortuna , captivos dedit perduelles , qui crimen confessi fractis cervicibus occultè necantur . Opprimitur deinde Falerius , detecti sceleris adhuc ignarus , exutusque publicis ornamentis in ipsa curia securi percutitur . Sub hæc quæsitum in reliquos . reperti quadringenti , & plures Falerianæ conspirationis conscii , atque singuli vel capite , vel exilio puniti .

*Bellum Pannonicum secundum .*

MCCCLVI.

**D**Omesticos ultra Resp. hostes , cum externis etiam nempe Genuensibus , pacem composuit Bernardi Iustiniani opera , & virtute . Non diu tamen vel sub auspiciis fortunatissimi Principis Joannis Gradonici lætaturus est Venetus conservata libertate partaque pace , quia altero anno certus rumor increbuit Ludovicum Pannoniæ Regem in Dalmatiam venisse , numerosissimo exercitu , quo uno eodem tempore Jaderam , Sicum , Spalaturn , Tragurium , Enonamque obsedit : utque suum hostem diversis in locis variis bellorum tempestatibus jactaret , cum Francisco Carrariensi Patavinorum Principe clam foedus percussit , jamque Cuneanum , Sacciliumque præter minora alia castra vi subacta fuerant . At nihil unquam tam acerbum obtrigit , quod non patiens , & æquus ille Venetæ gentis animus .

mus tolerando superaret, tum præsertim adhortante Joanne Delphino, qui in publica administratione Gradonico successerat. Obsessæ in Dalmatia urbes necessariis destitutæ auxiliis, quia universa belli rabies in Italia grassabatur, Pannonio se dediderunt: Enona diu Joannis Justiniani labore defensa, fame, non ferro, expugnatur: Jadera, arce pro Veneto stante, non militum vi, sed Carrariensis fraude succubuit. Hæc inter in Tarvisinis nostri ita strenuè dimicabant, ut ex hostibus vix ullus è castris erumperet, qui non saucius rediret: repulsus tandem ab urbis obsidione ipse Rex, cæsaque multa Pannonum millia. At jure in Carrarienses insurgendum videbatur, puniendumq; armis ingratum genus, sed tum placuit cum illis prohiberi commercia, & Marcum Maurocenum Patavinæ urbis præto-rem Venetias evocari. Cæterùm, cùm integra periisset Dalmatia, Patres ut arduum, & difficile bellum evitarent, eam provinciam Regi, impetrata pace, concessere. Ita Reipublicæ optimè consultum, quæ viribus, opibusque exhausta, imperium alibi partum longis laboribus, averfa unius pugnæ fortuna deperdere potuisset.

*Bellum Creticum in Colonos.*

MCCCLXIV.

**Q**Uæ in Creta hac tempestate emerfit defectio graviùs Patrum animos turbavit, quàm ulla alia, quòd à Venetis, eodem in coloniam deductis, emanasset. Hi obliti antiquæ patriæ, gentisque unde habuere initia, jam Græcam levitatem, & inconstantiam induerant, connixi in semetipsos à Rep. transferre Insulæ imperium. Defectionis causa ea ferebatur, quòd nullis vectigalibus Cretenses coloni essent obnoxii: & quòd, ira transactum cum majoribus, antequam in coloniam mitterentur, indignè quidem, ac impiè: ac si dominium Insulæ non ampliùs  
ad

ad unam Remp. spectaret, nec deberent auxilia quandoque laboranti præstare. Hinc cœperunt rebelles arma distringere, conjectisque in vincula Venetis Præfectis, ipsi Cretam suo nutu regere, omniaque novatis pro libidine legibus susque deque miscere: quodque turpius fuit, ut Insulanorum animos facilius captarent, Græcus ubique ritus Latinæ & Catholicæ religioni subrogatur. Mutato itaque sacrorum cultu, quæ fides amplius erga Rempub. sperabatur? quippe rarò populus Principem fideliter amat, qui ab illius religione dissentit. Revocandos à rebellionē animos primùm censuit Senatus per Oratores, misso Andrea Contareno viro facundissimo, ut facinorosos in antiquum obsequium reduceret, aut demum arma minaretur. At cùm obstinatis nihil persuasisset, obtinuit postremò destinatus ad Europæos Principes legatus, ne Venetis in Creta rebellibus auxilia subministrarent. His confirmatis cùm non in alios, quàm in Cretenses bellum esset suscipiendum, omne studium in paranda classe locatur, fuit hæc XL longarum navium, præter onerarias, datusque ei imperator Dominicus Michaelius. Verùm, & maritimo, & pedestri apparatu Creta petenda erat, ob id etiam validissimus conscribitur exercitus, cui præficitur vir impiger Luchinus Vermius Veronensis. Ubi comparata sunt omnia, Veneti duces in Insulam transuecti Cydonem rebellionis caput oppugnant. Cives continere se muris coacti, neque erumpere ausi, desperata spe pacis, & veniæ, in nefaria consilia se dant præcipientes: horribili primùm feritate in eos, qui pro Venetis sentirent debacchantur, deinceps oblata Genuensibus Insulæ dominatione, ad tutelam sibi externam fidem subsidiaque deposcunt. Genuenses, pacis cum Rep. memores, remisere legatos spe vacuos, qui, ad suos in Cretam remeantes, capti sunt à nostris & interfecti. Interim dum Michaelius maritimo apparatu Cydonis hæret excidio, pari studio Vermius partes sibi traditas obit in continenti. At  
rebel-

rebelles in vicinis montibus latitantes, plerumque in parum cautos profiliebant. Tandem Luchini constantia, atq; in præsens conficta quadam locorum ignorantia eos nihil minùs quàm insidias metuentes suis è latebris extraxit, infecutusque dispalatos insignem pro portis urbis stragem de hostibus habuit. Sic domiti Cydonii deditiois signa è mœnibus publicarunt, missisque qui veniam deprecarentur, eam, exceptis defectionis auctoribus, à clementissimo duce retulere: subdiderunt se, eo exemplo reliqua circum municipia victricibus Venetorum armis. Porro vetita deditæ urbis direptione exasperatur miles, excitatq; tumultum in castris: sed Luchinus dexteritate, non vi, leniq; oratione continuit tumultuantes. At postea ne talibus assuesceret exercitus, digna in fontes pœna animadvertit. Receptæ insulæ nuncius summa lætitia complevit Senatum: publicè Deo gratiæ actæ, atq; martiales ludi, nunquam aliàs visi, in Marciano foro commissi. Adversa tamen fortuna ejus victoriæ hilaritatem turbavit, cùm paulò pòst ipsamet Insula nova seditione agitari nunciaretur. Joannes Calergius, maximi apud suos nominis, se Creteneses in libertatem vindicaturū profitebatur. Hoc nomine fuere plures, qui scelerata consilia, factaq; sequerentur, Calergio duce, quà vi, quà fraude, ubiq; grassabatur perduellium caterva, Rhithymnæ expugnatione, Venetisq; non uno loco fugatis Rectoribus, quidquid à Thallis ad Cyamum usq; promontorium protenditur à Reip. fide abalienatum est. In impium, rebellemq; civem Nicolaus Justinianus, & Dominicus Molinus, delecti vindices, cum selecta equitum, peditumq; manu procurrunt, & quidem opportunè repressere Calergii conatus. Sed ille in loca montium aspera delatus, valida suorum turba communivit juga itineri imminetia, à quibus sæpiùs subeuntes nostros, aut repressit, aut deturbavit. Intereà cùm tota in insula hinc inde furerent populationibus & incendiis fœda rei præsertim frumentariæ penuria exoritur. Hæc Lasythanos cum

N

pri-



primis, deinde omnem ferme Orientalem tractum compulit ad imperium Reip. Cæterum contra Calergium adhuc obstinatum sequenti anno progressus idem Justinianus, ut bello finem daret ad Anopolim castrametatur. ibi tutum ob difficilem accessum se credebat hostis; at ubi occupato itinere, quod unicum erat ad arcem, omnia sibi in dies arctiora fieri deprehendit, nota alia diverticula frustra quæritabat; distracti in varia consilia socii, dum per deditionem alii Venetam clementiam; extremam alii pugnx aleam experiri mallerent, quotidie magis in angustias adducti sunt. postremò victi omnes, & cum ipsa arce capti. Illa æquata solo damnatisque cum Calergio rebellibus capite, exilio, carceribus, universam Insulam à turbis, ac seditionibus purgavit Justinianus. Integro quinquennio disceptatum est, in primis Laurentio Celso, deinde Marco Cornelio in urbe Principatum gerentibus. Justinianus in familiæ suæ decus, edomitæq; insulæ memoriam ab Senatu accepit ut domestico stemmati, auream adderet Aquilam, quod Græci Imperii signum in vexillis pinxerat Calergius. Pax deniq; Cretæ ab hoc duce reddita ad hæc usque tempora constantissimè perseverat.

*Tergestinorum defectio prima.*

MCCCLXVIII.

**A**Ndrea Contareno Duce qui delatam sibi omnium calculis administrationem invitus susceperat, eò quòd funestas Patriæ calamitates præfagiret, Tergestini primum defecere. Hi quadam rapti vesania naves Venetas in portu stantes diripiunt, discerpunt custodes ad vectigalia per Histriam excubantes, & pendentia è turribus Reip. signa per contumeliam evellunt. Nunciata defectio, pari mœrore, & vindictæ cupiditate Patres accendit: Quare maritimis, terrestribusque festinatis delectibus missi sunt ad

coer-

coercendos rebelles Dominicus Michaelius, & Cræsus Molinus, qui postquam in provinciam venere, obsidione & munitionibus adeò circumvallaverunt & vexarunt hostes, ut succedentibus tandem Paulo Lauretano & Thaddæo Justiniano, novis ducibus, penitus debellarentur. Interim cùm se victos, veniaque indignos agnoscerent, Austriaco Principi se, suaque omnia dediderunt. Ille festinavit, veluti ad prædam, magno exercitu. Veneti vallorum fiducia hostiles copias aspernabantur; ut tamen ventum est ad certamen atrox ac miseranda ubique rerum facies vulneribus, cædibusque, jamque apparebant ingruentibus undiq; barbaris direpta, captaque Veneta castra. Porro Justinianus accitis properè navalibus turmis, terrestres manus inter pugna, fugæque consilia hæsitantes confirmavit. Ita redintegrato meliore fortuna bello effectum, ut Austriacus ob acceptas clades de bono eventu desperaret. quamobrem, unde venerat, fugienti similis, revertitur. Exinde cæsis auxiliaribus, datisque in fugam, Venetus accessione virium robustior, Tergestum majore vi adoritur, quod cùm diu obsistere non posset, clementiam victoris, quàm iram experiri maluit. Pacem ergo, veniamque civitati rebeli dedere Veneti, non tam vindictæ appetentes, quàm gloriæ, quod etiam primoribus perduellium antesignanis salutis fuit.

*Bellum Carrariense primum.*

MCCCLXXII.

**A**T quoniam ita comparatum est, ut crescentibus cumulata beneficiis pro gratia odium reddatur; Franciscus, hoc nomine primus è Carrariensibus Paravinorum Princeps benemerentis Reip. hostis efficitur. Ishaud suis contentus finibus Venetos atrectare primum incepit; mox aucto sceleris pondere ipsius Venetæ Urbis perniciem tentare ausus est. Misit enim facinorosos, qui puteos venenis

N 2 infi-

inficerent, certorum optimatum necem patrarent, aliosq; data pecunia corrumperent, ut ipsi sacrosancta Senatus arcana proderentur. Foris ergo arma, intus insidiæ ab ingrato parabantur. In domesticas fraudes, externis perniciosiores, avertendas cum primis incubuere Patres, repertosq; secreta indagine maleficos opportunè mulctarunt: postremò ad persequendas hostiles injurias conversi, cùm frustra de finibus antèa per vicinos Principes tractatum esset, undique contrahunt copias. Summa ducendi exercitus cura datur Rainerio Vascchio, qui cum legatis Andrea Zeno, & Thaddæo Justiniano omnia hosti turbulenta redderet. Ad Aponi balnea Vascchius castra posuit, sæpiusq; deducto milite Patavinos temerè lacessivit ad pugnam obequitando, provocandoque. Monitus à Legatis ne tantum periculi ingredi vellet, ne sibi demum cum desperatis bellandum esset, consilii impatiens, & ut erat elati spiritus, militaria insignia deposuit. Deserto ab Vascchio muneri Albertus Corregiensis sufficitur, vir æquè, & armis, & prudentia conspicuus. Interim legati, strenuè administrata re bellica, multa à Carriensium fide oppida exemerunt: turbaruntque ita omnia hostiliter, ut Franciscus Pannoniæ Regem precibus fatigaret, quamprimùm sibi amico, & clienti prospiceret auxiliari manu, subitaq; mitteret suppetias: implorantem itaq; subsidia adjuvat Pannonius: nec multos post dies Rex ipse cum ingentibus copiis Tarvisinos fines ingreditur, magna nostrorum trepidatione. Irruenti hosti impigrè obicitur Thaddæus Justinianus, qui propter Plavis ripas prælium iniens de pedestri hostium legione integram tulit victoriam, sed mox ab equitatu circumventus pugnamq; redintegrare coactus, profligatur, cæditurq; & ipse vivus in hostiles manus venit, Tarvisium tandem dissipati exercitus reliquias exceperit. Post hæc ad Bassianum Patavini agri confedere Pannonos. Exinde illos repellere conatus est Michael Delphinus; jamq; ei prospera cuncta successerant, cùm Carri-

rarien-

rariensis inopinantem adoritur, quare cùm viribus inferior esset, fuga sibi consulere maluit, quàm reluctando certum periculum subire. Hæc inter alibi feliciùs pugnatum cum Stephano Pannonici equitatus ductore. Is enim pertæsus suæ veluti socordix, quod nunquam provocatus è castris fac dignum pulverem vidisset, aut non nisi levibus congressibus tumultuaretur magis, quàm decertaret, in apertum marrem ciere nostros est ausus. Itaq; cum hoste, pugnandi cupido, Albertus, qui, Legatorum consilio, repellere bellum, non inferre statuerat, manus viriliter in Tarvisinis conferuit. Diu æqua sorte, & multa hinc inde cæde dimicatum est. Tandem Albertus cùm ampliùs effrenem hostem sustinere haud posset, ac in solitudinem vertere fiduciam pedestres milites suspicaretur, iussit ab equis cataphractus descendere, atque unà secum pedibus, manibusque bellum prosequi. Hoc illustri factò, præeunteque duce, tam acriter certatum accepimus, ut hostes ad satietatem necati sint, captus ipse imperator, rapta ferme omnia insignia, & præ magnitudine cladis Patavium nunciatum, non esse cur alia speraret ab inermi Regè auxilia. Sed qui tristis pugnx eventus superbum, atque implacabilem Francisci animum non fregit, ad ultimum prostravit orta in ipsum civium conspiratio. Ur itaque tuto se eriperet à proditoribus, cum quibus difficilior dimicatio, supplex pacem petiit, datamq; juxta victoris arbitrium, accepit.

*Bellum Austriacum primum.*

MCCCLXXIV.

**F**ama est Leopoldum Austriæ Ducem in Venetos ab Carrariensibus excitatum. Armorum hostilis impetus Tarvisinos primùm corripuit, lataque agri vastatione proximis quibusque oppidis injecit metum: ipsas quoque Venetias Austriacus hic terror afflavit. Inviçti tamen & hac tem-

tempestate Veneti, comparato exercitu ruentem ulteriùs hostem pari violentia excipiunt. Ille tum sese obicere parato timuit, declinavitque in Belunenses, quo in itinere populationibus ac incendiis nihil reliquum fecit. Hanc ob causam Senatus Germanos mercatores Veneta sub ditione degentes carceribus destinavit, & publicatis singulorum bonis damna passis restituit. Interea totius belli administratio Iacobo Caballo Veronensi mandatur. Is Tarvisio egressus hostes ad Unigum cæcidit repulitque, ac fugientibus semper inhærens Feltriæ inclusos obsedit. Suorum periculo, ac propria dignitate excitus Leopoldus, non jam prædatoria manu, sed serio ac magno bello obviandum infestæ potentie ratus, omnique opere, & opera decus & famam redempturus, acerrimè in nostros revertitur: quibus cum tutiora magis, quàm furens Germanorum atrocitas, placerent, direptis oppidi suburbis, incolumes Tarvisum regressi sunt. Ex ea fuga Austriacus dolens sibi interceptam vindictam, prædamque, in Bebianam turrim desæviit, trucidatis ad unum prædialiis. Cæterum, ne hæc arma diutius obstreperent, consulente Ludovico Pannoniæ Rege, pactæ sunt in biennium induciæ; deinde firmata pax, apud Venetos in diem duratura, renascente cum Genuensibus bello, quod tamen variante diu fortuna, magnaque gestum virtute, Reipublicæ cessit feliciter.

*Bellum cum Genuensibus septimum, Clodianum.*

MCCCLXXVII.

**T**enedus maris Aegæi insula Veneti juris facta bellum hoc, quatuor annis continuatum, cum Genuensibus promovit, cæteris tum rerum gestarum magnitudine, tum fortunæ varietate memorabilius. Metuebant illi Reipotentiam, quam nova imperii accessione crescere inique ferebant. Inde odium & invidia, quæ ferocia animos in  
eius

ejus ruinam extimulabat. Venetis eam insulam donaverat Calojoannes Græcorum imperator (non inutiles nostrorum opera usus in Andronicum filium, regni competitorem) ut beneficii gratiam rependeret. Eandem ipsius Andronici munere sibi Genuenses vindicare conabantur, quod ut quoquomodo assererent, cum filio rebelle societatem, fœdusque jungunt, Venetumque tota Græcia pellere constituunt. Magnum facinus magno firmandum conatu: unde in belli consortium pelliciunt Pannoniæ Regem, Austriæ Ducem, Aquilejæ Antistitem, & Franciscum Carrariensem, ut tot Principum conspiratione nemo rem Venetam, utcumque stabilem, non collapsuram putaret. Erumpunt primi Genuenses furtim Tenedum aggressuri XI triremibus; sed mox recedunt, territi Venetarum navium robore, & numero, quæ in illos audacissimè processerant. Hæc inter Byzantii ab Andronico sevitum in Venetos mercatores inaudita, & corporum, & rerum clade: coactusque Imperator benevolentiam Venetorum Genuensi admetiri. Sed hæc omnia vix è Græcia innotuere, cum alius rumor insonuit: à finitimis nempe Patavinorum, & Aquilejensium Principibus Venetos fines igne ferroque laceffiri. Tanta rerum discrimina nostrorum animos haud territarunt, qui locata in sola virtute fiducia, spretoque armorum undequaque furentium strepitu, fortiter, & propriis se viribus tutati sunt. Quoniam igitur maritimum bellum in dies magis, & fama, & periculo crescebat, Victorem Pisenum in Ligusticam oram expediunt Patres. Ille ejus præternavigato littore plura dissipavit navigia; & conserto apud Antium Marte, hostilis belli ducem Ludovicum Flicum in captivitatem adduxit. eo tamen loci major cum pelago, quam cum Ligure dimicatio fuit, quæ verò victoria tempestati, & naufragio superfuit, ea pro Victore stetit. Sed illius quasi altera spolia repoposcerat, cum paulò post ex Eubœa in Ligusticum tractum denuò reversus est: popula-

pulatus circum omnia cum opima præda suos deinde in Histriæ hyberna deduxit. Hinc alibi apud hostem summè trepidatum; quippe Venetæ triremes, quæ novam sponfam Bernabovis Insubrum Ducis filiam Cyprio Regierant traducturæ, opem quoque videri poterant ferre in recuperanda Tamasso, illi jam antea per vim extorta. Neque id perperam. Nam ut nostri Cyprum appulere regiis precibus animati, in eam expeditionem quinque triremes dimittunt. sed harum opera eadem fuit, quæ regiarum copiarum. nam illas Ligur oculis, animoque jam tum sibi præsens, ut vidit, sic profligavit. Melius, relicta Cypro, ad Ascrivium Pisanus rem egit, ubi & mœnia civitatis, & civium animos eadem confertatione protrivit, captivorum præda militibus, ut promissa, sic data, ulterioris audaciæ futura cos. Ab Ascrivii Pannonici oppidi everfione in Calabriam transfretavit: audierat in Tarentino sinu stare inimicam classem, cujus oppugnandæ cupidus, omnia maria, & littora vestigabat; sed hæc Venetum adventare monita, extracta in tempus pugna, tamdiu morata est persequentem, quousque se frustra adniti Pisanus agnovit, Jaderamque cursu tenuit, ubi cum nullus portus, nec statio ulla tuto Veneto esset, necessariò, quò venerat, redeundum, fuit. Hæc dum mari fiunt: in Tarvisinos agros, vicosque diris procurrebat vastationibus Carrariensis: sollicitatum ad deditionem Mestrium Francisci Delphini vigilantia in obsequio retinuit. Verùm Pisanus in Dalmatiam regressus domuit Sicum, militique concessit diripiendum: mox Tragurium conversus, in portum, cui hostiles naves incubabant, non semel tentavit irrumpere, sed inde ab Genuensi præsidio compulsus abscedere, Histriam in hyberna divertit: ubi quantum hic aeris inclementia, ac pestilens cœli plaga classem confecerit, exeunte hyeme, argumento fuit, quod ex triginta selectarum triremium, remige, ac milite vix duodecim restaurarit; missum igitur ab urbe imminutæ classi

classi supplementum , mandatumque Pisano , ut in Cre-  
tam navigaret . Sed jam iter parantem triste fatum exce-  
pit , certumque venturæ calamitatis augurium . Refe-  
ctam enim classem , apparatusque belli omnem in ma-  
ri aggressa tempeestas tam fœda strage laceravit , ut hosti-  
lis belli effigiem præberet , planè quasi Genuenses quod-  
dam cum fluctibus , procellisque fœdus adversus Vene-  
tum iniissent . Duæ , quas ex onerariis in portum An-  
conitanum incolumes æstus explicuerat , scelere oppi-  
danorum Liguri proditæ sunt : reliquas à pacato mari re-  
collegit Pisanus, opportunè instruxit , iisque est usus dex-  
terrime . nam quindecim hostium rostratas fugavit, qui-  
bus illi profecti in Adriaticum omnia turbabant . In Ae-  
geo mari graviora damna Genuensibus inferebat Carolus  
Zenus , vnoque propè tempore omnibus locis adesse vi-  
debatur . Vfus est fraude sub hæc vafer hostis . Nam au-  
dito Pisani trajectu ad Polam , ab averso portui promon-  
torio decem majores naves in insidijs collocavit , toridem-  
que Venetum insecutus est . Victor , harum ducem Lu-  
cianum Auriam , ex insolito certaminis appetentem ut vi-  
dit , in audacia fraudem suspicatus , prælium recusavit,  
Propterea à suis timoris incusatus , demum ad pugnam  
provocanti occurrit , jussis stare in portu quinque triremi-  
bus, quæ tempestivè succederent, ubi necessitas postulasset .  
Pugnatum accepimus ita , ut classis utraque aciem terre-  
stri similem intruxerit . Pisanus fatorum violentia ra-  
ptus in fallacias ac medius inter hosticas dimicare coactus ,  
victoriam tandem circumfuso Liguri reliquit , nullis sub-  
sidiariis , ut credebatur , in usum prodeuntibus . Hu-  
jus adversæ cladis rumor in urbe evulgatus , incredibi-  
le , quo mœrore omnium animos perturbavit . Illius pri-  
mum auctor Pisanus, quod pugnasset temerè, poscitur; inde  
perduellionis damnati , qui ducis imperio non paruerant;  
omnes simul condicarcere Senatus jubet. Hosti, quo ple-  
nissi-



nissimè triumpharet, nihil deerat, præter ipsam urbem . Idcirco, Petro Auria ducente, solvit ab Jaderensi littore, ac more ignis obvia quæque depopulatus, Gradum, Comaclum, Caprulas incendit : propiusque ferens hostilia arma, diripit Palestrinam, inde Clodiam mouens omnia circum evertit, repletque tumultibus . Verùm in unam oppugnandam Clodiam totis animis, viribusque fœderati omnes suas acies direxerunt: quippe ea capta imperii finem, occasumque urbis dominæ certò sperabant . Maxima itaque vi summoque apparatu premi Clodienes cœpti sunt: aggeribus, munitio- nibusque oppidum quâ terra, quâ mari circumseptum, curante sedulò legiones commeatusque Carrariense . Restitit supra vires Petrus Hemus Prætor, clusitque plures dies hostium territamenta, sed tandem, desperato subsidio, fame, ac machinis expugnato defensore, cessit oppidum hostibus, qui immansi sævitia tum finem cædibus dedere, cùm deficerent, qui cæderentur . Sex mortalium millia periere, ingens captivorum fuit numerus . Ad nuncium perditæ Clodiæ, publicè statim comploratum est: ob id à Patribus, undique, ope destitutis, missi illico Oratores, qui integram tantùm libertatem à Carrariense, & à Ligure quibuscumque legibus impetrarent . At ille pervicaci odio, hic præsentì victoriæ ef- ferus, eam pacis spem Venetis reliquam proponebant, ut victi libero jure victoribus subderentur . Indignitatis plena responsio ultimæ libertatis admonuit Venerum, in libertate natum, pariterque victurum, atque ut quàm maximè vegeti solent esse impetus pro vita dimicantium, sic plus animi sumptum à populo quasi morituro, itumque in om- nem reliquæ fortunæ spiritum, conclamatumque ad arma classico populi, reposcantis una voce Pisenum belli ducem . Huic publicæ acclamationi assensum, tanquam arcanæ di- vinationi, eductusque è custodia Victor, totius belli admi- nistrationi, ceu alter Marius, præficitur . Sic civitatis studium fortiter insurrexit, affectante ultrò militiam plebe, ac in usum

usum præsentem nonnullis sumptus præbentibus, & navigia privata stipe. At hostes quoque rem suam agebant foris. Methamaucum usque provecti è propinquo ultimam cladem non se deditibus minitabantur. Pisanus recenti classe, & urbanis copiis instructa, moturus in Genuenses, proximum littus munit excubiis, duasque ante portus fauces protendit ferreas catenas, & aliquot ad Popiliam mergit navigia lapidibus plena: ut ita occluderetur libera in urbis aquas navigatio. Sed interim non deerant audentiores, qui minoribus cimbis Clodiam prædatum usque procurrerent. Thaddæus Justinianus ex hostium vinculis elapsus hostilia rostra juxta Brundulum acriter divexabat: pari successu Jacobus Caballus laceſſebat in littore Carrariensem pedatatum. Hæc in futuram spem prosperè in salo patrabantur; in solo turbulentiùs, cum in lassos, atque districtos gravis alter belli turbo infremuisset. Pannonum arma per eos dies, instigante Patavino, sensere Tarvisini, & de eorum incursionibus fidelissima urbs querebatur. Senatus, qui uno tempore tot bellis sufficere non poterat, per legatos ab Rege pacem petit: at quia iniquæ proponebantur conditiones, rejecta est. Ita ex desperatione crescebant animi. & quoniam supremi Ducis præsentia in bello, veluti numen quoddam est, à quo milites alacres, ferocesque spiritus hauriunt, Patres in eam sententiam ivere, ut penes Andream Contarenum Principem universi exercitus regendi esset imperium: & in patriciorum album redigerentur ii, qui tum privatis impendiis juvissent rem publicam. His prudenter decretis cœpit fortunam pœnitere inflictarum cladum. Præeunte ergo Contareno, nostri visi sunt fortiùs, alacriùsque bellare: vulnera sine mœrore accipere, mortem intrepidi oppetere, & illius majestate, qui corpus annis quamvis grave, ingenium tamen prudentia vegetum bello afferebat, nemo militum mandata ducum detrectare. Igitur singuli nauium moderatores pari animorum impe-

tu implacabilem asperrimumque hostem aggressi sunt : Joannes Barbadicus ex Albani fossa Ligustica præsidia dissipulit : Thaddæus Justinianus quotidie magis redeuntis, & reviviscentis imperii spem virtute, manuque dabat : nec hisce, aut cæteris inferior Pisanus in ipsis æstuariis infensissimi exercitus molem mira felicitate sustentabat, nulla non die victor præda, aut incendiis hosticarum navium : Carolus Zenus Ligurem toto Adriatico classe vagum nullibi in tuto consistere patiebatur. Prosperis hisce placatæ fortis præludiis non levis metus invasit hostem, qui omnia in peius sibi ominari, castris non amplius egredi, sua ipsa consilia, conatus, impetus formidare : ita ut desertor ipse suarum munitionum, operumque pavidus, ac tremens Clodia sese clauderet. Illum moenibus obsertatum repentina adoriri oppugnatione à nostris decretum est ; idque per principem Contarenum adeò festinatum, ut ante Clodiæ portum priùs constiterit, quàm de accessu quicquam ad Ligurem perveniret. Ad Venetæ classis conspectum, ac si ultima necessitas, solidum ad magna, & fortia incitamentum Genuenses in furorem verteret, vehementi impulsu suis triremibus nostras naves urgent, initoque acri certamine onerarias, quæ magno erant usui, superant, perforatasque incendunt, ac reliqua classe fugata, tantum terrorem nostris incutiunt, ut apud consternatos jam pro certo periisse libertas videretur. Omnium tamen animos voce, vultuque recreavit Contarenius, ac ostendit calamitosæ virtuti fortunam haud defuturam, vanosque esse eos metus; cum certam de hostibus victoriam promitteret. Jussit ira que intempesta nocte mergi duas ex semiambustis onerariis in portu, eodemque astu Brundulum occludi, & reliquos impediri aditus, nequa hostica classis exiret, atque ita obsideretur. Cognito Venetorum reditu, Ligur priori impetu ad pristinam victoriam in nostros rapitur : sed sensit dolos, cum in ip-  
sus

fas obrutas naves incidisset, incusavitque Auriam, qui suo muneri defuisset, neglecta portus custodia. Acrior itaque è vicinia redditus utrinque hostis mutuum cruorem quotidianis dimicationibus hauriebat, ingens ubique strages, ac ferè æqualis, nisi quòd Ligurem fouebant sociorum auxilia, proinde à Clodia summoueri non nisi multa vi posse videbatur. Magnam interea ad victoriam spem, & momentum attulit Joannes Barbadicus, qui omnium primus horribile & admirandum in aquis specimen belligerandi exhibuit æneis tormentis, quas vulgò bombardas dicunt. Eorum usus jam antea repertus ad tutanda, quantiendave ignitis glandibus mœnia, plurimum tunc Venetos iuvit. Ille singulos lembos, atque triremes novisiis machinis armatas Genuensium pectoribus objecit: quorum ictibus insolitis, & inevitabilibus misère discerpebantur. Sub hæc è Græcia cum XIV. rostratis accessit Zenus; quarum aliquot Brundulum transmissæ ad Pisanum ventorum vi abreptæ, (sic bellialeam alternante fortuna) vicinis littoribus alliduntur, at laceræ, planeque inutiles fiunt hostium præda. Læti eo factò, veluti si pro illorum causa pelagus, venti, cælum dimicaret, duplicem moliuntur eruptionem, alteram ad Lupam, alteram ad Brundulum, vtroque tamen cum clade repulsi: propterea àliam effugii viam tentarunt. extransverso enim littoris, quà in mare prospicit alterum veluti portum sibi fodere parant magno sanè labore, non tam fugæ destinatum iter, quàm in obsidentes nostros viam. Mature eam molem detexit Venetus, certusque terrestri manu posse dissolvi, è navalibus copiis expeditum legit militem, qui sub Caroli Zeni auspicijs in continentem profiliret. Ille utraque disciplina pari laude conspicuus, pedestre bellum suscepit; inessamque ab hostibus medio littore turrim subvertit: & dum victor ulterius procedit, disturbato opere, armatas offendit acies, quæ turmatim incondi-  
toque

toque clamore Brundulo, Clodiaque in Venetos irruebant. In confertissimos hostium cuneos penetrat Zenus, nec du-  
cis minùs virtute, quàm militis ardore Brundulanas pri-  
mùm copias in turpissimam vertit fugam; mox Clodienfes,  
occiso Auria, insequitur usque ad pontem, quo in alteram  
ripam Clodiam versus trajicitur. Pons à fugatis ex acie, atq;  
à transiissis ab oppido in subsidium, occupatus ruinam  
traxit præ pondere, in subjectasque aquas mortalium plures  
dimisit, ac retinuit Venetum, ne tum Clodia potiretur. Ea  
prælii calamitas, fractiq; pontis jactura tanta fuit, ut ad tria  
millia hostium interiisse dicantur, & capti ferè sexcenti. Post  
hæc dedente se Brunduli castro, Clodia terra simul, marique  
obsideri potuit. Inclusi intra mœnia, non armis, non com-  
meatibus egentes, quæ largus omnia suppeditarat Carra-  
riensis, decrevere novo vincendi genere, scilicet non pu-  
gnando, superare, rati Venetam virtutem, ac patientiam  
mora, tædioq; consensescere. At Zenum nulla securitas post  
victoriam, neq; ulla segnities inceserat. Quare à Clodiæ  
portu circum ipsam urbem castrametatus, illam vallo, fossa,  
inductoq; mari, castellisq; circumdatam subjugare non fer-  
ro, sed fame statuit, tanta usus vigilantia, ut procedente obsi-  
dione obsessi confœderatorũ suppetias frustra implorarent.  
Genuam subinde it nuncius, qui classem Clodiano portu re-  
tentam, speratâ excidisse victoriam referret, & alterum na-  
valem apparatus instruendum, quo mœsti cives urgenti ac  
miseranda calamitate eriperentur. Ea propter ad liberandos  
obsessos Matthæus Marussius in Adriaticum tredecim trire-  
mibus navigavit, sed metu Venetæ classis, dum suam Clo-  
dia procul dūctaret, in Thaddæum Justinianum incidit ex  
Apuliæ frumentatione redeuntem. Hic conspecto hoste  
in Sipontinum portum deflectit, quem infectatus Ligur  
viribus disparem oppugnat, comprehendit, atque iterum  
in captivitatem abducit. Secunda hac pugna Clodiam ap-  
pellit, ut, si quâ posset, obsessis subveniret, atq; ob id etiam  
nostros

nostros importunis clamoribus provocabat. Pisano immo-  
destæ temeritatis, castigatio commissâ, cujus nomine vix  
audito convitiantes turpi fuga, se ejus furori subdixerunt.  
Cedentes in Dalmatiam Pisanus insequi noluit. cæterum  
qui obsidebantur, percepto amicæ classis adventu in usum  
novorum lintrium tecta, parietesque resciderant, quibus  
per internas aquas clanculum delati in mare ad suos profu-  
gerent: & effugissent quidem, si Zenum hostile opus, va-  
frumque ingenium latuisset. Is extemplò ad mare acces-  
sum prohibuit parvis myoparonibus, invecsusque in fu-  
gam molientes, omnes in oppidum rursus compulit, suc-  
censis naviculis. Ad ultimum extrema defatigati inedia, &  
ad obscœnos quoque cibos redacti, non prius de se deden-  
dis cœpere consilia, quàm auro tentata aliquot Venetorum  
ducum pro effugio fide. pervenit & hoc scelus opportunè  
ad Zeni aures, qui in delatos reos sub hostium oculis anim-  
advertit, atque exinde majori studio continuata est obsidio.  
hac demum domiti Genuenses misere legatos, qui nudis  
tantùm corporibus liberam abeundi facultatem deprecâ-  
rentur: sed rejecti, repulsique invalescente rerum penuria  
coguntur sese victorum arbitrio & potestati permittere.  
Decimo itaque obsidionis mense, non tam armis, quàm,  
turpe nihil non experti, fame devicti easdem conditiones à  
victore Veneto accipere coacti sunt, quas illi antea victo  
obtulerant. haud levi temperandæ victoriæ documento.  
Capta Clodia, quatuor hostium millia in publicas custodias  
data sunt: unde viginti triremes captæ: & biduo integro  
facta prædæ licitatio. Quoniam verò nunquam Veneti  
domitis hostibus victoriam exprobrarunt, qui, nec si  
vincerentur frangi animo, nec si vincerent, secundis re-  
bus inolescere consueverunt, ideò publicè, privatim-  
que singulâ lenitatis exemplo ita habiti sunt captivi, ut  
non faciliè crederes, eum esse Genuensem, qui Venetam  
libertatem non ita pridem opprimere studuisset.

*Ter*

*Tergeſtinorum deſectio ſecunda .  
Juſtinopolis iterum recepta .*

MCCCLXXXI.

**N**On quievit Clodiana clade pervicaciſſimi Ligures ,  
ne tam virtute , quàm fortuna ſuperati viderentur .  
Prompti igitur ad vindictam XX roſtratarum claſſe non-  
multò poſt Genua egreſſi Hiſtriam , & Dalmatiam ſollici-  
tant , atque in primis retrahunt à Reip. obſequio Tergeſti-  
nos . Prona in ſcelus gens hæc fidem deſerit , conjectoque in  
vincula Donato Throno Prætoris fugat ex utraque arce præ-  
ſidium . Eadem veſania furit Juſtinopolis , ſed arx Veneto fir-  
mius adhæſit . Auctis denique viribus hoſtis prope ipſa  
æſtuaria rurfus ſtare viſus . Quocircà Zenus aduerſus denuò  
inſultantem immiſſus , reddito prius ſecuro ab incurſibus  
mari , in hoſtile delatus ſolum , oppida vicoſque ſecundùm  
Lunæ portum evertit , in eundem invectus paulò poſt Piſa-  
nus illum Pirano diſpulit in Dalmatiam , ubi diu inter ſco-  
pulos latuit . Verùm ut partæ de Genuenſibus victoriæ nihil  
ſupereſſet , Tergeſtum , ac Juſtinopolis rebelles urbes in ob-  
ſequium erant reducendæ . Decretum itaque primùm Juſti-  
nopolitanam moliri oppugnationem , qua peracta proſpe-  
rè , ſperabatur ultrò ſe Tergeſtum dediturum . Piſano hæc  
una commendatur expeditio , qui jam hoſti terrori erat . Igi-  
tur claſſe optimè inſtructa in provinciam delatus , ſpecula-  
torias , lectaſque turmas præmiſit , quæ nocturno deſcenſu  
pontem reſcinderent , qui Juſtinopolim jungit continenti ,  
ut ab ea parte rebellibus externa auxilia retardarentur , &  
ſummo manè tanta celeritate ad inimicum littus appulit ,  
ut Juſtinopolitani , quem venire non ſenſerant , videre ſe  
vix crederent . conſeſtim circum jacentes agros vicoſque  
fecit incendiis in obſeſſorum metum ; denique urbis mæ-  
nia omni telorum , pilarumque genere adèò quaſſavit , ut ,  
tandem

tandem oppidani consternati animo iterum in potestatem venerint . Post domitam Justinopolim Pisanus Ligusticæ classis reliquias infectatus, eas in Pelignis littoribus fœdissimè laceravit, sumpta de Polæ, Arbæque vastatione, & de abducto in captivitatem Ludovico Contareno, vindicta. His gestis, Jaderam tenuit; pòst apud Sipontum correptus lethali morbo interiit, universis meritò fortissimi viri sortem collacrimantibus. Sed postquam privato, publicoque dolori indultum est, Patres maritimis rebus summa cum administratione præficiunt Carolum Zenum. Interea Aloysius Lauretanus apud Curictam hostes dedit in fugam, eosque toto postea pelago Zenus exterminavit, compressa quoque illorum audacia, qui circa Anconam in Venetos negotiatores piraticè incurfabant. Ad hæc, modò Inferum mare, modò Superum perlustrando recentem Liguris classem quæritabat, quam per eos dies VII ac XX triremium Genua prodiisse audierat. Nec vanus rumor, nam illa repentino appulsu Justinopolim denuò subjugarat. Carolus non alia vi, quàm facta in hostilem provinciam irruptione, abducendum hostem ratus, & pati exemplo Histriæ clades in Liguria vindicandas, illuc tota mole conversus, maritimam oram tantis calamitatibus infestavit, ut in hærentem, atque incubantem alienis rebus militari hac arte retraheret. Ita bis continuato bello Justinopolis amissa, bis recuperata. Cum irrequieto sanè, vehementique hoste pugnatum, qui fortunæ judicium pati insolens, repetitis excursibus, à Pisauero Clodiam usque, mare quasi tempestate dennò præcluserat. hinc à nostris circa urbis portum aliæ erectæ munitiones, dispositi in littore milites, imperatæque naves, quibus per occasionem quæcumque hostilis audacia comprime-retur.



*Bellum secundum Carrariense.*

MCCCLXXXII.

**V**ix sedata maritimi belli procella, altera tempestas ab Carrariensibus aliunde mota perstrepuir, eodem tempore, quo periculosissimis bellorum curis implicabatur Resp. Tarvisium illi affectabant, quamobrem cepere vastatis in consinio agris, positis ad moenia castris, extructisque turribus, quæ murorum pinnis imminerent, urbem diu noctuque fatigare. Et ut brevi illius absoluerent oppugnationem interceptis com meatibus, Silim fluvium in diversa diduxerant. Tarvisina præsidia non tam hostium metus, quam rerum omnium penuria incessit, quare ut animis consternatis nostri succurrerent, armatis quibusdam lintribus sibi aperire conantur infestas aquas, Marci Caravelli ingenio. Is hostiles machinas ab amne revellere aggressus, ab incepto opere à Carrariensibus deturbatur, incassum è fluminis ripa opem afferente Saraceno Dandulo. Acrius exindè oppugnatum Tarvisium, circumlatisque hostium magno terrore signis, Castrum-francum, munitioraque alia circum municipia Patavinis tradita sunt. Quare cum spes omnis retinendi Tarvisii cecidisset, visum est Senatui eam urbem Leopoldo Austriaco Duci tradere, in contumeliam invisæ gentis, & ut Resp. liberata domestico bello, tota in Ligusticum insurgeret, quod fama erat magis, quam antea erupturum. Carrarienses de Veneti Legati protectione ad Austriacum certiores facti, in Tarvisinos majori rabie concitantur, utque majorem obsessis metum incuterent alienis calamitatibus, Noalium evertunt, Acelum solo æquant, Serravallium, & Cuneanam arcem deditione capiunt. Adventantis hæc inter Leopoldi ad recipiendum Tarvisium fama cum valido exercitu Carrariensium copiarum ductor Arcuanus Buzzacarenus exterritus Patavium festinata fuga recessit, rever-

reversurus ubi juvisset. At vix Leopoldus, nullo obstante Plavim transiniserat, intraque urbem festis acclamationibus erat exceptus, cum hostes recollectis in unum copiis ipsum securum inopinato armorum strepitu turbavere. Pavidum, necdum auxiliis confirmatum ingentibus promissis expugnant, ut Carrariensibus quod ferro assequi nequiverant, auro concederet. quæ omnia prius perfecta, pactaque fuerunt, quàm quidquam eorum geri Venetias nunciaretur. Indignum id facinus nostrorum animis altius insedisset, nisi per eos dies pax inita cum Genuensibus, in quam utrumque populum, ac foederatos Principes sollicitarat Aimon Allobrogum Dux, tanta lætitia Senatum cumulasset, ut tum aduersa hæc non sentirentur.

*Fædus cum Mediolanensium Duce in Carrarienses.*

MCCCLXXXVIII.

**N**ondum elapso pacis septennio redit ad arma Franciscus Carrariensis, præsidente Reipub. Antonio Venetio: neque aliam ob causam, quàm quia quietis impatiens, & alieni imperii cupidus. Inierunt Veneti cum Galeatio Vicecomite Mediolanensium Duce fœdera adversus turbidum Principem, ut illo divisim oppugnato, facilius à se propulsarent injurias. Quare à continenti progressus in arma. Vicecomes Patavinæ urbis exitium omni tormentorum genere prosperè molitus est. Franciscus ut ambitionis, ruptæque pacis daret pœnas captus in Insubriam deducitur, clauditurque angusto carcere, qui paulò antea amplo, & opulento oppido vix capiebatur. Nostri comparata aliunde plurium navigiorum classe ad oppugnandas hostiles in stagnis, ac in fluvialibus ostiis erectas munitiones progrediuntur, Francisco Delphino præfecto. Post arces, castraque occupata everსaque, ab aquis in solum translato bello, Tarvisinam expeditionem suscipiunt: & quamvis jam fusi, & sauci

cii hostis reliquias adorirentur: non faciliùs tamen domuerè, quàm integri, & recentis. Itaque inter varia armorum discrimina Tarvisini Venetæ clementiæ memores sese fidei, obsequioque Reip. alacres tradidere expulsis Carrariensibus: tantaque constantia, ut nec fidelior in posterum reperta gens ulla sit, in summa etiam Venetarum rerum desperatione.

*Bellum sociale in Galeatium Vicecomitem  
Mediolani Ducem.*

MCCCXCVII.

**G**aleatius, præclarissimarum urbium accessione, quippe qui Patavium jam occuparat, jamque Veronam, ac Vicentiam, expulsis Scaligeris, invaserat, tumidus, & ferrox dum integras provincias suo addere imperio connititur, sibi finitimorum Principum invidiam conciliavit. Inde odium, & reprimendæ cupiditatis consensus, eo præcipuè tempore, quo ille cum Bononiensibus, ac Florentinis præliabatur. Ejus belli incendium cum per viciniam timeretur grassaturum, universi propemodum Italiæ Principes ad id restinguendum sancitis fœderibus, sociatisque armis conjurarunt. Veneti classe per Padum in Mincium traducunt, quia hostis in Mantuanum socium primò moturus credebatur, & audacissimè Vicecomitem adorti unica dimicatione classicum ejus apparatus profligant, gloriâque confecti belli, servata Mantua, reportant. Huic victoriæ alterum non minùs illustre facinus adjungitur. Galeatius Patavium, uti diximus, sui juris fecerat, fuga, cæde, captivitate Carrariensium. Evaserat Franciscus, junior appellatus, atque tandem apud Baviaræ Ducem latuerat, donec sibi recuperandæ paternæ urbis occasionem virtus, aut casus dedisset. Accepta itaque Italica conspiratione in Vicecomites, ignoto habitu Venetias venit, exorataque Senatus clementia, Patriæ, ac urbis

urbis administrationi restitui impetravit . Beneficio igitur , armisque Reipublicæ iterum Carrariensium familia Patavio potitur , ejusque imperium Franciscus recipit Senatus Veneti munificentia . quæ cum barbaros & immites quoque animos conciliet , quis credat in Rempublicam arma denuò sumpturos Carrarienses ?

*Bellum cum Genuensibus Octauum .*

MCCCCI.

**P**Ræerat urbi Michael Stenus, cum Genuenses rupto fœdere , violataque pace alterum ex præfenti tranquillitate belli turbinem excitarunt, non irritati, sed ipso, quo antea invidiæ æstu, aut morbo dominationis: quasi cum Venetis naturale haberent dissidium . Buccicardus quidam Gallus per ea tempora rem Genuensem administrabat . Hic cum tribus ac viginti triremibus Tamassum, Cypri urbem, adnavigavit, ut inde, si daretur occasio, in Syria novi aliquid tentaret. primò igitur Berutum oppidum prædabundus aggreditur , ingentes ex eo prædas agit , infestus etiam onerariis, quæ Venetorum merces vectabant; nec privatis contentus, sed publicus haberi voluit: ausus etiam Reip. classem apud Methonem populari , quasi certus victoriæ ex sociorum piratarum numero. Cæterum Carolus Zenus Genuenses vincere assuetus in temerarium hostem strenuè, suoque more detonuit ; consilio manuque acris per prætoriam discurrens illud sæpius suis repetebat , non multitudine ac ferocia, sed virtute militum ac prudentia Ducum constare victoriam . At dum quoque de triumpho hæsitaret fortuna, Hermolai Lombardi adventus rem Venetam undecim rostratis ægrè defensam , penèque expugnatam erexit astu . Is cum plenis velis in hostilem classem , duabus triremibus , impressionem fecisset , jamque inimicas contingeret , jussit momento velorum funes incidi,

cidi, quæ ventorum vi raptæ unius hostilium nauigiorū milites retis instar involvit, ut omnes ad unum incruento Marte cæciderit, & aliud infesto ictu percussum cum propugnatoribus demerferit. His auspiciis restaurata quasi de integro pugna, Zenus Buccicaldum ita oppressit, ut, quamvis duplici vulnere faucius non prius ex acie recesserit, quàm victum hostem, omnique penè apparatu exutum in fugam conjecerit. Parta victoria Venetus ad suos lætus revertitur, cuius magnitudine, quantus Genuensibus incussus fuerit metus, vel ex eo constat, quòd nulla in posterum ab ipsis Reipublicæ vis illata.

*Bellum Carrariense tertium.*

MCCCCIII.

**M**Ajores suos imitatus Franciscus junior Carrariensis, atque hæres paternæ ambitionis, dum per omne nefas imperium proferre studet, contumacem se quoque, & ingratum adversus Remp. declaravit. Primum itaque cùm, sublati veneno Scaligeris, Veronam occupasset, cæpit armis urgere Vincentiam. Cives tyranni mores detestantes ultro se Veneto Senatui dedidere. His in patrocinium ac fidem susceptis, ad Franciscum missus nuncius, ut desisteret Vincentinos injuriis laceßere; & nisi temperaret, bellum indiceret. Ille acceptorum beneficiorum immemor, non modò Venetorum postulatis acquievit, sed legatum per obsecram turpemque contumeliam violatum, & irrisum remisit. Quare haud cunctanter in arma conclamatum, præfectis terrestrium copiarum Paulo Sabellio, bellicque socio Francisco Gonzaga Mantuano; navalium Marco Grimano, ut non tam terra, quàm aquis sacrilegi hostis temeritatem, ac perfidiam retunderent, & castigarent. Grimanus armatis lintribus in Meduacum illatus ex omnibus ferme locis munitiones & Carrariensis præsidia deturbat: Gonzaga cum

cum Sabellio Patavinum agrum ingressus eadem fortuna circum omnia subvertit, atque crebris vastationibus, & incendiis quotidie trepidantis civitatis oculos fumo, ac pulvere implebat. Verum quia facilius cessurus videbatur Carrariensis, si divisis armis peteretur, jussus est Gonzaga bellum in Veronensibus administrare, qui ea arte, & solertia arma moderatus est, ut interclusis unde quaque subsidiis, ipsa penè, qua cœpta est obsideri die Verona capi potuerit: sed nihil æquè, atque invisa Carrariensium dominatio, odiumque ob interfectos Scaligeros deditionem maturavit. Nostri urbem adepti, hostium obtruncant præsidia, insecutique Jacobum Francisci filium clàm aufugientem prope Hostiliam capiunt, ac Venetias vinctum mittunt. Hæc inter Franciscus cum diu labantes in præceps res suas sustinere non posset, ad externa conversus auxilia, Albertum Atestinum Ferrariensium Ducem in Remp. concitavit. At Senatus ut certum, iratumque hostem cum Alberto committeret, illi fratrem Actium exulem opponit duplici injuria metuendum; & libertatem, & Polynesium jure sibi repetentem. Hic effusus cum Venetis turmis in Ferrarienses agros nihil cui ferro, & igne noceri poterat, non sædissimè vastat. traducta, etiam classis per Joannem Barbum, utrique Padi ripæ ad eò se præbet intestam, ut Ferraria ex metu nutaret. Quare cum se inexplicabilibus malis oppressum iri cerneret Albertus, positis armis, à fratre, jussu Senatus acceptis conditionibus, pacem redemit. Sedato hoc motu bellum validiùs in Carrariensem recrudit, ductore Galeatio Grumello, qui mortuo Sabellio suffectus, ut in hostile solum pervenit, arces & viços terrore, colles & agros populationibus complevit. Patavium tandem promotis castris, cum aliquot dies in machinarum impetu primum illius, & sequentem murum prostrasset; scalis deinde, & irruptione ad portam Sanctæ Crucis peregit excidium. Fugatur in arcem Franciscus, qui, velut in altero oppido victori diu restitit. hic acriter oblectus, &

prope

prope expugnatus hostis, ferociter pro se pacis leges agebat, veluti re integra, ac in ipso interitu superbissimus. Cæterum Patavini non tam fessi fame & bello, quàm domini pertæsi contumaciam, versa in rabiem fide, Principem in Venetorum manus dederunt. Hunc in modum recipitur arx, ipseque captivus Venetias ductus, digna ingratis pæna, jugulatur. Hoc Patris, & Aui fatum quinquennio post subivit etiam Marfilius, ausus res novas moliri, in quo omne Carriensis familiæ genus extinctum accepimus, ut nullus remaneret, qui, tantorum facinorum capefferet successionem. Ex hoc trium annorum bello accessere Veneto imperio Vicentia, Verona, Patavium, aliaque complura clarissima oppida, ii nempe solent clementiæ Principum esse fructus: tyrannis autem non diuturni obsequii magistra est.

*Bellum cum Sigismundo Imperatore.*

MCCCCIX.

**T**Andem Jadera non armis, sed auro Venetæ ditioni debebat accedere cum universo agro, suisque à mari limitibus. Hanc Ladislaus Pannoniæ Rex in Neapolitanum Regnum, quod nuper obtinuerat, profecturus, Reipubl. vendidit centum millibus nummum. Ita Venetus, per vicinas, remotioresque gentes, jam manucente fortuna, diffusus, justis armis, honestissimisque titulis suum imperium auxit, & propagavit. Interim tamen Sicum, Sebenicum vulgò, plurimum civili discordia vexabatur, quippe dominante plebe ac Sigismundi Imperatoris studiis animata, nobilium hominum ordo in exilium actus fuerat. hic adversus sordidum vulgus Reip. auxilium impetravit, & eò promptius, quòd si negaretur, rebellionis periculum, quadam veluti contagione, in finitimos erat promanaturum. Confestim igitur expedita classis, ad Sicensem oppugnationem traducitur, subitaque aggressione tentatur oppidum. at propugnato-

gnatoribus impigrè erumpentibus diu in obsidione laboratum est. Porro finem hujus belli urgente Senatu, classico apparatui juncta est etiam terrestris manus sub Ludovico Buzzacareno. Hic hostem jam terra marique circumfessum brevè ad extrema usque compulit, sed dum ille segniter rem bellicam administrat, ac sine sanguine triumphare studet, obsidionem in alterum annum protrahit, & Sigismundum Imperatorem suis sedibus evocat, qui deditæ sibi plebis causæ patrocinator magno equitatu Venetos fines ingressus inopina irruptione terrorem longè lateque omnibus incurrit, & expulsis Savornianis, ponitur Urino, adimitque Reipubl. Belunium, Serravallium, & Feltriam oppida, non indecora Carrariensis belli spolia. Tarvisium erat reliquum, cujus tum agrum hostis miserrimè prædabatur. Tanti belli incendium furtim enatum repressuri Veneri, tum multuario milite occurrunt. Sed, ne latius vagaretur, effecit Carolus Malatesta, dum cunctando magis, quàm dimicando, superbientem rapinis hostem integro fermè triennio in Tarvisinis remoratus est. Tandem diuturni belli calamitate utrinque fatigati animi nihil magis exoptabant, quàm pacem. Sed hujus improbatæ hinc inde conditionibus, quinque annorum induciæ pactæ sunt, conventumque ut interim de Sicensibus Romanus Pontifex arbitraretur.

*Utinum cum Foro-julio receptum.*

MCCCCXX.

**E**Lapsis cum Sigismundo Imperatore induciis, repetendi quæ superiori bello erant amissa, opportunam Venetis occasionem dedere Urinensium discordiæ. Urino, uti diximus, Sigismundus expulerat Savornianos: hos sibi populares reposcebant: restitui obstabat Ludovicus Tecchius Patriarcha Aquilejensis. Ita in partes discissa urbs Ve-

Q netos



netos in spem erexit imperii . Profecti itaque in Fori-juli expeditionem Sacilium primò vi , Cividatensium deinde oppidum voluntaria deditione recepere . Hinc bellum ortum cum Tecchio, Cividatensibus irato, quia se dedidissent . Ille suo, & Cæsariano milite innixus, oppidum, veluti rebel- le, summa contentione oppugnat . Veneto tamen recepto præsidio reluctatur intrepidè , protrahitque Tecchium , ut non tam obsessorum virtute , quàm superveniente hyemis asperitate obsidium intra quintumdecimum diem solvere coactus sit . Veneti ea inter Feltriam, Belunium, cæteraque castra hosti antea tradita pristinæ addunt ditioni. His gestis, Fori-julienfis Patriæ ingressi fines, subruta ejus nominis arce, propè Vrinum castrametantur . Ea in urbe domestica, protinus arma quievere, ut, de Venetis fama innotuit , in libertatem eos vindicaturis, qui per injuriam opprimerentur. Hæc una moderatio in bello maximum momentum habuit, & hæc Vrinenses Reip. nulla vi obnoxios reddidit tanta Patrum lætitia, ut missa ad illos populos sit legatio, & impetrata Savornianis, cæterisque extorribus patriæ jura , & libertas. Vrinum secuta universa Fori-julii Provincia, spontè Venetam administrationem , Thoma Mocenico Principe, suscepit.

*Dalmatia recepta .*

MCCCCXXIII.

**S**Vb hæc etiam tempora flante à mari prospera fortunæ aura, selectissima classis Adriaticum navigavit, quæ, Petro Lauretano ductore, cum totam Dalmatiam perlustrasset tanta incolas affecit formidine , ut universa ea Regio non armorum impetu , sed spontanea deditione Pannonico jugo excusso rursus Reipublicæ dominationem suscepit, anno quinquagesimo octavo postquam vi barbaræ genti paruiisset. Rebus ita feliciter comparatis è Dalmatia tortu-  
natif-

natissimus Imperator in Hellespontum trajecit, atq; cū Turcicis piratis prosperè conflixit, illosq; ad Callipolim memorabili pugna, ac totius penè classis captivitate debellavit.

*Bellum Insuabricum primum cum Philippo Vicecomite  
Mediolanensium Duce.*

MCCCCXXVI.

**N**Ec minori secundarum rerum eventu Franciscus Fuscus præfuit Reip. Sub hoc Duce, qui omnia fortunæ incrementa propriæ virtuti debebat, mirum quàm latè se protulerint Veneti limites; & præcipuè eo bello, quod adversus Philippum Vicecomitem Mediolanensium Ducem gestum legimus. Cū enim ille Florentinos armis fatigaret in immodica affectantis imperia suspicionem venit. Oppressi nostra implorant auxilia: & placuit Senatui opem tantis ferre supplicibus, ac Vicecomiti bellum indicare, quoniam neglectis spretisque legationibus, in eam rem missis, haud cessaret ab injuriis. Declarato hosti junctum cum reliquis Italiæ Principibus fœdus primò objectum est; deinde arma intentata. Exercitus, quem propriis sumptibus Veneti comparant, & in quo tum XVI equitum millia, peditum VIII fuisse perhibentur, uni Francisco Carmignolæ, viro strenuo committitur, qui Philippi superbos mores perosus ab eo desciverat, Venetorumque stipendia sequebatur. Ille itaque susceptam expeditionem aliquo egregio facinore auspicaturus, Brixiam aggreditur, quam tamen non vi, sed Avogadræ gentis in Rempub. propenso studio, obtinet, excepta arce. Recuperatum venit amissam urbem Franciscus Sfortia; verum insultanti circa mœnia, omniaque more ignis corripienti strenuè sese opposuit Venetus imperator, hostemque fuga dilapsum debellasset, nisi illi corporis ægritudo moram iniecisset. Interim absente Carmignola universæ militiæ præponitur

R 2 Fran-

Franciscus Gonzaga . Hujus dexteritate , Victoris Barbari solertia , & Nicolai Atestini virtute effectum , vt interclusis aditibus nullus in Brixienfes hostilibus copiis ingressus pateret : neque iis , quas Angelus Pergulanus ab Hetruria deducebat : quamvis ausus ( tantum temeritatis , ex parva nostrorum dolo fugata manu , conceperat ) oppugnare castra : sed exitus incepto defuit : nam restituto saluti Carmignola , Brixienfis arcis obsidio efferbuit ita , ut se dediturum præsidium proclamaverit , nisi in decimum diem venirent subsidia . hæc ne accederent , repetitis non semel certaminibus , impigrè distinuit dux Venetus , cui tandem facta est arcis deditio . Hinc ad reliqua circum oppida recipienda pari felicitate festinatum est . Hæc inter ad pacem hortabatur dissidentes Martinus Pontifex . Verum dum ægrè patitur Vicecomes à Veneto sibi leges præscribi , recentes utrinque copiarum veteribus additæ sunt : terrestri quæ militiæ adjuncta maritima , ut aquis terraque bellum aleretur . Hostis sub hæc adornata apud Cremonanæ classe Casale majus in Padi ripa vi obtinet , aliaque Mantuani agri municipia . Porro quæ occupaverat vix ad famam retinuit . Quippe ea subito Franciscus Bembus , & Stephanus Contarenus Padanæ Classis Præfecti recepere tanta vicinarum gentium consternatione , ut inde Cremonæ summe trepidatum sit . Hæc urbs incolarum fuga desertatum primum Reip. paruisset , nisi effusi avidè ad prædas nostri milites in agris subsidissent . Sed mox incuriæ poenam dedere . nam ab irruente hoste vagi dispersique magna cæde prosteruntur : Carmignolam interim , Brixiam conservandæ intentum , crebris incursionibus territabat Philippus , quem tamen reciprocante industriæ , armorumque æstu ita elidebat Petrus Lauretanus , ut facilem Cremonæ aditum Veneto Imperatori se iterum aperire consideret . Hostis , ubique præsens , juxta Octolengum parat insidias transfucanti Veneto , eoque loci varium iter , multosque labor

mili-

militum , commoda belli momenta Philippo exhibuit, internecione attritis eo modo nostris, ut vix ullus à ferro liber superfuisset, nisi Carmignola , ejulatibus oppressorum excitus , adproperasset subsidio , reductisque ad signa fugientibus grassantem hostem invicta prope fortitudine repulisset . Olio amne deinde ponte superato secus Padi ripas haud longè Cremona metatus est . Ob exercitus viciniam maxima rursum finitimis incussa formido , ac si omnes uno impetu Venetis armis excinderentur. Ipse quoque Philippus trepidare visus est , cùm publicè indixisset , ut qui proprias fortunas , resque Principis salvas vellent, ipsum armati sequerentur . Sic innumeras collegit copias; Venetumque aggredi statuit ad Summum Cremonensem vicum: & ambigua capiundi belli consultatio ferociæ cessit Francisci Sfortiæ . Hic gloriæ avidus in Veneta castra promptissimus irrupit , pugnavitque tam strenuè, ut ob id solum opportuno præsidio Cremona munita sit. Nostri tandem è munitionibus egressi Maclodium ivere, quo loci sub hostium oculis Veneta signa in Vicecomitum dedecus extulerunt . Hanc ignominia maculam Veneto sanguine eluendam conclamabat idem Sfortia , & Nicolaus Picininus. Quamobrem Carolus Malatesta, cui per eos dies sui exercitus curam Philippus detulerat , in Venetas acies utrumque ducem à fronte præmisit , ipse à tergo in easdem furtim erupturus. Hostilem fraudem pari studio elusit Carmignola. Nicolaum enim Tolleninatem cum parte exercitus ad Terentianas paludes insidere jubet, & inde non priùs exilire in hostium latera quàm ipse cum reliquis copiis Malatestam à Pompejano castro venientem in pugnam evocasset . Hoc modo conferitur utrinque atrox prælium, & postquam ad integram agminum decertationem , ex qua omnia pendebant, perventum est , Tollentinas acri impressione excepit incautos . Ita igitur cùm diu acies æquo Marte occiderent, atque occiderentur,

in

in medio pugnantium ardore steterē immotæ, quasi inter se convenissent: sed interim deliberabat fortuna quid ageret; repetitis tandem congressibus Venetorum victoria fuit. Maclodium, ignobilis antea Cremonensis agri vicus, tum nobilitatur magnitudine cladis, quæ quanta fuerit, hostium captivitas declarat, quorum millia octo, cum ipso Malatesta, censa sunt, præter bellica omnia impedimenta, quæ in prædam venerē. Tanta denique consternatione affectos fuisse constat, ut si quemadmodum Venetus imperator vicerat, victoria uti scivisset, ejicere principatu Philippum eo die facile potuisset. Sed plerumque victori mentem adiungunt læti successus. Quare Carmignola, & integrum neglexit triumphum, & quod est absurdius, Malatestam cum captivis ad unum, inconsulto Senatu, libertati restituit. Hæc propter illius suspecta primùm fides apud Venetos. Philippus interim coactus, quamcunque pacem præsentī calamitati præferre, in eas condiciones descendit, quibus Venetæ Reip. Brixia, Bergomum, aliaque omnia in Cremonensibus occupata oppida jure belli concederentur. Atque ita in continenti Venetæ dominationis termini latiore gloria dilatari cœperunt.

*Expeditio in piratas quarta.*

MCCCCXXX.

**A**Rdebat cum Vicecomitibus bellum, quando de expugnata à Turcis Thessalonica in Macedonia relatum est. Et si verò Patres in Italia gravissimarum rerum serie implicarentur, hanc tamen alteram ineunt expeditionem sub Petri Michaelii ductu in piratas. Libero enim maris usui maximum inesse momentum nostris semper est visum, tum ad commeatus in Urbem invehendos, tum ad convectandos subsidio milites, quibus ea tempestate Respublica maxime indigebat. Classis itaque Præfectus maritima ora per-

perlustrata, munitissima castra Crysolopolim, & Cassandrum in Asiæ littoribus eripuit Barbaris, purgatoque mari his infensis prædonibus, Ponti aditum, Venetis antea clausum, aperuit. Post hæc reparatæ auctæque classis Andreas Mocenicus curam suscepit, imperante Senatu, ut Chium Ligurum piratarum nidum, terra marique obsideret: quoniam verò bellicas machinas munitum oppidum eludebat, prædabundus in proxima littora discurret miles, omniaque incendiis cædibusque terret, vastatque. Postremò delegatus in provinciam Silvester Maurocenus infestos prædones debellavit. ille cœptæ expeditioni instans assidua navigatione, & indagine omnes portus, omnesque tum Adriatici, tum Aegei sinus, eò ampliùs exploravit, ut brevi utrumque mare ab Turcarum, Ligurumque direptionibus tutum, securam pace, reddiderit.

*Bellum Insuabricum secundum.*

MCCCCXXI.

**N**ON poterat pax cum Philippo esse diuturna, quia solitus jam vivere bello, & aliena concupiscere, iterum arma in Florentinos, Reip. socios, converterat. Hanc ob causam terrestres, & navales copiae ab Senatu imperatæ, ut amicis opitularentur. Classis in Padum agenda Nicolao Trivisano traditur, Carmignolæ pedestris militiæ imperium, atque utrique mandata hostis vindicta, seu solo, seu flumine bellum exposceret. At Carmignolam, cui fervida magis consilia, quàm cauta ex ratione Senatus, placebant, ex levi concepta spe occupandæ Soncinæ arcis insidiis circumventum, ac ferè captum accepimus. Interim Philippus ab Genuensi Rep. subsidiarias naves, & classici apparatus ducem Grimaldum impetraverat: hisque auxiliis (quæ Senatum in Genuenses, ceu pacis violatores postmodum commovere) instructus Philippus cataphracto milite insolita

lita in eum diem disciplina naves armat ac secundo amne noctuque in nostras agit, tam audacter, ut ex metu gravissima consternatione percussæ fuerint. Trivisanus eam bellicandæ novitatem ac monstrum miratus, haud procul agentem Carmignolam monuit certissimum imminere periculum, ni celeri ope levaretur. Hic illius ignaviam ridens suppetias negat. interim igitur magis atque magis ab utraque Padi ripa Stortia, & Picinino pedestri robore urgentibus Veneta navigia multiplici impetu dissipantur, tanta strage & jactura, ut suo naufragio totum Padum cooperuerint. Vix quinque biremes fuga evasere ipso Trivisano incolume: occisa, & aquis obruta VI. hominum millia, nullo aut saltem exiguo Insulæ damno. Ex illata clade iterum prodicionis nomine arguitur Carmignola, cui quoque per id tempus tertio nocuit non recepta Cremona. Denegato auxilio Cavalcabovis strenuo militi, cum parva manu se unam urbis portam insedissem illi per nuncios significasset. Ex his ab Senatu perduellionis reus judicatus, Venetias per speciem de belli ratione consulendi accitur: ubi venit, obligatur vinculis, & cum in quæstionem postulatus obiectum crimen, redintegratæ cum hoste amicitiae, fateretur, poenas perfidiæ capitali supplicio dedit. Vir multis victoriis clarus, & cum primis Macledienfi certamine, nisi postremo suam gloriam tanto scelere scedasset. Eo extincto penes Joannem Franciscum Gonzagam, Mantuanorum Principem Venetarum copiarum cura, & imperium fuit. In hoc statu res erant, tum Venetorum Reipub. tum Mediolanensium Ducis, quando de pace agi coëptum est. Hæc utrisque perquam necessaria gravi, longoque bello attritis, & facilis, & diuturna sperabatur: at nondum Italia Principum in se delirantium iras, & odia concoxerat.

*Bellum*

*Bellum cum Genuensibus Nonum.*

MCCCCXXXII.

**Q**uoniam violata pace fassissent Philippo Genuenses, placuit Senatui injuriam armis vindicare. Viginti itaque & plurium triremium classe Petrus Lauretanus bellum Genuensibus invexit. Naviganti in Ligusticum mare totidem rostratæ ex adverso ad sinum Repalitani, ducente Francisco Spinula, obviam occurrunt paribus in certamen armis, odiisque. In ipso autem navalis congressus momento Lauretanus militarem astum commentus, fugam simulare cepit, qua credulus hostis in altum, ut contigit, protractus, nostris apertiore ad ictus viam fecit. Pleno namque ventorum afflatu inter medios Genuenses ita impellitur Venetus, ut tota classis hostilis post brevem pugnam conciderit. Ingens ex hoc certamine gloria Lauretano magni nominis duci parta est. Quippe multæ Ligurum naves cum ipso Spinula fuere interceptæ, multæ depressæ, exiguo ac prope nullo nostrorum dispendio.

*Bellum Valli Tellinae illatum.*

MCCCCXXXIII.

**D**um latius serperet bellum cum Vicecomite, Valli Tellinæ populi armis petiti sunt, & eorum vallis occupata Georgii Cornelii virtute. Sed quæ pugnae initia nostris prospera fuerunt; eadem exitii mox causa. Nicolaus Picininus hostium ductor supra Soricum, ubi lacus angustior est, fabricato ponte munivit utramque ripam, & ignorantibus Venetis, in vallem suas copias traduxit. Cornelius de ingressu monitus, quâ fluit Abdua in Larium, Picinum cum suis ducta fossa circumdedit, atque ita inclusum hostem aggressus oppugnavit, fugato duce, qui fluvium,

R

vium,



vium, & fossam parva rate trajecit. Secundo hoc pugnae eventu nostri, quasi nullum amplius negotium ad integram victoriam superesset, fluminis, & fossae custodiam neglexere, quod non leve mox eis attulit incommodum. Id enim cum Picinino innotuisset, contracta Vallis incolarum manu, qui Veneto nomini infensi erant, eodem in loco nostros obsedit, & nihil tale metuentes aggressus fudit. Occubuit Cornelius, & ex tribus armatorum millibus vix trecenti per saltus evasere. Ara erecta non procul à Dalebio pago Philippus eam victoriam posteritati consecravit, minus pium Christiani Principis trophæum. Interim ad Padum Legati manibus parentatur Casalís, & Brixili munitissimarum arcium everfionibus.

*Bellum Insubicum tertium.*

MCCCCXXXIV.

**T**ERTIO adversus Philippum Veneti rursus arma moverunt: quibuscumque primum semper fuit ingenium ad tuendos oppressos, quàm ille ad turbas ex turbis ferendas & aliorum exagitandas fortunas. Cum igitur Eugenio Pontifici, atque Florentinis iterum hostiliter insultaret, extincta paulò ante bellorum incendia majore flamma erupere. Foedera quippe ab hoste toties violata impulerunt Venetos, ut ope egentibus auxilio essent. Erasmus Nar-niensis, à versutia militari Catæ Mellitæ cognomentum sortitus, Pontifici patrocinator in Aemiliam transit, ubi ab Nicolao Tollentinate Florentinorum auctus viribus prope Imolam cum Picinino conflixit, infelici tamen eventu. capto enim socio ipse cum paucis in eam provinciam reversus est. Initiis parum prosperis Veneta constantia opposuit Franciscum Gonzagam Principem Mantuanum. Hic iussus per omnem militarem licentiam fines Mediolanenses invadere nulla avitæ virtutis, justique adversus com-munem

munem hostem odii protulit experimenta . quare ob clandestinam propensionem in Vicecomitem Senatus jure diffusus Principis fide , primùm Federico Contareno Legato , deinde Erasmo summam belli detulit , cùm hic quotidie magis militari disciplina non minùs , quàm singulari in Remp. studio notior evaderet . Opportunè igitur suffectus non levibus Insubrem damnis affecit , multisque pagis in agro Bergomensis exiit , & per Cremonensem Brixiam iturus Picinini technas diligenti cautione vitavit . Sed nec hostis interea segnior Veronensem agrum rapinis & incendiis vastabat , domitis quoque Lacus Benaci accolis : promotumque post hæc in Brixienfes , & sub ipsam urbem cum Picinino copias jungit Gonzaga . Mellita sibi , & rei præsens adventu suo Brixiam confirmat : quam occasionem in victoriæ spem traducens Picininus in Camonicam vallem ducit , ubi tamen fidum , valensque nostrorum præsidium derisit appropinquantem , fugavitque : hanc ille noxam ulturus Rhoadum obsedit , eousque in incepto duraturus , donec rumor Mellitam Brixia evocaret . Cæterùm , neque locum habuere fraudes structæ nostris , per angustum iter à montibus in planitiem descendantibus . Patuit astus Veneti ducis calliditati , & ipse prior in agmine sibi insidiantibus offert , vertitq; in eorum capita artes , cùm eos tacito , improvifoque congressu consternasset , aperto sibi reditu in Brixienfes . Sed cùm non posset ubique sese opponere Picinino penè volanti , omnia circum oppida hostis occupat , cujus consilium erat , ut Venetæ copię circa unam tuendam Brixiam diu morantes , fame tandem conficerentur . Ille , ne ita obsideretur , quæ esset opus , ferro sibi viam aperiens , Veronam cogitabat , sed Mincii amnis tumidi frustra tentato vado in montana conscendit , in quibus efferam incolarum rabiem expertus est . Porro fatis iter desperato Duci molientibus Petrensis arcis præsidia conficta fuga in se pertraxit . ubi enim illam propugnatoribus vacuam con-

spexit in sequentes conversus inopinata audacia omnes prostravit , atque sic per vetitum iter nulla ferme suorum jactura Veronam tenuit. Attamen simulac illum Brixia discessisse nunciatum est, Picininus totam belli molem in ejus urbis expugnationem transtulit . Illa civium suorum fide , qua nullum fortius propugnaculum , & invicto Francisci Barbari animo, ac tolerantia, tres menses elusit obsidentium impetus, cum interim duplici & intestino hoste fame nimirum & pestilentia crudeliter vexaretur . Barbarus laboris ultra fidem patiens , tectum, dapes, omniaque cum milite prisca frugalitate, communia habebat, raro nostri ævi exemplo. At Picininus in distrahendo obsessis commeatu eò amplius in Reip. amicos ferus , Paridem Ludronii Comitem debellar, quem tamen pro viribus ulciscitur Gerardus Dandulus, occisis aliquot Insubrum turmis. Navibus novo ingenio ex Arthesi Benacum traductis subinde Brixia penuria summè laboranti succurritur . Præsenti quoque rerum angustia benigni fideris instar affulsit Franciscus Sfortia à Vicecomite divisus , & per Florentinos ad Reip. stipendia transmissus. Hic sexdecim armatorum millibus procurrens in hosticum, Philippi duces è Veronensi agro exegit , ac Picinum fugienti similem in Mantuanos abire compulit . Sparso cladis rumore paululùm respiravit Brixia; pluraque ex hostium manibus castra in Venetam potestatem reducta. At malè in Benaco pugnatum est. Brixia enim egressus Barbarus cum classiario duce consilium in de comburendis in lacu Philippi navibus ; sed intercepto nuncio tempus facinori destinatum innotuit. Quare Picininus, & Gonzaga ad assuetos dolos animati, alter à continenti, alter à lacu nostros improvisò adorti facilè oppresserunt , capto Petro Zeno Præfecto , universaque lacerata classe, antequam Barbarus quidquam sciret. consequitur triste infortunium Madernæ quoque arcis deditio. Veneti Patres solita æquanimitate alteram è vestigio classẽ in Benaco parant

parant, auspicijs Stephani Contareni, quam ut pedestri cohorte defenderet, selectus Mellita. Hæc inter Sfortiæ, per Tridentinos saltus, Brixix suppetias laturo, occurrunt Picininus & Gonzaga; confertaque acriter manu non leve hinc inde discrimen subiere duces, postremò tamen fusus & profligatus hostis illatam antea Venetis in lacu cladem ex æquo rependit. Non priùs enim dirempta pugna est, quàm universis penè copiis nudarentur Picininus, & Gonzaga, qui dum socium captivum liberare nititur, ipse nostrorum fit præda. Illuxit adversus hostes Joannis Pompeii fortitudo, & fides in Rempublicam, cum Picinini, Gonzagæque turmas è Vicentino in Veronensem agrum irrupturas parva ex indigenis manu distinisset. Non impar ejusdem gentis enata soboles Franciscus inimicas alibi sustinuit impressiones. Atqui nec tanta jactura Picinini ferociam repressit, quin instauratis viribus Veronam celeri, ac inopinata impressione occupavit. Cujus rei Sfortia certior factus, aliquandiu stupore defixus hæsit, tandem & ipse pari celeritate usus promotus è Brixienfi agro antelucano tempore castris opportunè accessit, ingressusque per munimenta Sancti Felicis, & Castri-veteris horrifono clamorum, armorumque fragore irruit in hostes, sibi que illustrem egregia virtute paravit victoriam biduò post quàm ab ipsis urbs capta esset. Rebus prosperè fluentibus accessit Contareni triumphus de universa Philippi classe profligata; maturisque Ripæ, Gardæ, & Salodii oppugnationibus; & direpta paulò post per ipsum Sfortiam hostium statione ad Vrceos-novos. Hinc magis irritatus, quàm domitus Philippi animus, nil nisi bellorum æstus concipiebat. Partas eo tempore victorias Senatui gratulatum venit Sfortia, cum Picininus ex occasione illius absentix, haud ignarus fama licet falsa occisi Imperatoris terreri posse exercitum, de Sfortiæ nece mendaces rumores spargit, magnumque ob id tumultum excitat in Brixiensibus. Interim ille per viciniam grafatus,

satus, cuncta ferro flammisque permiscuit. Fraudis hujus commonitus Sfortia in provinciam revertitur quàm celerimè, & debellato apud Tignanum vicum Picinino, se superesse, & arma adhuc tractare omnibus ostendit. Philippus novis semper gliscentibus incommodis oppressum se tandem iri veritus, ad pacem prostratum animum inclinavit, anno quinto ab incœpto bello, iisdem quibus olim conditionibus, retentis potissimùm à Veneto Verona, Brixia, Bergamo. Et quia tunc avidiùs fortassis, quàm ante, pacis ante commoda expetebat, Franciscum Sfortiam ex hoste sibi generum adscivit, tradita ei filia spuria Blanca, dataque nomine dotis Cremona. Eodem ferme tempore morbo interiit Cata Mellita Senatui mirè commendatus, quòd prudenter potiùs quàm audacter arma tractaret. Per eos quoque dies Ravennates pulso Hostasio Polentone tyranno, & Cervienses vltro in Venetam administrationem venerunt. Tanta nempe fuit apud omnes Reipublicæ existimatio, & legum æquitas, ut etiam spontè populi longè remoti illius fidei, ac imperio sese submiserint.

*Expediitio in piratas quinta.*

MCCCCXLIII.

**B**ella cum Vicecomite sæpiùs repetita, & veluti continuata expeditiones maritimæ exceperunt. Primum in Cathelanos piratas est destinata classis, at non priùs quàm veteri majorum religione, delata non semel esset ad Alphonsum Regem Neapolitanum querela, & additæ preces, ut ab Apuliæ, & Calabria portubus exturbaret prædones. cùm autem nihil profectum esset, exiire in ultionem Antonius Diedus, & Franciscus Quirinus Scodra Præfectus. Horum alter protinus debellavit vagos homines, & dum Isthonium in Ferentanorum ora rapacissimæ gentis asylum omni vi conatur expugnare, exorta repente procella horribili, fœda-

foedaque cum tota classe hostico littori alliditur, fitque miserabile latronum spoliū. verū iussu Alphonsi cum triremibus libertate donatur. Alter conuersis proris in Turcas Antibarim, Epyri urbem, commisso non levi conflictu ē barbarorum manibus extorsit & Reipub. addixit. Renascentis inde perfidię penas sumpsit Philippus Cornelius. Hic tanta felicitate pugnavit, ut brevi non solum omne illud piraticum genus longē à mari profligarit, sed & plura eorum subverterit receptacula. Postremò alię in prædatorias Turcarum naves instructę triremes sunt, quibus, auxiliantibus Pontificiis, Aloysius Lauretanus graui bello Amurathem implicuit, ea ipsa tempestate, qua contra Barbarum Ladislaus Poloniae Rex arma sumserat. Coniunctis viribus dimicatum accepimus ad ostia Danubii, sed incerta victoria, quamvis referant annales, duo de quadraginta Turcarum millia eo certamine interfecta.

*Bellum Insuabricum quartum.*

MCCCCXLVII.

**S**Fortia, celebratis nuptiis, ad recipienda, quę sibi oppida hereditario jure obtigerant, in Vmbriam profecturus, Cremonam, urbem dotis nomine acceptam, Venetorum tutelę commendauit. Philippus ob id more sui ingenii paci, ac vicinorum quieti grauis arma corripuit, indignatus se à genere contemni, agrumque Cremonensem foedē diripuit. Nostri quid Sfortiæ deberent, non immemores illi ultrica arma denunciant, nisi alienis rebus parceret, sed cūm vix audita fuisset legatio, declarato copiarum duce Michaelle Attendulo, susceptum est bellum, commissumque cum Vicecomite tanto impetu, ut post breuem, at cruentissimam pugnam, castris exutus, desideratisque quatuor equitum millibus, intra oppidorum munitiones repulsus fuerit, nullumque in ea provincia castrum ipsi relictum, præter Lau-

Laudem-pompejam . Auētus subinde Ludovici Gonzagæ copiis Attendulus Abduam traiecit , atque altera ibidem . cum hoste inita pugna, victor iterum recessit . Duplici clarus triumpho majora moliturus , Mediolanum , Ticinumque infestavit excursibus , & Abduam Comumque interjacentia castra vicosque Reip. subjecit ea factorum prosperitate , ut averſa Philippo numina crederentur . Et sanè procedente bello apparebat toto imperio spoliatum iri, nisi Sfortia improbè Philippi partibus se addixisset, Eugenij Pontificis, & Alphonsi Neapolitani Regis consilio, quibus prosperi Venetorum successus invisi erant .

*Bellum Neapolitanum primum .*

MCCCCXLVIII.

**P**hilippus Vicecomes Mediolanensium Dux , vir acer bellicus cupidus, hoc anno moritur, scripto ditionum suarum herede Francisco Sfortia . Evulgato illius obitu, Alphonsus Rex Neapolitanus , tanquam extinctæ Vicecomitum familiæ successor , Mediolanense dominium postulabat . At cum propriis viribus non posset vindicare sibi hereditatem, in Venetos opem denegantes irrupit ; cumque armis incassum laboraret, rabiem odiumque evomere voluit promulgato edicto , ut omnes , qui in Regno suo Venetæ gentis forent intra præscriptum diem excederent . Improbi huius facinoris ultor Aloysius Lauretanus electus est . Sed vindictam dies aliquot retardavit de pace missa ab Alphonso legatio . irritatis tamen semel animis bellum nihilò intermissius susceptum , mox à Victore Capellio , qui Adriatico sinui præerat in Neapolitanam oram delatum est . Is plura hostis navigia oppressit , Orthonem usque infectatus , injectoque igne urbis navale penitus absumpsit , & vicinos pagos populatus est . Neque his satur Senatus Lauretanum in Siciliam destinavit . Ille Messanam vi petiit concremata in portu

portu excubitorum navi, quæ regia ob magnitudinem nuncupabatur; parte demum classis relicta ad urbis obsidium, cætera totius insulæ maritima loca cum perlustrasset, quinquaginta, & plures Alphonfi naviculas vel pessum dedit, vel igne vastavit. interea Messanenſes juxta portum validas munitiones erexerant, quibus Veneti ulterius navigare impedirentur. Porro nostri, dum ipsa propugnacula destruere conantur, navale certamen propugnatoribus indicunt, quod à temerario Siculo acceptatum est, consensisque navibus in pugnam itum, sic tamen ut ad prima tantum signa ille concurreret, Victoria tandem sagaci Lauretani consilio stetit. Ingens hic navigium farmentis, ac tormentario pulvere plenum immisit in hostilem apparatus, quod ubi ignem concepisset, flante vento in portum immisum est, ruptisque repagulis, inſequenti Veneto viam stravit. Instabat extremum Messanæ urbis fatum, sed Patres, qualicunque vindicta contenti, Lauretanum in Adriaticum revocant, nec multos post dies firmatur pax cum Alphonſo, bellumque à Tyrrheno pelago in Cisalpinam provinciam reducitur.

*Bellum Inſubricum quintum.*

MCCCCL.

**P**Ervaſerat jam antea proximas, remotasque provincias, quàm singularis eſſet Venetæ Reip. humanitas, & æqua imperii moderatio, ut propterea plurimi Italiæ populi mitiſſimum ejus imperium ſubire certatim contenderent. Laudenſes in primis, ac Placentini ultrò in fidem venire: pari exemplo Ancona Veneto paruit. Cæterum Mediolanenſes inchoatum à Vicecomite bellum ſe proſecuturos Senatui denunciant, niſi capta oppida, & urbes reſtitueret. Remiſſi ſunt hoc reſponſo Legati, Venetum ſe tum omnia redditurum, cum ſibi illud auri pondus perſolveretur,

S                      quod



quod ipſorum Vicecomitum ſuperbia, & rei alienæ cupiditas ætario extorſerat . Quare Mediolanenſes evocato ad opem Sfortiæ , mercedem navandæ operæ , Principatum promittunt . Dives ſtipendium exte in plò hominem armat in Placentiæ ruinam , cujus præda militem onuſtum trahit ad Laudem-pompejam, ſed diſpari exitu . Venetus ea inter circa agrum Cremonenſem ſub Attendulo luçtabatur, magis profecturus ſubſidio claffis , quam iſdem diebus Andreas Quirinus, & Georgius Lauretanus Legati Pado advenxerant: documentum, vt credo, Sfortiæ; nam ille quoque navibus vires ſuas obfirmavit . Sic res terra , aquisque paribus hinc inde artibus ſtetit, quouſque Sfortia ſuppoſitis per utramq; Padi ripam æneis tormentis & milite, noſtrâ ex inſidiis preſſit, fugavitq; ad Caſale-majus, ubi nec ulla reliquæ claffi futura ſecuritas ſupererat, niſi injectis facibus conſumpta fuiſſet, ne audaciſſimo perſecutori cederet . Poſt hæc in Abduæ Glarea ad Caravagium poſita ſunt caſtra: cui oppido ſi vim hoſtis paraſſet , ſubſidio erat Attendulus circumquaque diſpoſita manu , qua interdum hoſtibus terrorem, ac damna non levia inferebat . Cæterùm Sfortiæ Padana victoria elato terreſtris altera acceſſit . Nam cum Attendulo inito certamine, poſt integri diei prælium , noſtros loco cedere coegit, conjeçtosque in viarum anfractus, & anguſtias ingenti occiſione debellavit . Fama eſt, præter eos, qui in acie caſi quinque millia fuiſſe captivorum, cum quibus ille ante Brixiaæ mœnia comparuit, ut oppidani audita clade, viſaque ſuorum captivitate deditiorem facerent . Non hæc tamen victrix Sfortiæ fortuna Patrum ſanimos fregit , memores brevifſimo sæpè momento res penitus collapſas integrum rurfus reſtitui . Ad feſtinandos militum delectus Veronam acceſſere Legati, qui paucos intra dies majorem exercitum largo ſtipendio collegerunt. Verùm quia Sfortia ſe demum quietè toti Inſubriæ credidit imperaturum , ſocio, amicoque Veneto, Mediolanenſes inculcare non ſervati pro-

promissi, imminutz bellicæ administrationis, nihilque sibi  
 spei ampliùs in Principatu. At reverà deterfit pudorem im-  
 perii libido, cùm ad Venetos his conditionibus defecerit,  
 ut, quidquid ultrà Abduam, Padumque caperetur, ipse ha-  
 beret: quidquid citrà, ipsi tenerent. Consociatis in hæc fœde-  
 ra armis, breui sequentibus se victoriis Mediolanensium  
 oppida, & urbes penè omnes in deditiõem receptæ sunt.  
 Intervenerat pro Insucribus Allobrogum Dux. Hunc tan-  
 tiisper morantem victorias Bartholomæus Coleonius juxta  
 Sicidium amnem profligavit: atque ita summoto auxilia-  
 rio Mediolanum obsideri cœptum. Jamque portis hærebat  
 Sfortia, cùm Veneti Patres suspicati unius ambitione Itali-  
 cam libertatem posse pessumdari, injecta pacis mentione,  
 conantur Sfortiam conciliare Mediolanensibus: sed quia  
 potens, ac suave est ad excelsa incitamentum felicitas, eam  
 ille rejecit. Senatus ob id in obsessorum auxilia exercitu  
 commeatuq; immisso res eorum sibi curæ fore declaravit.  
 Vano tamen eventu omnia cecidere: virenim ille, cujus  
 virtutem fors comitabatur; non tanti fecit frequentes  
 erumpentium oppidanorum injurias, quàm Sigismundi  
 Malatestæ, Veneti imperatoris, crebra in apertum bellum  
 irritamenta, tutiùs fore putans, continere se castris, nec alia  
 vi urbem expugnare, quàm constantissima obsidione. Por-  
 rò & illi prionior fortuna præter opinionem fuit. Etenim  
 Mediolanenses turbide rem suam administrantes, atque in  
 ipsos auxilios Venetos contumeliis, ac cædibus feroces,  
 opinione citiùs in Francisci Sfortiæ potestatem venere. Sub  
 hæc, vel metus crescentis potentia, vel invidia Alphonsum  
 Regem Neapolitanum, Ludovicum Ducem Allobrogum,  
 & Guilielmum Montis-ferrati Marchionem adversus no-  
 vum Mediolani Principem armavit. Verùm dum singuli  
 per se vicino, & fortissimo hosti videntur impares, in unum  
 focia arma contrahunt: & quia adhuc suffecturo etiam  
 conjunctis, & affectanti adhuc alienas ditiones longè maxi-

mis viribus obviàm eundum ducebant, Venetos iteratis sæpè legationibus in eandem expeditionem sollicitant. Itaque adhæserunt societati, ut bellum Italicæ pacis causâ gereretur: primique omnium adversus Sfortiam insurrexere. Hic Florentinorum opibus, & Mantuanorum amicitia subnixus ad arma conclamata se vertit intrepidè, & ubicumque ea perstreperent audacter sese expedit. Soncinum intereà oppidum, quia nostris diu restiterat, mulctatur mœnibus. Noxam ulturus Sfortia in apertam cum Veneto concertationem procurrit, ubi æquo exitu, parique clade pugnatum est. Inde hostis ad tutelam Cremonæ converso agmine, cauti potiùs militis, quàm pugnacis famæ in posterum studuit. Crebriores sub hoc tempus fuisse intestini conflictus, quàm castrenses, oppidanis, populisque, qui intereà fœdis sese factionibus polluebant, in Venetas, aut Sfortianas partes distractis. Mantuani etiam irruptionibus à Venetis hoc ipso tempore castigati, quòd Sfortiæ adhærerent. A majoribus tandem cladibus temperatum, quasi constituta pace ad perceptam Constantinopolitanæ urbis eversionem. Illuc vires ducendæ omnium Christianorum Principum videbantur, ne calamitas ea totius Orientis imperium Turcico Regi Mehemeto brevi subderet.

*Bellum Constantinopolitanum tertium.*

MCCCCLIII.

**C**onstantinopolis Orientalis caput Imperii, & sedes postquam à Constantino Magno constituta steterisset annis MCXXII à Mehemeto Turcarum Rege alteri Constantino eripitur. Cùm itaque fama vulgasset Constantinopolim Turcicis armis oppugnandam esse, jamque barbarum Regem formidandis terra, marique viribus applicuisse, Veneti proprio & totius Christiani orbis periculo moniti, confestim dispersa alibi arma contrahunt in hanc per-

perquàm necessariam expeditionem, quia Turcarum avaritia, non uno saturo imperio, toti Europæ inhiabat. Quamobrem nec minor cura sollicitabat reliquos Italiæ populos, qui primi hostis injuriæ erant obnoxii, Romani, Genuenses, & Neapolitani. Interim adversus Mehemetum Regiam urbem obsidentem, viginti rostratarum classem traducunt Veneti: quibus totidem onerarias adjungunt confœderati. Totius rei maritimæ imperium Jacobus Lauretanus omnium consensu accepit: in altum proventus naves præmisit, quæ urbis portum defenderent: ipse cum reliquo navium apparatu in hostilem incidit ad Hellesponticas fauces: aggreditur audacissimè, oppugnat, turbatque barbaros: sed integram nostro duci victoriam interceptit subita illorum fuga. Palæologus ad hanc famam, cum nimis properè vellet hostium trepidationem in sequentis victoriæ omen convertere, daro terrestris eruptionis signo, Turcarum invadit stationes. Sed suo tandem fato experitur, non ubique locorum eandem stare fortunam. Incredibile dictu, quibus copiis terra confederit Mehemetus; CCC armatorum millibus urbem vallaverat, eamque jam irrequieta LX dierum oppugnatione fatigarat. Hic hostis cunctatione erat vincendus, ut immane corpus sua ipsius mole concideret. Sed quo tempore Palæologus è continenti raptus est in hostes, nostri mari eosdem insectabantur. pugnatum iterùm strenuè fuit, at postremò justa causa malignæ fortis arbitrio succubuit. Fortuna quippe in imperia idem habet jus, quòd adversus imperantes, fatalesque sunt rerum humanarum interitus. Victis igitur profligatisque fœderatis, Constantinus ut honestiùs occumberet, claroque exitu vitam cum imperio clauderet, inter confertissimos hostes dimicando cæditur. Capta Constantinopoli, Turcæ, Regio neglecto titulo, in posterum dici Imperatores voluerunt. Quadraginta mortalium millia è nostris periisse fama est: innumeros fuisse

fuisse captivos, eosque inter septem ac quinquaginta patricios Venetos. Ad hos redimendos legati nomine Mehemetum adiit Bartholomæus Marcellus : hic ab Turca præter captivorum corpora , eorum quoque bona humanissimè recepit, tulitque pacem . Verùm huic non acquievit Senatus, turpe se facturum existimans, si cum hoste haberet amicitias, cum quo necessariò depugnandum, ne religio, quam ille persequitur , unà cum fortunæ bonis profanum servitium patiatur .


*Bellum Insubre cum sextum .*

MCCCCLIV.

**P**Rivata Principum Christianorum odia Mehemetum Constantinopolitana victoria ferociorem reddidere, ac si non timeret Italiam, quòd inter Italiæ Proceres vigerent perpetuæ lites, & concertationes . Spes erat communi omnium conspiratione ingens bellum Turcis inferendum: sed magis per ea tempora in Cisalpinis invaluerant irarum discordiæ . Qua occasione Turcæ, non tam sua virtute, quàm nostra æmulatione vastum illud Orientis imperium sibi compararunt. Sfortia, tanti mali fomes, oppida, arcesque Brigantinorum montium Veneto erepturus, Abduæ transitu, rescisso ponte, illum prohibere conatus est. Ex his facile perspicuens Senatus quorsum tenderent hostis machinamenta, cùm etiam per eos dies Rhoadum, & Vrceos expugnasset, bellum toris animis arripuit, brevique temporis momento Gentili Leonessio duce sub signis XX armatorum millia recensuit. Pro Insubre steterè in armis Florentini, & Rénatus ex Aragonia familia, ut Veneto peracto bello, Neapolitanum Regnum, adscititia ope, sibi ex Alphonsi obitu jungeret. Horum auxiliis hostis Brixienfes, ac Bergomates agros vastavit, sparsaque circùm castra partim vi, partim deditione subegit. Veneti retinendis urbibus occupati

pati, postquam illas præfidiis confirmassent, more velutum nulli hostium rei parcentes, hinc inde excurrendo militari licentia omnia rapinis, cædibusque miscebant. Mediolanum, cujus crebrò ad portas procursum erat, ea formido pavorque invaserat, ut in anceps adductum periculum aliquandiu in Sfortiana fide nutaret. Tandem iratos animos opportunè Christianæ tranquillitati conciliat Nicolaus Pontifex, qui duos hosce potentissimos Italiæ Principes adversus Turcam armati optabat. Pacis condiciones pro Venetis ex fuere, ut, præter Abduæ Glaream, redderentur quæcumque oppida in Brixiensibus, ac Bergomatibus Sfortia coepisset. Hæc denique pax, ut Divino Numini, placuit, diu firma, ac stabilis perduravit: Mediolani imperium longa posterorum serie propagatum Sfortia retinuit.

## FINIS LIBRI SECVNDI.



IOAN-



## IOANNIS BAPTISTÆ

V E R I

CANONICI PATAVINI

RERVM VENETARVM

LIBERTERTIVS.

*Bellum Turcicum secundum.*

MCCCCLXIII.



Artam terrestri bello quietem navalis in Turcas turbavit expeditio, altero Christophori Mauri Principis anno. Tunc in Peloponnesum descenderat Mehemetus Secundus Turcarum Imperator, totamque penè provinciam sui juris fecerat, fraterno in illa regnantium dissidio. Contendebant inter se de finibus.

Thomas, & Demetrius fratres Palæologi: & dum alter succumbere alterius viribus timet, tyrannum sibi auxiliarium deposcit, impetratque. Turca instructo exercitu ad prædam, non ad opem supervenit, atque utrumque more latronis regno exuit: expulso Thoma, Demetrium redegit in servi-

servitutem: atque sic tum primum, & per scelus Othomanicæ tyrannidi cessit Peloponnesus. Veneti circa littora præclara quædam oppida retinebant, quibus dum etiam inhiat Barbarus, ex Senatus consulto robustissimæ octoginta navium classi datur Præfectus Victor Capellius. Hic, obscurante pelago, proventus Isthmum, in quo bimaris Corinthus, opportunis firmat munitionibus, & porrecto muro in utrumque fretum, ne Turcæ ab Achaja irrumperent: nihil interim movet armis, donec etiam ad opem accederent pedestres copiæ. Interea hostis, quæ in Isthmo erant, munitiones subruere connixus est, sed magna strage repellitur: terga danti insunt nostri, & dum ille in tutiora dilabitur, Spartam celebrem olim urbem rebus pace, belloq; gestis, occupant. Verum non multo post apud Corinthum accepta calamitas illam nobis victoriam imminuit: tanta quippe, ex conferta pugna, nostrorum fuit clades, Bertoldique Atestini, peditum summi ductoris cæde in primis conspicua, ut ex tribus armatorum millibus vix unus superstes profligati exercitus nuncium afferre potuerit. Hinc à classiariis terrestris suscepta expeditio. Argos vetustissimum oppidum diripitur, in penitiora Peloponnesi procurritur, obvia quæque vastantur: subinde à Turcis circumventi Naupliam repelluntur. Refectis postremo viribus in bellum rursus redire placuit: reperti sunt hostes, quasi planè vicissent, lætabundi, incompoti, prædæque intenti; quare ex inopinato petiti maxima sternuntur clade, fuganturque Methonem usque ubi ab erumpentibus oppidanis penitus deleti sunt. Variis hisce eventibus veluti de industria spectante, ludenteque fortuna pugnabatur. Interim in Coroneum agrum effusi Barbari tantis illum direptionibus, & incendiis fœdarunt, ut nihil residuum crudelitatis fuerit, quacumque hostilis illa tempestas intonuit. Igne, ferroq; vastatam, deprædatamq; Peloponnesum reliquit tandem immanissima gens, quando scilicet non habuit unde ampliùs



cupiditatem, atque iram saturaret. Juncum arx, à nostris munita præsidio, restitit oppugnantibus; sua tamen prædia, circumque patentes agros direptos, inflammatosque miserrimè prospexit. Post hæc Veneti per Arcadiam liberè decurrentes ipso Turcarum more defævierunt. hostienim molestissima quæque vis inferenda est (non tamen perfidia, & dati jurisjurandi violatione) ut ita tuis animos addas, illi detrahas.

*Tergestini debellati.*

MCCCCLXIV.

**S**atis constat, quàm invicta semper, & maximè in adversis constans fuerit Venetorum fiducia, & animus. Gravem belli molem in potentem, ac asperrimum hostem Turcam susceperant, cum tamen ausi in diversa prospicere, & vires suas aliò convertere. Justinopolitani per ea tempora querebantur de Tergestinatorum injuriis. Hi, permittente Federico Imperatore, ad nundinas suam in urbem Germanos negotiatores alliciebant, ut ita Tergestum totius Histriæ emporium esset. Quoniam verò hujusmodi antiquum jus servandum erat Justinopolitanis, ex decreto Senatus processere armati in Tergestinos Sanctes Gavardus, & Antonius Martianus, de injurioso populo vindicias exacturi: alter proximos à mari agros rapinis exhaustis, & hostium plures confodit: alter, ubi copias Utino deductas circa mœnia disposuit, tripartito agmine molitus est oppidi expugnationem. Ab hac ut deterrerent oppidani, crebrò turmatim in castra fecere impetum: sed illam animantibus legis Vitali Lando, & Jacobo Antonio Marcello, tanta milites incesserat obstinatio, ut tandiu circa urbem hædere decreverint, donec, si non machinis, saltem annonæ inopia hostes caderent. Ita sanè contigit; debellatique sunt Tergestini. his tamen extremas merentibus pœnas data

data pax est, precibus Pii Secundi Pontificis, qui Episcopus Tergesto olim præfuerat, ea lege, ut nihil novi deinceps in Iustinopolitanorum fraudem molirentur.

*Bellum Turcicum tertium.*

MCCCCLXVI.

**I**Terùm Turca per Peloponnesum volitabat infestis agminibus, compluribusque fortunatis congressibus nonnullas Græcorum, nostrorumque copias deleverat, suis & numero, & audacia impares: neque ulla jam urbs, aut castrum à barbara sævitie immune, præter Methonem, quæ diu Venetæ fidei adhæsit. Hexamilum murum, ut vocant, in Istmo, à nostris magno sumptu, longoque labore refectum Turca à fundamentis destruxit. Ut verò aliquam hostilibus victoriis remoram injicerent, Sigismundus Malatesta milite stipatus eò appulit, moxque cum classe Aloysius Lauretanus, post servatam Lemnum, quam Veneto subjecerat Cominius Princeps, tentatamque Mitylenem per Ursatum Justinianum. Hic prænavigare jussus audacter portum intrat, & permissio classiariorum descensu totam insulam, & ejus nominis oppidum aggreditur, ita ut brevi appareret obsessos, aut deditione, aut vi ac impetu in nostrorum manus casuros. Verùm contra Venetos pugnabat fatum urbium, & insularum oræ illius. à superveniente enim barbaro perturbatur obsidium, atque ex eis ad tria millia cæduntur. Non perterrita hæc clades virum magni animi Ursatum, qui restauratis viribus utroque Marte Mitylenem invadit, attamen nihilo meliorem expertus fortunam cum cæde rursus repellitur: sed neque terga vertisset, nisi vocatus in Eubœam adversus Othomannicam classem, quam prosperè, retenta, munitaque insula, disjecit. delatus postea Methonem, ibi præ animi mœrore occubuit, dum secum plus nimio conquereretur de tristi apud

T 2 Mity-

Mitylenen eventu. Defuncto subrogatus Iacobus Lauretanus, cui in Græciam naviganti occurrit nuncius, & acceptæ cladis ab Andrea Dandulo juxta Mantiniam Arcadiæ, & Rhodiorum in nonnulla nostrorum navigia insultus. quare ab his primùm decrevit illata damna reposcere, mox per Hellepontum in Callipolis oram irumpere. Utrumque peregit feliciter. Interim Malatesta repetiit Italiam, postquam multa virtutis militaris exempla in Græcia reliquisset. Spartam ab hostium manibus eripuit, ac deinde sæpius prælia detrectando summa dexteritate, & ingenio, quàm dimicando barbarorum conatus, viresque infregit; suo exemplo reliquos docens exultantem ac ferocientem hostem non audacia, nec viribus, sed consilio, & cunctatione plerumque vinci. Ad hæc maritimis rebus iterùm præficitur Victor Capellius. Accepta classe in Eubœam ex Methoneo littore deferitur, inde in hostes, à quibus Aulidem recepit: ad Pireum appulsus Athenas Græcarum urbium antiquitate, & doctrina quondam celebres impetu factò capit spoliaturque, divisa militibus præda: postremò Corinthiacum sinum emensus, Patras oppugnat: sed in expositos milites Turca victor irruit, dum illi agrum populantes dispersi vagantur. Non hostium virtuti, sed suorum temeritati jure eam stragem adscripsit Capellius: at cùm in ipsam quoque expeditionem alios immitteret, eandem patitur sortem. Patræ nihilominus audacissimè sunt expugnatae, & cum Turcis dimicatum sæpius. Porro dum aliæ insuper, & aliæ penè innumerales superveniunt hostium legiones, sternuntur ingenti occisione Veneti. Capellius, re malè gesta, Chalcidem Eubœæ, hodie Negropontum, tenuit; ibique pari cum Justiniani fato, præteritarum cladum, atque bellicorum eventuum infelici memoria expiravit.

*Aenum*

*Aenum à Venetis captum : Chalcis à Turcis  
expugnata .*

MCCCCLXIX.

**P**ius Secundus Romanus , à pio bello pontificatum ex-  
orsus, Mantuæ conventum indixerat, ubi ferè tota  
confluente Europa de protectione in Turcas actum, pro-  
posito periculo, quod Christianorum cervicibus immine-  
bat. verum, Deo ita volente, quicquid Catholicus Orbis  
in communem hostem paraverat, id brevi post evanuit;  
Pontificis obitu, qui Anconæ contigit paulò antequàm  
Christophorus Maurus Princeps in piam expeditionem  
evocatus ad eam urbem cum instructissima classe appulsi-  
set. Una Venetorum Resp. tantam belli molem non ab-  
jecit, transmissio Nicolao Canalia in Eubœam, ut ejus au-  
spicio classis regeretur. Ubi appulit, cum viginti ttrēmibus  
præternavigata insula Thermaycum ingreditur sinum, fa-  
ctaue descensione in Thessalonicensem agrum, continuo  
vastat omnia, fugat ubique Turcas, & Aeni munitissimi  
Thraciæ castri oppugnationem molitur. Summo manè in  
oppidi conspectum totam classem exposuit, admotisq; re-  
pentè scalis intrò militem iussit descendere, tantoq; silentio,  
ut prius perfractæ portæ essent, cæsiq; vigiles, quàm senti-  
rent oppidani, se in manus hostium venisse. Incruenta  
quidem & insignis fuit victoria, sed ultra jus victoriæ sævi-  
tum legimus, plusquàm Turcica barbarie, quod scelus  
Chalcidis expugnatio, & Veneti imperatoris exilium ex-  
piarunt. Direpto, combustoque Aeno in Lemnum na-  
vigat Canalius, quo tempore hostica classis ab Tenedo in  
Eubœam promoverat; jamque expositis turmis ad fatale  
Chalcidis excidium constiterat. Trecentarum navium  
apparatu tetrestre robur par erat: viginti quippe homi-  
num millibus mœnia circumsepserat Othomannus, ut  
nulla deinceps esset reliqua obfessis annonæ, & auxilii spes.  
Chal-

Chalcis, Eubœæ præcipua urbs ab Aulide, Beotiæ portu, euripo dividitur: hujus angustias tenebat Canalius; crebrò per occasionem laceſcebat hoſtilia caſtra; atque ita impigrè tractabat rem bellicam, ut ſua, & erumpentium oppidanorum virtute territus Othomannus non ſemel de tollenda obſidione cogitarit. Hæc tamen ſtetit fatorum obſtinatione, adhortanteque Aſiaticæ oræ Præfecto, ut per noctem terra marique totifque ſimul viribus obſeſſi, nulla quietis mora, vexarentur. Adeò nihil tam arduum, quod patientia non ſuperet. Igitur Chalcidenſes oppugnabantur acerrimè, & Canalius ad ſubſidia pervicaci ſuperſedit animo, conſulentibus reſpondens, tum certa ſe in hoſtes victoriâ iturum, quando altera claſſis appelleret, decreta ab Senatu, ad quem jam illius urbis neceſſitas perlata erat. Ita quaſi plus in imperio eſſet, quàm in victoriâ, omnem rei benè gerendæ occaſionem rejecit Canalius. Hæc propterea obſeſſi omni deſperato ſubſidio poſt irrequietam ſexaginta dierum oppugnationem in barbarorum prædam, & captivitatem venire, vulneribus, inedia, pervigilioque adeò conſecti, ut in miſerandas corporum reliquias nemo, præter Turcam, deſæviffet. Canalius, ut ſe negligentia purgaret, Othomannicam claſſem Chium navigantem inſequitur, ſed iterùm ab egregio facinore illum invida, vel potiùs ludibunda fortuna avertit, oblata recipiendæ Chalcidis ſpe. Converſis itaque proriſ in Eubœam redit, illudente à tergo hoſte, ſe ſatis hoſpitaliter à Veneto acceptum eo in itinere; ac terreſtri, maritimoque aggreſſu, unaque ſimul impreſſione oppidum tentat; ſed quoniam à peſtibus copiis nimis properanter in expeditionem proceditur, in deſtitutis à reliquis erumpentium Turcarum fit impetus, & cædes tanta, ut conſternatæ navales manus trepidè in proximam Aulidem conſugerint. Ad novam expugnatæ Chalcidis tamam lacrimabilis mœror Venetiis oboritur, & acris indignatio adverſus Canaliū, qui maritimo exutus imperio

perio confestim in perpetuum exilium amandatur. Per eos quoque dies Turca ad pacem inclinabat, ne ob illatam nostris cladem in se armaret Europam; sed cum Venetis legatis Nicolao Cauco, & Francisco Capellio eæ dicerentur conditiones, quæ minimè è Reip. dignitate essent, à Patribus repudiantur, ultima pati potius cupientibus, quàm antiquum decus, & Veneti nominis existimationem aliquis turpissimæ pacis nota commaculare.

*Socialis expeditio in Turcas.*

MCCCCLXX.

**C**halcidis Turcico imperio subactæ fama, atque constans cum Veneta Rep. bellum, cæteros Italiæ Principes, & in primis Sixtum Quartum Pontificem summè commovit, concussitque Neapolis Regem Ferdinandum, quia Apuliæ, & Calabriæ maritima ora insaturabili hosti nimum exponebatur. Hi ergo communi consilio, & ope parandam cum Venetis classem decernunt. Pontifex viginti quatuor triremes in bellum contulit: totidem Rex: quinquaginta Veneti, sub quorum auspiciis cæteri succurrerent. Dum à sociis complentur promissa, mittitur in Persidem Catharinus Zenus ad Vsumcassanum Regem orator, ut impio Turcæ hostis etiam extra maria quæreretur: & Canalii dignitas Petro Mocenico defertur. Hic Cyprii Regis, & Rhodiorum comparatis auxiliis in Aegeum navigat primùm: mox per retentas in fide minores insulas transit in Ioniam, & Passagium oppidum, Orientalis negotiationis emporium diripit. Relata in naves opima spolia, delataque sunt innumera Turcarum capita, pro quorum singulis totidem aureos nummos receperunt interfectores ex imperatoris classici decreto. Ab hoste recedens classis Gnidum Cariæ appellit, prædatum immittit equites, & everso eo oppido, contenta Methonem navigat,  
ut

ut ibidem opperiretur Pontificiæ classis ductores. Horum demum adventu in maiorem rei benè gerendæ spem erectus Mocenicus Athalias Pamphilæ urbem adoriri deliberat. factus est omnium Ducum in eam sententiam concursus, atque illicò missus cum decem rostratis Victor Superantius, qui portum occuparet. ita contigit, parique eventu Stephanus Maripetrus cum terrestri manu in hostium loca penetravit. Non tamen oppidum simul oppugnaturis eadem fortuna arrisit: duplici quamvis muro potiti in internas tamen munitiones descendere prohibentur, quia scalarum, quoniam illæ breves, nullus fuit usus, & irrita quoque murorum demolitio subterraneis dolis. Quoniam igitur obsidioni parùm tuta erat scopulosæ Pamphilæ ora, conclamatis vasis, Rhodum petit Mocenicus. Utinam in mari ea facinora gessissent foederati, quæ in continenti Rex Persicus; quippe erepta Turcis Armenia, præclara legatione universos Christianos Principes in Othomannum animare studuit: proh dedecus! cum nullo sollicitante nos plusquam satis adversus Barbarum deberent impellere & acceptæ clades, & adempta regna, & quod profitemur, nomen, ac religio. Hinc fortasse aliquo affectæ pudore Veneta, & Pontificia classes, quòd nihil adhuc præclare gessissent, Smyrnam invadere decrevere. quo autem animi ardore in expeditionem se contulerint, id facile indicat, quòd unica impressione munitissimam illam arcem ceperint, & expugnarint, deletis propugnatoribus, ingentique abducta præda. Inde majores de barbaro hoste victorias animo concipiebant; verùm ille nunquam ex Bosphoro in Aegeum prodire ausus est. Post hæc Pontificii in Italica hyberna recessere, Veneri in Pelopponnesiaca, quo tempore venerunt è Perside legati ad Nicolaum Thronum Principem, quibus Vsumcastanus bellica tormenta, atque alias id genus postulabat machinas, in Turcam exercendas. Regi perhumaniter satisfactum, & cum armis illustria dona transmissa, erga illum

illum amicitiam, & munificentiam cum primis Venetæ Reip. testantia.

*Bellum in Cilicia.*

MCCCCLXXI.

**V**Eneti, ne Ciliciæ Reguli inopia, auxiliorumq; cunctatione ad Turcas deficere cogerentur, Mocenico imperant, ut in subsidium transfretaret, maritimaque Ciliciæ, nunc Caramaniæ, oppida hosti eriperet. Profectus cum classe dux Venetus, Corycum æneis machinis prostratum, Seleuciamque urbem, suo satis conditore illustrem à Turcarum manibus extorquet. Hanc natura, & opere probe munitam Nasambegus Bassa regebat. Sed ut Mocenico constitit à meticoloso præside gubernari, caduceatorem præmittit, qui oppidanis, nisi se dedissent, vincula, cædes, extremaque omnia denunciaret. sed cùm eos à deditione alienos esse intellexisset, castra circum disposuit, Orontem fluvium classe obsedit, atque ad primos tormentorum ictus nudavit defensoribus mœnia. Tunc machinarum strepitu territus Nasambegus, urbem tradit oppugnantibus: sicque integra Cilicia suis dominis restituitur. Mocenicus acceptis à grata Principum manu muneribus, proras in Cyprum direxit.

*Bellum in Lycia.*

MCCCCLXXII.

**V**Erùm ne in pacifica Cypri statione torperet otio miles, adhuc bello intactam Lyciam petere voluit. Naviganti in eam provinciam Mycra munita arx primùm occurrit: ut cæteris Venetæ virtutis daret experimentum: ita si hæc caperetur, cùm sufficere ad reliquarum deditionem speraret Mocenicus, repentina terra marique aggressionem cam vexat, tormentis quatit, & proxima quæq; loca  
V deurit,



deurit, ut pejora timerent obsessi, nisi sese traderent. Egre-  
giè tamen restitit Mycra, fiduciamque oppidanis fecerat  
nuncius, haud procul inde abesse Ajasbegum validi exerci-  
tus ductorem. Venienti reverà hosti obviavit Peloponne-  
siacus eques, initaque manu certamen miscet, quod diu de  
victoria utrimque duces habuit sollicitos: porrò cadente  
Turca, projectoque in Mycræ muros occisi Ajasbegi capi-  
te, in voluntariam deditionem confestim venere cives, ho-  
stiumque præsidia: attamen ad exemplum, direptionibus,  
ac flammis vovetur arx. Dum interim continua felicitate  
per alia Lyciæ castra Mocenicus victricia arma fulminat, in  
Ciliciam litteris Catharini Zeni apud Persas legati vocatur:  
siquidem in minorem Asiam suas copias traducere Vsum-  
castanus adversus communem hostem cogitabat. Attigit  
ob id iterùm Cilicum littus, & Mirenæos agros populatus,  
inde Turcas expulit. Sed cùm nondum pro certo consta-  
ret de Regii exercitus adventu, ex ea provincia minùs tuta  
nostris placuit recedere.

*Scodra, & Naupactus Turcica obsidione liberata.*

MCCCCLXXIII.

**S**Codra non ignobile quondam Liburniæ oppidum,  
Scutara recentioribus, in arduo monte collocatum à  
natura munitissimum habebatur. Eo diruto Othomannus  
ad occupandam Epirum, Illyricumque nobiles provincias  
facilem sibi aditum aperiebat: quare illius expugnationem  
centum armatorum millibus aggressus est. Mocenicus ad  
famam properè conversus è Peloponneso Corcyram ve-  
nit, consulitque de movendis illicò in hostem armis.  
Concutiebantur subinde Scodrenses muri jugi machina-  
rum verberatione; & per Antonii Lauretani Præfecti vir-  
tutem, ac vigilantiam nihil intereà artis, aut industriæ  
omittebatur, quin diruta mœnia statim reficerentur, &  
de-

defenderetur Scodra impigrè. Ex alia parte classarii, ascito in belli societatem Illyrico Principe, quinque rostratis Drilonem fluvium, Lyssamque Scodrae proximam arcem munivere. Ex his crebra fuere cum hoste certamina, & in primis singularis ea pugna, ad Bolianam commissa, qua Turca multa clade fusus, fugatusque est. Cæterum adhuc fatigabatur oppugnatione oppidum, dirutisque propugnaculis, muri quoque planè conciderant, Turcæque per ruinas tentabant irrumpere: at oppressi, audaciam spiritusque ex periculo sumentes, duce Lauretano, barbaris ingruentibus opposuerunt corpora tanta pertinacia, ut obstupesceret Othomannus, quòd sibi non minùs negotiū videret cum semidiruta Scodra, quàm fuerit cum integra. Strenuè quoque navales turmæ adoriebantur aliquando Turcicas stationes. Verùm hæc inter Resp. à Mathia Pannoniæ Rege fœdera impetravit & auxilia, quæ per annua stipendia magno usui fuere. Igitur cùm primùm Rex in Thraciam auxiliares copias immisit, Scodra liberatur, tertio, postquam obsessa fuerat, mense, duobus oppidanorum millibus amissis. Abiit inde Othomannus ne dum uni castro inhæret, integram amitteret provinciam. Post hæc Mocenicus in patriam rediit opportunè, de rebus à se præclarissimè gestis suprema munera recepturus, dum concordī Patrum consensu in Nicolai Marcelli locum Venerus Princeps declaratur: virtus quoque Antonii Lauretani dignitate crevit. Accepto enim rerum maritimarum imperio in Aetoliam divertit: evulgata Naupacti obsidione affuit in tempore, & obsessis necessariam opem tulit, & auxilia, quibus strenuè illi se tutabantur, sumebantque animos à fortunatis plerumque velitationibus, quas crebrò classicus miles cum hoste conferebat. Quatuor menses duravit obsidio, in qua cùm Turca nihil proficeret, fatigatus bello, non animo turpiter recessit. Dum tamen opinatur Venetum plures dies reficiendo oppido intentum, ipse Lemnum traducit, hanc in-

fulam veluti per otium occupaturus. Rei monitus Lauretanus celeri navigatione, & vix barbaro credita, apparuit, obfessoque Coccino castro suppetias importavit. Tandem non pugnando, sed sedendo hostem vicit, cum ille militum curationem, quæsitam ordinandi certaminis moram interpretaretur.

*Croja à Turcis capta.*

MCCCCLXXV.

**R**Empublicam regebat Andreas Vendramenus, cum parum prosperè terrestri bello pugnatum est. Crojam Chaoniæ montanum oppidum, quod sine grandi obsidione capi non poterat, numerosissimo exercitu conclusit Othomannus. Veneti subinde importato comœatu, submissoque milite spem, auxiliaque dabant oppidanis ad repellendam vim. sic erumpendo sæpiùs omnia hostilia machinamenta turbabant: nec minùs classarii oppugnando Turcica castra ea moliebantur discrimina, quæ hostem, majora timentem, summo verent. Porro in planitie Tyranna (locus calamitati omen fecit) fortunæ tyrannidem experti sumus. Congressi nostri obversas copias multa cæde profligarunt: mox infecuti, quò quemque fuga rapiebat, in ipsa castra feruntur: hæc cum cepissent, prædaque impedirentur, omnes à retrò ingruentibus barbaris, uno relicto cladis nuncio, interneccione mactantur. Ita partam victoriam amissimus avaritia, prædandique libidine: & hanc postremò adauxit calamitatem Crojæ deditio, domitæ tamen non armis, sed rerum omnium egestate, fameque, cui nullum invictum mortalium opus resistit.

*Turcica irruptiones in Foro-julium.*

MCCCCLXXVI.

**N**ON Crojæ foedior clades ea, quæ irrumpentibus Turcis Foro-julio illata est. Patriæ Foro-julienfis fines decem Turcarum millia intrarunt Asnarbejo duce, ac tumultu omnia, terroribusque complerunt: populati locupletem provinciam, ad Sontium amnem, ductasque per Aquilejenses paludes extruunt munitiones, atq; Italiam, cui Othomannus inhiabat, ex tam vicino loco hostis vehementer conterrit. Sed non alius, nisi Venetus, opponitur tumultuaria manu, qua primùm Hieronymus Novellus ductor statuerat intra castra rem Venetam defendere, non eam aperto discrimini committere. Sed missis ab urbe copiis, mutato consilio, extra profilire decrevit, quacumque hostis occurreret. Unius audaciam secuta sunt aliorum consilia: tutius tamen hostile robur mora frangere, post ruinam creditum fuit, quàm viribus adhuc vegetum in se convertere. Asnarbejus quasi præfagiret nostrorum inscitiam, trajecto Sontio, expeditissimas turmas, quæ Venetos ad pugnam elicerent, immisit. Concurrentibus, & castra obequantibus arreptis continuò armis nostri eunt obviam: at vix benè inter inimicas acies conferitur prælium, cum Turcæ, simulata fuga, recedunt: insistant illi fugientibus, timore hos cedere rati: verùm ita in paratas ad Licinifum montem infidias pertrahuntur: incautos profiliunt latitantes, & redintegrata pugna prorumpunt. Nostri astu, casuque circumventi quaquaversum profligantur. Cecidit Novellus, & complures alii honesti viri. Hostis victoriæ usum rapinis, incendiis, ac desolatione provinciæ finit. Attamē ut aliis Barbarorum incurfibus tutiora objicerētur impedimenta, placuit validioribus præfidiis jam extructa propugnacula firmare, & castra ut in posterum cautiùs defenderētur, Carolū Mon-

Montonium seligere. Hæc vix in hunc modum disposita, cum Turcæ opulentissimæ regionis vel non obliti, vel quòd verius ab Othomanno immissi, ut Veneta arma retraherent ab Scodra, iterùm in Forum-julium venire, & majori quàm antea numero confedere inter Sontiacas, & Gradiscanas munitiones. Hic explicata acie importunè obstrepebant, & Venetos ad bellum proclamabant præteritæ victoriæ, nostræque dementiæ memores. At Montonius acceptam à Novello cladem secum revolvens, de procaci hoste cunctando maluit triumphare. Quare edocti Turcæ cum alio duce sibi fore pugnandum, non multos post dies moræ pertæsi, suborientequè commeatum penuria exhausti, victis penè pares, abcesserunt.

*Scodra Turcis tradita. Pax.*

MCCCCLXXVIII.

**S**Codræ arcis obsidio, jam antea infelicitè tentata ab Othomanno, adèd Barbari animum lancinabat, ut insignem gloriæ suæ maculam inustam putaret, si eam imperio suo non adjungeret. Alteram itaque parat expugnationem majori vi, odioque, in quam delecti sunt Alibegus, & Solimannus viri truces, ac bellicosi. Horum sub imperio quindena mortalium millia transmissa legimus, murales insuper machinas penè innumerabiles. Tanto armorum, militumque apparatu expugnanda erat Scodra, quæ à duobus propugnantium millibus defendebatur: atque sic illam Turcæ circum circa vallaverant, ut non nisi cælesti auxilio aditum reliquisse viderentur. Hoc pacto repetita est obsidio, & oppugnatio ita promota, continuataque ut ex solis missilibus, machinarumque pilis in deturbati muri locum obsessi aggerem contrà extruxerint. Interim ad stuporem hostium intrepidè pugnabatur: cumque bis per disiectos muros tentaretur irruptio, horrenda Turcarum strages edita,

edita, oppidi Præfecto Antonio Legio rem bellicam administrantē; ita ut barbari duces non tam Scodrensum virtutem, quàm Veneti hominis constantiam pertimescerent. Nouissimè ipse Turcicus Imperator obsidioni, quæ ultrà opinionem protraheretur, interesse voluit, ut sua præsentia, propositisque præmiis milites animaret. Hinc facti omnium periculorum immemores pertinaciter nostrorum propugnaculis sic inhærebant, ut certum mortis discrimen subeundum esset obsessis, si vellent insistentibus diutius resistere. Sed omni neglecto metu per tela, per hostes ruunt, magnaue clade, & ignominia irrumpentes repellunt. Falsus est Othomannus se pugnare cum hoste, cui esset propositum malle mori, quàm cedere. Perseverante autem obsidione, nec remittente fati malignitate, vicina expugnantur municipia: captivi ferè trecenti omnes ante Scodræ mœnia in duas partes secantur: vallato denique fluminis ostio binis arcibus nullum ampliùs subsidium importari potuit. Tot itaque angustiis, & adversæ fortunæ calamitatibus conflictati Veneti, post sexdecim annorum, quod cum Turca gesserant, bellum, de pace agere ceperunt, quæ hisce conditionibus firmata est, ut Respublica Othomanno cederet Scodram, Lemnumque; hic Ponticam navigationem nostris negotiatoribus immunem, tutamque relinqueret. Evulgata pace, Scodrenses, detestati Turcicum dominium, solum patrium ad unum deferuere. In eos, qui Venetias commigrarunt, se præbuit Senatus longè gratissimus, ac summa edidit benignitatis argumenta in fœminas, quæ obsessa Scodra pro mœnibus steterant, & quæ tanta in urbe castitate excelluisse dicebantur, ut celebris cujusdam pudicitiae famam, & nomen in hodiernum usque diem retulerint.

*Bellum Ferrariense secundum sociale cum Infubre;  
& Aragoniis in Venetos.*

MCCCCLXXXII.

**P**Acem maluit necessariam inire Resp. quàm armis cum potentiore decertare, & omni externo auxilio destituta Turcico furori tradere oppida, sibi reliqua in Græcia. Non sine insigni Christianorum Principum dedecore id factum, qui non modò Venetis, aut nullas, aut exiguas aliquando suppetias contulerant, verùm etiam eos revocarant in Italiam, primùm pro Florentinorum libertate implicitos, mox Ferrariensibus armis laceffitos. Florentinum bellum uno ad montem Sperellum Perusini agri prælio confecit Robertus Malatesta, fuditque hostiles copias, interceptoque militari apparatu amico populo pacem reddidit. Sed Ferrariensi vix aliud antea gravius gessere Veneti: hoc tamen eò alacriùs susceptum, tractatumque, quòd per eos dies, frustra tentata Rhodo, interierat Othomannus. Ab Hercule Atestino Ferrariensium Duce profecta est belli causa, dum rerum novarum cupidus, ac regia Aragoniæ gentis affinitate tumidus, Venetum Magistratum, Vicedomini titulo Ferrariæ jam multos annos constitutum primò negligere, contumeliis que afficere cœpit: mox Reip. limites hostiliter vexare, peccare in fœdera, atque amicitiam à suis majoribus sanctè cultam contemnere. Ut injuriis abstineret, ab Joanne Mocenico Principe non una missa legatio, quibus cum nihil profectum esset, confestim indicta sunt arma, & ietum fœdus cum Sixto Pontifice, qui æquè Atestinorum domitam temeritatem, correctamque superbiam peroperabat. Itaque in juratum hostem proficisci duplici classe decretum est: Padana altera, ut à flumine Ferrarienses agri vastarentur: altera maritima adversus Ferdinandum Neapolis Regem, si quid à pelago, ut fama erat, in affinis opem tenta-

tentaret. Conscriptæ sunt etiam terrestres copiae, & his duo fortissimi viri, ambo Roberti nomine, præfecti, Severinas, qui circa Padum curaret rem bellicam; Malatesta, in Flaminia hostiles adversus Pontificem conatus, si qui forent, reprimeret. His tam prudenter decretis, Severinacum Antonio Lauretano Legato exercitum per Tartari fluvii stagna in hostem traduxit, & ad depopulandam provinciam, & ad oppugnanda municipia subito conversus, omnia pavore, strageq; complevit, pluraque castra, aut deditione, aut vi Venetæ ditioni subjecit, quibus & Ficariolum quoque munitissimam arcem per eos dies adjunxisset, nisi ab Federico Urbinatæ Atestinarum copiarum ductore circumventum iri dubitaret, qui occupata Hostilia, in extrema agmina impressiones faciebat: Sed ut hinc inde distraherentur hostium vires, Christophorus Amulius copias movet in Adrienses minoribus navigiis; datoq; certamini signo, unica hora universa ferè Adria conflagravit: tanti impetus causa fuit cædes Dominici Ericei, qui primus vim intulerat, cujus mors nostros milites adeò irritavit, ut ejus manibus oppidi, arcisque eversione parentandum jurarent. Comaculum, audita Adriensium desolatione, spontè Veneto se dedit. Damianus quoq; Maurus Padanæ classis Præfectus prosperè ad Pilosellam conflixit: ibidem Atestini communi-verant utramque amnis ripam, Padumq; exstructis miro ingenio castellis, productisque per medias aquas repagulis, ne ulterius adverso flumine Veneti agerentur: in eandem curam expeditissimi equites per anfractus riparum brevioribus semitis occurrentes invigilabant. Maurus, impavidus vir, in vectus in obversas machinas, non tam fluviatiles dissipavit munitiones, quàm terrestres fugavit copias, imperataque per vicinos agros decursione opimas prædas navalibus fociis revexit. Hac animatus victoria Ficariolum adnavigavit, quod castrum à Severinate oppugnabatur, si mino tamen labore, cum vix impedire posset, ne Urbinas



necessaria inferret obsessis : attamen ille obviam ire cuique volens, per abrupta tormentis moenia irruptionem molitur, quamvis hostes armati ruinis superstantes munimenti loco se se opponerent ; sed tandem Veneti ducis virtute & audacia captum oppidum, dirutaque propugnacula fuerunt, atque inde tutius per Polynesum discursum, subactaq; Rhodigini agri municipia, adjuvante cum primis Jacobi Laurentii Avantii studio, ac militari solertia, qui propterea ab Senatu summis honoribus, & dignitatibus auctus, tandem inmissis ab hoste sicariis ob incontaminatam ejus in Rempublicam fidem fuit trucidatus. Dum hæc in Ferrariensibus : ab Alphonso, Ferdinandi Regis filio vexatur armis in agro Veliterno Pontifex : ad opem jussus est accurrere Malatesta, & Romanis quacumque necessitas postularer, præsto esse. Hic ut in provinciam venit, Alphonsum vidit explicatis signis bello promptum ; at ubi primum conferta est manus, Aragonii victi, fugatique sunt : nec parum nostram illustravit victoriam fama superati validissimi exercitus à paucissimo milite : tantæ suæ non diu tamen gloriæ supervixit vir strenuus. Cum igitur pro asserenda Pontificis dignitate præliaretur, in Apuliam transfretavit Victor Superantius, eamque regionem, & proximam ei Calabriam agrorum, vicorumque depopulatione maximè deturpavit : postremò è maritimi in fluviatilis apparatus imperium traductus, non minori fortuna Venetis navibus Padi aditum aperuit ad ripas vsque Lacus, quem dicunt Obscurum ; & ulterius progressus ad res hostium intercipientes milites ablegavit. Hi tamen ad prædam veriùs, quàm ad pugnam profecti, inopinato Sigismundi Atestini adventu foedissimè appetuntur, sed accurrente properè Severinate intercepta sunt spolia : fugatique Ferrarienses spem nostris fecere occupandæ Ferrariæ, cum nullo obice per patentem campos volitarent, sæpiusque prodirent, refracto Parci muro, in urbis conspectum ordinatis agminibus.

Cæ.

Cæterum cum ea se potituros crederent, inexpectata Pontificis aversione decipiuntur. Ille, qui primas bello huic faeces subdiderat, ab Veneta tunc divulsus societate, cum hostibus in Retp. percussisset foedera, edictumque ut quod illa bellum in Ferrarienses tractaret, impium esset, & iniustum: ac anathematis fulmine feriebatur, quæ sua jura tuernitebatur. Verum ne publicæ dignitatis ratio parvi duci à Patribus videretur, nihil tot minis, & conspirationibus de bello remissum est; quinimò ad majora facinora elati sunt animi, contendente per ea tempora Galeatii Mediolani Ducis uxore cum Ludovico Sfortia, qui sub specietutelæ nepotis invaserat principatum. Severinas cum parte copiarum è Ferrariensibus in Insubriam, superato Abdua, castra ad Trecium locat. Hinc in hostium fines continuæ actæ impressiones, & superata castra: territi, ac perculsi populi, convasatis rebus, fortunisque suis trans Alpes aufugerunt. Interim Ludovicus in Cremonenses venit, conjunctoque cum foederatis exercitu adoriri Venetas stationes decrevit. Consilii monitus Severinas Bergomum adit, ne viribus impar uni variantis fortunæ alex cuncta exponeret. At ubi audiit hostes liberè discurrentes ad deditionem compulisse quicquid Brixiensum inter Mellam jacet, & novos Urceos, longioris moræ pertæsus egreditur, & Venetas ditiones ab Insubrum incurfibus, & imperio vindicavit. Hæc agebantur in continenti, quando à mari afferantur, Ferdinandum Neapolis Regem cum instructissima classe Dalmatiam tenuisse. Ut hosticas inde detruderet cum suis triremibus extemplò navigat Jacobus Marcellus; at dum plus nimio in re navali curanda moratur, in suspicionem cadit, quominus Aragonios prope Concyram nigram non profligarit. Illius tamen partes explevere optimè Georgii Viarii, & oppidanorum virtus fidesque hostibus tota insula expulsi. Post hæc Marcellus Callipolim Calabriæ advectus pristinam, si quæ erat, infamiae maculam;

proprio sanguine delevit : quippe inchoatam ejus oppidi oppugnationem tanto spiritu profecutus est, ut dum antesignanus, cæteros ad irrumpendum invitat, tormenti globo ictus ceciderit. Classica administratio ob Marcelli interitum Dominico Maripetro obtigit . tum opus tali quidem duce fuit, qui post captam Callipolim, Aragoniam temeritatem coerceret, multis illatis cladibus, occupatisque oppidis in Calabriæ, Apuliæque littoribus . Quapropter Ferdinandus, ne ulterius in sui Regni viscera penetrarent Veneta arma, unâ cum foederatis ad pacem deflexit . Venetæ tamen ditioni accessit Rhodigium, totumq; Polynefum . Verum hanc pacem, è Reip. dignitate firmatam, non nihil moestam reddidit subsequuta pestilentia, & nuncius direptarum à piratis in Britannico mari navium, quas Bartholomæus Minius onustas mercibus in eas insulas advehebat . Porro hæc est humanarum rerum conditio , ut nunquam solida, vel perpetua obveniat felicitas .

*Bellum Rhaticum Austriacum secundum .*

MCCCCLXXXVI.

**P**Romota de finibus controversia ab Arcuanis Comitibus adversus Ripenses, Benaci accolæ, orta que inter utrosque lis de argenti fodinis, quæ in Noricis, tum Venetis, tum Austriaci juris habebantur, præsentis belli semina extiterè sub principatu Augustini Barbadici . Sigismundus Austriacus Tirolensium Comes in armis primus visus est, & Roverense oppidum per crebros insultus laceffivit , Gaudenzio Amasiano duce : illud tamen strenuè multos dies defendit Nicolaus Priolus Præfectus . Sed cùm interim Resp. se parat ad bellum, militumque habet delectus, quos ductore Julio Camerte Rhætis opponat, Priolus, qui non satis virium ad majores conatus haberet, imminuto subindè præsidio, ac territis, qui supererant, militibus nouo pilarum igni-

ignitarum, seu veriùs fulminum genere, oppidum deferit, ac in arcem profugit. Crescente in dies bello, novas quoque copias conscribebat Senatus: & quamvis crederetur, præteritis jam bellis fractus non posse potentiori diutiùs resistere, nihilominùs stetit periculis audacior, ipsique profuit communicata Roberto Severinati cum Camerte rei bellicæ administratione. Addidit animos Hieronymus Savorgnanus, qui Germanicas aliquot turmas, Carnicos fines populantes, vel cæcidit, vel in effusam fugam coniecit. Atamen hæc inter Rovereti arx bellicis machinis passim diruta, neque ullum oppugnatis speratum auxilium, Præfectum in deditionem compulit. Sub hæc etiam cepere tumultuari Germani milites, & quia deficerent comæatus, & quia stipendia non solverentur. Hac de re Amasianus, ne à propinquis Veneris insignem aliquam cladem reportaret, cùm præsentissima exitii auguria sint in exercitu discordiæ, motis repente castris, incensoque Rovereto, Tridentum petit. Severinas, cui, ægrotante Camerte, totius belli summam detulere Lucas Pisanus, & Hieronymus Marcellus Legati, hostis abeuntis terga infecutus, Tridenti obsidionem parat. verùm, ne quid hostile post se relinqueret, ad expugnandam Petram arcem selectos milites præmisit. Hi ponte Athei transmissi, contra quàm ille mandaverat, cepere dulcedine prædæ vagari incompositi: interim perlata Tridentum inopinatæ rei fama, conclamatur properè ad arma, quod majorem, quàm pro re, terrorem ea in urbe excitavit. Egressæ duæ equitum turmæ, collectæque in unum agrestium manus, sua multitudine non contemnenda, facto impetu, quæ effusa populatio nunciabatur, nostros jam trepidos, & dispalatos terda clade, turpique fuga opprimunt, repelluntque. Severinas opem laturus oppressis advolavit, dumque objurgando, hortandoque sustinere hostem, & suos continere conatur, ferox prælium orditur. Verùm nihil ducis imperium, nec majestas,

stas, aut exemplum valuit: ipse namque à fugientibus, & suo fato raptus in amnem dejicitur, in eoque vir clarus perit. Hinc animosiores Germani urgere aciem, micare gladiis, persequi nostros, qui raptim ad pontem confluebant, ut eo superato fugæ finem, & corporum securitatem invenirent. Sed ille antea fuerat rescissus legatorum jussu, quia sperabatur ex necessitate virtus, ut sublato effugio milites acrius in hostes converterentur. Non admisit consilium timor, quin potius in flumen præcipientes ferebantur, & paucis in alteram ripam natando devectis, plurimi aquis absorpti sunt. Unus postremò Guido Maria Rubeus Parmensis Germanos undequaque instantes parva manu summovere potuit, ac sternere: nec dubium erat, hostes terga daturòs, si nostri parum resistere valuissent. Senatus decrevit, ut Arcum municipium suscepti belli causa deleteretur: jamque conversum ad legendas recentes copias Innocentius VIII Pontifex hac pacis conditione mitigavit, ut restitutis damnis nihil ampliùs de finibus cum Rep. innovarent Austriaci.

*Cyprus Veneto imperio adjecta.*

MCCCCLXXXVII.

**C**YPRUS, felix quondam insula, inter majores mediterranei maris locum sibi vindicat. Hæc Græcis ab Richardo Britanniarum Rege erepta, cum Europæi Principes ad Sacrum bellum confluerent, Guidoni Lusiniano Gallo tradita est. Hujus posteri per annos propemodum trecentos regnum in Insula obtinuerunt, sed variis subinde fortunæ casibus agitati, Janus prælio navali cum Aegyptiis commisso in potestatem Barbarorum venit, qui tandem, ut se captivitate redimeret, ingenti auri vi, & annui solutione tributi ab Soldano victore insulam cum administratione recepit. Huic Joannes filius iisdem legibus successit, qui ex Helena Palæologa conjuge unicam suscepit filiam, nomine

ne Carlottam, Ludovico, Allobrogum Ducis Ludovici secundo genito, desponsatam: ex concubina Jacobum habuit, quem adhuc juvenem, Nicosiensi Archiepiscopatu destinavit: Joanne mortuo, sine aliis liberis, Allobrox in spem novi Regni erectus, Cyprum uxorio nomine sibi postulabat. Cyprii Jacobum, nulla ejusdem regni lege imperio prohibitum, deposcebant Patri successorem. Inter dissidentes non leve exarsit bellum. Verum cum Jacobus ægre Allobrogem depellere posset; ad Soldanum profugit, cujus tributaria erat insula: ab eo exceptus impetrat libero jure totius regni administrationem: reuersusque cum auxiliis competitorem, & socios tota Cypro exterminat. Ita Jacobus pacatæ Insulæ Rex salutatus: in uxorem postea sibi delegit Catherinam Marci Cornelii patricii Veneti filiam, ab Republ. quoque filiali solemnitate adoptatam per Nicolaum Marcellum ejus temporis Principem. Tandem vita excessurus Rex foetam conjugem cum posthuma prole Regni hæredem supremis tabulis reliquit: atque interim tutelæ, ac Veneti Senatus patrocinio commendavit. Porro defuncto Rege, continuo repentinis tumultibus insula vexari cœpta: & primò eam turbavit Jacobus apud Ferdinandum Neapolis Regem Orator, dum se acturum pollicetur, ut notio sui Regis filio pariter filia Jacobi spuria nuptui, atque adeò dotali nomine Cyprus Aragonio daretur. Placuit regis cupiditati consilium, & ut promissa adimplerentur, illico in Cyprum cum armatis triremibus remittit Legatum. Hujus adventu in Reginam, ejusque familiares oritur conjuratio, qua illius patruus cum primis, Andreas Cornelius opprimitur. Sceleri additur postea violentia, coacta Regi: na, ut ad Petrum Mocenicum, sub id temporis Venetæ classis imperatorem, scriberet, Cornelium denegato præsidariis stipendio sublatum, eodem nomine ad Senatum decreti Oratores. cæterum in hac rerum perturbatione ratas nuptias legatus paciscitur: interim fraudis per occultos

nun-

nuncios certior redditus Mocenicus, è vestigio Victorem Superantium cum selectis navibus præmittit. His auxiliis exhilaratur Regina, ac in pristinam quietem, securitatemque traducitur. quia expositis ad Tamasum copiis jam indictum perduellibus bellum videbatur. sic illi armorum fama, classisque conspectu perterriti se mulctant voluntario exilio, & Cypro optata pax restituitur. Hoc pacto excitatas turbas compescuit Venetus anno MCCCCLXXI. Sed ne ampliùs, aut tam facilè emergerent conspirationes, annitente Regina, destinavit, veluti Præfectum Insulæ, eundem Superantium; & sic integris sexdecim annis Cyprus mansit incolumis, ac omni metu secura: quo demum tempore, quia ferebatur Bajazethus Turcarum Imperator insulæ animum adiecisse, timeri cœptum est, atque tum major injectus timor, cùm idem barbarus comparata valida classe, in proxima maria ducenda, ab Senatu commodum Cypri appulsum petisset. Verùm Patrum constantia omnem metum excussit. negatus est enim Barbaro accessus, novaque classis instructa, ac Francisco Priolo demandata Insulæ propugnatio. At quoniam ab externo non solum hoste, sed etiam à domestico timendum erat (adhuc enim remanserant, qui Aragoniis, Allobrogibusque faverent) ex Senatus consulto Georgius Cornelius, Reginæ frater, Cyprum navigat, ei persuasum, ut permissa Reip. Regni sui gubernatione, ipsa, tum parvulo filio orbata, vellet in patriam transire, tutius victura in natali solo, quàm in rebeli Insula, tamque remota, & circumdata ab immanissimis hostibus. Illa fraternas adhortationes lubens admisit. Venetiasque subeunti totus Senatus sit obviis, qui nihil ad summos honores, & verè regios in ea excipienda, colendaque omisit. Mortua tandem Regina, Cyprus in Venetam provinciam redacta est. Turcæ nunc paret, inani potiùs, quàm speciosa Christiani Principis contentione, cum priùs vi, quàm jure, ac titulo asserenda videatur ejus possessio.

*Bellum*

**I**ura sanguinis , ac pietatis officia violavit Ludovicus Sfortia regnandi libidine: datus enim tutor Joanni Galeatio nepoti, hunc in primis corruptissimis moribus curat instituendum, ne unquam Mediolanenses vecordem, & improbum Ducem sibi exoptarent; mox ne ille unquam sui principatus administrationem reposceret, eundem non sine veneni suspitione de medio sustulit. His sceleribus addendo scelera, ut etiam defuncti nepotis deleteret affines, adversus Ferdinandum, & Alphonsum Aragonios, in Italiam Gallos promissa ope, tanquam Neapolitani regni dominos, pellexit. Hanc igitur ob causam Carolus Octavus Gallorum Rex Italiam per Cottias alpes ingressus, tanto cum exercitu Neapolim festinavit, ut horrendo omnibus terrore, quacumque pergeret, incusso, brevi regnum illud ferme totum in deditionem reciperet, rebus supra vota fluentibus. Tam repentini, ac prosperi Gallorum successus metum, odiumque apud Italicos Principes, liberaeque civitates injecerant, quod ad totius Italiae imperium tendere crederentur. Concitavit itaque in eorum perniciem universam propemodum Europam, percussis foederibus cum ipso Ludovico, quem jam poenitebat suorum consiliorum, haud ignarum, ut ea saepe sunt perniciofa, ita in auctorum capita plerumque recidere. Confoederatis militibus Franciscus Gonzaga Mantuanorum Dux datur imperator, qui cum Veneto praecipue, ac Sfortiano exercitu Regis in Galliam reditum intercluderet. Carolus per eos dies, superato Apennini dorso in dexteram Tari amnis ripam juxta Forum-novum descenderat: ibi Gonzaga, Marco Antonio Mauroceno, & Melchiore Trivisano, Veneris legatis, pugnam dissuadentibus, quod nondum omnes copiae adessent, Gallos aggredi designat.



Diviso itaque equitatu in quinque turmas, ipse cum selectiori flumen trajecit, alteras ordine submittere, pro necessitate, jussus est Rudolphus Gonzaga. Rebus ita compositis, Regem ultra amnem jam progressum insectatur, majore quidem animo, quàm consilio. Gallos enim à tergo petitos adeò irarum plenos in se convertit, ut inter utraque agmina, eodem ferme numero & armis paria procedente certamine, dubium aliquandiu prælium fuerit. Interim secunda equitum ala in subsidium immissa est, quæ recens, & integra plurima strage hostiles cuneos dissolvit. verùm certa nondum victoria, & audentibus favisset fors, nisi illam nostris indignè eripuisset Francisci Severinatis mora, qui in præmissarum turmarum opem, tertiam submittere recusavit. Ille Sfortiani militis ductor, vel non est ausus tentare vada fluminis, suborta pluvia intumescens, vel monitus à Ludovico, suspicante ex prospera illius certaminis fortuna, Venetam gloriam, & potentiam nimis auctum iri, subsidium afferre neglexit. Hocque apertius comprobatur, cum idem Ludovicus Bernardo Contareno interdiceret, ne abeuntis Regis extremam aciem carperet. Subinde pugna obstinatione crescebat, & nostrorum numerus deficiebat, qui tandem speratis auxiliis frustrati, loco moveri ceperunt, unde Galli acriùs, vehementiùsque insurrexere, atque ita unius ex foederatis invidia conversa ad hostes fortuna plures egregios viros protrivit, aut dedit captivos. Illud Venetæ virtutis, & constantiæ speciosum argumentum, quòd eorum nemo ex eo prælio vivus in Gallorum potestatem devenerit. Tria hominum millia interfecta dicuntur: uterque exercitus victoriam penes se stare profitebatur: necessario fortasse comento, ne superstites copię terrentur: dubio tamen procul nostri viciissent, si sati necessitas humanis consiliis abrumperetur, aut comes virtutis livor non esset. Tradunt annales Venetos superiorem tenuisse, quòd hi bellica onania impedimenta interceperint,

jint, opimaque præda abducta coegerint Regem prætimore subsequente nocte sub dio agere, fugamque moliri victo similem. Asta fugitium excepit, nec nostris defuit animus, quò minùs altera die terga dantem lacefferent, eaque in urbe obsiderent Ludovicum Aurelianensium Ducem, qui, ut cum suis tutò in patriam rediret, crebras eruptiones faciebat; sed mira in cohibendo hoste Contareni solertia effecit, ut extrema penè fame maceratus, & ad sordida quæq; alimenta compulsus in eas pacis conditiones venerit, ut Novaria Sfortiæ restitueretur. At Resp. quæ Gallos cupiebat penitus ab Italia ejectos, non tam terrestres, quàm maritimas vires ad Ferdinandum transmisit, ut iis pulsus Regnum recuperaret. Cum classe solvit in Apuliam Antonius Grimanus, cujus adventu, & ope in regnum integrè restitutus, auxilianti Reip. tradidit Aragonius Thranum, Hydruntum, ac Brundusium oppida, donec expensum in eam expeditionem aurum rependeret. Per hæc Carolus eadem celeritate, qua id acquisierat, regnum amittit. tanta nempe fortunæ vis est, ut sæpè unico momento simul par-  
ta, & sperata decora evertat.

*Bellum Pisanum cum Florentinis.*

MCCCCXCVI.

**V**ix se Gallici furoris metu liberam credebat Italia, cum novæ in Hetruria exarsit bellorum origo. Pisanis Carolus libertatem magno auri pondere vendiderat, dum ubique locorum victor Neapolim tenderet. Illi ne semel excussum servitutis jugum iterum subirent, extrema quæque pati malebant. Qua de causa adversus præpotentem Florentinorum Remp. Romani primùm Pontificis, mox Cæsaris, postremò Ludovici Sfortiæ, ac Venetorum auxilia implorarunt. Sed non ab aliis promptiora, firmaq; magis obtinere Pisani subsidia, quàm à Venetis, qui ut

Y 2 ami-

amicorum libertatem integram conservarent, arma in Etruriam intulerunt, atque in eo bello, quod varium, diuturnumque fuit, ita se gessere, ut pro libertate propria pugnare viderentur. Itaque post multas acceptas clades, meritas disjectasque naves, commeatus interceptos, oppida direpta Florentini, ne pejora in dies paterentur, Gallorum Regem supplici legatione orarunt, ut denuò transfret in Italiam, justæ eorum causæ opem laturus. Constans fama erat, Carolum hanc in provinciam alteram parare expeditionem. Sfortia igitur veritus ne imminens illa ab Alpibus tempestas in se unum caderet, demissè admodum cum Venetis egit de accersendo Maximiliano Cæsare, qui Gallo, Italiæ hosti, opponeretur. Cæterum ille, qua pollebat perfidia, venientem Cæsarem dicitur allocutus, idque unum ei persuasisse, ut se Pisanzæ controversiæ judicem constitueret, antequam Veneti aliqua magni momenti urbe in Etruria potirentur. Acquievit Maximilianus consiliis, sed nihil suæ majestate dignum imperando profecit. Illi namque, qui spem omnem recuperandæ urbis in Carolo collocarant, arbitria respuebant: Nostri verò, ut apertiùs constaret, nulla ampliandi dominii cupiditate Pisani auxilia præstitisse, per Franciscum Foscarum legatum suscepti belli titulum Cæsari aperiunt, suadentque, ut, cum certa Italiæ tranquillitate, discrepantes inter se populos componeret: ad id non defutura navigia, quibus ille Pisas veheretur, nec arma, quibus contumaces domarentur. Sic Venetis reconciliatus Maximilianus in Etruriam fertur, Pisanos, & Florentinos ad concordiam hortatur. verùm quia cum his omnia irritò eventu procurata, eisdem armis terrere statuit. Junctis itaque cum Venetis armis, Liburni portus, & oppidi imperat obsidionem, quæ cum concepta spe diuturnior evaderet, ille moræ impatiens, pertæsusque se rem cum pervicacissima gente molitum, ex ea provincia suas in sedes remigravit, nullo ibi relicto tanti nominis egregio facinore.

cinore. Veneti nihilominus susceptum bellum prosequerantur, illudque ad optatum finem perduxissent, nisi Sfortiæ ingenium, ad dolos, fraudesque natum, Reip. decus illud invidisset, aut illius dignitatem læssisset Hercules Atestinus: alter enim quâ vi, quâ dolis nostrorum conatus debilitavit: alter verò datam fidem non servavit. Pisani ultro Veneto Senatui se dederant, acturi quæ ipse sentiret, modò ne iterum inviso populo succumberent, hac una conditione firmanda pax erat, qua ab Atestino promissa, sed non servata, Pisas in pristinam obedientiam redegere Florentini: Veneti verò nil præter ejus belli impensas receperunt; cum possent usque in Ligusticum mare nomen cum imperio protendere.

*Bellum Turcicum quartum.*

MD.

**C**AROLI Octavi repetendæ Italiæ consilia mors interrupit: ea tamen Ludovicus duodecimus Regno potitus non distulit, quin & in ipso initæ publicæ administrationis die foedus cum Rep. iectum in Ludovicum Sfortiam Mediolanensem Ducem publicaret; eo jure, quò defuncto Philippo Vicecomite, res Mediolanensis ad Valentiam, Joannis Galeatii Ducis filiam, sibi que aviam spectaret. Veneti ob Cremonam per eos dies furtim ereptam in societatem coivere his conditionibus, ut Rex, ejecto Sfortia, Mediolanensem obtineret principatum: Resp. Cremonam, totamque Abduæ Glaream. Itaque Aubignio, Trivultioque ducibus Gallica tempestas in Alexandrinos primùm perstrepuìt, ac uno velut impetu ex ejus nominis oppido, deinde ex reliqua Insubria Sfortianos depulit. Venetorum non minùs armorum fragor circa Cremonam intonuit tanto strepitu, ut è vestigio consternati cives, & circumjacentes incolæ pristino obsequio se addixerint.

Ludo-

Ludovicus Sfortia tot malis undique circumdatus, frustra & à Venetis, quos toties deceperat, injuriam deprecari, & litem de Mediolanensi ditione cum Gallo componere per conditionem annui tributiconatus est. Hinc periculi certus, consilii inops properè in Germaniam profugit, ut Maximilianum Augustum in Gallos concitaret, cum in Venetos jam hostem Bajazerhum, Turcarum Imperatorem impia legatione quævisset. Utrumque his persuasionebus ad bellum promovit, quod nempe Galli, Venerique post subactam, divisamque Italiam, illi Germaniam, isti Asiam evertere meditantur. Hanc unam ob causam rediit in Græciam Turca, quem discordia Christianorum Principum, ac sæpius eorundem in Remp. florentem invidia concitavit. Quem igitur terra, marique militarem apparatus sub id tempus instruxerat Bajazethus, brevi omnem in Venetos ferebatur moturus, eo prætextu, quod illi Principes Illyricos adversus Turcica arma defendere statuissent. Cum aurem in dies magis belli fama cresceret, missus est Andreas Zancanius, qui Bajazethi animum erga Remp. exploraret. Regressus orator hoc Barbari responsum attulit: illum pacta cum Venetis à Mehemeto fœdera non esse violaturum: sed quæ fides penes infidum, & barbarum hostem? Ne itaque terrestre imperium, maritimamve oram præfidiis vacuam inveniret hostis, omnia necessario firmantur milire; & præter copias, quæ Forum-julium servarent, instructissima CC penè navium classis paratur, quæ, imperante Antonio Grimano, Turcicæ opponeretur. Hæc dum Venetiis expediuntur, Turcas extra suos fines exiisse, Jaderæ, Sicique agros populosos esse, ac abductis ex tota Dalmatia prædis, universam provinciam vastasse, nunciatum est: classemque Deuthe Præfecto in perniciem Reip. Hellestponico mari egressam. Hac rerum fama satis clarè apparebat rupti fœderis indicium, illatumque prius, quàm indictum bellum. Quapropter jussus Antonius Grimanus,

ut in

ut in hostem collectis undequaque viribus iret, acceptasq; clades ulcisceretur. Sed in Peloponnesum navigans, Turcis obviam factus, incertum, cur superior viribus non conflixerit. Subinde opportuniorem alteram rei bene gerendæ occasionem declinavit apud Sporadas insulas, incautos dubio procul facile oppressurus. Fatendum certè cum Veneti ducis inertia pugnassee Bajazethi fortunam. Aegre tamen ferentes tantam incuriam Albanus Armerius, & Andreas Lauretanus trierarchi, barbaros suis triremibus adorti, unam præcipuè navim immensæ magnitudinis, ex qua mille Turcæ præliabantur, sub ipsius Grimani conspectum harpagonibus ita alligarunt, ut desperati hostes, ne tandem in nostrorum manus venirent, ultro excitarent incendium, quo victi, victoresque simul concremati. Eo spectaculo alii perterriti nihil interim moliri ausi sunt. Vnus quoque Vincentius Polanus sua navi in hostes delatus, plures eorum rostratas tormentis attrivit, multosque è barbaris occidit, ac reversus ad suos incolumis proprio experimento ostendit, fortibus viris omnia cedere. Per hæc odio, & conviciis exponitur Grimanus, qui tandem certior factus, alia adventare sibi auxilia, Zacynthum divertit, ut ibidem Rhodias naves in supplementum acciperet, auctusque viribus cum Turca tutius confliceret. Ille tum juxta Torneesium conversis in mare proris littori hærebat puppibus, veluti, in tristem navalis pugnæ eventum, terra fugam cogiraret. Processum est in certamen, & aliquandiu prosperè dimicatum. postremò continuante vel classarii ducis infortunio, vel navium præfectis minus opportunè jussa exequentibus, Turcæ metum discutunt, & ulterius transgressas naves, reliquis auxilia remorantibus, facile oppugnant, capiuntque, ac denique per apertum mare Naupactum versus dant vela. circa eam urbem jam antea constiterat Bajazethus pedestri robore, quæ, ut primum cœpta est premi, nostræ classis desperans opem, deditionem facit. His omnibus

nibus cum ingenti mœrore auditis, Grimanus classis imperio privatur; venienti; in patriam gravato vinculis causam dicere ob rem turpiter gestam, inungitur, mox irrogatur exilium; cùm ea inter Melchiori Trivisano navalis administratio demandaretur, & Turca victorias cumularet victoriis, qui Naupacto adjecit in Epiro Dyrrachium, & insulam Cephalleniam. Noster tamen increvit metus, cùm recens nuncius afferret, hostes in Forum-julium, inde in Tarvisinum agrum populabundos irrupisse. Decem barbarorum millia altissimis superatis fluminibus in feracissimam regionem effusa, nullo resistente, luctuosissimè grassabantur: in victoriæ usum non ferro, non igni parcebant: plena tumultu vicina oppida, & urbes metuebant: hinc vidisses trepidantes ad incendiõrum flammâs volare currus, qui infelicissimos incolas in tutum deveherent: tanta denique trepidatio non priùs sedata, quàm immanissimi Turcæ è provincia abiisse dicerentur. dispersi super Tilavempti ripas, captivorum, quos gravior ætas præpediebat, ad quatuor millia trucidarunt. Profectus hæc inter in Græciam Trivisanus, dum præclari alicujus facinoris famæ studet, vindicandæ scilicet ab hostibus Cephallenæ, sibi ex vano conatu interitum, & hosti parat commoditatem appellendi Methonem, quam per eos dies Bajazethus à terra obsederat. Audaçter nihilominus, ac fortiter Methonēi Turcas non semel inter murorum ruinas repressere, unde in propugnantibus nata spes omnino fugandi hostis, etiam modico nostrorum auxilio. Tunc Trivisani locum ex turmarum consensu obtinebat Hieronymus Contarenus. Hic relicta Zacyntho, ut oppressis afferret opem, cum Turcica classe confligit spectante Sphagia insula: & in hostilia rostra sine metu concurrit, & pro se, prospera flante fortuna, ab initio apparebat stare victoriam, sed orta extemplo (ut omnia barbaris favere crederes) maris tranquillitate, navium onerariarum usus illi eripitur, quæ mole sua

sua stantes, quasi torpedine præpeditæ loco moveri nequiverunt : & ex his tota belli alea pendebat ; quare qui antecesserant, diffisi, ob earum tarditatem, auxilio, remis insteterunt festinanter, ne præda essent hosti. Contarenius duabus ex infausta decertatione amissis navibus, alterum fortunæ momentum experturus, tribus rostratis hosticas impavidè prætervehitur, & Methonæis arma, commeatusque suppeditat. Verùm urbis interitus ab ipsa ope promanavit. oppidani enim mœniumque quotquot erant propugnatores, ut citius inferrent necessaria, simul omnes ad portum cucurrere. Hostis interim opportunitate usus, scalas admovent, mœnia custodibus vacua ascendit, & in oppidum diversis partibus irrumpt. Ita capta est Methone totius littoralis Peloponnesi munitissima arx, non virtute, sed casu, quoniam in fatis erat, ut superba, & contumax Græcia aliquando Barbaris deserviret, & cum religione mutaret imperium. Civium captivitate, rerum omnium direptione, Veneti præsidii cæde absterritos Coronæos, & circum sparsos populos spontè obtinuit Bajazetus. Nauplia non semel machinis ita concussa, ut de deditione cogitaret, sed Prætoris opera, ac vigilantia pereos dies fidem retinuit. At dum hostes libera populatione per Peloponnesum excurrerent, Benedictus Pisaurus, rerum maritimarum electus Imperator, Corcyram applicuit : & per Senatum missi Oratores, qui Christianos Principes de Turcicis victoriis admonerent. Hæc propter in Bajazetho metus suboritur, crevitque diversis rumoribus, fama ex longinquo aucta, Hispanos, Gallos, atque Italos in communem hostem facta conspiratione validissimas parare classes, quomobrem in Thraciam suas reduci jubet tum pedestres, tum maritimas vires. Pisaurus ex hac Turcarū trepitatione Aegium petit, interfectisq; occulta machinatione præsidiis, oppidum Reip. rursus addixit: Mitylenem, Tenedumq; prædatus opulentissima spolia suis militibus distribuit: ulterius progressus extremum hosti-



lis classis agmen, nondum Helleponticas fauces ingressum cum clade excepit turbavitque plurimis interceptis navigiis hostium, quos ad unum resticulis suspendi jussit: deinde etiam Samothraciam, maris Aegei insulam in voluntariam deditionem recepit; direptaque Carysto Eubææ multa dives præda Naupliam repetiit. Videbatur non alium coercendis tantis hostibus idoneum magis imperatorem hucusque elegisse Resp. quæ subinde auxiliari Hispanorum classe, ductore Consalvo, cui Magnicognomen militaris virtus attribuit, validiorem Turcæ, veluti torrenti omnia disjicienti, obicem posuit. Pisaurus recreatus recenti ope, Cephallenia oppugnationem decernit, pergensque sine mora in expeditionem Insulæ utrumque portum majoribus rostris obsidet. imperatoque militum descensu cuncta repletruinis, volitantes hostium cuneos reprimat, atque tandem ita cum subsidiariis Hispanis se gessit, ut post præclara integri ferme triennii facinora Cephalleniam recuperarit. Plurimum in repellenda ab Insula Barbarorum colluvie Consalvi robur, & ingenium profuit, quem postea Senatus Neapolim revertentem abundanti gratiarum, ac munerum largitione honestavit. Solus deinde Pisaurus in bellum incubuit, qui monitus à speculatoribus Turcicam classem in Ambracio sinu morari, ad illam oppugnandam festinavit, & selectioribus præmissis navibus in pugnam traxit, contrà Turcæ non armis, sed arte rem gerere malebant: at ille cognito astu, vehementiùs in obversas puppes insurrexit, & de hoste, non prælio magis, quàm suam consternatione turbato victoriam reportavit: captæ undecim triremes, totidem submersæ, laceratæ plurimæ hanc victoriam ad Prævesam, antiquis Nicopolim, insigniter nobilitarunt. Cum his deductus Leucadiam dux Venetus, totam insulam, in vno expugnato ejus nominis oppido, superavit. Utinam Galli, qui altero anno ex hybernis in auxilium venerant, eadem circa Mirylenem moliri essent.

Sic

Sic Pisaurus, rerum gestarum fama, gloriaque notissimus, Bajazethi fregit audaciam, superbumque in hanc pacem deflexit; ut Cephalleniam Venetus haberet: ille Leucadiam reciperet, arma terra marique retraheret; captaque oppida cederent victoribus.

*Bellum Faventinum.*

MDIIL.

**M**ortuo Alexandro Sexto, cujus Pontificatus insignis Italiae fuit ob gravissimos bellorum motus, omnis penè Aemilia, Flaminiaque illustres provinciae, eiectionis Caesaris Borgiae praesidiis, & excussa tyrannide, aut in libertatem, aut in benigniorem administrationem transiere. Ariminum nomine Pandulphi Malatestae Venetae dominationi tradidit Galeottus Gualdus: quem virum & Principis, urbem dedentis, affinitate, & vetusto generis splendore clarissimum eo publicae munificentiae testimonio excepit, dimisitque Senatus, ut ad rei famam alia circum praestantiora oppida in ditionem ultrò venerint. Ipsa quoque Faventia, quamvis essent, qui illam Hectori Manfredio assererent, sanctum & augustum Reip. imperium amplexata est. Ad urbem hanc recipiendam, tuendasque pro Veneto arces missi legati, non tamen recepti sunt, scissis in diversa civibus, ac patrocinantibus Manfredianae factioni Florentinis, non aliam ob causam, nisi quia Veneti tanti potiti urbe, totam denique Flaminiam facile essent adepturi. Exinde cum Florentino, declarato hoste, saepius commissa manus, editae clades, & diu, multumque circa Faventiam elaboratum: postremò, impigrè administrantibus rem bellicam Christophoro Mauro, & Nicolao Fuscarenò legatis, urbs subruta muralibus machinis, subterraneisque dolis everfa Senatus Veneto paruit, atque in certae fidei, ac obsequii testimonium oratores Augustino Barbadico Prin-

cipi destinavit. At quia nullum illustre facinus mutationis, aut livoris dentibus immune, æstuantibus invidia vicinis Principibus, sævaque ludente fortuna, non diu Resp. aut Faventia, aut aliarum in Flaminia urbium accessione gaudebat.

*Bellum Austriacum tertium.*

MDVII.

**Q**Uàm sanctè coluerint Veneti inita cum Gallis fœdera satis constat, denegato pluries Maximiliano Cæsari transitu per Reip. fines: suspicati, ne, ficto Romam versùs itinere, Gallos Mediolanensi Principatu exturbaret, quia frequentiori, quàm par esset, milite iter suum instituebat. Hæc propter non semel Cæsareo Legato responsum, Maximiliano non nisi cum justis ad præsidium turmis liberam per Venetas ditiones fore viam: Quamobrem minatus ille, sibi iter aperturum vi, ferroque, Vincentium Quirinum Oratorem ab se dimittit, infestisq; armis attentat quod bellum indixerat. Provocata accingitur ad sui defensionem Resp. destinavitq; in bellicam procurationem Andream Gritum, & Georgium Cornelium, quorum alter in Rhæros missus, alter in Carnos, ubi primùm Germanici tumultus turbo auditus est, deinde majori quàm alibi fragore in Tridentinis faucibus. Terrestribus copiis præficitur cum summo imperio Nicolaus Ursinus Petiliani Comes. Hic Cæsareas turmas per valles Athesis irrupentes repressit, expugnavitque Petrense municipium. Subinde etiam Bartholomæus Livianus vir fervidi, & audacis ingenii, qui secundus ab Ursino militares obibat vices, alteram Germanorum manum per nivosa Carnorum juga ita repulit, cæciditque, ut exinde ei facile contingerit Cadubrii munitissimi castri oppugnatio. Ad hæc illato armorum metu complura nobilissima oppida ineditio-

ditionem venire, & fufus est hoftis in Tarvifino agro. At quia bellum non uno loco graffabatur, Livianus fupera-  
tis montium jugis, Tergeftum rebellem urbem obfedit:  
adjuvante mari Hieronymo Contareno, ita pedestres co-  
piæ ad aggreffionem, irruptionemque animatæ funt, ut  
illam paucos intra dies domitam, captamque Veneto juri  
reddiderint. Rebus tam præclare geftis illuftrior factus Li-  
vianus æquali honore, parique auctoritate jungitur Peti-  
liano. Interim Cæfar, cui res parum prosperè fuccefferat,  
rejectis incerti belli deliberationibus, cum Veneto per le-  
gatos de pace egit. Verùm Patribus placuit, procurante  
Zacharia Contareno inducias in triennium pacifci. Postre-  
mò ad hunc, (quod numquam antea auditum) virum pri-  
vatum peculiari legatione Joannem Raublerium deftina-  
vit Maximilianus, rogatum, ut quemadmodum paulò  
antea inter fe, & Remp. induciarum auctor extitifset, ita  
& pacis foret. Tantam apud exteros, fummosque Princi-  
pes exiftimationem fua virtute, integritate, ac prudentia  
fibi Contareno conciliaverat. Porro Ludovicus Gallo-  
rum Rex conqueri tum graviter cœpit, quòd nulla fui re-  
cordatione noftri cum Cæfare tranfegiffent. Hæc una par-  
vi momenti caufa, quærenti novitates oblata eft, ruptif-  
que indignè fœderum ac amicitia vinculis, primò cum  
Rege Ferdinando in Liguria de invadenda Rep. Veneta  
confilia iniit: postremò follicitatis reliquis Italiae, ac fer-  
mè totius Europæ Principibus, Cameracenfem illam con-  
flavit tempeftatem, quæ multos annos fub principatu Leo-  
nardi Lauretani fuprema propè clade Venetam Remp.  
anhelantem proftitavit.

*Fœdus Cameracense in Venetos.*

MDVIII.

**V**Eneta Resp. quæ propagatis longè lateque terra marique imperii sui finibus, multis florebat opibus, auctoritate, & fama, non tam finitimis populis, quàm etiam longinquis odio & invidiæ fuit, præsertim per hæc tempora, ut Cameracensi fœdere omnino debilitanda crederetur, futuraque cæteris exemplo, humanam potentiam fatales habere limites. Verùm hæc religione, justitia, & moderatione firmata, quæque semper artibus pacis magis, quàm belli studuit, cum orbe est perennatura. Cameraci itaque, quod est in Belgis oppidum, contra Venetos percussum fœdus, quod primùm apud Savonam Ligurum Ludovicus XII Gallorum Rex cum Ferdinando Hispano contraxerat: adhæserè huic Julius Secundus Romanus Antistes, & ipse Maximilianus Cæsar, tantoque silentio societas hæc per legatos sancita dicitur, ut cum demum ejus suspicio emanaret, Venetiis nequaquam crederetur. Porro tam diræ conspirationis famam intrepidè Resp. excepit: & quis crederet conjurantibus in unum tot Regibus illam propè parem extitisse? Sed adversus tot hostes, tantis florentes exercitiis, armavit animavitque una ea cogitatione, non fore diuturnam concordiam, quæ constaret dissimilibus animis, neque prolixum bellum, quod à multis, iisque variantibus inter se susciperetur, quando primos impetus vel propulsaret, vel parùm sustineret. Belli causæ hæc publicata. Singuli ex fœderatis repetebant urbes, & oppida, quæ tunc à Venetis aut jure belli, aut voluntaria populorum deditione legitimè possidebantur: Pontifex impurabat, quòd Ariminum, Faventiam, aliaque in Flaminia Romanæ Sedis castra occuparent: querebatur Maximilianus, se potissimùm Verona, ac Patavio contra fas spoliatum: ægrè ferebat

rebat Gallus Cremonam Mediolano detractam: Hispanus haud integrum sibi contigisse Neapolitanum regnum, cui deessent maritimæ aliquot urbes ab Aragonius Veneto oppignoratæ. Cameracensi quoque vinculo devinciebantur Ferrariensium, & Mantuanorum Principes, ut & hi suis ditionibus redderent, quæ oppida in Mantuano, Ferrariensique agro tenebat Resp. Dux etiam Allobrogum ob Cyprium regnum conjuraverat, nec non Britanniarum, & Pannoniæ Reges, ut nullus propemodum in Europa extaret, qui contra Venetos non sentiret. Turca solus repertus, ad notandam cæterorum perfidiam, & dedecus, qui memor datæ pacis non modò servaret fidem, sed etiam indignè oppressis auxilia offerret. Verùm, ut Christianam decebat Remp. ea fuerunt rejecta, victoria enim maximè sperabatur à Divino numine, violatorum fœderum ultore certissimo.

*Bellum cum fœderatis hostibus ad Caravagium.*

MDIX.

**L**udovico Gallorum Regi prima inchoandi, peragendique belli alea obrigit. Illud superbè, ac minaciter denunciante hoc Venetorum fuit responsum: Non adedò humilem rem Venetam, ut suis hostibus per summam licentiam despectui, & prædæ futura sit: adesse arma, & dexteras, animosque: neque virtutem, & fortunam justis, neque Deum ultorem fœdifragis defuturum. Subinde festinato militum delectu, brevi enumerata sunt in castris XXX peditum, equitum VII millia; tantisq; copiis præfecti Nicolaus Urfinus Petiliani comes, & Bartholomæus Livianus, viri ambo militari experimento celebres: datique sunt procurationi bellicæ legati Andreas Gritus, & Georgius Cornelius. Hæc inter Galli, superatis Alpibus, cœpere omnia infesta reddere, Carolo Ambosio duce: hostium

stium irruptionibus levissimis quidem pugnis reluctati sunt Veneti: at denique gliscente bello, multa clade, & oppidorum direptionibus certatum. Gallus Trivilium secus Abduam occupat: Franciscus Vrbinatium Dux Pontifici, cui militabat, Ariminum, & Faventiam conatur vi asserere: Gonzagianæ turmæ Casale in Padana ripa castrum recipiunt: atque ita pluribus in locis oppugnatur res Veneta. Cæterum recuperandi, si quæ amisissent, spes omnis erat Patribus in eo florentissimo collocata exercitu, qui in Abduana Glarea contra Gallos stabat. Et cum hostium numerus, ipso adventante Rege, augetur, cui erant in armis XXXX hominum millia equestris ferè ordinis, accessere terrestribus nostris maritimæ etiam vires, plurimis comparatis navigiis, quorum alia aduerso Pado deduceret Sebastianus Maurus: alia deduceret in Benacum Zacharias Lauretanus. Interea ultra Abduam arma transferenda clamabat Livianus, ut regii exercitus transitu prohiberentur: atq; ob id susceptam Trivili oppugnationem peregit egregiè, recepitque Asulam ingenti Mantuanorum cæde & captivitate, ne post se hostile aliquid relinqueret. cæterum hic tanta intervenit mora, ut tandem ipse frustraretur, quominus Gallos à flumine arceret. Transitionis fama admonuit Livianum prætergressos hostes illicò invadendos esse, & eò promptius, quò lætiores redditi nostri ex primis successibus, non tam sibi ominabantur Reipubl. tutelam, quàm securitatem Italicæ libertatis. Constat ex alacritate Veneti exercitus trepidasse Ludovicum, & relicto bello voluisse iterum pacisci fœdera: sed erant, quæ Venetus lueret. Rex suorum animo in paratam expeditionem excitatus, quas præmiserat Helvetiorum phalanges, tranato Abdua, sequitur. Livianus dum repellendi hostis consilium rejicit in alteram diem, tam densa caligo campis incubuit, ut ne cœcus in temeritatem rueret, à proposito abstineret. Subinde ratus Gallorum machinamenta adversus Cremonam diligenti

genti celeritate posse anteverti, invadenda eorum castra, aut in illos aperto Marte procurrendum censebat. Secus Petilianus, qui mora frangi Gallicum robur; nihilque in re bellica cunctatione melius, nihil audacia deterius. Hæc ducum disceptatio, aut æmula orta prius simultas Remp. in perniciem trahebat. Nihilominus pugnae avidus Livianus cum suis certamen aggreditur, primoque ipso conflictu viro audaci arridere visa est fortuna; quippe victor, turbatis, quæ anteibant, Gallorum aciebus, ad ipsa usque Regis castra penetravit: postea illa suo more instabilis falso evulgat per infidos Veneti equitatus ductores penè fusas, profligatasque esse pedestres copias. Ea credita fama Gallos confirmavit, & Petilianum subsidio retinuit. Quapropter urgere hostes, & nostros loco exturbare ceperunt, verosque in fugam palantes atq; dispersos occidere, aut rapere captivos, inter quos ipse Livianus, amisso ex vulnere altero oculo. Hac funestissima clade desiderati optimi quique duces, caesa militum X millia, vastata castra, direpta impedimenta, illustratusque Gallorum victoria Aignadeli apud Caravagium vicus ignobilis. Fuit ea nostrorum veluti suprema calamitas, vulgò ad Gieradaddam dicta, modico Gallici sanguinis impendio: unde meritò dici potest nobis inauspicatus Abduam fluxisse, quàm Romanis quondam Alliam: non ita tamen Venetias allatus cladis nuncius perterruit Senatum, ut animum abjiceret. Decrevit itaque ex templò legatos Christophorum Maurum, & Petrum Duodum, qui Brixiam, Veronamque adproperarent, vagos milites colligerent, recentesque conscriberent largi stipendio. Et quoniam magis in iusto bello fortunæ vices pensandæ, cum ea haud in optimis consistens, ad peiora sine iudicio deflectat, datæ sunt publico nomine litteræ ad Dominicum Grimanum, & Marcum Cornelium Cardinales, ut Julium Pontificem conciliarent Reip. atque ut inde Flaminia oppida reciperet: ab urbe etiam discessit

A a                      Anto-



Antonius Justinianus ad Cæsarem legatus, ut pacem impetraret, restituito Tergeſto. At quia omne tum cum Romano Præſide, qui nuper Venetos ſacris excluſerat; tum cum Auguſto, qui Fotum-julium, & Hiſtriam vexabat, irritum fuit obſequium, creditum eſt non fuiſſe ſuperis curæ ſecuritatem Venetam. Cùm interim continentis urbes adventantis cum terrore hoſtis impetum, aut ipſam urgentem ſamam haud ſuſtinere poſſe viderentur, prudentiſſimo Senatus decreto, omnes à præſtito jam fidei juramento liberantur: atque ita temporis momento terreſtri imperio diſceſſit, quod majorum providentia integro ſæculo maximis artibus, domi, bellicque adminiſtrata Rep. civitati omnium nobiliſſimæ adjecerat. Utinum tamen in Foro-julio: & in hac noſtra provincia Tarviſium, plebejo ſtudio animatum, Venetam fortunam ſequi voluit, cùm ejus libertas extremum penè ſpiritum traheret.

*Patavium, receptum à Venetis, fruſtrà à  
conſederatis oppugnatur.*

#### MDIX.

**V**enetis, qui non ita pridem de imperio, & ſalute publica deſperare viſus eſt, oblata rei benè gerendæ opportunitate, Patavium recuperat. Cùm enim pro explorato habuiſſet Andreas Gritus, Germanos, quibus ſe tradiderant Patavini, torpori ac vino deditos minùs cauè tueri urbem, delecta equitum peditumque turma, noctu Tarviſio egreditur, conſectoque per tenebras itinere haud procul conſiſtit in inſidiis. Actum paulò antea erat cum agreſtibus, quorum ſtudio ſingulare erga Venetos, ut portæ urbis, quæ Cauda-longa dicitur, pons obveſto de industria ſœni plauſtro impediretur: itaque patrati altus opportunè monitus Gritus e latebris celeriter adeò ac inopinanter, occupata porta, irrumpit, ut in foro priùs Veneta  
ſigna

signa conspecta sint, quàm ullus hostium præfenscrit. non in alios sævitum, nisi in cives, qui alteram defectionis suspicionem de se fecerant: arx insequenti die recipitur, eam dedente Cæsaris præfecto Leonardo Trissino. ad Patavii recepti rumorem plurima circum municipia Venetæ dominationi ultro adhæserunt: jamque satis persuasum erat, fortunam hanc primam præ pudore languentis clarissimæ Reip. viam ad pristinum assequendum imperium aperuisse, cum etiam Serravallium, Lemniacum ad Athesim, aliaque præclara oppida reciperentur, pulsus inde Germanis, fusoq; Atestinorum equitatu. Sub hæc Pontifex morari nostrorum victorias fucato pacis titulo excogitavit: nempe ab se inter Cæsarem, Venetosque compositum, ut hi, restitutis recentè occupatis oppidis, Tarvisium, & Forum-julium libero jure possiderent. Interim Senatui has conditiones examinanti nuncius è Pannonia retulit, Romanum Præfulem, & Galliæ Regem summè eniti, ut Pannonius districtis nunc in Remp. armis, opportunè suo regno redderet ademptas sibi urbes in Histris, & in Illyrio: attamen nihil illum moturum, redolentibus perfidiam postulatis. Exinde omnis Patrum cura in communiendo Patavio locata est, mandatumque Petiliano, ut cum selectiori exercitus parte eandem in urbem rediret, ad cujus expugnationem propediem venturus erat Maximilianus. Hæc inter ingruentes in provinciam Germani, fugatis ex Alpium arcibus præsidiis, direptis, incensisque Carnio, ac Feltrio agro, Tarvisinum populabundi sua multitudo operiunt: Christophorus Maurus primam hostium irruptionem parumper sustinuit. Interim Franciscus Gonzaga Mantuanorum Dux, Verona ad Cæsareana castra iturus apud insulam Scaligeram opprimitur; extractusque è latebra, agresti exploratione, Venetias captivus deducitur. Sed Maximiliano Patavium obsessuro jam quoque accesserant Pontificis, Galli, Hispanique Regum auxilia: jam Alphonsus Ferra-

rienſium Princeps , multis nominibus Reip. inſenſus, ma-  
jora tormenta, & innumerabiles penè machinas ad belli  
uſum ſuppeditaverat. Quoniam verò conſtabat urbem fa-  
cilè capi poſſe, ſi ea fluminis pars, quæ Patavium influit  
propè Liminis arcem, in alteram derivaretur; capta arce, ab-  
ſciſſionem, deductionemque inchoant Germani milites,  
ſummo quidem labore: idem opus in Bacchilionis alveis  
commiſſum, ne quis illorum amnium aquæ obſeſſis eſſet  
uſus. Hoſtes tamen ab incœpto deſiſtere coacti ſunt, acriter  
à noſtris, frequentiffimè erumpentibus, divexati. Ni-  
hilominùs expugnato Ateſte, in Montem-ſilicem per ſal-  
tus, crepidineſque irreperunt Hiſpanorum virtute, quæ  
docuit nullum oppidum, vel natura munitiſſimum, capi  
non poſſe. Viſus eſt denique propior ad urbis mœnia ſta-  
re Cæſar, & eò iratior, quòd per id tempus Belunum, Feltria,  
& in Noricis præſtantiores aliæ munitiones, Hieronymi  
Savorgnani robore, Venetis eſſent reſtitutæ; ſuoq; in exer-  
citu octoginta mortalium millia cenſa dicuntur. Tantis  
viribus oppugnandum erat Patavium adverſus Venetos,  
qui pro tutela ſuis in ſtationibus equitum tria, peditum mil-  
lia XV adnumerabant, præter primarios ex patricio ordine  
adoleſcentes, ferè ducentos, ſingulari in Remp. charitatis  
exemplo. His potiſſimùm data cura præcipuis in locis vi-  
gilandi, ne qua dolofa hoſtium fieret irruptio: propterea &  
Venetias evocati ſuſpectæ fidei cives, juſſiq; non recedere  
durante bello. Subinde Patavium ex ea parte, quæ Septen-  
trionem reſpicit, ubi quondam Helenæ fanum, urgeri, &  
concuti cœptum eſt; jamque muri ad tormentorum jactus  
corruerant, & per aperta mœnia Germanus miles ingreſſus  
eſſet, niſi Petilianus ſupremo virtutis bellicæ opere milita-  
rem excitafſet aggerem per totum ferè urbis ambitum, quæ  
modò viderentur hoſtes facturi inpetum, adjecta extrinſe-  
cus profundæ altitudinis foſſa. Extructæ molis propugna-  
tioni præ cæteris viro armis præclaro Citolo Peruſino de-  
man-

mandata est. Illam Galli, Germanique Cæsaris pollicitationibus animati junctis viribus demoliri aggrediuntur: sed cum irrito conatu opus tentassent, turpissimè deturbantur. Hispanis igitur eadem aggeris expugnatio committitur, quorum audaciam, imperumque dum Citolus eludere meditatur, disposita in vallo idonea igni, fumoque excitando materia, intra munitiones selectiores milites, quasi in insidiis, collocavit. Hispani interea continuatis probris, & ad felium venationem jocis militaribus irritati non magis, quàm Augusti præsentia incensi, aggerem, turres, murumque ea alacritate, fortitudine, odioque superant, ut, duobus ibidem fixis vexillis, spem certam in oppidum irrumpendi facerent: at ubi sacro hostium iræ, vindictæque explendæ in muro, & in ipso vallo consistere Citolus conspexisset, occultum succendit ignem, & fumum maximum excitat, cujus vi, & foedo nidore miseri consternati, excoecatique non ordines, non ducum imperia observare potuerunt. Exiere confestim ceteri è latebris, advolavitque Petilianus, & in quos flamma, vaporque non sævierat, ferrum distinxerunt. Miseranda continuo strages, & effusa ubique trepidatio exoritur, qua usus Ludovicus Malvetius urbe egreditur, & pervadens Cæsareana castra reluctantium cæde, hostilia configit tormenta, revehitque in tutum stipendia, quæ Patavium mittebantur, decepta Hispanorum phalange, in contrariam curam excubante. Nulla posthac dies præteribat, qua nostri frequentissimis insultibus non fatigarent obsidentes, & non nisi victores, multaque onusti præda reverterentur. Hi rerum eventus palàm demonstrabant Cæsarem deinceps ea in oppugnatione nihil aut armis, aut dolis profecturum: propterea vir, alioqui bellicosus, & in dubiis ausibus plerumque pertinax, postquam Hispanos à nostris repulso vidit, & inexpectata obrutos cladè, ab ultima certaminis alea temperandum sibi duxit. Quadragesimo itaque obsidionis die, Octobribus Calendis, sublati castris Meduacum trajecit,

& per

& per Vicentinos re infecta raptim, exemplo improspere successus, Alpes transmisit.

*Vicentia recepta.*

MDIX.

**R**Egresso in Germaniam Maximiliano, quæ fiducia succreverat in Venetis, brevi se pristinae dignitati restituendi, dies aliquot elanguit Petiliani interitu: confectus curis, vigiliis, ætate, Vir spectata militia clarus, magno, ac publico Senatus mœrore, occubuit. Quamobrem Andreas Gritus bellica constantia, ac disciplina haud impar jubetur exercitibus præesse. Hic animosè sibi fidens, veluti omnes interceptas urbes certò recuperaturus, per magnos imbres, difficiliaque itinera Vicentiam signa primò intulit, atque ex inopinato irruptionem parat. Dionysius Naldus primipilus mœnia conscendit, & penetrare in urbem potuit, repulso impigrè Gaspare Severinate, Cæsareanorum præfecto: exinde reliqui hostes pacti sunt deditiōnem, qua liberi, & immunes à cæde recederent. Et quia proxima quæque victoria instrumentum sequentis esse debebat, Veronam subitò mota sunt castra, ut urbs celeritate magis, quàm contentione caperetur. Præmisso equitatu cœpere nutare oppida, & quædam Veneto duci se tradidere, hostilium præsidiorum internecione. Interea nostri obequitando, provocandoq; sæpius cum exeuntibus Germanis velitarunt; sed cum à transfugis, captivisque relatum esset urbem magnis teneri præsidiis, maluit Gritus suos tutos in Patavinos reducere, quàm viribus dispares certo destinare periculo. In reditu Montanianum vi obtinet, ultrò in fidem recipit Ateste, aliaque castra, exturbato hoste, qui ea pro Cæsare tutabatur. Sub hæc etiam affertur Aloysium Delphinum, in Foro-julio legatum, robustam Germanorum alam, in Liburnia grassantem, compressisse, &c

se, & ab Angelo Trivisano Flumen, in Histris municipium, igne consumptum, quoniam incolæ Reip. insignia lace-  
rassent.

*Bellum tertium Ferrariense.*

MDIX.

**A**lphonſus Ferrarienſium Dux, qui unà cum aliis in Venetæ Reipublicæ damna conjuraverat, cæterofque commeatu, armis, reque omni bellica adjuverat, quo potiſſimùm tempore Patavium obſidebatur, Patres illatæ injuriæ vindices habuit. hi, quod perſtrepente eo bello diſtulerant, nunc perſequi voluere, ulturi hoſtem eò magis infeſtum, quò reliquis vicinioreſſet. Claſſem itaque viginti roſtratarum, plurimarumque biremium Angelus Triuiſanux Senatus decreto in Padum traduxit, ſubitamque hoſtilis agri direptionem imperavit. Alphonſus auxiliariſus copiis ſuccinctus populantem Venetum aliquandiu cohibuit, duasque triremium ignitis machinis laceravit. Ea propter Claſſarius Præfeſtus, reducto navali apparatu ad Pilofellam, firmum ibidem propugnaculum erexit, ac ita inſequentem moratur hoſtem. Tutius noſtri rem gerebant ab altiore aggere, & auſum quandoque ſubire Alphonſum intra ſuas ſtationes cum clade ſæpius repellabant. Hæc agebantur, cùm expeditæ equitum turmæ in auxilium claſſis venire, quas Triviſanus tranſverſis triremibus, veluti factò ponte in hoſtilem agrum trajecit: omnis illicò circum regio miſerrimè vaſtata, ad eò flammis ac militari licentia ubique debaccharum, ut Senatuſi neceſſe fuerit ſuis imperare, abſtinerent à vaſtatione, & incendiis. Sed horum egregius ultor extitit Hippolytus Cardinalis, Alphonſi frater, dum inſuetum facinus felici ingenio per-  
egit. Perforato ſiquidem perpetuo Padi aggere, majora tormenta in ſingulis foraminibus eo modo diſpoſuit, ut à  
noſtris

nostris haud obſervata certo claffis detrimento ſtatuto tempore fulminarent: Dolo ipſa quoque fortuna favit, cùm repentino imbre auctus amnis, ſummas planè ripas adæquaret, ſuoque incremento Venetas triremes ita eveheret, ut commodè machinarum pilis objicerentur. Noctu ergo, nihilque tale ſuſpicante Triviſano, repentinis ac frequentiffimis ictibus concutitur claffis, tota verberata, inſandaque ſtrage diſſipatur. Ille inopinato caſu perterritus, ægrè ab internecione ſe ſubtrahit, vixque integro navigio Venetias delatus eſt; ac Ateſtini Duces quindecim triremes, demerſis reliquis, atque omnia claffica inſtrumenta Ferrariam juſto cum triumpho abduxerunt. Hæc ruina non parùm turbavit Remp. Angelus Triviſanus à toto procul dominio relegatur, quia præcipuè tumentis fluminis aggeres non abſciſiſſet, certa illuvione caſtra, hoſtiliaque machinamenta obruturus.

*Promiſcui bellorum ſucceſſus.*

MDIX.

**A**Lternabat fortuna res Venetas modò proſperis, modò adverſis ſucceſſibus. Ob inſiſtam in Pado cladem animoſiores, qui Veronæ præſidio erant, hoſtes, urbe ſeſe effundunt, & nonnullas noſtrorum cohortes ad pagum Martinianum malè excipiunt, lateque circùm agros, vicoſque populantur, quia conceſſa illis præda pro ſtipendio erat: atque ob hanc cauſam concubia quandoque nocte per oppidi plateas, viaſque decurrentes Reip. nomen collaudabant, conclamabantque Venetos intra mœnia eſſe, ut erga illos civium voluntatem hac fraude noſcerent: quare cùm iis acclamationibus hilariter à plurimis reſponderetur, pertæſis barbaræ gentis imperium, ſingulas eorum domos, è quibus credulæ voces emittebantur per tenebras obſignantes, oborto ſole ad unam hoſtiliter exhauriebant.

riebant. Adrienses sollicitati ab Alphonso, ut in sui obsequium redirent, Veneto auxilio hosti strenuè resistere; quem in fugam actum Ioan. Paulus Gradonicus non tam astu, quàm virtute profligavit. Inito enim à nostris ex industria tumultu magis, quàm prælio, compositaque fuga universæ hostiles acies suis è munitionibus proficere. has demùm Venetus ductor non dolo, sed aperta vi debellare voluit. Proprio igitur exemplo suos ad pugnam hortatus; omnium primus in eas impetum fecit, atque ita se gessit, ut ex æquo Padanam cladem rependeret. Auxit mirum in modum victoriæ gloriam captivorum numerus, præda ingens facta, & obtentæ munitiones. Sub id tempus Veronæ occupandæ spem dedere cives, qui non ampliùs externorum injurias ferre poterant: cùm itaque oppidanorum studium in Venetos conversum esset, hi nocturna metatione propè urbem insidunt cum ea exercitus parte, quam non multitudo, sed virtus commendaret: interim moniti de vigiliarum obtruncatione, tacito agmine pergunt ad facinus, quod scalis erat perficiendum, quæ ut muri altitudine breviores repertæ sunt, alteram alteri jungendam dum curant, extemerè percepto strepitu, veriti se detectos ab hostibus, in castra redire inglorii, & laudabili incepto frustrati. Patrefacta audacia majoris curæ admonuit præsidarios, cæterosque milites, qui subinde aucti viribus Lemniaci oppugnationi se accingunt. Gritus tantæ arcisturelam Vanissæ Dalmatæ commiserat. Is hosti, antequam accederet, obvi-  
 us, tam acriter reluctatus est, ut nullo è suis desiderio, integram Gallorum cohortem deleverit. Pereos quoque dies Alphonfus libero transitu in Rhodiginos parato, occisis fluminum custodiis, alteram sui exercitus partem ad agrorum ruinas, alteram ad urbis excidium destinat. Viso hoste Venetus Prætor sibi timens, quia inferior viribus, tuto potiùs, quàm decore consilio Rhodigium deserit. Inde cùm Patavio novum immineret periculum,



Grito Senatus mandat, inter eandem urbem, & Vicentiam castra poneret, ut pro opportunitate utrique datis auxiliis prospiceretur. Etiam Francisco Polano, Histriae Praefecto imperat, ne suis navibus Clodiae deesset, in quam moturum apparebat Atestinum ex incenso Laureti pago. Hac veluti Venetorum trepidatione Galli omnia audentes, in Vicentinum agrum excurrunt, ac liberè tandem ubique grassantur, Veneto præ metu cis Meduacum regresso. Vicentini, auxilio destituti cum auro empta corporum incolumitate se Gallis dedissent, paulò post ab Germanis violata fide pessimè excepti sunt. expilatæ namque sunt domus, in captivitatem ducti cives, & qui in proximas cavernas, antraque se abdiderant, canum sagacitate conquisiti, flammarum fumique vapore barbarum in morem necati. Post captam Vicentiam, subactaque in confinio castella, incitante Alphonso, Galli Montem-silicem expugnant. Prosperè per Venetos alibi pugnatur. Fori-julii Praefectus Aloysius Delphinus è Gradiscano praesidio cum expeditionibus egressus plures Cæsareanorum manus, subjectam planitiem more latronum infestantes, oppressit, auxiliaresque copias, quæ vindictæ avidæ accurrebant, celerrimè tranato Sontio tanto tempore remoratus est, ut sui, numero impares, intra munitiones integri recipi potuerint. In Patavinis quoque plerumque fortunato eventu conferta manus; non continuè tamen, neque junctim, sed prout hostes lacebant. Tandem Galli rursus, ductore Carolo Ambosio, Lemniacum adoriuntur, ponte Athesi superstructo. Huic expeditioni Alphonso interfuit, cujus ope, productis Ferraria æneis tormentis, tanta vi quassati sunt muri, torque in partes disjecti, ut praesidarii animos ob terrorem despondentes, se cum oppido & arce victoris arbitrio permiserint. Post hæc in muniendo Patavio omnis Senatus cura, suspicantis iterum illud obsidione tentandum. Tarysium quoq; ad belli subsidium necessaria comportantur.

At

At cùm diu dubitatum effer, quò se potissimùm verterent hostiles acies, quæ tàm XII armatorum millibus constabant, tandem in Montem-silicem grassantur, à nostris paulò pridem receptum. Universis hinc inde viribus eam arcem obsepiunt, ac post varios insultus occupant, diripiuntque. Prædantibus cessit Sebastianus Naugerius Prætor, quem dum Hispani suum esse captivum asserunt, Germani eundem sibi deberi, miserrima præda interrixantium manus laceratur, voveturque flammis oppidum, & castra, quæ essent Atestinorum ditionis, Alphonso restituntur. Hæc non procul Patavio improspere gesta: intra alpes feliciter. Aloysii Mocenici obstinata vis Bellunum expugnat. Non multò post reddita huic provinciæ fortuna, visa est per tot vicissitudines constantiori animo vultuq; rei Venetæ consulere. Vicentia imminuto Germanorum præsidio rursus Reip. obsequium præbet, nec secus omnia ferme Patavini agri municipia ejusdem leges, & gubernacula amplexantur.

*Fædus cum Julio Secundo Pontifice.*

MDX.

**P**ost receptas Flaminiz urbes Julius Pontifex non nihil de odio in Venetos remisisse videbatur, haud ignarus, quònam tenderent externa arma, & cum primis Gallorum, qui amœnissimam hanc provinciam occupare nitebantur. Hinc prudentissimum Leonardi Lauretani Principis consilium: ut de Romano Antistite Venetæ Reip. conciliando quamprimùm cogitaretur. Confestim itaque Hieronymo Donato Oratori injunctum, ut Julii animum omni obsequii genere placare conaretur, ageretque ut contractis fœderibus, conjunctisque armis Italicæ prospiceret libertati. Pontifex generosum hunc & pium Reip. animum libentissimè amplexatus est, & interposita fœde-

Bb 2 rum

rum sanctitate cum illa in gratiam amicitiamque rediit, indicto quoque Ferrariensibus bello, si deinceps rem Venetam infestassent. Novæ hujus reconciliationis, societatisque famam ægrè ferentes reliqui fœderati Principes, arctius ob id sese uniunt, & se Pontificis quoque hostes declarant, atque omnium primus Rex Galliæ cum Atestinos defendendos susciperet. Quamobrem Julius, & Veneti bellum adversus Gallos præcipuè, & Ferrarienses gesturi, X Helvetiorum millia socia in castra traduxerunt. Gens hæc, inter ferum & arma nata, invictissima semper est habita, & iis, quorum fides, ac promptis stipendiis militat, persæpè impendio sui sanguinis insignes victorias peperit.

*Irrita Verona oppugnatio.*

MDX.

**A**D primas Helvetiorum irruptiones hostilia arma cœpere imminui, ac separari, ut quisque propriæ occurreret necessitati. Cum autem frangi facillè possit quidquid divulgum est, jam vicisse sibi videbatur Resp. cum in partes hostem diremisset. Ut igitur fama increbuit Gallos secus Abduam ab Helvetiis esse fusos, Andreas Gritus legatus cum Lucio Malvetio exercitus imperatore certa spe debellandi fugientes Gallos erectus, ad Larium lacum movit, prudenti sanè consilio, ut illos inclusos commodius opprimeret. Atque utinam pari mente pugnassent, accensis cum primis peditum animis, & rem integro prælio decernere cupientibus. At sibi tunc minùs decorè temperarunt Veneti duces, quando, quos in fugam datos à fronte adoriri debebant, à tergo persequi maluerunt, atque etiam ita cunctanter, ut dispersi antea in vnum postea coirent, & Veronam sine metu se reciperent. Malvetius præ pudore irarum plenus in Veronensium mœnia conversus, sic ea muralibus machinis concutit, ut brevi intro-

introcundi viam sterneret militibus, ad omnia impigris. Quoniam verò fortuna ad primum conspectum parùm nota, sæpè non reditura præterfluit, frustra bellica instrumenta admota sunt, vanique omnes conatus fuerunt cum insigni nostrorum jactura, dum cadit Citolus Perusinus, vir militia incomparabilis, qui ad repentinam hostium impressionem sustinendam, ne sui cæderentur, solus accurrerat. Allatus deinde rumor adesse Gallos, qui sua multitudine obsidentes appeterent, Malvetium in stationes Martiniani vici reduxit, indignante milite, qui certam potiundi oppidi spem suo vigore, & alacritate conceperat. sic quandoq; imperatoris vigilantia in militis strenuitate desideratur, cum aliquandò fortuna ducum tarditate neglecta effugiat, ubi sequentes non videat.

*Bellum quartum Ferrariense.*

MDX.

**I**Cto jam fœdere cum Julio Pontifice Venetam classem in Ligusticum mare duxit Hieronymus Contarenus, ut Gallos Genua expelleret, quod summè erat in votis Romano Antistiti: in Alphonsum, diris devotum, traduxit per Padum navigia Joannes Maurus, edictumque publicè est, ut cuilibet in hostili solo prædari liceret, quare ducentæ, & ampliùs privatorum naviculæ repertæ, quæ Atestinorum res majorem in modum affligerent. Ad hæc Pontificiæ copiæ oppugnationibus cuncta penè continentis oppida, Veneti classarii omnia secùs Padum, ac præsertim Rhodigium, occuparunt. Non eadem tamen maritimo prælio felicitas. Genua enim hostium oppugnationibus strenuè restitit, licet eam vir infraçti animi Julius semel & iterùm, terra marique aggressus esset: Cæterùm Alphonfus, adjuvante Gallo, incendit naves, quæ Padi custodiæ à Mauro datæ erant, per campestria diffusus unà cum focis, effusi amnis

si amnis instar, singula sibi obvia prostermit. Occurrens Andreas Gritus, ut obicem poneret, nutantia primùm castra confirmat, mox hostibus citrà Athesim, rupto ponte, ne fugerent, in certamen vocatis, magnam eorum partem cecidit. Sed, ut Alphonsus majores illatæ injuriæ pœnas daret, Patres gravissimi belli molem transmittunt in Franciscum Gonzagam, quem, Julio Pontifice deprecante, captivitate liberaverant: & Mauro injungunt, classem rursus conscendere. Hic nulla mora Padi ostium, Vatreum appellatum, ingreditur, & solo adventus sui nomine fugavit hostiles biremes, quæ piratico more crebrò illac navigantibus insultabant. eo quoque tempore Gritus unà cum Paulo Capellio equitum ductore Rhodiginos fines denuò percurrrens, hostium expugnat munimenta, incolas redigit in potestatem, Ferrariamque præ metu non parùm consternat. Verùm hæc urbs timore demùm liberata est, cùm Venetus Bononiam pergere jussus, ad famam Gallicæ expeditionis in Pontificios, qua Bentivolis illud oppidum asserendum ferebatur. Ob id etiam Grito imperata nova militum conscriptio, datæque litteræ ad Gonzagam, ut muneri suo non ampliùs deesset. Is Mantuæ detinebatur quibusdam veluti præstigiis uxoris, quæ non tam maritum retrahere, ne aduersus fratrem Alphonsum militaret, quàm, ut Capellio, Padum transeunti, armis reluctaretur, conata est. Interim Galli, receptis, nostrorum absentia, in Ferrariensi agro municipiis, in Bononiensem postremò harè ruunt. Hinc Julius in primis studens, ne Bononia cederet Bentivolis, quibus major civium pars, præsentē Gallo, favebat, Venetos moræ inculcat, sed tandem Capellii adventu recreatus, viribusque auctus, hostium conatus infringit, & urbem retinet in obsequio. Post hæc converfis Mutinam signis eo oppido, Rhegioque Lepidi Alphonsum spoliât, Gallis non una arce exturbatis. Cæterùm præclarissimè enituit Capellii virtus in Mirandulæ expugnatione,

ne, quam ipse Pontifex sua præsentia, atque constantia illustravit. Ob captam munitissimam arcem nostri, ac Pontificii milites concepto belli ardore se majoribus victoriis accingunt, & rursus in Ferrarienses ruunt, cunctaque luctuosis direptionibus complent, non tam è continenti, quàm à flumine, reversa in Padum classe, quam denique multa divitem præda Maurus ad fluvii ostia Volane, & Primarium revexit, cum frustra hostes in perforatis Padi aggeribus tormenta iterum disposuissent, recenti memoria decepti aliàs ea fraude ductoris Veneti. Sub id tempus Andreas Gritus hostiles munitiones circa Lemniacam arcem invadit. Hæc in vicina provincia. Cum ea inter in Aemilia Bentivoli Bononiam occupassent, nuncius Patres admonuit, copias intra oppidorum propugnacula redigendas esse, ne victor, & superbus hostis, qui ubique ferebatur cum impetu, illas in campestribus morantes, parumque munitis in stationibus lacefferet.

*Bellum in Foro-julio, & Histria.*

MDX.

**B**ellum adversus Ferrariensem Ducem obstinatione, & odiis adhuc invalescebat, cum Veneta arma alibi etiam contra foederatos distringerentur. Joannes Delphinus Feltriæ Præfectus, contracta indigenarum manu, Cæsarianos aliquot pagos prædis mulctavit, factisque per Tefinos agros populationibus, vix rapinis sufficere diripientium manus: ita ex æquo vindicavit quæ damna prius Germani illi populo intulerant; congressusque cum spolia repositentibus, omnes in fugam versos, ac intra specum, cui Covoli nomen est, actos compulit in deditionem. Postea ab Alpihus in Forum-julium terror hostium illatus, nulloque resistente, totam ferme eam provinciam ingruentibus patefecit. Utini Præses Aloysius Gradonicus ad famam vicini hostis

hostis præsidium sibi in fuga comparat, deserto oppido. Eo potiti Cæsariani Foro-juliensem Patriam circumcundo rapinis & incendiis cætera castra, hominibus præ timore vacua usque ad Liventiam amnem facillè consequuntur. Verùm neque ullum exitit fugæ solatium indigenis. Nam qui in propinquas Tarvisinorum collium silvas profugerant, ab Gallis ex altera parte, de industria eos quæritantibus, aut cæsi, aut in captivitatem abducti sunt. Subinde Patres ad nuncium subacti Sacilli Carnici auxere milite Gradiscarum, præsidium: at ubi semel pavor timidorum animos invadit, irrita cedit omnis diligentia. Vix hostes ejus oppidi mœnibus insultarunt, cùm illicò in eorum deditionem venit. Osopium, castrum in monte situm, diu frustra, & blanditiis, & minis tentatum, unicum in Foro-julio mansit Reip. Illi præerat Hieronymus Savorgnanus, fide erga Venetos singulari, & propterea à Senatu in patriciorum numerum relatus. Per eadem tempora in Histriam quoque imperus armorum factus. Christophorus Frangipanius Mugiam, propè mare municipium, aggressus, sub primis velitationibus saucius rejicitur; demùm reuersus robustior obsidione ipsis portis inhærens, muro machinis diruto irrupturis facilem aditum patefecerat: sed opportunè adveniens Justinopoli Andreas Civranus obsessorum recreavit animos, imperataque eruptione vertit in turpissimam fugam obsidentes. Indurato tamen animo Frangipanius tertio adfuit, verùm eundem propugnatorem Civranum iterùm in se concitavit acriùs vehementiusque, ita ut acceptis vulneribus, projectisque insignibus cum ignominia bello excesserit. Sub hæc Joannes Victurius Goritianas turmas ab Cremonse maximo animi robore dispulit. At dissimili sorte circa Gradiscas Gradonicus pugnavit. Defensores enim alacriter se tuentes exprobrabant, tunc propugnari oppidum non à meticulosis, quales essent Veneti: pessimum urbium, atque arcium custodem, timorem esse.

*Varia*

*Varia hinc inde hostium expeditiones.*

MDX.

**P**ost receptam à Bentivolis Bononiam, cum Julius Pontifex ex Aemilia Romam trepidè concessisset, planum erat solos Venetos victori hosti relictos in prædam. Veronæ præsidarii tam crebrò ex urbe erumpebant, ut auderent etiam nostra castra in Leonicenis agris adoriri. Coactus Gritus ad Ateste metari, Veronensis agri oppida, & proxima quæque castra, veluti contagio quodam correpta in hostium manus corruisse, summo animi mœrore audiit. In vicina quoque provincia omnia erant adèò plena hostico tumultu, ut in ea trepidatione integram de fugientibus victoriam reportasset, nisi objecta præda insequentes morata fuisset. Patavium, Tarvisiumque tumultuario milite, annona, omnibusque ad bellum necessariis contestim munita; atque jussum, ut alteri urbium ipse Gritus, alteri Joannes Paulus Gradonicus cum imperio præsiderent: delecti etiam patricii plures, qui ad illarum tutelam excubarent. Hostes interea ducti à Palicia Gallo, viro audacissimo Vicentiam cum primis obtinuerunt; postea direptâ civitate in proxima loca dispersi cuncta lacrymabili vastatione ita fœdarunt, ut nihil reliquum crudelitati fecerint: in captivos barbarè sævitum: domus, templa, aræ, vicique passim rapinis, furore, incendio afflictis: triste mortalibus spectaculum exhibebat Vicentinus, ac reliquus in confinio ager: & hæc inter gravis cura angebat Senatum, quemnam potissimum imperatorem suis copiis deligeret. Tandem cunctis suffragiis in Joannem Paulum Baleonium sententia Patrum inclinavit, virum armis præstantem, & quod est in bello magni ponderis, summè militibus carum: Hæc domi, forisque: cum inde arrepta occasione Atestini Venetos fines circa Padum iterum turbant: Igitur expe-

Cc

dita



dita classis à Clodiæ portu ad Vatreii ostium navigat, hosticasque biremes profligat, ac ingentem reportat prædam: clara quoque victoria potitur Federicus Contarenus, & opimis locupletatur manubiis: cùm enim neque dux militi, neque miles duci deesset, quingentos equites deleverit; eripuitque victis spolia, quæ pro primitiis Paliciæ afferebantur: in alteram quoque expeditionem profectus Castrum-francum Galliseripuit intromisso milite per arduos unius portæ tuinas. Eodem tempore Germani prædæ ultra Plavim ierant, conquerente Gallo, qui à sociis tranato amne, ac in patriam quodammodo tendentibus, deferi suspicabatur. Quare collectis in unum copiis, Patavium inter Tarvisiumque metatus, utramque urbem quadam veluti obsidione tenebat, & dubio procul unam, vel alteram expugnasset, nisi sæpius à nostris exturbatus, interceptaque fuissent ad belli usum necessaria. In primis, qui erant Patavii Legati Veneti cùm ab exploratoribus renunciaretur, magnas equitum cohortes è Suavio Veronensis agri castro in Tarvisinum profecturas, extemplò virum acrem deligunt Guidonem Rangonium, ut eas in itinere ex insidiis dissiparet. Audax ille, nocturnum ingressus iter, Suavium, quò loci morabantur, prima luce scalis, & irruptione adoriatur, ac interfectis vigiliis irruit in incautos, eosque cum ipso municipio feliciter cœpit. Profligati auxilii nuncius reliquos Gallos trans Lipientiam fluvium adëgit: verùm liberè secùs ripas ad maritimum usque littus divagati omnia rapinis infestarunt. Ille tamen tractus à populationibus vindicatus esset, si destinata in latrocinantes navigia celeriter applicuissent: postremò conjuncti Germani in Tarvisinas stationes rediere, nec multò post Vicentiam, desperantes Tarvisii expugnationem. Itaq. illis abeuntibus cuncta penè in Carnis oppida, & in Ferratiensibus Rhodigiū, Venetorum justitiam benignitatemq. olim experta, iterum eorum publicam administrationem recepere.

*Bri-*

*Brixia recepta, mox amissa.*

MDXL

**I**ulius interea Romanus Pontifex nihil non meditatus, ut Italia Gallos ejiceret, Ferdinandum Hispaniæ Regem, & præcipuè Maximilianum Cæsarem Venetis reconciliare, ictisque fœderibus contra Gallos conjungere plurimum nixus est. At non omnia impetravit ab Senatu, Cæsare cum primis Patavium reposcente: cum Hispano igitur amicitia inita est, renovatumque fœdus cum Helvetiis, quibus in Italiam venturis Augustinus Maurocenus publico nomine commeatus, bellica tormenta, ac quingentos equites promiserat. Hæc nova fœdera Pontificis auctoritate, & odiis potissimum confirmata, ut ad aures Ludovici Regis pervenire, omnem penè Galliam uno quasi impulsu in conjuratos excitarunt. Tum Gasto Foxius, Nemorosi Dux, militiæ monstrum, cum prius imperare exercitiis, quàm tractare arma novisset, in Italiam innumeris comitatus legionibus advenit. Hoc duce in Bononiensibus primùm Gallica procella deferbuit, tanto impetu omnia quatiens, ut momento temporis, servata Bentivolis urbe, Pontificios, Hispanos, Venetosque eam tum osidentes milites ad unum turbarit. Hæc in Aemilia: verùm in Transpadana regione Aloysius Avogadrus Brixiam ab externo servitio liberaturus, illius occupandæ Venetis ducibus affert occasionem; modò clàm Venetæ copiæ accederent. Andreas Gritus factæ spei monitus intempesta nocte cum suis affuit, frustrà tamen, detecto Avogadri facinore. Cæterùm vir in patriam pius oppido furum egressus, maximam sua auctoritate contraxit agrestium manum, vertitque in hostes, ita ut iterùm Grito commodum faceret potiundæ urbis, sponderentque fortunatum exitum civium animi erga Remip. Itaq; secundò movens, & quidem

Cc 2 no-

nocturna expeditione, Brixiam tutò accedit, portas ferreis machinis convellit, præeunteque Avogadro urbi se immittit. Inopinatus hic ingressus valdè hostes exterruit, & cum tumultu in montis arcem fugavit, quam evertere Gritus non potuit, quia majora tormenta, quibus tum opus, secum non attulerat. Bergomates ad eam famam, recepto in Prætozem Antonio Justiniano, Gallica præsidia expellunt. Sed quia ingentis felicitatis semper insignis aliqua calamitas ferè comes est; Foxius, percepta Brixie defectione, violento fulmine rapidior è Bononiensi per Mantuanum agrum tanta celeritate se proripuit, ut suæ protectionis nuncium anteiret. Nec defuit properanti amica fors, cum Veronenses ingressus fines Baleonium Veneti exercitus imperatorem, ad Villam-francam cum universis fermè copiis sedentem, improvisa pugna debellasset. Hæc obsequentiæ fortunæ auspicio, Brixiam accessit, & à suis in montariam arcem receptus est. Porro Gritus, etsi sæpiùs ad expugnandam arcem petitas machinas nunquam ab Senatu acceperat, urbis tamen defensionis probè intentus, ne qui secum erant pedibus, sed virtute auxilia quærerent, oppidi portas occludi jubet, & ad excipiendum hostem jamjam erupturum disponit militem. Dum parat hæc Venerus, Dux Gallicus altero sui adventus die, excussæ sagittæ instar, in subjectos ruit; quippe illum præter virtutem, fortunamque adjuvabat copiarum numerus, locusque superior: igneæ faces, pilæ, hastæ, bellicaque omnia non tamquam ex æquo missa vana cadebant, sed suis librata ponderibus certo ictu infigebantur. diu Veneti sustinuerunt Gallorum impetus, & præclara invicti animi argumenta, adversante licet fato, dedere. Non enim, nisi omnibus interfectis, aut captis, Galli urbe denuò potiti sunt. Gritus vivus ab hoste retentus in Galliam ducitur, Avogadro medio in foro caput abscinditur: cruentissima edita est oppidanorum strages: direptæ tum profanæ, tum sacræ domus, nulli sexui indultum, & ita

& ita ubique sævitum inhumaniter, ut nobilissima ea urbs horridi veluti deserti faciem præ se tulerit. Gasto tanto elatus facinore, qua venerat pernecitate in Aemiliam reversus est, ibi suo interitu Brixienſium manibus parentaturus. Nam immoderatæ virtutis juvenis post expugnatam Ravennam dum concitato equo in fugitivos hostes rapitur, ut integram sibi victoriam affereret, à gregario milite cæsus occubuit.

*Gallorum fuga ex Italia.*

MDXII.

**N**ulla unquam major calamitas, metusque perturbavit Senatum, quàm præreptæ sibi Brixie casus, cæsiq; exercitus strages: insuper augebat publica damna indigna Pontificis obtestatio, qua se Remp. deserturum minabatur, nisi illa cum Maximiliano, jam dictis conditionibus, conveniret. Attamen ea fuit prudentia Patrum, quæ præsentis minas contineret pollicitationibus, nihilque magis curaret, quàm ut iterùm Brixiam sui juris faceret. Cæterùm hanc parantibus expeditionem repugnat Pontifex, Alphonsum Atestinum rursus bello petiturus. Obtemperandum fuit, ne hominem bello magis, quàm paci natum, ab se periculosissimo tempore distraherent. ingens telum necessitas. Quare decretæ naves in Padum, quæ multùm Pontificiis conatibus profuere. Verùm moras trahente bello, & tota circa Brixiam pendente Rep. Alphonsus Rhodigium suæ dominationi restituit, & Pontificios milites, nostramque classem deturbat. Hinc itaque arbitratus Julius nihil se profecturum, nisi Venetis conjuncto Cæsare, foedus, pacemque inter utrosque stabilire nititur, hisce legibus, ut Verona, & Vicentia Maximiliano cederent; Patavium, Tarvisiumque Veneti possiderent, auri summa perfoluta: de Carnicis verò oppidis ipse arbitraretur, quibus pontif-

potissimum illa adjudicanda. Respuit Senatus, uti incongruas, eas conditiones. Et quis non admirabitur insignem in tot adversis fiduciam, & singularem animum, ac spiritum Veneti Senatus? Porro, ut aliquid obtinuisse Julius videretur, inducias cum Maximiliano in proximos decem menses pepigerunt. His ita compositis, Cardinalis Sedunensis opera Helvetii suis ab sedibus denuò evocati, per Tridentinos saltus in Cisalpinam Galliam decurrunt: hi Venetis copiis associati in Gallos, nostram provinciam occupantes, magnis animis, majoribusque odijs feruntur. Exercitum Reip. deduxit, promovitque Balconius, atq; simul cum exera militia hostes adortus, illorum memorandam stragem edidit, ultus ad satietatem, quam cladem ille pridem juxta Villam-francam acceperat. Qui ab Athe-  
si, Okeo, Abduaque fluminibus cædi superfuere, Ticinum ingressi sunt, & à persequentibus nostris eo in oppido ob-  
fidentur. Quare Palicia non ausus obluetari, cum à fœderatis, trajecto amne, urbem corona cingi, sibi que inter-  
eladi aditum animadverteret, in rem nato consilio usus, fiduciariis suorum posthabitis auxiliis, cum superstiti fu-  
nesti exercitus turba clàm raptimque sese in Galliam proripuit. Cæsis in hunc modum, dilapsisque Gallis, Julius Pontifex Helvetios Romanæ Sedis propugnatores appel-  
lat, sibi que soli, communem aliàs cum Venetis, liberatæ Italix titulum adscribit.

*Brixia Hispanis prodita.*

MDXII.

**S**oluti Gallico metu Veneti, quamvis adhuc hostilibus ejus gentis præsidiis captæ urbes tenerentur, alacriùs ad expugnandam Brixiam parantur. Itaque contractis undique copiis, ut primum se ostendunt urbi, & majoribus machinis rem agunt, passim concidunt muri, ruinis im-  
plen-

plentur fossæ, & irrupturis non uno loco aperitur aditus. Sed nihilo segnior erat oppidi propugnatio. Nam vibratæ facies, emissæque telorum veluti nubes, tora penè castra horrore, & incendiis complebant: nunquam tamen summo Veneti, imò audaciores inflictiis vulneribus reddebantur. Spem interim Brixia citiùs obtinendæ non tam circumjacentium municipiorum voluntaria deditio (unde illa arctiùs obsidebatur) quàm Baleonio dabat Bergomensis arcis occupatio, receptaque Crema: unde præclara habebat exempla, quæ sequeretur. Cæterùm cum proximè capienda esset jam armis & fame lassata, venire in nostras stationes Hispanarum copiarum ductores Prosper Columna, & Raimundus Cardonius, ut data ope maturarent oppugnationem. At Cardonius, vir subdolos rem Venetam se curaturum dum profitetur, tacitis nunciis Gallorum ducem Obignium, se dedere meditantem admonet, ut Brixiam Hispanistradat, & cum suis, factaque præda innoxius inde abeat. Gallus non tam compulsus necessitate, quàm opportunitate usus ferendæ inter fœderatos discordiæ, Hispanos, palàm exclusis Venetis, in urbem arcemque admisit. Cardonius in eo fuit datæ fidei custos, concessæ nempe potestatis, ut rapinas, quas ingentes capto antea oppido Galli fecerant, domum revertentes liberè asportarent: quod residuum erat, Hispani totum abstulerunt. Cum igitur Raimundus Cardonius Brixiam, uti suo Regi acquisitam, indignè ac pertinaciter retineret, pro hoste est habitus, & ab Hispana societate jure recessum.

*Fœdus Venetorum cum Gallis.*

MDXII.

**E** Docti experientia Veneti Hispanos, sub honestis fœderum nominibus, hostilem, & alienæ rei appetentissimum tegere animum, suæque tantùm consulere utilitati,

tati, confestim infidorum hominum amicitiae, ac societati renuntiaverunt. Sed non tam intercepta Cardoni fraudibus Brixia commovit Senatum hoc tempore, quam Pontificis, nulla honestate sua consilia metientis, recens odium. Venetis indignatus, quia pacem ab se cum Maximiliano pronuntiatam adhuc respuerent, iterum vehementioribus irarum moribus æstuans adversus Remp. concitat præter Germaniam, Hispaniamque, ipsam toto orbe divisam Britanniam. Cæterum opportuna mors eripuit meditantem turbulentissimis bellorum procellis totam concutere Europam. Italia tamen nondum sua scelera, multo etiam sanguine effuso, luerat. Denuò enim quassatur, vastaturque conversa ad Gallos Republica, & proclivi in concepta fœdera Leonis Decimi ingenio, qui Julii, non tam successor in Pontificatu, quam odiù in Venetos heres extitit. Hæc inter, ut quod suum erat ab injustis possessoribus vi extorqueret Senatus, per Andream Gritum, qui cum Bartholomæo Liviano in Gallia captivus detinebatur, cum Rege de pace agit, inique amicitias, opportunam nactus occasionem, cum subinde Rex consilia agitare, quonam pacto Mediolanensem Principatum reciperet, Helvetiorum auxiliis Maximiliano, Ludovici Sfortiæ filio restitutum: Gritus magna dexteritate omnia perfecit, pacisque, & fœderum sanctionibus Veneto Regem conciliavit, easque gerendi belli conditiones statuit, ut primùm Gallo in Mediolanensi expeditione auxiliaretur Resp: Ipsa deinde, adjuvante Rege, obsessas ab hostibus urbes haberet: præterea captivi omnes libertati restituerentur. His ita constitutis, Rex suis exercitibus Tremolium, Trivultiumque clarissimos duces præfecit. Veneri è captivitate revertenti Liviano novas copias cum nova belli mole & imperio tradidere, electo Grito, ut legati officio in Gallicis castris fungeretur. Ille, ut sui muneris accepit insignia, lustravitque exercitum, summa felicitate Veronenſium castra pertentavit, majoraque

raque moliturus, per medias paludes, & Tartari amnis loca invia Cremonam adortus est, eamque deditibus secivibz, Venetæ addixit majestati. Sub hæc circumstantes Novariam Galli, congressi cum hoste læti principii tristem exitum sortiuntur. sub primis enim impressionibus, veluti prospero belli præludio, erumpentes fundunt Helvetios: tandem redintegrato conflictu, ut sunt incertæ bellorum vices, vincuntur, qui vicerant, cædunturque ab effuso undique hoste, fuganturque insigni castrorum direptione. Novariensi huic pugnæ Gritus spectator fuit. Porro clades, quæ initio certaminis solet sociorum animos distrahere, minimè inconstantem Venetum reperit, illamque Livianus celare, quoad potuit, summè contendit: verùm tandem certis auctoribus quotidie magis evulgata, ipse Cremona excessit, stipatisque agminibus Brixiam prætergressus, tæritavit non parum hostica præsidia: mox Veronam prolati tormentis veluti obsessurus, conabatur hunc in modum dissipatos Gallicæ stragis rumores comprimere, aut certè ostentare hosti, neutiquam ob inflictum vulnus animum, viresque abjecisse. Eadem Liviani consilia secutus Baleonius, ipso transitu, Lemniaco depulit audacter Hispanos. Strenui nempe ducis est, ut suos confirmet se nullo teneri metu illis ipsis persuadere.

*Venetorum clades ad Creatium.*

MDXIII.

**P**Roffigatis ad Novariam Gallis, Hispani cum reliquis in Remplicam foederatis hostibus, Venetam ingressi provinciam in omne scelus per militarem insolentiam feruntur. Livianus victoribus occurrere prudenti consilio non ausus, relicta Vicentia, alteram exercitus partem Paravium, alteram Tarvisium cum Baleonio reduxit. Vix hæc disposita; cùm Raimundus Cardonius, & Prosper

Dd Co-



Columna rejecti ab Cremenſi oppugnatione, Laurentii Ceritis virtute, poſt latè circùm direptos agros, haud procul Patavio caſtrametantur: at nihil, productis etiam machinis, proficiunt in urbis incommodum: emiſſæ ſubinde à Liviano expeditæ equitum alæ, delectæque militum turmæ, omnia hoſtilia debilitabant, infeſtabant populatores, & in ipſas munitiones quotidiana exercitatione irrumpebant. Ita hoſtibus propius neque accedere permiſſum, neque complere aggerem, per quem tutò irent ſub mœnibus, ſubrutiſque cuniculo, intrarent oppidum: præterquam quòd certo ſemper eorum damno majora tormenta graviter offenderent. Igitur tentato nequicquam Patavio; deſperatoque in agrum Venetorum deſcenſu, in proxima quæque oppida villasque rapacitatis ac furoris impetum effuderunt. Quippe tanquam impii belli ſacramento obſtricti obvia quæque flammis abſumebant; ac prophanis divina miſcentes cuncta populabantur promiſcuè; miſeros quoque mortales ad lanienam conquiſitos trucidabant, cædibus addentes ludibria, & diris ubique vaſtationibus, ac barbara prorfus immanitate graſſabantur. Meduaco tranſito in ſuburbano noſtro littore Venetæ nobilitatis, regio ſumptu ædificata palatia, plenas deliciarum ædes, igne, & ferro, ſolo æquarunt. Tota quaquaverſus regio ardentibus ruinis operiebatur, ſpectabanturque incendia ex urbe ab ipſis Patribus; nec majori unquam rabie ante debacchatum, ſævitumque legimus, quia potiſſimum Hiſpani vice-re Hunnorum furorem: ſed neque teterrimos hoſtes, quos jam præda certè expleverat, ſatiavit adhuc feritas animi; cùm enim ad Margherium maritimum oppidum perviſſent, eo fine contenti, ipſa interveniente natura, proſpectantes brevifſimo maris interjectu Venetam urbem, contorſerunt in aquas tela, & in contumeliam inviſæ gentis plures tormentorum pilas exonerarunt. Non tulit ulterius tantam ignominiam infracti animi Senatus, quominus

: nùs

nus è vestigio imperaret Liviano, non secus æstuanti in vindictam, ut nulla mora moveret in hostes, unaque cum Balaonio acceptas injurias ulcisceretur. Nullus gravior nuncius Veneto Duci pugnandi cupido, & cum primum Patavio in ulteriore Meduaci ripa locata sunt castra, hostili vastitati modus imponitur. Ille, quæ in metando usus fuerat celeritate, Hispanum præcipue turbavit, cui fluminis transitu jam intercluso ut quavis ratione connitentem repelleret properè advolavit Livianus, præoccupatis etiam proximorum collum angustis, & communito Ulmo, Vicentini agri pago, quæ hostes necessariò erant transituri, si amnem superassent; nulla enim commodior via relicta videbatur, quæ illos Veronam deduceret. Interim haud longè à Venetis castris confidere coacti sunt, & totam proximam noctem agere in tenebris, ne destinatis tormentorum ictibus peterentur. Summo manè protecti densissima caligine retrocedunt Bassianum, ut declinata cum fervido duce pugna per Tridentinos saltus, etsi longiori via, tuti Veronam intrarent. Nebula erat adhuc ad multum diei densa adeò, ut propinquo etiam congregientium inter se conspectui visum eriperet. Edoctus Livianus eo fortunæ munere detectos hostes abiisse, hos cunctationis impatiens, neglecto acierum ordine persequi voluit, tanta victoriæ fiducia, quasi pavidum gregem infectaretur. Ventum est igitur ad Creatum, quo loco ille quadrato incedentes agmine adortus hostes, qui eo alacrius susceperunt oblatum bellum, quò tumultuosius nostri ferebantur. Inito congressu, Bernarlinus Antiniola, Liviani nepos, postremum agmen cum iùo equitatu iussus invadere, prævalente Hispano, momento temporis dissipatur, ac in fugam dissolvitur. Victo avunculo addit animos unaque restaurant certamen, pugnantque ex integro ingenti contentione, parique contumacia. Sed si militares ordines servasset Livianus, aut sibi tum ex opinione antea actæ virtutis in præcipiti festinatione

viſtoriam non eſſet ominatus, utique deleviſſet hoſtes, nec Veneti eam cladem accepiſſent, quorum illi tantam multitudinem interfecere, quantam per integrum diei ſpatium licuit; cùm non niſi ingruentibus tenebris fuſorum, ac palantium cœdibus temperatum ſit: ſic itaque infelici noſtrorum clade nobilitatum Creatium. Execratus numina Reip. ac Italico nomini nimium inſenſa Patavium ſe recepit: Gritus hærentem tergo hoſtem declinavit, funibus intra Vicentinos muros receptus: capitur Baleonius, & Andreas Lauretanus, legatorum unus ab altercantibus de præda obtruncatur. Hoc vulnus rei Venetæ illatum omnes Livianæ temeritati adſcripſere. At ludente in humanis fortuna ea plerumque exequi cogimur, quæ infauſta ſunt, ac periculorum plena.

*Crema obſidione liberata.*

MDXIV.

**C**reatiana clades, qua nulla unquam Venetis contigit, vel exitu ſeclior, vel hoſtium incommodo levior, Sfortiam, Mediolani Ducem in laſſos fractosque alacriter impulit. Vocato itaque in ſubſidium & opem Proſpero Columna Cremam Venetis auferre nixus eſt. Verùm ea urbs non tam arte munita, quàm incomparabili Laurentii Ceritis vigilantia, & fortitudine deſenſa, univerſos obſidentium inſultus eluſit, quibus ille, crebrò per intempeſtam illunemque noctem erumpens, non modicas intulit clades; quodque fuit illuſtrius, præteriens ipſa hoſtilia caſtra, Bergomum uſque progreſſus eſt, & oppidum, jam Hiſpanorum ſpolium, invaſit, & Regii quæſtoris ædes populatus, reverſus Cremam, prædam militibus diſtribuit. Columna tanti viri virtute fractus, ſoluta obſidione reſceſſit inglorius.

*Ma-*

*Marianum proditione amissum.*

## MDXIV.

**P**ACTIS inter Maximilianum Cæsarem, & Senatum Veneretum induciis, ut interim de componenda inter utrosque pace Romæ ageretur, malè rebus nostris consultum est, proditione occupantibus Germanis Marianum oppidum intra Aquilejenses paludes. Præerat illi Alexander Marcellus, cujus intimus quidam familiaris, impetratis unius portæ clavibus, ut de more sub prima luce venatum iret, Christophorum Frangipanium, non procul ex composito in insidiis abditum, intra mœnia facili astu admisit, deditque in captivitatem Marcellum. Prodicti castrî nuncius Patrum auget mœstitiam, quia loci natura nimium opportuna erat alendo bello prope Urbem. Mature itaque decretum, ut quàm maximæ terra marique copię contraherentur: classi Franciscus Mustius, pedestri exercitui Balthasar Scipionius, & Hieronymus Savorgnanus præpositi. Interea Frangipanius robusto milite castrum muni-  
verat; unde postea tum maritimas, tum terrestres nostrorum vires infregit. Mariani quippe oppugnatio paludibus undecumque septi haud facilis cedebat; quamvis enim classarii non semel, quacumque sprete difficultate, audacter in muros scalis evasissent, non ita commodè pedites auxilio in tempore esse poterant, & aliquando, his ob viarum angustias præpeditis, navales manus rejectæ sunt, fugatæque cum cæde, & unius tiremis jactura. A pugna redit vulneratus Scipionius, ac inde tanta in militibus orta confusio, ut obsidionem de repente solvere tutius à ducibus consultum sit. Ultio interim de capto proditore habita; populari rabie in frustra dissecto, omnium animos paulum à tristitia revocavit.

*Bel-*

*Bellum alterum in Foro-Julio.*

MDXIV.

**R**EJECTIS pacis conditionibus, adhuc dura exigentē Maximiliano, qui saltem Vicentiam Reip. adimere conabatur, Pontifice atque Hispano auctoribus, omnis nostrorum cura ab oppidorum munitionibus pendeat, cū tot adversis rebus minimē frangi didicissent. Patavium in primis, Tarvisiumque conscripto etiam Venetiis milite confirmant: jamque Livianus satis amplas bellatorum manus in speciem justī exercitus cōegerat. Hæc inter Cardonius cum reliquis hostium ducibus in Patavinis consistit, Ateste diripit, urit cū agros, liberaque vagatus populatione, Rhodigium capit. misso deinde exercitus non infirmo robore in Forum-julium, omnia illius regionis oppida terrore percussa recipit, præter Osopium, quod unicum & hoc tempore Veneto paruit obsequio, Savorignanorum fide, & constantia. In eam provinciam reprefurus Hispani ductoris insultus adproperat Livianus, & extemplò ad Pordenoni oppugnationem dirigit acies. Ex arce, qui erant præsidio, quotidie pabulatum exhibant, atque per occasionem cum nostris crebra inibant certamina: sed Livianus, ut eos in integram dimicationem pertraheret, cataphractam Malatestæ Baleonii cohortem propius jubet excurrere, eamque si hostis adoriretur, veluti meticulosam effugere ad insidiarum loca. Germani, viribus & numero inferiores nostros universè penè eductis copiis invadunt, illi callidè cedentes incautos in insidias adducunt, ubi subsidaria manu adjuti, frontes obvertunt, ruentes excipiunt, opprimunt, fugantque capto eorum duce Rizanio. Palantes reliquias insectatus Livianus oppido victorem exercitum applicuit, & cū nulla deditiois signa acciperet, integra unius noctis expugnatione obstinatos fregit, rededitque

quæ in arbitrium, concessa militibus præda. His actis, Tilavemptum superat, ut Olopienses à Frangipanio durè vexatos liberaret. Hostis metum adventantis sensit: referre itaque signa placuit, ne in incertæ pugnæ discrimina suum committeret agmen, jam victum fama Liviani. Verùm cum segniùs hæc Frangipanius exequeretur, tergo hærentem Venetum experitur. quare in turpissimam fugam sedat, relictis etiam impedimentis, quò expeditiùs evaderet. Cæterùm insequente Provinciæ Legato Joanne Victurio nihil ei profuit effugium, atque municipia, quæ metu, aut vi Cæsari antea obtemperaverant, nunc denuò in Venetam transeunt potestatem. Sub hæc Victurius, inexplorata ingressus itinera, hostium fit præda, parùm sua fortelætatus, cum paulò pridem circa Glemonæ saltus, virum summè infensum Veneto nomini interceptisset, Christophorum Frangipanium. At Livianus oppugnandis arcibus intentus, Goritiam, & Gradiscas, omnium munitissimas, aggreditur. Sed, ut inde Venetum ducem averterent Hispani, unà cum Cæsarianorum copiarum parte ad rapinas, vastationesque in Patavinum agrum rediere.

*Rhodigium Hispanis ereptum.*

MDXIV.

Cum de incursionibus hostium quererentur Patavini, Livianus prætermisissin Foro-julio expeditionibus, oppressis laturus auxilia, festinanter advolat, & ad pagum, cui Brentellarum nomen, tutissimam sibi stationem erigit, monitus ab aperto bello, memoria præteritarum cladum, abstinere. Quotidie tamen hinc inde excursitabatur, ac impigrè se gerente Mercurio Bua, plures hostium cunei dissipati, Ateste nocturna aggressione caprum, tentatumq; Montanianum, Cardonii ibidem sedentis, atque prætime-re pugnam detrectantis objurgata socordia. Postcà Vene-

tus

tus imperator, Athesi trajecto, in Padanam insulam clàm transit, nihil æquè animo volvens, quàm ut illatas sibi ab hostibus injurias ulcisceretur, præcipuè offensus Antiniolæ nepotis captivitate, direptoque municipio, quod Cittadelam vocant incolæ: quippe sciebat res humanas, sicuti perpetuæ nunquam felicitati, ita nec adversis semper infortuniis patere. Hæc cogitantem non deseruit fortuna: profecturus itaque in Rhodigii expeditionem, milites sui consilii ignaros esse voluit, indicto in Vicentinos itinere. ea propter per tenebras movit castra, indigenas, & obvios quosq; cœpit, non tam ut hostes celaret adventum suum, quàm ut, quid de ipsis foret, exploraret. tandem imperavit, Malatestam Baleonium cautè obequitare Rhodigium, admonuitque ut nusquam præter necessitatem, se belli fortunæ committeret. Hic Hispanos, qui in aliam partem conversa audierant Veneta signa, metu vacuos, solutis neglectisque excubiis torpentes, apertasque ob nundinas oppidi portas offendit: tantam nactus opportunitatem celeri, ac peracri impetu perrumpit, nulloque resistente penetrat in medium forum: è vestigio itaque turbat ibi omnia, imparatos prosternit, ac demum superveniente Liviano, hostes omnino cedere, ac sese dedere cogit, armis turpiter projectis: ipse verò præsidii dux Garcias Mericus Venetis carceribus mancipatur. Recuperato Rhodigio, faciliè cætera illius Peninsulæ castra Reip. restituuntur: pari ferme astu, ac sollicitudine per eos dies eripitur iterùm hosti Lemniacum.

*Crema rursus servata. Bergomum recuperatum,  
repente deperditum.*

MDXIV.

**Q**uantæ molis sit in bello Ducum solertia, ac struendis hosti insidiis ingenium, Laurentii Ceritis facinus in primis docuit, qui rursus à Sfortia, eodem Columna duce, Gre-

Cremæ inclusus, iterum quoque magna sui nominis fama urbem liberavit. Cum enim hostium molestias amplius ferre non posset, audaci consilio eos summè afflixit. Pyrio namque pulvere, qui ad tempus ignem conciperet, ligneis tubis, ollisque testaceis disposito, perrexit tacitus in hostilia castra, in eaque prospero eventu paratos dolos contorsit. cum igitur concepta flamma statim tentoria corripuisset, & vagum passim, furensq; incendium concitasset, volantibus undiq; flammarum globis, nemo loco consistere audebat, & quisq; in fœdam subito trepidationem, fugamq; rapiebatur. Cerites hostes probè confusos, consternatosque aperto Marte aggressurus internecione profligavit, castris exiit, & multa dives præda in oppidum rediit. Exinde majora animo concipiens, & Bergomum concubia nocte progressus, receptusque à civibus, nimia Hispanorum superbia & avaritia oppressis, præsidium inexpectata irruptione profligavit. Hæc fama excivit è vicinis munitionibus Cardonium, & Columnam: propterea Cerites urbem, quò validior esset adversus totam ingruentium Hispanorum vim, novis machinis, muris, aggeribusque obfirmare omni ingenio studuit. Verum cum illi rem bellicam, & oppugnationem sedulò tractarent, & per diruta tormentis moenia non uno loco pateret oppidum, Cerites cum sibi, ac suis liberum in Cremenenses transitum, civibus pariter rerum, & corporum incolumitatem impetrasset, Bergomum Hispanis ducibus reliquit; qui promissorū immemores, causatiq; militum indignationem, ob interdictam prædam, Bergomates pecunia mulcant: inde in Livianū vertunt agmina, qui horum advetum præfagiens, novo, & à nullo antea tentato itinere è Lœniaco per limosas difficileq; paludes exercitum ad Caput-aggeris; mox Patavium, deluso hoste traduxit, qui Venerum ducem si in veterem Brentellarum stationem rediisset, aut fluminibus inclusum opprimere, aut omnino apparatu bellico se certò spoliaturum arbitrabatur.

E e Hel-



*Helvetij victi ad Marignanum .*

MDXV.

**V**Ita functo Ludovico XII Gallorum Regi successit Franciscus Valesius, hoc nomine primus, qui ut primùm Regni imperium suscepisset, extemplò suas & ipsè vires, conatusq; omnes in Insubricam expeditionem convertit, renovato cum Venetis fœdere. Quamobrem Maximilianus Sfortia perpendens, quanta sibi calamitas impenderet, imploratis Maximiliani Cæsaris, & Leonis Decimi auxiliis, Helvetiorum penè innumerabiles manus accedentibus Gallis opponit. Sub hæc Raimundus Cardonius, & Columna Pontificio exercitui modò datus imperator, ut aliquo belli terrore nostros ab Gallis sejungerent, uno eodemque tempore Vicentiam, & Patavium simulata oppugnatione perterrefaciunt. Porro in Vicentiæ propugnationem è præsidio venerat Cerites, Patavium Livianus. Omnibus autem militum præfectis constans erat consilium, ab oppidis propulsare hostem, non in apertam pugnam descendere, donec accederent Galli, ut denique conjunctis exercitibus ex æquo ulciscerentur injurias, quas superioribus annis Veneta Resp. fraudata victoriæ parte, potissimumque ab Hispanis decepta acceperat. Cæterùm nihil aggressi sunt hostes in hac provincia, ad obstruendos solum montium aditus delati, ne Galli descenderent. Sed hi copiis ingentibus instructi, equitatu in primis florentissimo, Palicia, & Humbercutius duces in Italiam per Liguriæ fines venire. Ingressi bello destinatam regionem ad Villam-francam agri Veronensis invadunt Prosperum Columnam, Sfortiæ auxiliarium, victumque delatis, aut interceptis Pontificiis turmis, in Galliam captivum mittunt. Sub id temporis Cerites, in Cisalpinos reversus, Mediolanenses diris vastationibus territaverat, & Ode-

& Odethus Lautrechius, magnæ existimationis dux, Novariam occuparat. Postremò ducente Rege validiores copias ad Marignanum, quod Mediolanum, ac Laudem Pompejam interjacet, castra promota sunt: haud procul Regis stationibus iussus est consistere Livianus cum exercitu, qui ex fœdere constabat X armatorum millibus, atque in id sua vigilantia incumbere, ne cum Helveticis reliquæ fœderatorum hostium legiones jungerentur. His ita dispositis, Mediolanum urgeri cœptum est. nam primaria urbe capta, cætera in deditionem ventura credebantur. Ex eo oppido Helvetii confertis agminibus non minùs, quàm arroganti Novariensis pugnæ recordatione in Gallos procurrunt, qui sedentes adhuc in castris, & inopinatò petiti facilè sub primis congressibus loco dimoventur. sed ubi Rex affuit, suosque sustinuit hortando, pollicendoque omnia prædæ victoribus futura, redintegratum est certamen. Helvetii tamen ea pertinacia, & vincendi spe dimicabant, ut iterùm ab Gallis trepidatum sit: producta nihilominùs usque in alteram diem cruentissima dimicatio, ad quam postremò vocato in defessorum subsidia Liviano, Rex maximum suis rebus, & summx demum victoriæ momentum attulit. Venetus imperator cum levis armaturæ equitibus trecentis è Laudensi agro, in hostiles acies velocissimè supervenit, suos hortatus, ut se, in contrarias phalanges ex transverso irruentem, sequerentur. Quare ea vi, atque impressione Helveticos cuneos adortus est, ut hostes in se Venetas omnes turmas uno eo impetu motas crediderint: ob id cæsi, fugæque dissipati; memorabili atque illustri exemplo, quo superba Natio intellexit, quantum Itali virtute, ac generositate præstarent. Mediolanenses XV Helvetiorum millibus desideratis, ne quid deterius ab irato victore acciperent, veniam & pacem maturata deditione impetrarunt: urbis arcem, dies aliquot oppugnatam, ipsius Sfortiæ ca-

captivitate Rex obtinuit, brevique totam sibi subegit Insu-  
briam: attamen insignis de Helvetiis victoria Liviani vir-  
tute parva, suo auctori minus læta obtigit. Nunquam is  
bellorum laboribus intermissis, fessus, ætateq; gravis, utpotè  
sexagenario major, paulò post ex febre interiit vir omni  
bellica laude dignus, & quo nemo melius militares leges  
percalluit; si frequentius in ipso expeditionum cursu bona  
fors illius consiliis, factisque respondisset.

*Brixia, Bergomum, Verona à Veneto recepta.*

MDXVI.

**B**artholomæi Liviani manibus non tam exercituum,  
quàm Patrum lacrimis diu parentatum est. Corpus  
Venetias delatum, in Protomartyris æde honorificentissi-  
mè conditur: & quia nullo unquam tempore de se bene-  
merentibus ingrata fuit Resp. tanti ducis memoriam, ere-  
cta ibidem marmorea statua, nostra hac tempestate posteris  
renovavit. Extincto Liviano nemo alius repertus, qui di-  
gnè succederet, quàm Joannes Jacobus Trivultius. Igitur  
per Senatum ab Rege impetratur, ut ille susceptas expedi-  
tiones compleret. Hæc inter Georgii Hemi Legati impe-  
rio ductus miles omnia fermè Veronensis agri nobiliora  
municipia Reip. acquisivit: & ubi Trivultius exercitibus  
imperare cœpit, circum Brixiam militares ordines distribu-  
ti sunt, erectæ munitiones, concussa tormentis mœnia, &  
pluribus in locis tentata irruptio. cæterùm validos globo-  
rum jactus solidæ murorum structuræ, ac præsidarii mi-  
litis vigor, aspernabantur, unde cùm nihil vires bellicæ,  
artesque profuturæ viderentur, ipse Trivultius diutinam  
obsidionem dehortatur. Porro mens Regis, in Remp. grati,  
ea erat, ut illa in pristinam sui status majestatem rediret.  
Dato itaque supplemento Brixie acrius insistitur, frustra  
tamen: & cùm dies aliquot mœnibus demoliendis nequic-  
quam

quam concertatum esset, omnium ducum sententia ea fuit, ut impeditis itineribus, interceptisque commeatibus fame & inedia assequi conarentur, quod armis difficile videbatur. Sub hæc suos in obsidentes eduxit Cardonius, & excitata fama accepti ab Germania subsidii eos ab incoeptis deterruit. Hinc turpiter mutatis terrore animis Brixiae terga verterunt; Galli Mediolanum festinavunt, quasi vocati ad opem adversus hostiles acies, quæ dicebantur eam urbem oppugnaturæ: Nostri, qui soli robustissimas copias sustinere non poterant, eosdem sequuti sunt: hunc Gallorum, Veneratorumque recessum pro apertissima fuga accipientes Hispani, Mediolanensem agrum urere, vastare, & diripere coeperunt; eoque atrocius, quod nihil usquam adversum hæc calamitates provisum fuerat, & quia pronum ad obsequium credebatur Mediolanum. At foederata nostrorum agmina, in se ipsa reversa, tantarum injuriarum ultricia arma in hostes converterunt, pugnandoque redegerunt Cardonium, nimium sibi fisum, ut proxima nocte bello excederet, aliis futurus exemplo, quod nemo celerius opprimitur, quam qui nihil timet. Repressis Hispanorum insultibus, Gallisque constantius adjuvantibus, Odetto Lautrechio duce, Veneti alteram moliuntur Brixiae expugnationem, & hanc peragere voluere non quidem machinarum impetu, & irruptionibus, sed impedita annona, interceptisque auxiliis. Obseptæ sunt igitur, obseratæque viæ, ac jugi patientia toleratæ hostium impressiones: tandem ut ad fœda fordidaque ventum est, quæ in cibi usum necessitas vertebat, neque ulla commeatus, aut subsidii spes appareret, de deditione actum, ea lege, ut nisi in posterum diem afferrentur suppetiæ, exiret militari more præsidium, & urbs non Venetis, sed Gallis traderetur, a quibus illam Hispani acceperant. Assensit quibusque conditionibus Andreas Gritus, & innatum ei genti fastum sprexit, modò Brixiam obtineret: fortiores subinde manus imperavit,

vit, quæ attentius observarent aditus, & obsessis annonam, subsidiaque intercluderent; hac diligentia maturatur deditionis dies, & omnium primus Lautrechius urbem ingreditur, eamque ab Hispanis receptam subsequenti Grito restituit, tanto civium applausu, & renovati obsequii alacritate, ut inde satis constiterit, firmissimum illud esse imperium, quod populi ultrò amplexantur: pari studio circumjacentia oppida, Bergomumque exturbatis præfidiariis, Venetorum leges & administrationem læta receperunt. Verona clara urbs ad victoriæ, imperiique dignitatem restabat. Hanc Cæsareo nomine defendebat Marcus Antonius Columna, qui ut ejus obsidionem impediret, præmisso equitatu munitum pagum Valegium pro statione sibi occupat, atque in primas Venetorum acies, remorantibus Gallis ob non soluta stipendia, erumpens, Gritum ultra Mincium propellit. sed ubi sociis satisfactum est, & in unum contractæ vires, nostri obversis frontibus loco Cæsarianos deturbarunt, eosque insecuti intra oppidi munimenta rejecerunt; eo tamen facto non ita ducem terruerunt, quin Vicentiam nocturna aggressione prædaretur. sed interim majoribus tormentis ita quatiebatur Verona, ut per amplas murorum ruinas irrumpi intra mœnia posset: at hostes, animante Columna audacter obstabant, neque ullus erat propugnatoribus vacuus locus, summaque celeritate novus pro diruto murus objiciebatur. Ipsa denique fortuna obsessis visa benignior, cum, sive casu, sive dolo, quicquid sulphurei pulveris in urbis expugnationem à nostris paratum erat, illud totum unico temporis momento concepta flamma conflagrarit. Hinc hostibus data quies, donec ad castra major ejusdem pulveris vis convecta est, instaurataque oppugnatio. Tandem Grito visum est oppidum non esse amplius irruptionibus tentandum, neque cum desperatis agendum armis, sed fame, quæ omnem audaciam prostermit. Crovariam itaque ad ripas Athesis arcem expugnandam, ac

Vicentinos colles obsidendos: non enim aliunde hostibus importari necessaria. Galli verò ad omnes impetus proni, crebrò sibi per diruta mœnia aditum quærebant: at quia nulla murorum pars sine præsidio, aut vacua machinis, ferè semper maxima subeuntium strages edebatur, neque alia spes apud inclusos, continuante obsidio, quàm propria animorum virtus & constantia, præeunte Columna, ut verè appareret, tanti aestimari exercitum, quanti ducem. Postremo, ut placuit, diuturno huic bello, maximisque ærumnis finis impositus, pace Bruxellis inita inter Franciscum Gallorum Regem, & Maximiliani Cæsaris nepotem Carolum: cum Venetis pactæ sunt induciæ, ut interea sanctiùs de pace firmanda agi posset. Itaque hortante tandem Rege in eas conventiones cum Carolo itum, ut persolutis ducentis aureorum millibus Respublica Veronam haberet. Quoniam verò hæc pactio aliquam Imperatoriæ existimationi maculam irrogare videbatur, Brixie exemplo, Verona Gallo, non Veneto, permessa est. Senatus nullas non æquas condiciones duxit, modò optatissima urbe potiretur. Hanc Lautrechius sibi à Cæsarianis traditam Grito cessit. Et hic Cameracensis fœderis in Remp. bellicæ, quo jam octavum annum Italia miserè deflagrabat, exitus fuit. In eo quis fortunæ, & humanorum eventuum vicissitudines satis miretur! Una Veneti Senatus in turbidis rebus, conuerso in se totius fermè Europæ impetu, constantia, atque prudentia, amissa recepit, pristinumque imperii decus cum dignitate consecuta triumphavit.

FINIS LIBRI TERTII.

JOAN-



# IOANNIS BAPTISTÆ

V E R I

CANONICI PATAVINI

## RERVM VENETARVM

LIBER QVARTVS.

*Bellum Insubricum septimum.*

MDXXVII.



Ax, quæ in Italia diu integra sperabatur, sopitis jam tum bellorum incendiis, mutua æmulatione & odio duorum potentissimorum Principum, Caroli Quinti Imperatoris, & Francisci Primi Gallorum Regis, disrupta est. Ille sibi Mediolanensem Principatum, quem Cæsarum appellabat patrimonium, ereptum: hic se Neapolitani Regni hæreditate spoliatum contra fas, acerbissime querebatur. Hæ causæ bellum concivere toti Christiano orbi luctuosum. nam per ea tempora dissidentium nostrorum Principum ambitu & pervicacia, altiùs crexerat animos Solymannus, Turcarum Imperator,

rator, civilesque Christiani populi discordias in sua com-  
moda vertens, haud cunctanter arma sumpserat: & ea bel-  
lorum tempestas Venetam quoque Remp. involvit, las-  
sam adhuc Cameracensi vulnere. Porro ut in parta tran-  
quillitate Italia tantillum conquiesceret, Leo Decimus  
Pontifex cum Gallo primum, mox cum Veneto Senatu,  
quem Italicæ libertatis assertorem nuncupabat, fœdus con-  
traxit in Carolum: ne si armatus, ut fama erat, hanc provin-  
ciam ingrederetur, confirmatæ pacis fructum ei adimeret.  
Igitur ex fœdere junctis in unum copiis, dum adversus  
ferocem hostem pugnandum erat, sese aperuere Leonis  
consilia, Parmæ, ac Placentiæ dominationem affectantis:  
cùm enim eas urbes suæ familiæ acquirere Gallorum ami-  
cicia desperaret, in Cæsarianas partes, ceu quæstuosiores,  
& in fœdus iis legibus deflexit, ut Cæsar expetita oppida  
sibi traderet, ipse verò Neapolitanum Regnum occupanti  
addiceret. Tanta rerum animorumque subversione com-  
mota Resp. confestim per suos Oratores admonuit Pontifi-  
cem, majoribus, quàm antea, calamitatibus, bellorumq; tur-  
binibus patere Italiam, imò totam subjacere Europam;  
cùm jam pridem, evulgata Caroli & Francisci discordia, So-  
lymannum ad arma conversum certi afferrent nuntii. Cæ-  
terùm, ut primum in Gallos fœderatorum erupere odia, fu-  
nestissimis bellorum incendiis Insabria potissimum miserè  
jactari cœpit, Veneti sanciti cum Gallo fœderis tenaces,  
Lautrechio, septem armatorum millibus, parant auxilia.  
Parma belli prima sedes à confœderatis hostibus destinata  
est: illam Prosper Columna Pontificii ductor exercitus ag-  
gressus, tanta Gallorum, Venetorumquæ consternatione  
cœpit, ut omnes simul copię veluti unica impressione simul  
fussæ viderentur. Oppugnata, ac domitæ urbis rumor ad sui  
recuperationem mirum quàm sollicitavit Lautrechium. Is  
summissis Mediolano copiis Parmam altero defectionis die  
& obsidione cinxit, & recepit, incredibili apud omnes

Ff admi-



admiratione. Post hæc magni nominis dux, Helvetiis obtinuit, ad Oleum annem victrices copias deduxit. Ea Natio uno, eodemque tempore Cæsarianis Gallicisque stipendiis merebat, & in se invicem ferebat signa. Sed apud venalem gentem fas, ubi merces major. In Brixienfibus ad Octolengum omnia turbabat, horrenda in omnem sexum, ac humanas sacrasque res grassatione, foederum sanctitati prælata pecunia. cum tamen è primis velitationibus animadverteret Lautrechius superare hostes numero, Mediolanum signa retrahit; & Venetos ad ferendam Laudi Pompejæ opem destinat. verum inde recedunt haud pares propugnationi adversus Columnam, toto exercitu circumvallantem oppidum, quo tandem etiam potitur, & pleraque alia castra consequitur, quæ nulla prorsus vi expectata, defecerunt. Sed ubi ad manus ventum est juxta ignobile municipium, Piccocam, infelicissimo Gallorum exitu, tota visa est tremere Italia, veluti externæ gentis dominio paritura. Exinde, cum omnia magis arderent bello, & quilibet terrore tum præsentium, tum jamjam imminentium malorum metu trepidaret, Veneti, qui numquam antea non auxilia suis foederatis suppeditabant, ut ob id Gallicæ fortunæ individui comites appellarentur, sibi tandem unis rati finitimorum Principum, ac nobilissimæ provinciæ securitatem conceditam, in Cæsaris amicitiam societatemque transire, suadente Andrea Grito, qui rediviva semper virtute seipso major clariorque per id tempus ad clavum publicæ administrationis sedebat. Videbatur abundè satistaetum Gallico foederi, malebatque Senatus Venerus invidiæ objici, quàm communi deesse causæ. Tanta novitate iratus Franciscus, Insubriam summa vi pertentat, duce Gulielmo Gausferio, qui, regia arma quocunque circumduxit, omnia ad deditionem prona habuit, Novariam, Laudem Pompejam, & proxima quæque oppida. Sed hæc prima Gallorum brevissimi temporis felicitas; ab Cremonensium oppugnatione

tione Gauferius Venetorum constantia repellitur, fugaturque demum ab Cæsarianis memoranda strage. Rex suorum internecionem ubi audiit, & quàm verè diceretur Italia Gallorum esse sepulchrum, ipse sese hostibus, ac Regiam opponere majestatem decrevit, eoque citiùs ob delatam Caroli Borbonii defectionem: sic in dies magis magisque gliscentibus bellorum seminibus, Italia, facta veluti decertantium arena, tot tantisque repletur copiis, ut universi orbis imperium tenere iterum potuisset, si illa, non in sua viscera, sed in imminencia barbarorum capita convertisset. Urigitur per Taurinos regia castra movere, & insonuere armorum strepitus, fortuna Gallorum conatibus adfuit: Mediolanum repentè subigitur, vicina castra, urbesque, dato quasi signo, victoribus se prosternunt, indecora fuga è munitionibus propulsantur nostri, atque intra Ticini, Laudisque Pompejæ moenia arctissimè sepuntur. Interim tamen fregit Regis consilia ineluctabilis fatorum vis. nam cum divisis hinc inde armis, quæ in una Ticini oppugnatione simul coire debuerant, hostes variè distractos, implicitosque tenere voluisset, erumpente cum Cæsarianis Borbonio, Gallorum stationes minùs defensæ, vacuæque necessariis præsiidiis occupantur, ingenti illorum strage, ac ipsius Regis captivitate, qui, cum nemo ingruenti vndeque hostili agmini frontem obverteret, equo semel, atque iterum suffosso pedestre certamen inire cogitur, & ab hoste traducitur in Hispaniam. Hac infanda expeditione, ac lacrimabili pro Gallis pugna, octo eorum millia cæsa dicuntur, cuncta bellica impedimenta amissa, & quod majus, tota Insubria Carolo restituta: bello tamen oborto nullus finis dari posse videbatur, nulla Italiæ quies, vel capto Rege, vel Cæsare victore. Hic rebus tam prosperè gestis audax feroxque animum ad aliora & non concessa portendere visus est, spreteque initorum foederum sanctione Franciscum Stortiam in Mediolanensi arce clausum obsedit: & quia

non alia pacandæ Italiæ spes confœderatis reliqua esse videbatur, nisi Sfortia in pristinum statum restituto, nova Principum societate Cæsareæ ambitioni erat obstandum. Venerus prudentissimis consiliis eò inclinabat, ut amplectenda censeret ea pacta legesque, quæ tutò Italicam securitatem promitterent. Quamobrem cum ejus temporis Pontifice, Clemente Septimo, cum Florentina Rep. cum ipso demum Gallorum Rege devincitur, qui Hispani custodia liberatus, se iis conditionibus haud teneri profitebatur, quas non voluntas, sed necessitas expressisset. Fœdus in Coniaci oppido igitur: decretumque, ut constitutæ societatis auspicia ab liberatione obseffi Sfortiæ fierent. Ad hæc expedit Carolus Legatum, qui Pontifici, Venetoque denunciaret, se & ad pacē, & ad arma paratū: alterutrum eligeret, qui aut quietem mallet, aut belli incommoda. Constanter, ac unanimiter responsum: à tot Principibus itum esse in fœdera, ut Italica libertas integra staret: ab illis haud recedendum, nisi communi consensu, & certa cujusque regionis incolumitate. Interim Venetæ, ac Pontificiæ manus Petro Pisauo duce Laudem Pompejam vi capiunt, captamque haud minori postea solertia Malatesta Baleonius retinuit. Summa tamen auctoritate Franciscus Maria Feltrius Urbinatum Princeps præerat exercitibus, ac præsertim Veneto, qui inter cæteros decem armatorum millibus constabat. Hoc robore Mediolanum petendum erat, & Sfortia eximendus obsidione: At dum cunctando res agitur, nec præstò essent Helvetii, quorum novem millia Reip. impensis erant conscripta, Sfortia, cui jam alimēta, & auxilii spes deerant, arcis deditionem facit, una pro conditione Comum sibi pactus. Hæc inter Baleonius vi Cremonam obtinuerat, quam ex fœdere Sfortiæ tradidit. Mutuæ interea singulis fermè diebus fiebant urbium quassationes, deditionesque, & interdum uno, eodemque die ab hoste captæ à nostris recipiebantur. Procedente bello, cujus molem sola Veneta Resp. sustinere videba-

debatur, satis apparebat, pacta fœdera plus auctoritate & fama, quàm viribus valuisse. Gallica enim tardabant auxilia, Helvetii in castra solutis ordinibus descendebant; ac per eos dies Pontificæ opes acriter à Columnensibus, Cæsareanarum partium fautoribus, sollicitabantur. Hæc propter Venetus suorum finium propugnationem Feltrio imperavit. Quare nihil ampliùs tentatum, sed aucto milite, urbibus, castris, populorumque tutelæ prospectum, prætermisissaque à nostris Mediolanensis expeditio, ne dum aliena curarent, propria perderent. Cæterùm Carolus Borbonius, armis aliò conversis, Romam contendit, atq; in nomen iusti belli adversus Pontificem attexit denegatum sibi transitum in Neapolitanos, quos per id tempus maritima nostrorum classis exagitabat. Aggressus ille temerario ausu Romanam urbem, quasi suo fato obsequeretur, dignum expeditionis fructum consecutus est. Sub mœnibus enim, dum inter primores pugnam ciet, glande plumbea percussus interit vir tanto exitu clarior futurus, si pro ejusdem urbis defensione concidisset. Milites cædis sui ducisignari, concepto impetu fervidi, Romana mœnia expugnant, captamque urbem Hunnis ac Vandalis sæviores diripiunt, tanto sacrarum rerum personarumque contemptu, tam promiscua miserorum civium cæde, ut nulli ætati, nulli sexui, nulli denique sacrilego facinori parcerent. Romanæ calamitatis fama, totum Christianum orbem pervagata, vniuersos Principes summè commovit, atque in prius confœderatos; ita ut illico missis ultrò, citroq; legationibus, immortalis penè odio simul in Cæsarem accenderentur, renovatisq; fœderibus indigni sceleris vindictam exposcerent. Dum igitur ultioni, ac Romanæ sedis patrocinio parantur exercitus, atq; adeò jam Lautrechius, auxiliario Veneto, Buschum, Alexandriam, Ticinumq; occupasset, Clemens parum decoris conditionibus ad Cæsareos inclinavit, vel captivitatis impatiens, vel vindictæ avidus in Florentinos, quitum à suis

suis desciverant, ejectionisque Medicæis, popularem statum instituerant. Exemplum secutæ ferè omnes Flaminiaæ urbes in diversa studia scindebantur: Cerviensès, ac Ravennates non aliis, quàm Venetis obtemperare decreverant, eorum dominium ipsi libertati præferentes.

*Bellum Neapolitanum secundum.*

MDXXVII.

**M**Ari quoque adversus Carolum Quintum, Italiae quietis perturbatorem, hoc tempore pugnatum est: & quidem ex condito cum Gallis fœdere, primùm navigavit in Tyrrhenum Aloysius Armerius viginti rostratarum classe, & cum Prorege Neapolitano navali certamine tam prosperè conflixit, ut ob partam de eo victoriam, & insignem hostium jacturam, Galli iterùm ad Regnum Neapolitanum animos admoverint. Prope Sestrium in Genuensi ora primò commissa pugna, mox datus classi Legatus Augustinus Amulius; demandataque terrestrium copiarum cura Petro Pisauo, & Andrea Civrano, Neapolitanam provinciam unà cum Gallorum ductoribus Veneta agmina terra quoque invadunt. Expugnatis primò Puteolis, reliqua secus littus oppida facilè capta sunt; eademque armorum felicitate in mediterranea penetrantes, edita Surrentinorum clade, quia restiterant, universum Samnium subjugarunt. Post hæc, suppleta classe, Petrus Landoè Corcyra in Campaniam trajecit, ibique, missus ab Rege, Lautrechius etiam affuit, ut junctis simul terrestribus maritimisque viribus oppressi adhuc Pontificis vindictam, & Italiae libertatem reportaret. Quamobrem Gallus, Veneto ubique socio, Genuam, & Liguriam omnem Regiæ potestatis fecit: Venetus, favente Gallo, Molam, Polignanum, & Monopolim, urbes, quæ, jam pridem moderato Reip. imperio assuetæ, ab Hispanis cupidissimè rebellarant, in  
dedi-

deditionem accepit: ac consequentibus sese victoriis, Brundisium, omniaque Calabria, Apulia, ac Salentinorum municipia occupasset Landus, nisi ex Senatus decreto Gallis obsecutus, Neapolim cum classe excurrisset. Ea urbs obsidioni, ac expugnationi destinata, dies aliquot in summa rerum penuria ac desperatione hostes morata est. Landus, cum primum applicuit, omnem mari commeandi facultatem sustulit, eandem terra Galli eripuerunt: inde obsessi brevi erant se dedituri, recasuraque Neapolis in Gallorum dominationem, victis maritima decertatione hostibus haud procul Salerno. At interim pervagata exercitum lues, extinctus Lautrechius, dissipataque procellis classis, & oppressæ immodico æstu Gallorum reliquiæ, Neapolitanum obsidium fregere, quasi tot ærumnis fortuna edicere voluisset, Italiae imperium Gallis non esse decretum, neque Venetæ Reip. sub Apulo Cælo virium suarum propagationem.

*Bellum Insubricum octavum.*

MDXXX.

**D**Elata ad Cæsarem Gallorum, Venetorumque impressione in Insubriam, ac Neapolitanum Regnum, exemplo Henricum Brunsvicensium Ducem cum exercitu ad ultionem properare iussit in Italiam, quæ nondum factorum rabiem tot continuatis calamitatibus exsaturaverat. Hostis, qui famam sui adventus prævenerat, ab Tridentino jugo in Veronensem agrum diffusus, villarum incendiis bellum primò miscuit: postremò ad oppidorum conversus expugnationes, Pischerium, aliaque circa Benacum fortia munimenta in Cæsaris obsequium vi traxit. Pejora moliturum Germanum hominem cohibuit Franciscus Maria Feltrius, Urbinas, Veneti militis imperator, qui motis è Bergomatibus castris insultanti sit obvius, & com-

commissis per occasionem certaminibus eo penuriæ, me-  
 tusque adegit Cæsarianum ducem, ut nunquam ausum è  
 stationibus egredi, fame, ac militum fuga inermem prope  
 redderet. Profligato, atque ita fracto hoste cuncta deinceps  
 prospera fore videbantur, modò Antonius Leva, Hispana-  
 rum acierum ductor Mediolano pelleretur. Huic Feltrii  
 sententiæ adhæsit Franciscus Borbonius, ab Rege per eos  
 dies Lautrechio in bellica administratione suffectus. Sic ad  
 animorum concordiam accedentibus foederatorum Prin-  
 cipum viribus. Ticinum, paulò ante receptum ab Hispani-  
 nis, nostrorum validæ oppugnationi primùm succubuit.  
 oppidum enim corona cinctum, & majoribus tormento-  
 rum machinis diu cōcussum, obsidentibus tandem patuit,  
 cū per abrupta mœnia cæteris antesignanus Feltrius ad  
 interiora penetraret. Hac victoria, quæ ad totius Mediola-  
 nensis Ducatus occupationem erat instrumentum, incertum  
 cur noluerit uti Borbonius, suscepta tunc in rebel-  
 lantes Ligures expeditione. Victoribus nihil præter Me-  
 diolanum reliquum erat, quo subactò jam neminem vin-  
 ci puduisset. Verùm abeuntem Gallum à tergo infecutus  
 Leva, noctu, ac sine militari strepitu, ut illum falleret,  
 circa Landrianum repertum, malè mulctavit. Exinde  
 Hispanus, concepta spe nostri etiam dissipandi exercitus,  
 nulla mora cis Abduam castra disposuit. Feltrius inse-  
 ctantes hostiles manus simulata fuga decipiens, compo-  
 sitisque dolis fermè peditum duo millia trucidavit, atque  
 Levam veluti è naufragio fugientem cum paucis Medio-  
 lanum usque persecutus est. Sub hæc certis nunciis evul-  
 gabatur Cæsarem in Italiam venturum, totisque viribus  
 oppugnaturum Remp. quæ una illi rerum Italicarum  
 fortunas inturbabat. Non usque adeò timebat eam  
 famam Venetus Senatus, jam professus se omnia Carolo  
 redditurum infesta, modò Gallis eadem cura esset: qua de  
 causa facti novi militum delectus, firmioribus præsidii  
 muni-

munitæ Apuliæ urbes, adjutus Sfortia pecunia, & milite, quo impigrè bellum suos in hostes capesseret; recentisque ornatae classes, ut nemo non ad stuporem miraretur Venetam Remp. ex Cameracensi conspiratione adhuc anhelantem, tot cogere exercitus, tot in locis resistere vi, atque constantia, ac reliquis Italiæ Principibus optatam provinciæ quietem per se solam restituere potuisse. Versabatur in hoc rerum statu Italia, atque in dies magis, magisque terrebat adventu Cæsaris, cum nuncius de pace affertur, sed muliebri firmata ingenio, Margaretæ scilicet Austriacæ, & Ludovicæ Galliæ Reginæ; eaque Cameraci sancita, exclusis cæterorum Principum Legatis, Carolo tantum & Francisco prospiciebat; Nobis verò nihil consultum, sed quid boni sperari ex ea urbe poterat, ex qua paucos ante annos omnium misèriarum colluvies emanaverat? Merito igitur commota est Resp., quòd nulla sui ratio esset habita. quare Gallorum societate rescissa, omnia devovit Sfortiæ, ne avito spoliaretur imperio, atque in novum belli apparatus summa cura incubuit. Tandem, Deo propitio, ad pacem animum adjecit Carolus, in Pannonia per ea tempora Turcicis armis divexatus. Igitur in Bononiensi conventu decretum est, ut erogatis Cæsareæ majestati centum aureorum millibus Veneta Resp. quascumque urbes, oppida, castra, juraque obtinisset in continenti, liberè deinceps, ac pacificè possideret, Pontifex Flaminia civitates reciperet, occupataque Regni Neapolitani municipia restituerentur: ita demum Resp. post diuturna, ac gravissima tot annorum bella, tantasque calamitates, quas non sine Divino numine in experimentum Venetæ virtutis & constantiæ illatas putandum, pacem, ad quam semper sua consilia virefque direxerat, cum dignitate obtinuit.



*Bellum Turcicum quintum.*

MDXXXIX.

**D**Um in Italia, rerum quondam domina, Christiani Principes, fatiscne, an invidia, odioque inter se, tum de gloria, tum de potentia præliabantur, alibi barbaræ gentes nostrorum sanguine squalabant. Quantum scilicet cruoris hausit Solymannus, Belgrado expugnato, vastatis Pannoniis, occupata Buda, Viennæque obsessa: nec minùs formidandus maritimis viribus, capta direpraque Rhodo, atque inde pulsa Hierosolymitana Religione, passim direptis, ac incensis oppidis, ac populis immanem in modum cælis. Hisce cladibus & injuriis excitati Clemens VII. Pontifex, & Carolus Imperator in unum coeunt, ut effrenem & barbarum hostem repellerent, & ita, quam Cæsari pacem communium sacrorum religio suadere non potuit, extorsit Turcarum metus. Interim Solymannus accepto decretæ in se expeditionis nuncio, Chariadeni celebris piratæ opera Tyrrenum litus populatur. ut à Barbaro illata damna, reponeret Andreas Auria, jussu Cæsaris, in Græciam solvit, repulsoque ex Ambracio sinu Himerali, Othomannicæ classis præfecto, Coronem, Patrasque in Peloponneso obtinuit. Nec defuere præclara ingenia præliis tum maritimis, tum terrestribus enarrandis, quæ per ea tempora inter Cæsarem, Turcamque commissa sunt. Veneti autem instructis sexaginta triremibus cura ac imperio Vincentii Capelli, insularum, urbium, littorum, subditorumque defensionis consuluerunt. Interea per occasionem belli, quod inter Cæsarem, & Turcam gerebatur, non defuerunt, qui piraticum in morem nostra maria infestarent. Prædonum ultio Francisco Dandulo, Adriatici Sinus præfecto mandatur. Hic ad Sasonem in Epiro latrocinantes insequitur: at numerosiores aggredi non ausus, versusque in fugam  
corum

corum fit præda, atque Constantinopolim deportatur, posteaque è captivitate reversus, Jaderæ ob rem turpiter administratam mœrore contabuit. Haud multò post Maurus Alexandrinus, ex Coronensi obsidione solvens in Africam, Hieronymum Canaliū, classis legatū, apud Cretam offendit: Noctu id accidit, atque uterque diu inter se falsa de hoste conjectura dimicavit, Venetus sibi obvios piratas, Turca, Hispanos esse suspicatus: superante Canaliō Maurus, totis penè suis exutus viribus, captus est: atamen statim dimissus, cū nomen ediceret, expeditaq; ad Solymannū legatio, quæ nocturnum facinus excusaret, ne Venetus peccasse in fœdera crederetur. Sub hæc, fugato Chariadeno, Carolus Quintus Tunetum recuperat, & precarium regnum Muleassi reddit. Moritur interim Romæ Clemens Septimus, eique Paulus Tertius sublegitur; quo tempore ex Francisci Sfortiæ interitu, novique Pontificis electione, aliæ spes, alii hominum animi, alia quoque Italiæ fortuna videbatur, dum ex publicis perturbationibus privata commoda sibi astruit ambitio. Absente Carolo, Franciscus Rex ad veteres redit inimicitias; quia continuum inter æquales discordiæ malum. Allobroges primi omnium Gallica arma sensere: eorum veluti contagione infecta est Insubria, longoque temporis tractu pestis illa in Italia morata est, occupatione munitioneque castellorum, captisque semel, ac iterū à diversis unis iisdemque urbibus. Postremò resedit morbus, Regisque cupiditas restitit, cū ad suos conatus trahere nequicquam Venetum tentasset, qui ex instituto Italicæ libertatis vindex acerrimus non aspernenda militum manu res Mediolanensium tutabatur. Hinc indigno Christianissimi Regis consilio apud Solymannū criminatur Rempubl. quòd cum Cæsare sentiret, quòdque tandem conjunctis viribus Græcia petenda esset. His querelis Barbarus in nostram perniciem extimulatur, unde illud bellorum erupit incendium,

dium, quo multos annos grassante penè conflagravimus. Impia igitur disseminante Oratore Gallico, æstuanteque in Turca latius dominandi libidine, advenit Constantino-  
poli legatus, sciscitatum, an quem socium, vel hostem haberet Solymannus, eundemne Resp. esset habitura, utque ea de re Senatus pronunciaret. Hic quamvis se amicum, fœderatumque Othomannicæ domus assereret, atque amicitiam sanctè ampliùs culturum, nihilominùs proposito edicto Veneti mercatores ubique locorum Turcicæ ditionis cum mercibus intercepti sunt, intercepti plures, captivi pessimè habiti, educæ regia urbe ducentæ naves, Luphtibejo & Aenobarbo ducibus, atque terra innumerabiles legiones ad Aulonem profectæ. Tanti apparatus fama expeditiores ad bellum Venetos reddidit, extemplò festinati delectus, procinctæ centum triremium classi præficiuntur Hieronymus Pisaurus, & Joannes Victurius: hisque imperatum, ut alter Corcyræ, alter sinus Adriatici curam, propugnationemque susciperet, sed neuter eorum nisi provocatus in pugnam iret. Porro Turcica rabies per id tempus in Hispanos effunditur. Barbari nostra prætervecti maria inoffensi, cum militaria amicitia signa edidissent, in Salentinorum oras grassationibus, & incendiis desævire. Tandem impotentio odio conversi in Venetas ditiones omnia hostiliter agere, prædas abducere, rapere mortales in servitutem, tentare oppida. Incitatus præter destinationem in Remp. ferebatur Solymannus quorundam nostrorum ducum temeritate, quoniam regium sibi captum navigium, interceptam onerariam, ejectumque Adriatico Janusbejum trierarcham conquerebatur. Hæc propter ab Senatu missa legatio, quæ Barbarum deliniret, sed omnis sollicitudo, studiumque incassum adhibita. Hostilis itaque classis, Hydrunto egressa, Corcyræ parat expugnationem, adjuvante terrestribus copiis Chariadeno: por-

rò hostium consilia maturè detegens Pisaurus, utramque oppidi arcem validissimo præsidio munivit, admonuitque subindè Patres, Turcam non nisi pari virium robore debellari posse: proptereà in societatem adversus communem hostem reliquos Italiae procures facillè pellexit Resp. Ea Romæ inita, atque in primis contracta cum Cæsare, intentiori cura se bello expedit Venetus, eoque alacrius, cum nullus in urbe esset, qui non cum fortunis vitam ultrò proferret. Interim Solymannus Corcyram toto invaserat bello, arctèque vallaverat. Sed obsessi, Aloysii Ripæ, & Simeonis Leonii Venetorum excitati virtute, erumpendo sæpiùs, æneisque machinis, hostiles undique vires adeò debilitaverant, ut relicto tandem oppidi munimento, situque, atque exploratis propugnantium viribus, hostis re infecta discesserit. Verùm dum Constantinopolim repetit, in ipso transitu Buthrotum, in Communitia castrum, occupat, deportatis in servitutem incolis. Hæc Turca agebat, cum Pisaurus, in Adriaticum despectens, Venetis obtinuit Scaëdonam, opportunam ad invadendam hostilem regionem arcem, non procul à Sico. Victurius quoque Obroatium vi subjugavit, oppidumque tamdiu retinuit, donec postea Liburnorum, seu Uscchorum, adversæ nobis gentis auxilio, Præfectique incuria, amitteretur. Solymannus ex his confirmato odio majus bellum coquebat, ut exinde Cassino, & Chariadeno præciperet, oppugnandum quidquid Venetorum esset. Itaq; per Cassinum Nauplia, & Epidaurus oppugnantur, irritò tamen conatu; alibi everfa Aegina insula est, Patos subacta, Naxus facta tributaria, atque Chariadeno, quacumque ductabat classem, reliquæ è Cycladibus parvere. Perturbatæ tot ærumnis Reip. major accessit trepidatio, cum fama per Italiam augeretur, Solymannum præsentis anno MDXXXIX Cretam insulam aggressurum. Hinc nullam ulteriùs moram passi Patres, explicato jam bello adversus Tyrannum, Cæsaris,

ac

ac Pontificis auxilia festinarunt. Nulli non metuendus erat hostis, nec nisi robustissima vi coercendus. Itaque ex fœderum legibus maturantur suppetiæ, summaque maritimarum rerum cura, ac in cæteros navium ductores imperium uni Andreae Auricæ, Cæsarianarum virium moderatori, confertur: Nostræ classi Vincentius Capellius: Pontificiæ Marcus Grimanus, Patriarcha Aquilejensis præerat; totusque apparatus CC ferme triremibus constabat. Nondum tamen Venetus classarius urbe solverat, cum jam Chariadenus, Ægeum permensus, atque in eo sparsis potitus insulis, Cretam applicuit C, ac L. navibus. Porro in Rethymnum agrum temerè suos exposuit, quia supra fidem durè nimium ab exeuntibus oppidanis, excipiebantur. Sed ab Suda Cydonem vsque tutiori descensu quidquid obvium habuit Barbarus more suo afflixit: urbis denique attentans excidium ab Andrea Grito Præfecto summovetur parva Italorum manu, totaque postremò ab insula turpiter ejicitur. Interea Cassinus Naupliam in Peloponneso rursus invadit, Nadinum, & Tranam arces evertit, & ulteriùs inferens arma tanto terrore corripuit Illyricum, ut memento videretur Turcæ cessurum, nisi Sicensium constantia in toleranda obsidione eam provinciam confirmasset, solertique patientia docuisset, nullo metu consternari libertatis custodiam. Hic rerum erat status antequam ex compacto convenissent Capellium Corcyra in insula Pontificii Hispanique classarii: & ubi de belli ratione condictum est, Grimanus Ambracii sinus municipium, nomine Nicopolin, Præversam hodie, Pauli Justiniani virtute propè captum, omnino subjugasset, nisi dissipatus in vicinia rumor Nicopolæ oppugnationis finitimos barbaros ad opem concivisset. Quare ille à validioribus turmis petitus, obsidionem solvere cogebatur. Ita invidente fortuna egregii ausus laude fraudatur Pontificius ductor. Terrestris potissimum ea erat expeditio, quæ nunquam Auricæ placuit, qui Turcam navali tan-

tum pugna delendum opinabatur, ideoque supervacuum ducebat circa arces, murosque immorari. Mari ergo rem statuit decernere: eadem in hoste videbatur voluntas, qui ex Epiri faucibus in apertum classe promotus, nostris pugnandi copiam exhibuit, & insigni quidem audacia, quia majori pollebat vi, sed certamen haud detrectavit Christiana classis. Capellius primum aciei locum, Grimanus postremum obtinuit. Ille hosticam, quo fremebat irarum æstu, impetuque adortus, Aurix sententia victoriam retulisset, nisi è vestigio Veneti ducis nomen, & virtutem reformidans Chariadenus notas angustias, latebrasque captasset, & obversis puppibus in Ambracii sinus anfractibus sese abdidisset, ubi aut omnino perdi, aut exitu prohiberi potuisset, si eadem Aurix mens fuisset, qui patenti tantum æquore cum Turca pugnandum inclamabat, frustra conquerente, ac obiciente Capellio, Christianorum esse, aut generose vincere, aut pro patria, & pro ipsa religione gloriose occumbere. His tandem victus Auria, prælium imperat. Sed cum Veneti consilio nequicquam fortuna votis initio respondisset, magis in arctas fauces penetrante hoste, palam Cæsarianus dux se subducere, prælii metuere discrimina, angustias declinare, timere insidias, declinandis, quam contemnendis hostibus melior. Turca victus haud dubie fuisset, si nostri ausi essent vincere. Inde cum ipsi cresceret audacia, è faucibus erumpens fœderatam carpsit classem, eique duas onerarias, totidem majores naves, triremes quatuor ademit. Ob suspectam quoque Aurix fidem, restinctus in cæteris ducibus generosi animi ad gloriam impetus elanguit. Ex hac veluti fuga Corcyram prorsus conversæ: ad proximam insulam Paxum vectus Chariadenus, ut exprobraret, traheretque in pugnam meticulosos. Corcyra hybernatum est: deindeeducta classis per Rhizonicum sinum ad Neocastri oppugnationem. Hanc præcipue moliantur Veneti magnis curis, animisque, ut acceptam superiori anno labem

labem obliterarent : in muros munitissimi oppidi compactis scalarum vice remis conscendunt, tutioremque expositis postremo loco Hispanis reddunt accessum . Sic mari terraque re satis gesta feliciter , Neocastrum capitur , ejusque arx, quæ quasi altera civitas reluctabatur, triduo post domita est . Oppidum conjunctim subactum , ex formula fœderis Venetæ Reip. debebatur: illud tamen Hispani, suo juri asserunt, præsidio imposito. Facinus, uti erat indignum, ita acerbè reprehendit Capellius, atque Auriam, hominem Ligurum, antiquum Veneti nominis hostem execratur, cum quæcumque ageret, ad unius Cæsaris utilitatem revocaret . Ejusdem quoque vel ignavo, vel maligno consilio effectum, ne, post debellatum Neocastrum, penitus etiam mari deleteretur Chariadenus, quem capti oppidi fama properantem ad subsidium fœda tempestas aggressa ad Sasonem insulam totius ferme classis jactura strageque exarmaverat . His de causis, & quia suam Auria maturavit in Siciliam profectionem, odisse cœpit Venetus Hispanorum ingenia, imperii avida, infidaque, cum præsertim Neocastri, ejus gentis, præsidium in Ascrivienſes quoque crebrò per scelus insili-  
ret . Itaque averſo à societate animo, in spem futuræ pacis inducias à Solymanno petendas statuit . Attamen ille ferox, furensque amisso Neocastro, relictis in unum viribus bellum, vindictamque sollicitabat, deductisque in Peloponnesum copiis Naupliam, Epidaurumque acerrimè premebat. Sub ea quoque tempora Dragutes, classis præfectus, nostra maria belli tempestate, præclusit, Cretam attrectavit, atque imminuta Francisci Paschalici classe tribus abductis triremibus, Cydonium agrum populatus est : urbi demum imminentem militare Antonii Calbi Prætoris robur depulit . Ad hæc Chariadenus reparatis naufragio navibus, Neocastrum vi petit. Obstinati hostis metu perculsi Hispani, Veneto illud idem municipium tradere peroptabant : sed quæ debita ex fœdere sæpiùs antea petita nunquam obtinuit,

tinuit, importuno quidem tempore oblata recusavit. Cùm itaque dies aliquot concussum esset oppidum, Turcæ iterum patuit, præfidiariis aut occisis, aut in servitutem raptis. Finitimæ gentes, quodam veluti morbi contactu, barbaro manus dedere victas. concidite eo pacto Rizanium: stetit Ascrivium Matthæi Bembi constantia. Hæc agebantur, cùm Petrus Landus Princeps ad Turcicum Imperatorem Legatos mittit, ut quæ pacis studia Venetus animo volvebat, eadem apud Solymannum perficerentur. Thomas Contarenus Barbarum cum primis frustrâ adiit, iniqua flagitantem; mox Aloysius Baduarius. Cupiebat Resp. se novennali bello, eoque gravissimo, explicare: nullum nempe, foederi fructum experta: suspectam esse Hispanorum fidem: in se denique unam belli prima, & ultima damna intentari. Accedebat his summa rei frumentariæ penuria: & quod commeatus ab confœderatis Principibus denegati, à Turcico Mœsiæ præfecto concessi, uberrimè in urbem comportarentur. Baduarius itaque Constantinopolim ablegatus, ut pacem pecunia redimeret: sin id parum procederet, quovis modo obtemperaret secretioribus mandatis, quibus injunctum, ut ex necessitate, Naupliam, Epidaurum, que Turcæ publico nomine offerret. Non defuere perfidi cives, qui rem silentii sacramento actam detegerent, unde Baduarii in regiam urbem ingressum prævenit prodita fides. Inde quævis pecuniæ summa expetitarum urbium loco ab Solymanno constantissimè neglecta; atque ita in eas pacis condiciones ire Venetus Orator coactus est, quas Turca maximè optabat. Non alio modo firmata pax, cujus nuncius Venetias allatus, etsi omnium ordinum sui expectatione erexit animos: ubi tamen de conditionibus est relatum, mirum, quàm acerbis dolor, ac veluti stupor universam civitatem occupavit. Proinde in Baduarium fremere vulgus, jactare convicia, illum postulare ad suppliciū. At demum proditione detecta, sumptaque de perduellibus

Hh pœna,



pœna, viri illius nomen, fama que illustrior emerfit, ac gravior pax extitit, quæ cuivis bello, etiam justo præferenda est.

*Receptum Marianum.*

MDXLII.

**M**arianum, Fori-julii oppidum, Venetis adhærens æstuariis, Reip. Cameracensi conjuratione sublatum proditione, hoc anno Ferdinando Austriaco Romanorum Regi subtrahitur Beltrandi Sacchiæ Utinensis austria. Hic cum sibi notis, fidisque sociis mercatorem ementitus intrat oppidum, Germanumque præsidium ejecit: accitoque Petro Strozio Florentino exule castrum Gallis acquisitum voluit, erectis regiis vexillis. Molestus Senatui hic nūcius fuit, quia ob id factum Austriacis esse poterat suspectus. Se verò à fraude liberum, foederumque cultorem publicavit, mulctatis carcere Sacchiæ affinibus, subrutisque munitionibus, quas Strozzius mare versùs extruxerat. Proximum interea bellum urbi imminere videbatur, cum jam invicem committerentur Gallus, & Germanus. Ille Marianensibus importabat auxilia: hic non tam terra, quam mari oppugnationem moliebatur. Maritimas vires impediabant Veneti, ne ullum sibi jus Ferdinandus acquireret in Lignano portu, quò Tergestinae naves ad obfidendum convenerant. Subinde à Strozio venit legatio, qua sibi Mariani dominium regia Francisci donatione proprium fateretur, illudque Reip. venditurum; emptionem si recusaret illa, non deesse præpotentem Principem, cui quovis ære placeret oppidum. Patres haud ignari eum esse Turcæ addictum cum nihil acerbius ducerent, quam in suæ ditionis visceribus, atque in conspectu ipsius urbis spectare Barbaros, statuere pecunia edimendum esse oppidum, numeratis Strozio trigintaquinque aureorum milli-

millibus. Propterea àblegati sunt ad Ferdinandum Oratores, qui exponerent, non tenuis potiundi castrì libidine, sed necessitate compulsùm Senatùm, minitante Gallorum duce Strozziò, se Turcis illud traditurum, Castrum coëmis-  
 se: Nihilominus quæ suboriri inde poterat inter Austriacum, Venetumque dissensio, prudenti Senatus consilio alia non modica Germano Principi numinum erogatione discussa est: atque exinde in Marianensibus suum jus quietè in hunc usque diem Resp. tuetur.

*Vscocchi primùm compressi.*

MDXLVI.

**L**iburnia supra intimum Adriatici sinus recessum, vel ipso antiquitatis testimonio latrociniis infamis, ab sævo, prædæque assueto populo incolitur. Veluti è Narentanis cineribus enata gens, quæ iterùm rapinis, fraudibusque rem Venetam turbaret. Perditis, furiosisque latronibus, quos Uscochos vocamus, audaciam dabat alieni bellitumultus, implicataque gravissimis curis Rep. impunè grassabantur. Etiam ausi non semel Turcicas ditiones prædari, Solymannum in ultionem sæpiùs provocassent, nisi memor pacis, Senatùm priùs admonuisset, ut infensos latrones reprimeret, ne sibi demum necesse foret classem àblegare in Adriaticum adversus rapacissimam gentem. His querelis non minùs, quàm acceptis incommodis jussu Patrum in grassatores multis biremibus procursum est, atque ita primùm ejus gentis strage, fugaque compressi impetus, solum, salumque truci prædone purgatum, Turcica ira discussa.

*Expeditiō sexta in piratas.*

MDXLVIII.

**P**iratarum plures annos hæc maria veluti obfessa tenuere, ut nihil tutum restaret ultro citroque commeantibus: direpta navigia, intercepta corpora, furta, cladesque Venetiis quotidie ferme exaudiebantur. Humani generis hostes, mandante Senatu, Laurentius Amulius persequitur. Hic dum toto errat Adriatico, ut grassantem pestem extingueret, Sabbam piraticum caput cepit, & occidit. Rustenus, digresso in Persidem Solymanno, Constantinopolitanus Præfectus, viri sibi amicissimi necem armis ulcisci parabat. Quamobrem ad placandum Rusteni animum, ne alieno tempore in se periculosissimum bellum converteret, Respub. maris imperium Amulio abrogat, imperatque exilium, donec sopita Barbari indignatione patriæ, ac pristinis honoribus restitueretur. Quartodecimo post anno invalescentem magis piratarum injuriam coercuit Antonius Canalius, qui latrocinantes infectatus ad Picentum littora fugavit: illi in continentem pro effugio dilapsi, male ab incolis excepti sunt. Sub idem tempus etiam Christophorus Canalius haud procul Cephalenia pari exitu prædantes oppressit, & ad Salonem quinque piraticas adortus, aut captivitate, aut fuga debellavit, duabusque in potestatem redactis, reliquas intento quàm maximè reinigio infecutus pessumdedit, ultimo tamen fato, cum ex acceptis impigrè vulneribus Corcyræ occubuerit. Altero inde anno Philippus Bragadenus adversum idem barbarum genus, in Apulam oram effusum opportuna ad ultionem classe navigavit. Res prosperè navata est propè Sipontum, ubi, quoscum infami biremium apparatu non castigavit occisione, prædaque, vivos ad vicinarum gentium rabiem propulsavit; ut enim attingere solum à convolantibus undiq;

agre-

agrestibus necati sunt. Eadem ferme tempestate cum Dragute, qui oppugnatis, captisq; juxta Aenariam insulam aliquot Christianorum navibus Ægeum repetebat, Petrus Thronus Cretici maris custos concreditur. Victus, trucidatusq; hostis est, licet se non piratam, sed Solymanni militem assereret. verum regi frænis nequit ira, victoriaq; feroces primos impetus habet. Delatam in hunc modum viri necem graviter adeò tulit Turcicus Imperator, ut illam se bello vindicaturum denunciaret, nisi à Veneto sibi ex æquo satisficeret. ea propter Senatus in Thronum animadvertit exilio, quòd pacis violasset conditiones, quibus cautum, ne in Turcas milites à certamine superstites capite sæviretur, sed vivi Byzantium in custodiam remitterentur: sic punita Throni audacia, adjuvanteque apud Solymannum Danielis Barbadici Legati dexteritate, irati Principis animus resedit. Postremò varios in dies congressus nostri Classarii committebant cum effera ea prædonum colluvie, rapinarum, ac sanguinis avida, commixtis in unum Turcis piratis, Vscovichique, qui tum ob corporum, naviumque pernicitatem, tum altum in exercenda piratica nunquam penitus extingui potuere. Sub hæc tempora Equites Rhodii magna sui nominis invidia in nostros non dissimili arte involuti fuere: nam primum duce Capuano Priore, Rhodiæ naves per Ægeum, & Lybicum mare infestis prædis agebantur, nec Turcarum manubiis contentæ, Cyprios etiam, & Cretenses populabantur: in hos incruento bello animadversum est, evulgato edicto, quo Hierosolymitanæ Familiæ opes, quæ in Reipubl. ditionibus locupletissimæ sunt, sequestra inhibitione detinerentur, quousque per Rhodiorum Magnum Magistrum damna, ut factum est, dominis pensarentur. Eisdem, ad Chisamum quatuor triremibus similia: ausos, Philippus Pascalicus, Cretensis custodiæ Præfectus potenti, ac irata classe turbavit, captis ratibus, & viris: Ultio hæc per Europam mira prævaricatione Venetæ sinceritatis

ceritatis notata est; verùm ubi Reip. studium, maritimæ quieti intentum innotuit, eandem ab omnis labis macula liberavit.

*Bellum Turcicum sextum Cyprium,  
Nicosia subacta.*

MDLXX.

**S**elymus ad Turcici imperii gubernationem evectus, mortuo Solymanno patre, dum latius dominandi cupiditate flagrat, ac legi in primis optat inter ditiones, titulosque suos Cyprium, in ejus insulæ opes impetum machinatur: ita nulla alia causâ, nullaque justâ belli occasio unquam prælata, quasi ex arte novi Imperatoris esset pejerare, rescindere fœdera, omniaque agere ad voluntatem. Accedebat Mustaphæ aulici magnatis assentatio, potentiam, vires, majorumque exempla cupido Principi commemorantis, Christianorum quoque discordias, civiles pervicias, & incertiam: differebat contrâ verbis, & gratia Mehemetus Præfectus Prætorius, quem Barbari Visirum appellant, supremæ apud suum Regem dignitatis. Omnia hæc litteris Marci Antonii Barbari, Legati ut afferebantur, sic credita: neque enim quæ secretò etiam agitabantur diu vigilem ministrum latere poterant; cum & per id tempus nonnullæ mercatorum Venetorum onerariæ diducerentur, quasi iis opus esset regio usui ad res omnino diversas, & dissitam alio orbe expeditionem. Igitur prætexentis Turcæ fraus Senatum diu in suspensò non habuit: cœpti delectus, omnisq; Illyrici, & Epiri, futuris incursibus patens ora, valido præsidio, & com meatibus instructa: Legato Joanni Legio injunctum, ut navibus, Julio Savorgnano, ut terrestribus copiis eam provinciam, quâ opus, tutaretur: in Cretam abire jussus Laurentius Amulius ad supplendam XX triremium classem, Lucæ Michaelio Cydon demandata, Sebastiano Venerio

nerio Corcyra : Franciscus Duodus majoribus triremibus XI , minoribus LXXX nauticæ peritissimi cives præfecti sunt: navium procuratio Petro Throno, nuper patriæ restituto, commendata, & his omnibus mandatum, ut parerent Hieronymo Zannio, totius classis Imperatori, quæ erat triremium LXXX, quinqueremium XI, onerariarum navium X, & myoparone ingenti. Sfortiæ verò Pallavicino omnis rei terrestres summa administratio commissa. Quoniam autem instantis belli graves procellæ non solum Veneto imperio, sed cæteris quoq; nationibus præfagia inconditi periculi ex alto ferebant, nulla mora visum est impendentis ruinæ admonere in primis Romanum Pontificem, Pium V. per Michaellem Surianum. Ille ad certissimæ calamitatis famam excitatus, & ad Venetæ existimationis memoriâ, & versus beneficia in Sedem Romanâ promptus, inter etiam purpuratos Patres obloquente Granvellano, studio Hispanicarum partium, nec meritis Reip. nec officio defuit suo. Iam primum statutis per suffragia Cardinaliû subsidiis, quem vicinæ sortis contagio cauturû sibi inter alios noverat Philip-pum Hispaniæ Regem, Ludovico Torreo Oratore, hortatur ad fœdus, in quam curam Leonardus Donatus jam tum à Rep. eodem fuerat ablegatus. Maximiliano Cæsari ad hæc per Joannem Michaëlium, Caroloque Gallorum Regi per Aloysium Contarenum est significatum, in quid Selymus incumberet, dum sub alieni belli tumultu, Venetæq; ditionis aviditate, impunè orbem Christianum sibi provinciam destinaret. At ille induciis cum communi hoste jam antea pactis, hic provincialibus turbis, suorumque dissidiis à tam gloriosa, & necessaria ope sese excusavit. Thamasum Persarum Regem aliæ rationes, & rerum momenta distraxerunt: cum sedulò cum quoque bello huic implicare, nobisque addicere studuisset Vincentius Alexander, fidelis industriæ civis, & orientalium linguarum peritissimus. Emicuit promptum sanè Italarum Principum in  
juvân-

juvanda Rep. studium . Interim dum Senatus per diversa negotia hoc modo diducitur, Turcæ in Illyrici, atque Epiri regionem latrocinantes erumpunt; nostrorumque naves, & mercimonia horribili furore diripiunt. Hæc damna ut humanæ societatis hostes pari vice pensarent, omnes Venetiis degentes Turcas, eorumque merces publicæ custodiæ Patres subjecerunt . Sed per eos dies magis procax Turcarum insolentia emerfit, cum Hibraimus à M. Antonio Barbaro Cyprum peteret . Prætextus regię libidinis erat, vel fiduciarium jus Aegyptiorum Regum in Othomannos transfusum; vel quasi per nefas favisset aliquando Cyprus piratis, hoc armis esse vindicandum . At Venetus Legatus, cum & fidem conventionum, & jura fœderis sanctè à nostris observata diceret, neque ullam subesse iusti belli causam, nihil aliud tum apud perfidos, quàm ad moram intervallis verborum profecit, ut interim, dum Cubates Zausius, orator Turcicus Venetias commigrat, Senatus accuratius expediendi belli tempus nancisceretur . Cubati, Cyprum poscenti, armaque sui regis minitanti, ni pareat Resp. maturè responsum, Venetæ dominationis eam insulam esse, quibus animis Patres illam susceperunt defendendam, iisdem ad necem usque retenturos: adesse Deum immortalem, qui iustæ causæ patrocinetur, & eundem, fœderum ruptorum ultorem, scelestis non defuturum . Subinde Hieronymo Zannio mandatum ad Iaderam operiri quinquaginta triremes à Philippi Regis subsidio. Hoc tempore dum pessima lue, fœdisque morbis ad excidium penè corripitur Veneta classis, rei gerendæ occasio traxit hostes in agrum Sicensem, ubi Retbilizum, & Dassena oppida, illius provinciæ quasi assurgentes speculas multa strage, hominumque captivitate expugnant, & populantur: parumque abfuit dissentientibus militari simulatione tribunis nostris quò minùs ultrà pergerent ad occupandum Sicum, nisi irrupentes fortium fœminarum continuisset audacia, quæ,

quæ, intentis alibi viris, vacuâ urbe egressæ, tandiu naviculis, pilis, saxisque sinum, & portus fauces tutatæ sunt, donec Petrus Pisanus Cæstæ promontorii custos auxilio veniret, ac muliebrem vim fugientes hostes, quâ cæde, quâ vinculis debellaret. Pari fortuna captum, & exustum Dobrovodum, Turcicæ ditionis municipium, duce Alexandro Donato Antibaris Prætor. Sub hæc revertitur Byzantium Cubates cum Veneti Senatus responso, quod, vix dici potest, quàm superbum Regem, omnia suo fastu complexum, pupugerit: prohibitus ob hoc M. Antonius Barbarus Legatus, custodia addita, domo exire, idemq; in alios Alexandriæ, & Assyriæ Venetos Consules statutum. Jussus Amurathes cū XXV triremibus subsidia Cypro avertere, & Pialis cum LXXV reliquam Mustaphæ manum ad Rhodum expectare. Ita serîo per hostes evulgatum est bellum, dum interim apud nostros contentionibus ad ignaviam certabatur, subfidente more suo Auria, qui ambigua Philippi auxilia nostris copiis adjungere, obtentu regii mandati, sese posse negabat. Marcus Antonius Columna Pontificiæ classis ductor cum XII triremibus Veneto agmini adhæsit fideliter. Ceterum otii, quietisq; impatiens Sebastianus Venerius, ac sua incensus virtute in proximum continentis Chaoniæ oppidum, Suppotum, montanum, & celebrem latronum piratarumq; nidum evertit. Verum, quoniam sine accolarum studio consilia haud ita facile cessura videbantur: mixta donis ingentia promissa, pertæsum jam inde etiam Turcici dominatus Epirotam in nostras partes traxere, atq; sic jurejurando, & datis obsidibus firmata societate in hostes promotus à classe miles acriter bellum miscuit, diuq; tentatam, & impetu, & tormentis alpinam sedem, scalis vltimò ad irruptionem aggressus est, omnia ferro, & flamma, si votis cederet, vastaturus. hoc postquam incluso hosti perspectū esset, noctu ille muros transgressus per scopulos, cautesq; vitam fuga redemit: nostri sub auroram vacuis mœnibus potiuntur:

Ii quo



quo terrore pleraq; circùm loca Veneto adhæserunt. Dum hæc fiunt, Turcis multum, & anceps fuit de belli primordiis consilium: quidam infestandum Adriaticum mare, alii impedienda in Cypro subsidia, nonnulli Cretam hostili motu terrendam, suadebant: at avido Regi infedit desiderium ipsam, qua insaniebat, insulam adoriendi. Ita obtinuit, ut Chium peteret quamprimùm Pialis, eoque loci omne futuræ expeditionis robur cum Mustapha expectaret. Principis voluntatem consecuta extemplò sunt prospera facta. Rhodum cum CCC navibus in unum collecti hostes appellant, in Cyprum inde pro commodo trajecturi. Ubi in publicam vocem tantorum motuum fama erupit, Zannius, ut venienti bello occurreret, tempestivè in Cretam transmisit: ibi navalium sociorum jacturam partim voluntario remige, partim invito, & ex hoste adjacente tracto, redintegravit. Hispana classis per eos dies regio jussu Venetæ jungitur. Sic sociatus miles, quò ad subeundum laborem inerior, eò ad discordias promptior, inanibus primùm jactantiis, mox frivola rerum circumspeditione, & vano consilio, classiariis Turcicis aggrediendæ expeditionis tempus reliquit. Interim Mustaphas, & Pialis de Christianorum gestis edocti, nihilque ultra nec verendum, nec cunctandum rati, securo tandem cursu Cyprum tenuerunt. Calendis Quintilibus è Papho Barbara classis conspecta, inter Curium promontorium, & Limissum subsedit. Circumferebatur inter eà, quàm maxima poterat, in omnem partem, & in universam insulam diligens cura Reip. tum subvectando intra oppida, & arces commeatu, tum opportuno milite, & opere dubia firmando, passimque & naviter ad tantæ molis experimentum diducta, & circumfusa auxilia. Nestori Balconio supremo castrorum Præfecto Regni sedes Nicosia, antiquis Trimethus, demandatur. Marcum Antonium Bragadenum Tamasso, seu Famagustæ, adstitere placuit. Nicolaus Dandulus, per Venerii absentiam, totius insulæ imperium vicario

vicario honore suscepit . Deliberatur inter belli duces de omni fortuna:& in primis sparsa circa Nicosiam loca, vicique complanati , quò prospectus in hostem liberior ad omnes casus pateret. Porro nihilo æquè statura Cyprus videbatur, atque robore, nervisque militum Italarum, sed fœdum, & atrox exitium intra eos dies ita miserum vulgus putri morbo, & sæva lue confecit, ut per summam vastitatem nullus omnino par hosti numerus superfuisset , nisi ex sociorum delectu utcunque in præsens suffecti ordines fuissent. Meliore fato Othomannicarum partium proceres momentarum captabant. Nam cum alibi Petrus Rondacius Epirotarum ductor infestiores iis in terram redderet descensum; versis navibus ad Salinas, securo patentique littore, concedunt, nostræque admirabundi segnitiei, nullo obistente XX peditum millia exponunt. Ubi igitur solitudinem vident, certique nullum subesse dolum, pari clamore & impetu res Cyprias invadunt, omnes circum incolarum opes proterunt, fruges & agros ferro ac igne vastant, diripiunt vicos, passimque omnis crudelitatis ac ferociæ edunt argumenta. Hæc inter à ducibus agitatum; placeretne primum Nicosiam, an Tamassum adoriri. Pialis, cui prius hæc tentanda videbatur, situm urbis natura, & arte adhuc debilem extollebat, & imparem obsessorum numerum, ac proinde minores animos: exemplo demum ejus loci cessura per metum reliqua. At Mustaphas in Nicosiam, ceu belli caput ingerenda spicula differuit: plus meticulosaë turbationis inter plures esse, imò plura laborum præmia ex ingenti, & diuturna felicitate divite oppido. Sic decretum,eductaq; in eam expeditionem L peditum millia, & quingenti supra duo mille equites: simul armatorum IV millia, cum recentissimis equitum adversus Tamassum immissa, unà cum impedimentis auxiliorum, cæterisque usui cessuris. Igitur ad Nicosiam hostiles ostentata vires, explicata nullo obstante castra, omne tormentorum genus aggestum, militarique.

vallo circumdata urbs. Hæc ut procul à Dandulo, Regni Præfecto visa sunt, ingenti formidine trepidare, pavore concuti, omnia desperare, ut paratissimum quemque exemplo pessimo, quasi certi exitii præscius consterneret. Tamasso ob id in spem subsidii evocare placuit Baleonium, & admonere periculi morantem in Creta Zannium: at Bragadenus virum, quo sinitum opus erat, neque dimittere potuit, neque navis speculatoria, mali nuncia, impediente Turca, opatum tenere cursum. Sic desperatis rebus, quam Dandulus ignominiam, & labem abolere humana virtute, & virili manu poterat, votis, indictaque prece conatur avertere. Pium populi studium mira Francisci Contareni Paphii Antistitis religio excepit & promovit. At hostes prosequi valde oppugnationem jugi tormentorum verberare, fesso per diem militi nocturnum subrogare, nihilque penitus omittere, quod propugnaculi Constantini, & Podocatarsi excidium maturaret. Ea necessitas, seu fortuna nostros quasi lapsos ultima lege restituit. obfirmati enim inter se denso procurfu exceperunt Turcas, meridiano labore, æstuque torpentes, consternatisque nostri instare, sternere, obvios, palantes occidere, tormenta clavis configere, metum cæde miscere. Hæc læta initia hosti esse potuissent fatalia, si equitum phalanges monitu Danduli martem æquassent: at ille solita excors ignavia ab egressu cupidos, vel propria manu, retraxit. Sic ubi timidissimus imperator neglexit fessos & sole & pugna juvare milites, sub ipsis portis à recollectis hostibus maectantur, scelere ducis exclusi. Hinc Nicosiæ mœnia quantò minùs spei obsessis ad præsidium, tanto plus fiduciæ Barbaris ad victoriam dabant, qui proinde clade sua cauti ultra instare, oppugnationem firmiter operibus, vineis, & cuniculis properabant, jamque legiones hosticæ fossis oppidi, & propugnaculis hærebant: quin etiam pone instantium ictibus cesserant defensores. Ex his languere palam Cypriorum animi omni opis spe-

fru.

frustrati,cedere labori,& fortunæ visi sunt,nisi quos,aut de-  
 ditioni propofita spes , aut fanè præclaræ mortis folatium  
 animabat.Non jam ampliùs clauforum lægudæ vires Tur-  
 cas morari poterant,quò minùs vallum fubruerent,effode-  
 rent Podocataram munitionem,quaterentq; portas,gladiif.  
 que & securibus captivę urbis aditum fibi aperirent.Irrupe-  
 re ergo armatę cohortes,in fævitiam,& cædem,fupra quàm  
 credi poffit ; ubi quidquid inter castra , forumque vacui,  
 immodica ftrage, & varia ubiq; cadentium forma,ac omni  
 imagine cladium completum eft,Muftaphas poft hæc cruē-  
 ram urbem ingreffus,primùm edixit,ut ab armis,necibusq;  
 ceffaretur,promiffa inermibus falute:facinori fidem fuo iuf-  
 fu addidit Dandulus,utque arma abjicerentur in fperem vitæ  
 cavit . Tum verò securitate corruptior hoftis militari licen-  
 tia ubiq; grassabatur,non dignitas,non ætas,non aræ prote-  
 gebant:& matronæ,& religiofiffimæ virgines , & fexus om-  
 nis ferro,ac ftupris fœdatus . Nicolaus ipfe Dandulus,Con-  
 tarenus Paphi Pontifex,cæterique magiftratu, & fama clari  
 contrucidati . Inde facibus fævitum,quas,ubi prædas extra-  
 xerant,in vacuas ædes,& inania teéta,jaculabantur . Hunc  
 Nicosia habuit lacrymabilem omni evo exitū:XX hominū  
 millia eo die cecidiffe conftat : XX ex primoribus tantūm  
 fuperfuere exitio patriæ.Deftinata barbaro Regi opulentif-  
 fima fpolia Cōftantinopolim cūm veherentur,arfere inge-  
 nio memorandæ Virginis Cypriæ,Arnaldæ Rocafiæ,pudi-  
 citiā,& fuorū cineres novo igne vindicantis.Tamafū inde  
 pernicious armis,ventifq; promotū XIX. Kal. Oct. , ubi,ad  
 terrorē,Danduli refcifsum caput Bragadeno oftentatum,ne  
 quā ultra fpe foveret.At ille verfo in virtutem metu,urbi fi-  
 bi commiffæ undequa;q; profpicere,duces ftimulis gloriæ,  
 milites fiducia excitare,atq; in omnium afpectu perfici rem  
 facram juffit , jure jurandoq; fidem à paratis civibus tulit,in  
 omnes cafus duraturam . Emiſſæ nonnullæ leves turmæ  
 nō inutili velitatione hoſtes ab operibus bellicis diſtinuere,  
 cūm

cum interim murales quoque machinæ in subeuntes non, sine strage immitterentur. Quare majoris periculi pavens Mustaphas, inclinante jam etiam anno, castra dimovit Tamasso. Discedentium stationes aggressus Baleonius, solo complanavit, non paucis à tergo cæsis fugitivorum. Sed nulla longi temporis felicitas: & hæc dum fiunt, variatum, non leviter inter nostros classiarios duces in Creta de auxiliis maturè deferendis. Auria, causatus hyemem, & imminentam lue classem, cessit tandem Zannii consilio, ut in hostem iretur. dicta profectionis die, ad Heracleam, quæ nunc Sitia, jungi classes convenit. Hinc cum ad Chelidonium promontorium è regione Ciliciæ transportarentur, suborta tempestate Pontificæ ac Venetæ triremes portum ejus provinciæ, incolis Vathium, ingressæ sunt. Auria sub anchoris in alto stetit. Sic morantes infelix Nicosiæ nuncius, heu nimium tardos excepit: singulos duces pudor, & conscientia desidæ mutuis obtutibus arguebat: præclarum fuisset, & utile, ut, quicquid irarum in castris conceptum erat, in hostium capita continuò effunderetur; quia puncto sæpè temporis maximarum rerum momenta vertuntur: unum Cypriæ salutis auxilium in celeritate situm erat. Verùm Columna, & Auria muneris sui obliti occidentem solem deliberato in hyberna animo spectaverunt: ita, prohi nefas, continuata socordia Veneti quoque relicta Cilicia, Cretam repetiere, quò tuta omnino Turcæ triumphatori Byzantium pateret via. Leviam exinde, ac variæ sortis prælia ad Parum insulam gessit Vincentius Maria Priolus, & ad Pargam Franciscus Cornelius: Ille de speculatoriis hostium navibus, vel in morte victor; hic illustis jactura oppidi, atque adeò in ipso quidem aspectu Corcyreæ classis notus. Intercèa percussus improspere successibus Senatus Zannio diem dixit, summumque maris imperium meliori spe Sebastiano Venerio commendavit, designatis in bellicam legationem Marco Quirino, & Petro Throno, ut vel sic cum

cum ducibus fortuna tandem mutaretur . Pium quoque Pontificem non levis publici excidii angebat cura, nec prorogandam censebat hostium vindictam, cumque non posset ab uno Veneto imminens Christianæ Religioni servitium repelli, salubri, constantique opus esse foedere. In hoc dum summus Antistes Hispanum accuratè concitat, Granvellanus ambitiosa controversia cuncta suo Regi deferens, societatem nobis cum pernicie, sibi cum fortuna securitatem deposcebat. Cæsarem haud oblitum induciarum memoria octennalis pacti: Carolum Gallorum Regem instina dissidia nunc etiam à laude, officioque continuere.

*Tamassus expugnata.*

MDLXXI.

**Q**Vasi non esset usquam dimicatum sic arma rursus præsentī anno tractata, licet Turca, ut Barbarus, Venetus legatus nunciabat, belli calores diffilaret mendacio pacis. Primū Marcus Antonius Quirinus copias auxiliares XII triremibus cum supplemento Tamassum festinare iussus: & secuta consilia ducis est mitior aura, quæ intra quintum diem classem in portum dedit, ubi dissidia, & securitate effusos hostes circumvenit, eosque cum insigni navium clade disjecit, ac suos annona juvit. Verū qui per belli compendia Epidamnū tentabat Venerius, modica fama, & exitu nullo Corcyram discessit, ut Pargam muniret, cui, fuso id temporis Emanuele Murmuro, Turca imminebat. Pari fortuna acta res apud Alexium Scodræ munimentum per Jacobum Malatestam, rebustamen adversis laudatum, quod à suis desertus caperetur. Subinde in maximam spem belli, lætis ubique omnibus, Venetiis nunciatum est, foedus Romæ sancitum inter Pontificem Pium, Hispaniarum Regem, & Venetum Senatum: in legem mutæ fidei CC triremes, naves C decretæ, quibus  
L mil-

L millia peditum Europæorum. IV equitum, & quingenti cum valido apparatu per Joannem Austriacum summum totius classis Præfectum in hostes quamprimum moverentur. Sed hæc Principum Christianorum studia cito occurſu eludenda sibi ratus Selymus imperio maris Pertaum acrem virum suffecit, abrogato Piale, qui per ignaviam, Cypro superiori anno digrediens; Venetis Cilico littore jactatis percipisse ferebatur: Halis quoque, destinato cum milite per Lybicum mare, ascitis sibi in itinere Epidauriis, & Mitylenæis auxiliis, in Cyprum primo vere trajecit. His auctus Mustaphas, positis confectum operibus Tamassum circumfedit; at iterum Bragadenus contracto militum robore cum Baleonio insultantes Turcas ingenti animo, & civium fide sustinuit: plura ausurus, si de suppetiis Nicolai Donati constitisset, quem mari orta tempestas in Cretam denuò rejecerat: eoque loci maximam belli famam agebat Pertaus circa Cydonem urbem, ferro & flammis in obvia quæque sæviens: erat eadem in ora Quirinus XXX triremibus, & in oppido Lucas Michaelius incolarum fido robore subnixus. Hi disposita classiariorum, & civium opera ingruentem tum maximè Turcam à portis cum strage repulere. Hæc propter ille in Rethymnam trahitur prosperiore eventu; cum inde egressus Hieronymus Iustinianus cum parva suorum manu in tutiora loca viam sibi aperuisset, densatos hostium cuneos cædendo: Ita in vacuum urbem translata sunt arma, militibusque permissum vastare, vrere, agere, prædas, atque etiam deſævire in sepulcorum cineres insigni flagitio, quod tandem poſt diro naufragio strageque non modica eadem in insula caſtigatum accepimus. Parem barbarorum insolentiam, furoremque Cythera, Aegialia, & Zacynthos perſenſit; nonnullæque noſtrorum naves fraude, deceptæ in arbitrium hostium venere, at vix integræ, propugnantium fortitudine. Joannis Thomæ Constantii virtus florenti adhuc ætate, & pro religione consecrata capti-

vitas

vitas nulla privata laudatione indiget . Omnia Senatui à Venerio nunciabantur : quamobrem illi Patrum responso injunctum , ut, relicto ad Corcyram opportuno præsidio ad Messanam Siciliæ urbem se Pontificiis, & Regiis jungeret, communibus consiliis in posterum usus. Digressio Venerio , amor potiundæ Corcyræ hostes invasit : quare in provinciam reversi , & ex insperato aliquot nostrorum triremes adorti , Franciscum Thronum trierarcham in ipso portu in vincula conjecerunt : ad hæc, dilapsis in fugam reliquis auxiliariis, Pargam occuparunt, conversisque prorsus viribusque Suppotum primum vi, inde Olchinium deditioe ceperunt, pacifcente Hieronymo Venerio urbis Prætoris corpora & vitam . sed nihil in barbaro milite sancti : pro genio, odioque gentis debacchatum . turpis exempli, similisque exitus contagium contraxit Alexander Donatus, & Augustinus Pascalicus : hic Butuam fuga reliquit hostibus ; ille, quamvis incitante Joanne Bruno præfule , ut pensitaret quid patriæ, quid sibi deberet, Antibaris exitit inutilis Prætor . Elati successibus hisce Barbari , & Adriaticum ingressi Uluzzalio duce cum LX triremibus Corcyram nigram ( ea hodie est Curzala ) invaserunt : non fortior hinc Rector , neque robustiores oppidani , qui cum Antonio Balbo Prætoris conjugum ac liberorum immemores silentio noctis in specus , & latebras abierunt . Memoriam apud posteros æternam assecutæ sunt mulieres, quæ armatos, & incubantes urbi Turcas fugientium virorum armis aditu prohibuere, vigilias, stationes, & si quæ alia præfens usus exegerat viriliter inter se partitæ. Ad nuncium intimæ classis, mediterranei quoque hostes in Epiro, atque Illyrio in fines Reipubl. irrupere , Salonamque & Saxum castrum subverterunt : Spalatum in fide mansit . Sævum hoc cladis miserandæ fatum vix verbis exprimi potest , quàm Patres, & cives, intumescente magis, magisque hostilium victoriarum cursu, torserit . Etenim cum de unius re-



medio consultaretur , alia superstabat calamitas: quin vis credebatur etiam strui,qua, domita Histria, excidio urbs ipsa Venetiarum destinaretur. Verùm nihil omissum in anticipi hoc Reip. statu; volutatisque rationibus placitum littora communiri solertia Vincentii Mauroceni , & subinde Iulii Savorgnani præsidio firmari . Sensit hostis ex metu vim , & focia arma citiùs opinione sua parari , & idèd reditum in Hellepontum occludi posse:itaque neglecto Ascrivio, Aulonem primùm, inde curata classe Corcyram latus est, haud læto exitu . Animum ab ipsa necessitate mutuatus Aloysius Georgius, cœsis , qui per imam planitiem obstabant, cæteros omnes suburbii fractos, & nihil præterea ausos in classem rejecit: illi fœdata incendiis insula, Naupactum navigarunt. Hæc inter legati ab Senatu missi fœderatos ad bellum , & ad opus tempestivè ciebant, ne si diutiùs protraherentur suppetiæ, Tamassus belli causa per cunctationem hostibus cederet:itaque effectum, ut maturatis plùs solito rebus , Barchinone tandem Joannes Austriacus Genuam, inde Neapolim solveret, ubi XIX. Kal. Septembr. fœderatæ militiæ signa solemniter suscepit : hinc digressus Messanam pervenit , festivis à classe acclamationibus , & omni genere cultus à ducibus Columna, & Venerio exceptus. Porro, dum hæc ad Messanam, in Cypro Tamassum sua fata agebant . Huc enim intentus Mustaphas, & accelerandæ victoriæ attentior tractare omnes oppugnationis vias, & quatuor erectis munitionibus , XXIV magnis tormentis, suffossis utrinque ad tutos remeatus aggeribus, mœnia certissimis ictibus verberabat , ita pluribus diebus hostium assiduitas egregiæ disciplinæ ducem Baleonium non sine aliquo damno fatigavit . Orta sub hæc à milite sæva lues promiscuis morbis urbem miserabiliter afflixit , quæ res non leviter Bragadenum exercuit, coegitque inutili plebe, ceu pestis esca, urbem exonerare . Cæterum Turcæ stratis viis, congestisque telis augere obsessis pericula , & propinquo

quo terrere discrimine, amoliri que defensores. Nostri haud absimili vigore reddebant intorto igne inimicas vi-  
ces, simulque ultionis, & gloriæ avidi perfidos hostes  
pilis eminus fundebant. Sed & apertæ vi occultos etiam  
dolos Turcis addere visum est: cuniculis enim indiderunt  
tormentarium pulverem, qui concepto igne ita repente  
solum, urbisque muros elisit, ut horribili fragore tota in-  
sula, quasi suis sedibus avulsa, contremisceret, disruptæ-  
que ingentis ponderis moles urbem, ceu quodam de-  
stinato fulmine, ferirent. Hinc Mustaphas hortatur suos,  
ut in denudatas phalanges impetum facerent, viamque  
strage Venetorum in mœnia capefferent. Sic plerosque  
irruptionem conantes Nestoris Martinengi, & Herculiæ  
Malatestæ occurrens virtus continuit. Turca, quia tum  
non vicisset, quasi pro victo esset, ad tertium Id. Quintil.  
oppugnationem aliquantò atrociorē, quàm ante aggre-  
ditur. Eo die pro fato concursum, utrisque necessitas ade-  
rat. spes hosti in sua virtute, salus ex victoria Veneto erat,  
cui expectationem externæ opis per id tempus imminue-  
rat nuncia è Creta navis. Igitur hostis inaudito stratage-  
mate urbem aggreditur: pice illitas frondes, & sicca virgul-  
ta, & si qua materies apta alendo fovendoq; igni, ad mœnia  
coagmentat, farcitque stupa & plumis, qua inflammata tan-  
tum repente mixta caligine incendium excitatum est, ut  
miseri cives fumo, & nidore propè suffocarentur, aucto  
etiam per eos dies ventorum impetu, quo tetra illa nubes  
faciliùs sese in miserabiles animas insinaret: hisce tenebris  
addita frequens oppugnatio, quæ continuos dies, noctes-  
que summa laborum, & cladum specie durata est: emissæ-  
que è muralibus machinis horridæ grandines: quantoque  
conspicui minùs propugnatores, tantò pluribus vulneri-  
bus obnoxii. In hunc modum promotæ vires, artēsque in III.  
Kal. Sext. ubi exoneratis primùm omnibus æneis tormen-  
tis patentes ruinas corona adorti, per summam contentio-

nem muris hæſere , aut mortem , aut victoriam eo momento reportaturi . Prioris voti compotes fuere primi murorum inſcenſores , acriter , & ab invicto hucusque Bragadeno , & Baleonio accepti miſſilibus flammis , quibus ita temperatum legitur , ut ſub hanc diem in ſumma copia tres tormentarii pulveris cadi obſeſſis ſolùm ſupereſſent . Et cratea Veneto duci mens commiſſæ ſibi urbis ruinæ immori, ni Muſtaphas mentione colloquii civibus fiduciam vel pacis, vel vitæ intuliſſet . Simul itaque primores civitatis Prætorem circumfuſi orant, ne, ſi erga Rempubl. Venetam ſat fidei , & ſanguinis datum ab omnibus inſulæ ordinibus conſtaret , Tam aſſum mallet imminentis excidii triſte buſtum, quàm vivam communis conſtantiæ , & laudis imaginem : hæc gemitu & lacrimis omnium , & maxime futura volentis Baleonii horratu , ferebantur . Itaque ſibi ipſis permiſſi cives deditionem cum jurato Turca his pactis præſcribunt, ut militi, & ſicui alteri magis liberet , diſceſſus ex inſula tutus eſſet : incolis futuris libera religio , integræ fortunæ, utque omnis injuria plena pace ſopita foret . Muſtaphas judicium in præſens haud aſpernatus , primos congreſſus Bragadeni , Procerumq; mira lenitate captavit non vultu alienatus , non verbis , ita iram barbarus condiderat : vagis deindè ſermonibus Prætorem criminatus, contra fidem ſuprema nocte ducentos Turcas in arce, necatos arguit: neganti accuſationem vincula , & contumelias adjecit Muſtaphas , prolapſumque ad pedes ambabus auribus obmutilari juſſit, mortem quoque minitatus . Itali ſub id & Græcorum plures à juris humani ignaris occiſi: inde in publicam ferociam itum, ſolo & parietibus erutæ humanorum corporum reliquiæ, objecta feris cadavera, aræ, & Divini numinis majeſtas ſacrilegio foedatæ , verſæ in ſuperſtitionem impij ritus ſacræ ædes , totaque civitas cruore, & probris commaculata . Bragadenus duodecimum poſt diem hoſtilibus caſtris extracto , ubi nequicquam

blau-

blanditiis ad novam gentis , cultusque insaniam pellectus  
 esset, vivo detracta pellis, acerbissimo genere mortis, la-  
 ceræ carnes bestiis projectæ sunt , fartamque palea cutem  
 ad vivi hominis simulacrum per vicos & urbis compita.  
 barbarus miles , perque Ciliciæ atque Syriæ littora cir-  
 cumtulit Turcica classis , vt sic mortuo etiam per scele-  
 stum ludibrium illuderent hostes, utque nullus extarer lo-  
 cus, in quo crudelitatis ac perfidiæ impressa vestigia non  
 inspicerentur. Hæc Tamassi, celeberrimæ in Cyprio ur-  
 bis, expugnatio fuit : hic totius Insulæ occasus: spoliis;  
 viris, terris ingens victoria Barbaris, quorum evertendo  
 imperio utique suffecturæ essent Christianæ vires. Sed dum  
 inanibus titulis hac tempestate jactamur , ab iis contenti  
 non laceffiri, pacis, bellicque momenta expectamus, ac in-  
 terea nostris vitiis, & sua virtute, felicius Turcis imperium  
 sternitur.

*Navalis de Turcis victoria ad Echinadas.*

MDLXXI.

**C**æterum hunc ipsum annum omni posteritate me-  
 morandum effecit navalis de Turcis victoria. Ne igi-  
 tur fœderati imperatores cunctando semper Messanæ de-  
 fides hærent, lustrata classe Corcyram XV Kal. Octobr.  
 adnavigarunt pari consilio, animisque ut quamprimùm  
 prælio cum hoste decernerent. Ubi illum Naupacti sinum  
 CL. navibus tenere cognitum est, Uluzzalium Methone,  
 commeatus aliis L. procurare, tum in altum prosecta Chri-  
 stianorum classis quæ CC erat triremium, quinquere-  
 mium majorum VI, navium verò XXV, & complurium navicu-  
 larum, post varias in rem præsentem deliberationes, Nonis  
 Octob. sub primam lucem ad Echinadas scopulos, Acarna-  
 niæ adjacentes ex adverso ostiū Acheloi fluminis , vulgò  
 Curzulares , subsedit . Hic hostem in conspectu habuit  
 auctum

auctum robore, suffultumque triremibus CCXXX; bire-  
mibus LX, quamvis errore speculatorum utrinque paucio-  
res crederentur. Interim numero suorum Halis falsò con-  
fusus è portu Corinthiaco solvit, sinuataq; in medium or-  
bem fronte Galatam tenuit, postridie ad libitum nostros, ut  
rebatur, invasurus: proinde fœderati in Corinthiacum, tunc  
vacuum, sinum proras & ipsi obverterunt, inter quas freti  
fauces cùm laxare commodis intervallis non possent remo-  
rum ordines, superata portus angustia hostem non plus  
millia passuum XV cominus obvium conspexerunt, cùm  
subitò consecuta maris tranquillitate, sudum cœlum fa-  
ctum est, ut Superos præsentis naumachiæ spectaculum  
duxisse fatereris. Joannes Austriacus præsentium rerum  
momento quàm maximè permotus, celoce hinc inde per-  
nix singulos duces militesque virtutis admonuit, atque ex  
ea acie cunctis aut compedes, aut certè direpti possessique  
maris ingentes manubias pendere: nec minùs Venerius  
maritima nostræ gentis trophæa, & in hos ipsos hostes olim  
illatas strages, & cōmunia libertatis hucusque jura propo-  
nebat. Sed & ipsi Turcæ diversis ducum verbis incitati vo-  
cum strepitu, armorumque tumultu truces, more gentis,  
personabant. Cùm intra teli jactum remigio hinc inde  
proventum est, Halim ferunt non mediocriter defixum  
hæsisse, ubi paratas ad prælium nostrorum vidisset na-  
ves, quas fugam meditari opinabatur, specie stationis ab  
Auria in altum effusæ. E quinquere mibus in proximum,  
procacemque hostem in primis detonuit Franciscus Duo-  
dus, similiter cæteri myoparonum præfecti jaculabantur  
glandium nubes, quas dum exterriti Turcæ per citatos re-  
miges, & à fronte, & à tergo, & à lateribus ingruentem  
declinare student, in dispares intricatosque giros dissipatur  
nauticus labor: ita per confusos circuitus nifusque statis  
ordinibus erratum est, inceptam auxereurbationem no-  
stri, majorum minorumque tormentorum jugi ac horribili  
fra-

fragore, qui circumjacentibus scopulis & anfractibus re-  
 percusso gemitu terras, & maria concutere ruina gravi, &  
 coelum ipsum largo mugitu subvertere videbatur. Nec se-  
 gnius ignibus suis furebant barbari, dispare tamen clade:  
 quippe eminentes suarum triremium, naviumque proræ  
 altius globos projectabant, quàm ut submissas nostrum  
 puppes contingerent: nostræ recta, nec incassum unquam  
 in hosticum apparatus collineabant: sic non paucae perfo-  
 ratæ, contusæque sub initium aquis demersæ sunt: atrox  
 exinde pugna, & promiscuæ clades, nunc hos, nunc illos  
 impellente fortuna. At spem pugnantium augebant ipsi  
 Imperatores Austriacus, & Venerius, qui in triremem Ha-  
 lis vivido conatu delati, ipsum belli caput adfectabant: &  
 hic acerrimus quisque novissimam vim parabat: nec mi-  
 nùs effusis hostibus ad tutelam acrior impetus, & jam no-  
 stros ab infessa puppe exturbaverant. Porro nova acie im-  
 petitus Halis plumbea glande corruit, & imperatoriam  
 navem nostris, vitamque simul deferuit. Halis præcisum  
 caput in conto omnibus statim ostentui fuit. Postmodum  
 altera capta navis, qua præfecti classis vehebantur liberi,  
 Pertai, & Caracozaë tribunorum triemes quoque in pote-  
 statem venire, momentoque ipse Pertaus, in fugam actus,  
 Naupactum se recepit, Caracoza in prælio cecidit. Sic me-  
 dia acies uno conatu profligata est, cùm interim ex alia par-  
 te XXX rostratæ in cuneum strictæ à reliquis fuga disjun-  
 gebantur. Non tulere incruentam hanc hostium fugam  
 legati Antonius Canalius, & Marcus Quirinus, persecuti-  
 que fugientes crebris tormentorum ictibus disjecere. At  
 verò in dextero cornu horribilis armorum erat facies, &  
 aliæ super alias cædes impigrè utrinque geminabantur.  
 Uluzzalius in XV fœderatarum, quæ spatio à cæteris avel-  
 lebantur, libero illatus cursu, cùm viribus & numero im-  
 pares invenisset, pessimè turbatas habuit, culpa plus justo  
 distantis Autiæ, qui tamen ratione callidioris disciplinæ  
 exinde

exinde vitium texit, quasi in restrictos, & circumventos hostes incitatiores à tergo impetu fuisset recurſurus. Cæterum Uluzzalius, cum ob hæc & scissum agmen, & fractos ordines signorum, & surdas ad imperia suorum aures, & in se properos hostes videt, è re periculum instans cavit, cursuque celeri per hosticam lapsus classem, obversis in Echinadas prorsus rapitur effusa fuga in Corinthiacum sinu: ceteri hostium suo fracti periculo nostris concesserunt. Hoc maximè modo ad Echinadas à confœderatis Principibus navali prælio pugnatum est, quo fusus Turca documento fuit Barbaros vinci posse. maximum ad victoriam momentum fuerunt Venetæ majores quinqueremes sex, vulgo galeatæ, quæ ipsius Austriaci judicio solido robore, & usu tormentorum longè alias naves præstiterunt. Certatum est à decima septima diei ad vigesimam secundam, victoriaque parta, quam Pontifex verè Pius certam à Deo fuerat pollicitus; eiusque lætus, ac felicissimus exitus non per homines, sed per cœlestes nuncios eidem allatus dicitur ipsamet die, qua contigit, Nonis Octobr. martyri Justinæ sacris, in cujus templo Senatus memor ingentis beneficii solemnitate anniversaria convenit. Atque in ea celeberrima pugna alter ducum alteri ita profuit, ut dijudicari vix possit uter utri virtute antefereendus. Pontificius, Hispanus, & Venetus laudatis facinoribus se gessere. Nullus de loco, summis ut antea simulatibus, contenderat: singuli privatas controversias pro Republica, tunc periclitante, in hostes vertere, tanto virtutis consensu, quantum præteritis annis fortasse fuerat inter diversos moribus, & æmulatione dissidium. Captæ triremes ferme CC: ad XXX Turcarum millia extincta: VI millia captivitati tradita: Christianorum. XV millia servitio exempta: ducta ingens præda: nec ulla re magis hostium strages, quàm sub vesperam patuit, cum per infectum sanguine, & spoliis æquor sex millibus passuum victrix classis veheretur in portum Petalam: unde divis

visis prædis ; & jam ingruente hyeme, Austriacus Messanam, Columna Romam abierunt. Nostros per varias impressiones acta hyems est, Malgaritum in Epiro funditus excisum, duce Venerio : Suppotum à suis metu derelictum flammæ exustum : Leucas terra marique nequicquam tentata per Jacobum Superantiun, imbris, & hostium disciplina nostris infausta fuit.

*Varii cum Turca conflictus. Pax.*

MDLXXII.

**M**Ajus videbatur imperium suum Selymo, quàm quòd ullis externis viribus debilitari posset. Pertinacem itaque animum in nostros sua armabat rabie; nec cunctanter quidem Uluzzalio ferocia pro virtute erat. Is anno insequenti summus classis imperator cum C & X triremibus, compluribusque aliis navibus Hellesponto egressus nostrorum cogitationes, & consilia non parùm acuebat: & multum sanè Reipub. decessisse videbatur morte Pii Quinti, etsi in Gregorio XIII idem studium revixisset, ut communibus viribus, renovato inter Christianos Principes fœdere, communis hostis penitus debellaretur. At dum plus nimidò ab Hispanis mora trahitur, Senatus veritus; ne quid Austriaci tarditas præsentis rerum statui immique-  
ret, Jacobum Fuscarenum Venerii legatum jubet cum Marco Antonio Columna, iterùm in expeditionem destinato, Corcyra per Ionium in Turcas quàmprimùm solvere. Classis, quæ erat CIX triremium præter alias omnis formæ naves, & myoparones, ad Gomenitias primùm delata à speculatoribus intellexit hostem in Argolico sinu tutum, nec propelli natura, & situ loci, nec in pugnam trahi posse: quare ad Maleam visum est abire, ut vel sic aperto mari ultrò prorumperet. Ita elatæ aliquot hosticæ triremes cum in Colubrarias insulas eveherentur nonnul-

LI lis



listormentorum ictibus in certamen sollicitabantur. Uluzzalius victricis classis impetum retardare contentus, cunctando, fugiendoque novis artibus nostrorum conatus elusit. Ejus tum impetum veritus ad Cytheræ littus suas naves inducit cauta vafricie, ut eodem tempore quinquערemium fulmina evitaret, & simul ubi res suaderet, facile in terram è propinquo exiliret. Dolus Legatum haud latuit: ille contenti prior succedens hosticas in agmen trahere connixus est, at hostis nostrarum machinarum, fumum & atram caliginem tormentis suis excitans, cum jam etiam tenebresceret, nocte & astu cum tota classe ad Tænarium promontorium confœderatorum ictus & oculos pariter evasit. Illi fugientem aliquantisper infecuti sera nocte Cytheram reversi sunt: neque hic diu hæsitatum, quin altera suborra luce Turcam excirent. Hosti nonnihil increvit audaciæ, pugnamque, ubi necessitas postulasset, non derectando, erupit, paratisque lunata specie puppibus, veterem ignominiam aboliturus, in certamen processit. è vestigio adfuit à dextero cornu Jacobus Superannius, jugique vi Turcam momento ferme perturbatum obliqua strage pressit, & in ipsa fuga dissipavit. Plurimum nunc quoque nostrorum ducum virtus in media acie potuit, ubi Uluzzalius dirè exagitatus cunctari, subsistere, nec sat mentem, & arma expedire, undique hostili captus manu. Hanc properè conficiendi belli occasionem cernens Fuscarenus in desperatos, & jam cedentes vocavit Columnam: hic verò, nescio quid causatus, subsidens, hosti commodam, proh nefas! præbuit fugam: atque ita Uluzzalius ciro remige, sed magis nostris dissidiis, vitam tulit. Exinde, surgente notho, cum nihil aliud posset, nostra classis Cytheram delata est. At enim Nicolaus Surianus, Adriatici sinus Præfectus ignitis artibus, & valida oppugnatione Scardonam novam aggressus, eandem scalis admotis hosti extorsit. Interea Austriacus cum Hispanorum classe Corcyram venit, cui obviàm universæ

foede-

foederatorum turmæ socias jungunt puppes : & visum est præter cætera Fuscareno cum toto apparatu CC navium in perturbatos hostes ferri, qui, ut habebatur, imminuta multum incondita fuga, & pestifero morbo classe, partim ad Pilum, partim ad Methonem auxilia expectabundi morabantur. Hos adoriri placuit, indiétaque acie Uluzzalius per multas horas evocatus, cum prælium descretaet, Coronem nostri deferuntur, cujus periculo excitatus Turca, relicta Methone classe, in eam oram duo millia peditum exponit, Austriacus totidem Hispanorum : ubi dum levibus dimicationibus pugna lacessitur, foederatis animus subit Pilum, vel Methonem oppugnandi. Negorium Alexandro Farnesio cum sex millibus demandatum exitu nullo, patentibus quippe campis, nec materiam circa Pilum munitionibus aggeribusque aptam suppeditante humo, in naves truditur aperta strage. Quibus difficultatibus pressi Austriacus, & Columna, nullo alio memorabili facto, in Italiam, non sine aliorum querelis, & propria nota properarunt. Qui recessus, ut alias, multum Patres perturbavit. Hos nempe esse socios, qui ne bellum tolerarent, rixas induerent; quorum pars amica parum Venetis, pars amica tantum nomine; nulla boni spe classem ab ultimo oceano evocatam tempus itineribus, non bello terere, & ubi manus miscuerint cuncta sibi prætere; ab hoste securitatem haberi post pacem; ab infido socio nec in pace quidem; tandem præteritam victoriam divinitus contigisse. At non cunctabatur Selymus : ad CCCC varii generis naves, duce eodem Uluzzalio, primo proximi anni vere educurus nunciabatur. Qui ingentes apparatus cum reciproca classe, & opera excipiendi forent tempestivè, nihil tamen aliud parabatur apud socios, quam societatis, & foederum splendida nomina, & leves arrogantiae tituli: immutato jam tum etiam Pontificis per nonnullos animo, in quo salutis cardo versabatur. Videndum itaque prudentibus erat, qua potissi-

mum via bellum omne Veneta Respubl. conficeret . Eam sanè Purpuratorum unus Mehemetus Legatum docuit . bellum pertæsus, ruinas, & incertos exitus, & quam, vel maxime Selymus oderat , navalem nostrorum gloriam, concordie nomen per internuncios cum Barbaro, Veneto Oratore attrectavit . Quare, ne Veneti semper externæ opis indigerent in communi malo , ne vita populorum per incerta maris, & tempestatum sine lucro, sed cum cæde volveretur , ne urbium, & provinciarum copie civibus turbas, non salutem parerent , Patres sub principatu Aloyfii Mocenici pietatem suam adhiberi passi sunt his conditionibus, ut Suppotum Turcis restitueretur, possessa ante bellum in Epiro , atque Illyrio oppida eorum essent, quorum tunc temporis in potestatem devenissent, redderentur utrimque quæ bona negotiatoribus nondum soluto in pugnam dissidio, adempta fuissent .

*Uscoci denuò repres si .*

MDLXXVI.

**Q**Uamvis composito Turca maritimos turbines sustulisset, nondum tamen ad quietis stabilitatem profecerat Venetus, cum fomes quidam , & quotidianæ turbationis causæ, Uscoci, superessent: & ut illi discretis variisque prædationibus maria turbaverant , sic à nostris quoque imperatoribus , non continuè flagitii poenas persolvebant . Primum sub hæc tempora , Sebastiano Venerio Duce , in eos classem intulit Hermolaus Theupolus, cum illi piraticam rabiem per finitimos Turcas, Venetosque pari crudelitate exercuissent: jamque videbatur ipsum Hydræ receptaculum & fons Senia arctissima famelicura in dies , ad tantæ pervicaciæ internecionem, nisi diligens Maximiliani Cæsaris causa latronum poenis, satisfactionibusque nostros per dilationem tantisper exarmasset .

Nec

Nec diu apud affuetam latrociniis gentem , & jura gentium, & leges sui Principis potuere. Inscendere enim biennio post myoparones suos, & Illyricum subinde præternavigantes, primum Turcici juris Macariscam furtis facibusque, inde Venetæ ditionis Sicenses, & Almissanos pudendis damnis perculerunt. Etenim cum Rudolphus sua successione per eos dies nihil præter bonam mentem turbatis rebus, severitatis verò, & modi in suos experts imperium attulisset, Aloysio Balbo jussu, facinus piratarum acerrima obsidione, & quovis genere cladium vindicare. At non est morituris necessitas, versa in rabiem fame, inventaq; ex aliis latebris insolenti eruptione in Narentam amnem, ubi navigium Venetum multa ac pretiosa merce dives per scelus raptum est, & viginti Turcæ occisi. Non Senatus ultra, non Præfectus maris vim extremam differendam censuere, conjectantes præcipuum argumentum magni & implacabilis Turcici motus, si, ut aliæ gentis cædes, hæc quoque Amurathi, fervido dignitatis suæ assertori, nunciaretur. Rudolphus igitur, quanto summæ belli propior, tantò impensius pro pace niti cœpit. Itaque Carolo Archiduci non jam levem rei circumspeditionem soliti moris, sed finem tam nocenti malo, solidamq; vicinorum requiem demandavit: Latrones perlato certæ mortis supplicio paulum ficta obedientia siluerunt. Sexennio quievit: ac tandem rediit mos crimini suus, excursuq; frequenti rapina mare, non sine gravissimis Turcarum dispendiis, & querela. Hermolaus igitur Theupolus rursus classi præficitur cum mandatis, ut bellum ad internecionem in perfidos latrones administraret, eoq; necessitatis adigeret altrices impiorum terras, Seriam, Fluminis Vinadolique fauces, ut sua vastitate apud posteros fidem facerent netarii & execrandi hospitii. Theupolus, ut jussus erat, per continentis oram, ultra, citraque scelestos nidos igne ferroque populatur. Serifam etiam, & præsidia castræ aggressus, loci Præfectum trucidat:

turres

turres quondam perfugia latronum solo coæquat, famem intentat, omnia ultimo excidio depressurus: & jam ipsa vis dubios opprefferat, cum ad nuncium Turcicæ expeditionis circum Ubizam, quæ ad Seniæ littus protrahenda à Turcis ferebatur, victoria dirempta est. Quippe Senatus reliqui maris tutandi cupidus vincentem Theupolum, & extrema prælii meditantem ad Ascrivium cum classe ablegavit. Non ideo tamen tot cladibus pressi atrociniis diu abstinuere: seu levibus stipendiis, seu prædæ dulcedine permoti, rursus in furta sua, & in suas naves resilerunt, & rapacius, & latius quàm ante. Nam Pharo, Brachia, & Corcyra nigra insulis expilatis, obvia quæque, tum Christianorum, tum Turcarum navigia, & merces depopulabantur: & jam labem, omnibus portibus incubantem, Amurathes in perpetuum volens extinguere, instructo apparatu Seniam cogitabat, nisi singulari consilio Marci Venerii Oratoris prospectum esset, ne classis emandaretur jure sanctæ pacis, & obtentu præstandæ in posterum per Venetos maritimæ securitatis. Et severiora quidem remedia temporum, ac pietatis conditio abhorrebat, infessa Pannonia, Mysia, & Liburnia: nam metus incefferat diffluere Turcam odio Austriaci Principis, maximè quia Clissam astu militari rapuerat per Uscuchos in nostrorum confiniis, in quibus nihil movere fidei & quietis ad communem Italiæ tutelam intererat. Profectus tamen in Illyricum Benedictus Maurus est, ut jam ausuros populares vicino successu in officio contineret: nam erat animus comprovincialibus juvare Clisenses; sed eos exterruit Maurus, huc illuc ferens arma, & Uscuchos, nostris maribus auxilia comportare ausos, opportuna classe cohibuit, quæ res Clementem VIII non mediocriter affecit: sed omnia tentare præstat tuendæ Reipublicæ causa, & etiam barbaris servanda sunt sua fœdera. Cæterum anniversarii hostes, nec ob id suarum artium oblitia longum tempus sunt, Rovinii namque portum in Histria ingressi

ingressi nocturna manu mercatorias omnes diripuerunt: cumque Hermolaus Theupolus sceleratos ad ultionem quaquaversum inquireret, ipse in accuratissimo conatu vi-ram fato reliquit ad maximam perfidorum licentiam. Illi metu soluti, quingenti Curictam delati, trecentis, qui facinus jam tum inibi expectabant, junctis, in ipso portu quinque Epirotarum longa navigia, & duas triremes invadunt: Epirotas, infesta sibi nomina, ad unum omnes trucidant, cæteros miserrima clade conficiunt: idem ausuri in Albonam, si per Marini Molini, tunc loci Prætoris, violentiam licuisset. hæsit tamen in Flanona barbaries, occisis incolis, occupatoque castello, ubi probro Venetorum Cæsariana signa extulerunt, extorto etiam per vim ab oppressis oppidanis sacramento fidelitatis. Neque atrocitas hæc per oratorem Ferdinandi Archiducis Josephum Rabatam excusari, aut componi potuit apud Venetos. Concitus per hæc Nicolaus Donatus non modò Seniam, conterminosque tractus, sed etiam ipsum Tergestum acriter infedit, in prædones ubique intentus, erectis duabus munitionibus, quæ transitus foedæ genti patebat. Non tamen animus pervicax ob id cessit, non quidem fiducia virium, sed quia extrema mole bellum pariter liberis, conjugibusque ingrueret, & quia maximè vegeti solent esse imperus pro vita dimicantium. Igitur insuetum iter in Histros per abrupta montium juga, & confragosos plerumque saltus, qui Germaniam determinant, ingressi omni genere populationis in provinciam feruntur, vulgus trucidatum, ira & fames sanguine & rapinis satiata, annonam ex victoria retulere: & jam omnia circumfusi prædonis famam horruerant, & infestum agris agmen fugiebant vicinæ gentes, cum Franciscus Cornelius furorem latronum pari motu, reciprocisque damnis continuit in pessimam Austriacorum perniciem, quæ demum populorum miserandis ejulatibus adacta, aures Cæsaris Matthiæ, & Ferdinandi allisit, ut incisus mali fibris orbi  
Chri-

Christiano medicatum vellent: nec distulit Josephus Raba-  
ta in fontes, qui totis ferme viginti quatuor annis res alienas  
sollicitarant, ultimam supplicii legem: securi enim in præ-  
donum duces, & capita ad cæterorum terrorem severa ani-  
madversione detonuit, & ipse infami latronum manu mox  
inhumaniter trucidandus. Sic nonnihil paci consultum est.

*Expeditio septima in piratas.*

MDCI.

**A**T sub hæc non semel ipsi Neapolis, & Sicilia Prore-  
ges conjuncta classe maria ad quæstum sædarunt:  
nec dubiè Franciscus Superantius Orator Philippo Regi fa-  
cinus detulit; sed hujus litteræ suorum damnantis furta ma-  
gis apud Senatum optimæ voluntatis fuere testes, quàm  
apud prædatores imperii notæ. proinde majoribus etiam  
remediis, & navibus Reipubl. sibi prospicere ad repellen-  
dam vim placuit. Nec minùs furor Australis hæc nostra lit-  
tora afflavit quinquennio pòst: cùm circa Corcyram in no-  
strorum navigia sæviissent quinque Numidicæ triremes;  
missus est Augustinus Canalius classis Legatus, qui delibe-  
rato rei gerendæ momento cum Sinus Præfecto Francisco  
Molino, ita bipartito excursu in fugaces delatus, ut ultimam  
hosticarum ad primos appulsus tormentis disjecerit: nec se-  
gniùs in primam Lucæ Pisauri puppem effrenis hostis mor-  
tem trudebat, dilabentibus aliis, cùm sibi integram victo-  
riam eripi latronum fuga putaret, Legatus incitato remigio  
fugitivis insistit. Ferebantur in singulis Numidicis præter  
socios remiges militum C. & XL. Nostris in robore constab-  
bat virtus: itaque rates hostiles vel latè conquassatæ sunt, vel  
alto demersæ, fures aperta strage trucidati. Sic per extrema  
connixum improbum genus alienum æquor suo sanguine  
infecit. Dragutes Archipirata Peloponnesiacus Canalii,  
quantumvis saucii, manu confossus interiit. Eandem virtu-  
tis

tis gloriam brevi pòst adeptus est Antonius Civranus , qui in Meli portu aggressus piraticam pestem, unà cum infamibus lignis furta latrocinantibus extorsit, & scelestas Barbarorum animas ad Orcum detrussit .

*Interdictum Pontificium in Venetos .*

MDCVI.

**A** Piratico bello ad contentionem ventum est scribendi apparatu , & licentia summam ; sed exitu levem . Hoc enim ad pompam inter togatos Principes dissidium , non tam momento suo, quàm sermonibus populorum æternitati mandatum est . Imminutæ Pontificiæ auctoritatis suspicio Paulum Quintum Burghesium in Venetam Rempublicam concitavit . Ille veluti acerrimus Sacrorum defensor volebat irritum omnino quidquid in Ecclesiasticos viros, eorumq; bona decretum esset : nostri majorum suorum statuta, legesq; & temporis, & usus firmata privilegiis asserabant; ne subditorum contumeliæ impunes essent; civiumq; patrimonia distraherentur . Nihil tamen profectum apud Pontificem: à quo properè in universam Rempublicam districtæ secures: urbe interdictum: indigenæ diris devoti . Patres communi sententiæ Interdicto obstiterunt litteris quocunq; locorum suæ ditionis Leonardi Donati Principis nomine transmissis ; ut populi in fide perstarent ; quibus non ignota Pontificis mens jusque suum . Res interim eo loco erat ; urgentibus hinc inde partibus , ut sine ferro & incendio, sævissimoq; bello componi haud posse videretur .

Tandem Christianorum Principum interventu, ac in primis Gallorum Regis Henrici IV. per Franciscum Jojeusam purpuratum Præsulem hæ Italiæ turbæ rixæque inter pium Patrem, & charissimos Filios sublata sunt .

*FINIS LIBRI QVARTI .*

Mm JOAN-





# IOANNIS BAPTISTÆ

V E R I

CANONICI PATAVINI

## RERVM VENETARVM

L I B E R Q V I N T V S .

*Bellum Austriacum quartum, Uscoci deleti.*

MDCXV.



Ræter efferos nativæ ferociæ spiritus , hoc tempore, Uscoci Aulico quoque favore procaces animos attollebant . Nec dubium erat Josephi Rabatæ cædem , ab ipsis manifesto læsæ majestatis crimine commissam , apud Ferdinandum Austriæ Archiducem imputari aperto Venetorum studio . Unde egregii quasi facinoris ministri nostrorum criminationibus inconcussi debacchabantur . Quid igitur mirum, quòd Georgio Danicichio duce, Hieronymum Marcellum pro maris libertate excubantem , inopinata perfidia ad Beschan vinculis gravarint? quòd Antonium Georgium, promissa

Scrissæ

Scriffæ deditione deceptum, per summam superbiam; aigore, simul & minis maceratum Seniæ in ludibrium nationis, traduxerint? quod Christophorum Venerium in Mandra, Pagi insulæ portu cum trireme agentem, furtim interceperint, occisi sanguinem circumlatum ex pateris biberint, cor coxerint, ac devorarint? Inhumana hæc cladium series altiùs exasperarat Patrum animos, quàm ut solitis antea lenitatis, & gratiæ officiis dignæ viderentur immanes belluæ impunè grassantes. Itaque Senatus consulto decernitur conscribi, & comparari exercitus, deligi Duces, & in Archiducalibus terras impiæ gentis asyla, omnem expeditionem conferri. Laurentius Venerius Dalmatiæ Præfectus eligitur, cujus animo cum altiùs inhærerent tot in Rempublicam injuriæ, & Georgii nex, de ultione sollicitus, adornata classe, Novium oppidum, in quo interceptæ triremis armamenta, magno conatu adoritur; flammis, ferroque expugnat: ac, tum capto Præsidente, tum multis ex prædonibus interfectis, furta reposcendo, eximium suæ virtutis decus reportat. Subinde vltro res Venetas coepit laceßere Volsungus Tersacii comes, facinorosorum antesignanus; & Ferdinandus, Venerii factis graviter offensus, Venetorum in sua ditione degentium bona, quæ damna refarcirent, jussit occupari: quo exemplo docta Respublica, cui majora detrimenta piratæ intulerant, Archiducalium mercatorum fortunas penès se retinuit. Hæc dum aguntur, Volsungum propria immanitas, & à majoribus quondam suis possessa Curicta, recensq; incensi, direptique Novii casus, ad populationes, incursionesque per Istros excitarunt. Aggressus Benedictum Legium castella Tergestinorum, salinasque vastantem: ac proscriptum Petatii Comitis temeritate, caput abduxisset, ni Fabius Gallus chiliarca acriter repugnans insequentem tandiu distineret, donec Legius se intutum reciperet. Verùm, ipse ab exundante hostium multitudine oppressus interiit. Hinc victoria animum arrogan-

tiùs erexit, qui flagitiosissimo quoq; in societatem assumpto, cui ob egestatem, & odium, Veneti nominis vehemens perfurendi libido esset, in Forum-julium irrupit; & cuncta prospere adversus inermes egit, uistis, compilatisq; provincialibus. Petenti Montem-falconium, Franciscus Ericius, Provinciæ Præses, festinata expeditione objecit legiones, Palma, Utinoq; excitas, quæ primis congressibus prædabundum coërcuerunt. Præmissus etiam cum delecta manu Pompejus Justinianus Ligur, navandæ operæ avidus, incultæ oræ citra Natisonem pagos omnes, vicosque occupavit, præter Lucinifium, quod in ea regione futuris rebus magis erat idoneum, ut ipso demum experimento deprehensum est. Cum itaq; utrinq; non modica belli contentione disceptaretur, placuit Senatui, Gradiscie Styriæ oppidi, quondam sui juris, obsidio; pollicente Justiniano ex ea faciliorem transitum in hosticum ultra Natisonem. Jussus opus perficere, tanta celeritate, ipso sequentis anni mense Februario oppidum circumdedit aggeribus, & propugnaculis, ut habitatores improvisò conclusi deditionem facturi fuissent, si Venetæ acies continuò irruissent in obstupescitos, ac perterritos. Sed orta inter armorum Præfectos discordia ex invidia, quæ labes in Reipublicæ castris semper viguit, occasionem rei benè gerendæ eripuit. Alii criminabantur Justinianum, qui alienissimo tempore illud instituerat obsidium: contendebant alii, fortunam in bellis pendere à prudentia, non à temeritate. Cæterùm quæ mora interjecta est nostris, ut valde nocuit, sic summè profuit obsessis, quibus opitulatum advolavit Adamus Trautmensdorfius, cum expeditis Germanorum agminibus: & Gradisciam, eique proximam Norejam, nunc Goritiam, impositis præsidis, validissimè communivit. Attamen Ferdinandus ad circumsepti oppidi nunciam, veritus ne dilaberetur in obsidentium manus, coëpit per Pontificem, Hispanum Regem, & Magnum Hetruriæ Ducem, sequestrare, explicare negotia,

aut

aut de pace, aut de induciis. Respublica ad utrumque inclinare visa est: quietis tamen amantior, malebat ea seruari pacta, in quæ pridem suus Orator, Hieronymus Superantius Viennæ convenerat cum Mathia Imperatore. Ut scilicet deleerentur Uscochorum receptacula: & illis toto mari expulsis, finum præternavigantibus illibata securitas esset. Verum, quia non pauci apud Archiducē, & in Cæsaris Aula dynastæ prædonibus patrocinebantur, recusantes Senię demolitionem; spes omnis quiescēdi ab armis evanuit: & vix mēse exacto latrones ad priora scelera suis è latibulis erupere.

Igitur, hoc anno, moderante Rempubicam Joanne Bembo, vindicta potius dilata, quàm repressa, gravior ad Gradisciam erupit. Senatus validis primùm armis, concursuque Ducum, & nationum: deinde valido apparatu, instructisque classibus, magnam paravit expeditionem. Ipsos etiam Archiduciales armarunt Germanæ, Hispanæque vires, tum terrestres, tum maritimæ: ut jam nemo ignoraret imminere bellum terra marique acerrimum.

Quassabat Petrus Barbadicus obsidionalibus tormentis Gradisciam; & emissis peditum copiis, equitumq; turmis, finitimos premebat. Porro, cū magis ad rapinas, quàm ad pugnas discurrerent, ab erumpente ex insidiis prævalida Uscochorum caterva profligantur. Post hæc rarus concursus: neque ulla cum hostibus per eos dies par dimicatio. Trepidabant milites ex agrestium delectu, quoties ad armorum exercitationem educebantur: gliscebant in castris turbæ ob effrenem Volonum licentiam: & subinde in Ducibus, circa belli administrationem dispar consilium oriebatur, atque de dignatione contentio. Certiores de hoc rerum statu Austriaci, nocturno impetu Venetas stationes aggressi sunt: & sepultos tenebris ad unum oppressissent, nisi ad ejulantium voces accurrisset Justinianus; qui spreto vitæ discrimine, per conferta hostium agmina ruens eos repressit, consternatosque & saucios coëgit redire ad suos.

Inter-

Interea , quia nunquam cessabant ab utraque parte bombardarum globi , horum unus ab Gradiscia fortuito ictu prostravit Daniele Antoninum , explorantem ex officio obsidionales accessus . Mortui nomen , & virtus beneficio Senatus equestri statua in majori Utini templo condecorata sunt , ut habeant posterì , & cives , quem colant , & imitentur . Horatius Baleonius oppido succedens , tentavit per transversa sepimenta actis cuniculis molem portæ præstruatam subruere . Inceptum opus non caruisset expedito eventu , si Gallis , quos ad reptandum audacter per ardua munimenti largitio munerum animavit , alia manus , ex populari militum grege compacta , ausa esset in auxilium procedere , ex condicto , & sustinere aggressores . Quare , explorata ignavia , quæ Veneto exercitui erat dedecori : atque per idem tempus renovata à Pontificio legato pacis habendæ fiducia , annuit Senatus Barbadico , ut armis desisteret , & Marianum copias traduceret . Tunc aliquibus nostrorum socordiam deridentibus existimatum fuit oppidum obsidione solutum . At cum primùm venit in Provinciam Antonius Priolus , infensoribus animis bellum instauratum est ; accedentibus cum eo universi exercitus imperatore duobus legatis , Joanne Baptista Fuscarenò , & Francisco Ericio . Mox in belli communi deliberatione decretum , Austriacos proprio exemplo , nocturno impetu adoriri . Mittuntur in antelucanam expeditionem peditum quinque millia , & equites mille quingenti . His viribus Camillus Trivisanus , levis armaturæ ductor , & Baleonius , effusi per hostium castra , magnam undique trepidationem incutiunt , capiuntque bina propugnacula , interfectis propugnatoribus : sed ulteriùs progredientibus consternatione , & cædibus , mora injecta Epirotarum avaritia , quibus adhuc circa prædas intentis jam dies inclinaverat . Properavit ad pugnae locum Trautmensdorfus , & sollicitus quò clamores , ac bellantium strepitus illum vocarent , victoriam nostris eripuit . Justinianus , qui  
mili-

militum rapacitate felicioris fortunæ spem abjecerat, sagaci consilio receptui canere iussit, & cum suo non adeo immunito agmine, in aperta planitie explicato, hostem ad certamen provocavit. Hanc audaciam metuens Trautmensdorfius, intra munimenta se continuit: Subinde Priolus Gradiſciæ obſidionem vehementiùs urgebat: eòque certior de expugnatione, quò opportuniùs ingruens peſtis cœperat Auſtriacas vires debilitare; & Venetæ acies tum occupato Luciniſio, omnem fermè agrum citra Natiſonem Reipublicæ ſubdiderunt. Ericius Faræ propugnaculum ab hoſte perterrito deſertum occupavit, aliaque finitima loca: Vipulzanum, & Caporetum, vi ſubacta recepit, ſtrenuè decertantibus Liuvio Puppio, & Triviſano. Tolmiſſum Nicolao Gualdo obſtitit, ab arce omni miſſilium genere propugnatum; quorum jaculationes gregarius miles pertimeſcebat. Pontebam, frequens emporium Italis, Germaniſque ultro, citroque negotiantibus in duas partes dividit amnis interfluens, & communis pons diſterminat Archiducalibus, & Venetos agros. Quæ pars Reipublicæ paret, ab Archiducalibus fuit hoſtiliter petita, & uſurpata: facinus indignè tulit Fuſcarenuſ; quamobrem coacto agmine, in hoſtes furenti procurrat impetu: oppido eos expulit: & perſequutus fugientes uſque ad Telminum, cuncta ſibi obvia diripuit, ac inflammavit. Hoc victoriæ progreſſu Pontebam Reipublicæ reddidit, diviſque opimis ſpoliis, & gloria præclarus, in ſuas ſtationes remigravit. Alibi fortuna adverſis proſpera ſemper alternans, cum morte ab omnibus complorata, Juſtinianum abripuit; Perſcrutantem quo loco Natiſoni pontem imponeret plumbea glans interfecit, diſploſa è tumulo mœnium Norejæ, adverſus quam moliebatur irruptionem. Virum magnæ in re bellica famæ publica funeris pompa Senatus extulit: & illius gloriam equeſtri ſtatua in Sacra divorum Joannis & Pauli Æde immortalitati commendavit.

Defun-

Defuncto substituitur Joannes Mediceus : hic statim suscepto munere in Trautmensdorfium, qui superato Natifone in Veneta castra parabat insidias, Epiroticum equitatum immisit: at is, conspecto hoste, ratus se imparem sustinendo incursum, retrò ruit, latuitque post loricatedos equites: quæ causa fuit, ut omnes metu correpti fugam caperent, peditibusque ponè sequentibus incuterent trepidationem. Magna ea die clades nostris fuisset illata, nisi Mediceus opportunè periclitantibus præstò fuisset. cum expeditorum manipulis obviis fugientes sustinuit, sicque repressit insectantes, ut sua præsentia, & viribus audaciores facti in terga persequentium se verterent, cogerentque Trautmensdorfium cedere, & in stativa redire. Cæterùm hæc belli flamma, quæ primùm sparsa per Carinthiam, & Forum-julium pluribus in locis flagrans reluxit: mox effusa in Istriam, Dalmatiamque videbatur vno repentè incendio omnia consumptura. Idèd non levem illius restinguendæ sollicitudinem attulit Reipublicæ; proptereà ne latius serperet, iussus est Marcus Lauretanus in Istriam properare. Ut accessit, continuò in Austriacos, & Uscos per maritimas oras populabundus castra movit: & quæ damna Veneti incolæ acceperant abundè compensavit Tergestini agri, atque salinarum vastatio: neque his contentus, per hosticum arma circumtulit, & Antignanum ex Pisini comitatu subduxit, interceptoque Galignano, Zemino terrorem iniecit, solo victoris conspectu. Sub idem tempus navigavit in Dalmatiam Nicolaus Donatus, qui eodem vindictæ, armorumque fremitu Moschenizzam, & Scrisiam ad Fumii ripas eripuit hosti: cujus quoque audito accessu, ad rapinas in continenti, expositis classiariis prædanti fuit obviis: & conferta manu, victor oblata spolia in fugam acto extorsit. Scrisiam infame latronum latibulum, Joannes Jacobus Zannius, totius classis Navarchus intempesta nocte validè impetivit, pulsatumque crebris tormentorum ictibus, spontè deditur

tum

tum recepit, incassum repugnante Scricchio **Uſcocho**, qui oppido præerat. Hujus scelesti hominis caput accolæ **Zannio** attulerunt, à quo benignè accepti libertate donantur, præter perditissimæ gentis assecclas ad unum decollatos. Trautmensdorfius ad **Scrissæ** casum spe tardior comparuit, quam ut debellatam illicò **Zannius** solo æquari mandavit: ille omne odium in oppugnantes **Zeminium Pisinii** refudit: uberemque **Polesanæ** planitiem, qua potuit vi, & injuriadiripuit, ac dissipavit. Pejora cogitantem retraxit in **Carnos** nostrorum incurſio: at suorum facinorum successorem reliquit **Andream Ferlitichium**, **Uſcochæ** gentis, & pessimum prædatoriæ artis magistrum. Hic in portu, **Sylvarum** appellato, sex armatas celoces, & biremem furtim aggressus oppressit crudeliiter, & cum suis captam prædam disperſitus est. Per eos dies **Aloysius Georgius**, postquam in nemore illius tractus constructum propugnaculum subegerat, ampla quoque spolia retulit ab **Vermii** expugnatione: non minus abundè diteſcunt nautici milites **Justi Antonii Bellenii**, quibus data discurrendi licentia per hostiles terras, in præmium expugnatæ **Duini** oppidi turris, ingens prædandi occasio se obtulit, Tergeſtum usque. Atque ita, ut plurimum latrocinii magis, quàm belli modo tunc pugnabatur.

Hæc intra biennium gesta; sequens annus ex interperie cœli gravis, ac propè pestilens, insanabili quadam pernicië diminuit exercitum. Ducum aliquot in **Iſtria** vel mors absumpſit, vel morbus à castris submovit.

Aegrotanti **Priolo** suffectus est **Antonius Landus**: & hoc imperante, auxere **Venetas** copias quatuor **Bata-vorum** millia, quos Comes **Ernestus Nassavius** ad **Reipublicæ** stipendia traduxerat. His viribus, ineunte **Junio**, nostris tranſeuntibus in **Carnos** nullus fuit obex à principio:



in progressu Franciscus Strafoldus Gradiscie Præfectus, cum  
 pedum cohortibus, equitumque turmis non contemnendis, vadato Natifone se opposuit. Acies hinc inde, minantibus armis, videbantur pugnam exposcere: sed non ultra processum; cum hostiles præ timore pedem referrent; nullo igitur obsistente, Venetis patuit via ad concutienda facilius Austriaca propugnacula. His demoliendis excubabat Medicei cura, ut Gradisciam militaribus operibus circumdatâ ad angustias redigeret: obsidere vias, intercludere comعات, & in ipsis Norejæ campis locare castra. Verum ob hanc causam, Natifonem transmittere cogitanti denuò obstant Austriaci: in utraque fluminis ripa fuit acerrimè dimicatum, nutante plerumq; fortuna inter varios armorum exitus. E superiore loco Stellæ munimenti præsidium acrius repugnabat: idcirco in spem illius potiundi duo Comites, Gualdus, & Montius susceptæ curæ magnoperè incubuere, ut scilicet præsidiarios, nisi aliò diverterent, saltem ad sua tuenda distinerent.

Nocturno itaque, tacitoque accessu; alter Gradiscie portam arietans, affixo pyroclastro; alter armata manu in Stellæ munitiones irrumpens, terrore maximo replerunt præsidia: utrumque tamen speratus frustratur eventus; dum nox obscurissima remoratur milites ferendæ opi destinatos. Austriaci hoc explorato consilio attentius circa ejus propugnaculi custodiam vigilarunt: cujus situs parùm distans ab Gradiscia, in adverso Natifonis litore, introducendis comعاتibus erat per commodus, atque ob montium anfractus usque immunis ab insidiantibus. Aliud etiam Rubiæ tutamen Trautmensdorfus diligentissimè observabat: quod expugnatum difficile, Mediceus tamen obsidione sepelit. Batavi longo circuitu, per Carnos, in Norejæ planitiem traducti, & firmissimum propugnaculum, & acrem Ducis industriam assiduis impressionibus diu fatigarunt: tandem insilientes in muros, Trautmensdorfum portæ munimen-  
 tum

tum præstruentem, castrensis tormenti ictu sustulerunt. Maradius occisi successor, & vindex, recensito non modicarum virium exercitu, haud veritus tranare flumen, sub auroram Venetas turbavit stationes. Intempestivus insultus adeò exterruit confusos, ut nullus esset, qui constanti animo vim repelleret. Tribunorum virtus ignominiosæ fugæ turpitudinem delevit, & cohibuit, cum paucis audentioribus, per castra insolentissimè furentes. Multi in hac dimicatione cecidere: ex nostris non obscuri nominis, Marcus Antonius Manzanus, Petrus Avogadrus, Leonardus Gualdus, equitum Præfecti. Arcta interea obsidione premebatur Gradiscia; etsi omni arte, & ingenio allaborabant Austriaci, ne obsessis annona deficeret, quam excavatis arborum truncis, in usum lintrium, aliquando submittebant. Hæc, quæ furtim; & alia, quæ nonnunquam importabantur subsidia, nostri, ut arriperent, hostes, ut inferrent; hi propugnando, illi expugnando, Natisonis ripas, & aquas multo sanguine scædarunt. Non ea porro ubique solertia, & vigilantia; quamvis extructi in amnis alveo detinerent implicitos lintres, ratesque ne opitulatum accederent: quinimò aliquando aliqua inferret audentiùs, promptum ad difficiliora, Principis Valtaini ingenium. Sub oculis Venetorum Ducum aperto sibi per convalles montium itinere, obsessis frequens auxilio erat. Horatius Baleonius pari fortitudine ad illos obstruendos aditus, cum sexcentis peditibus in eas angustias penetravit. At iniquam expertus fortunam, quasi magno conatui invideret susceptæ expeditionis, ne forti viro res secunda obtingeret, dum strenuè dimicat, à Valtaino interficitur. Hujus ingenti spiritu, & militari disciplina, clarissimi Ducis famam Senatus posteritati commendatam voluit, ornavitque honorifico tumulo in augusto Geminorum Templo. Pugnæ superstites non inertes, neque incruenti, Baleonii necem uli sunt, cum obsepis Valtaino, & Maradio itineribus ad extrema quæque, suadente fame,

Gradisciam redegiſſent, ut citiſſimæ deditiōis ſpem obſidentibus non demeret.

*Hiſpana expeditiones terra marique coërcita.*

MDCXVII.

**N**E bellum ullo loco Reipublicæ deeſſet, Petrus Toletanus Mediolani Gubernator, & Petrus Gironus Oſſunæ Dux, Regni Neapolitani Prorex: ambo nomine, atque odio pares in Venetos, omni conatu ſtatuerunt hos avertere ab impreſſionibus in Archiducalibus terras, ut plures in partes diſtracti, ad injurias propulſandas minùs valerent. Primùm igitur Toletanus ab Inſubribus erumpens armatus, Cremenſis agri pagos, vicos, rectaque incendiis, direptionibusque barbarum in modum, attrivit, & compilavit. Senatus furenti occurrere juſſit Hieronymum Cornelium: hic manu, & ingenio celer, collegit ex præſidiis ſelectiores ad vim arcendam: quibus in hoſtem ſuo exemplo incitatis, ejus incurſiones cohibuit, ac propulſavit; ut in poſterum à vexandis confiniis abſtinuerit. Toletani temeritas tota in populationibus coërcita fuit, & obſtricta conditionibus Pacis, ſuperiori anno initæ in Aſtenſi conventu.

Prætereà multiplex à mari terror ingruit nuncio præpotentis claffis Adriaticum obſidentis. Oſſunæ Dux proſperis Venetorum ſucceſſibus invadebat: & potiſſimùm, quòd penè deſperata Gradiscia propugnatione, non dubitabant Auſtriaci, quin illa brevè deditronem faceret. Hinc ille concordia, & quietis oſor, ſubmiſſis copiis impulſerat Toletanum ad arma in Cremenſes: atque ex ſe conſtituerat, parata claſſe Adriatici maris jura Reipublicæ evertere. Vocat igitur Uſcochos, quibus impenſè patrocinebatur, ut conſuetis rapinis Venetas navigationes turbarent; & ali-quod in Iſtria oppidum caperent, ex quo tutò paterent in obſeſ-

obfessam urbem commeatus . In hunc finem è Brundusino portu bis sena magnæ molis navigia emittit, quæ ductu Francisci Riberæ lacefferent Venetos, quos Adriaci Sinus usurpatores appellabat. Patres, se cuique fortunæ committere assueti, percepto perfidæ classis transitu in sua maria, illic imperant Justo Antonio Bellenio Navarcho, ut instructo nautico apparatu in illa contendat, cum Laurentio Venerio navium Præfecto. Unà egressi ea alacritate, qua militares animi studio pugnae incenduntur, è Phariæ portu, qui nunc Lesinæ dicitur, non procul Curzola, olim Corcyra Melena, infestæ Ossunæ classi occurrunt, & adeam oppugnandam conatu maximo contendunt . At Ribera, cognito periculo, cui patebat, subita fuga mare transgressus, Brundusium repetit . Ille in portu abditus, & ab arcemissilibus protectus, Venerium, qui fugientem erat insequutus, diu ludificatus est, provocantem ad certamen . Ergo frustra classarii, bombardarum, tubarumque clangoribus, & lituorum stridore, intermistis vocibus, conclamantes, sublati anchoris digrediuntur, & excursione facta per totam Apuliæ oram, ubique metus, terroresque inferendo, se Phariæ restitunt . Ossuna rei gestæ nuntio majori concitatus rabie, addit licentiæ scelus, & aliud scriptis molitur bellum, quo Rempubicam expellat de sinus Adriaci dominio . Acuit legulejorum calamos, & commentitiis rationibus probare nititur, nullum esse Venetis præsumpti maris dominium: propterea liberum cuique ejus navigandi arbitrium . Hæc mendacia literis exarata evulgar, provocatque Principes ad commune commercium . Verùm quia nemini erat ignotum, quod omnis vetustas acceperat, Adriaci pelagi imperium à majoribus sanguine partum, proprio, inconcussoque jure ad Veneros pertinere, insani hominis irritamenta deriserunt . Ad Turcas conversus, hos muneribus, & complurium mancipiorum donatione

ten-

tentavit allicere, ut in Cretam facerent irruptiones. Porro & Barbari, quos ille barbarie vincebat, indignum scelus abhorrentes, responderunt, se potius auxiliaturos Reipublicæ adversus communem hostem, qui *Ulscochæ* gentis pernicitate, & fraudibus, toto mari exturbabat commeantes. Repulsus ab omnibus, obstinatusque ad parendum regiis præceptis, noluit ab injuriis discedere: quin secretioribus mandatis prætexebat suum odium in Venetos, quasi hostes omnium pessimos, uti jactabat, erga Hispanos. Interim, nec mora, nec requies irato: citissime instaurat classem una de viginti triremibus, regendam *Petri Leivæ* imperio, *Ribera* comite; utrique injungit, ut sorte per omnia tentata, *Polam* in *Istria* occupatam munirent. Hoc jussu educæta *Brundusio* vagatur aliquandiu circa *Dalmatiæ* portus, ac tandem in conspectum *Phariæ* iterum se dat; & certior facta ab actuariis Venetam ibidem contineri, numero exiguam, & ob reflatum, non erupturam; *Leivam* & *Riberam* reddit insolentiores. Ideò nostros ad eruptionem, & ad pugnam audaciùs evocabant, at hi nulla obsecundante aura, inclusi, fauces portus binis septiremibus armarunt, majoraque disposuere tormenta in utrumque latus: mox frequenter acclamatum est à classiariis, ut illi propiùs accederent, statimque in eos, patrio fastu turgidos longè jaculati missilia, terrorem inferunt, & formidinem: unde repressa temeritate coerciti, canunt receptui, & sub vesperam *Brundusium* versus iterum dirigunt proras. Casu accidit, revertentibus, cujusdam navis occursum, quam piratarum more capiunt, & diripiunt. Hoc uno suorum facinorum testimonio *Proregem Leivæ* succensum, quod nullum à Venetis oris municipium pugnando abduxisset, placabilem sibi effecerunt. Hæc ubi nuntiata sunt, Patres minime rerum suarum obliti, decernunt augere classem, cujus administratio foret penès *Jacobum Zannium*, *Cretæ* gubernacula tunc temporis moderantem: eidem mandatur,

ut

ut confestim abductis ab Infula decem triremibus, Phariam contendat, iisque totidem adjungat, ex urbe transmissas; & reliquas addat à Bellenio receptas. Sic ex duabus classibus unam componat, unius ac triginta triremium numero, præter septiemes sex, bisque septem magna navigia, ac multas liburnicas. Cum hoc apparatu egressus de portu, lustrat omnes Adriacos recessus, percurrat Istriæ, Dalmatiæque littora, cunctaque agat, ne illi, qui Veneti maris ambiret, & affectaret dominationem, ullo in loco damna inferre liceat. Zannius dum sua in statione ex Senatus decreto nauticam instruit expeditionem, nihilo negligentior Ossuna Siponti suam adornabat classem, quam cum Octavius Aragoniæ Dux septemdecim Ligusticis auxisset triremibus, injecta est nostris de Regio consensu suspicio. Inhostica numerabantur triemes triginta tres, duo de viginti gauli, & pauca minora navigia. Illius ducendæ cura demandata erat Aragonio, quem sequebantur Leiva, & Ribera. Prætervectus Epidauri ostia, Hispanis amica, quia Venetis infensa, Phariam adnavigat. Stans in anchoris ante Insulæ portum, videbatur promptus ad pugnam; quam nostri non detrectabant: erat enim in omnibusidem animorum vigor, & conferendæ manus par cupiditas. At fortuna jam solita invidere prosperis Reipublicæ rebus, eos continuit oclusos, invalescente improvise adversa ventorum vi. Venerius tamen impavidus, & longioris moræ pertæsus, sibi portus ostium vel intempestivè aperuit, navibusque ad tormenti ictum in aciem explicatis, classicum cecinit. Sed hostes spem provocantis deludunt: ac si magis ad virium suarum ostentationem, quàm ut pugnx aleam subirent, illuc usque progressi essent: sublatis enim repente anchoris, altum tenuere, è conspectu submoti. Verumtamen, ut docuit eventus, hæc fuga non fuit, sed voluntarius recessus, propter certam divitis prædæ fiduciam. Occultarunt se sub scopulosis veteris Tragurii latebris: è quibus

busmox furtim erumpentes triremes, duas numero, quæ oneri ferendo, non prælio committendo, aptæ, convectabant ad Venetos venales ab Syria merces, interceperunt, simul cum una ex septem ad onerariarum custodiam destinatis, ductore Antonio Civrano, reliquæ intuitæ eminens piraticæ classis fraudes, cum viatoribus in proxima littora remigrarunt. Hispani Duces opima præda potiti, ac sibi debellarent, lætabundi Brundisium, inde Neapolim, remis, velisque contententes, Proregi captas triremes, & spolia in triumphi speciem obtulere. Sub idem tempus, quidam rumor, at incerto auctore, dispersus, increbrescebat de prospero conflictu Venetæ classis cum Hispana: propterea universa urbs in lætitiâ effusa, festis ignibus, hilarique voce sua gaudia testabatur. Senatus verò, qui certiores nuntios expectabat, ægrè vulgus à contumelia, & impetu in Alphonsum Quevam, Regium Oratorem compescuit. Denique, re comperta, nullum commissum certamen, at liberum Hispanorum cursum per Venetum mare; rapta navigia, factasque prædas, & inter pretiosiora computari onerarias triremes, mutantur gaudia mœroribus. Accusantur socordiæ Navarchi; neque excusationes admittuntur nunquam potuisse cum hostibus aperto Marte congressi: contraria semper ventorum, tempestatumque sævitie: clausos, detentos, neque se liberos unquam pugnam inire cum recusantibus, aut dimicare cum fugientibus, more piratarum, in loca tuta. Querebantur de mercium jactura negotiatores, poscebantque incuriæ coram iudice Civranum. Qui rem sedula perquisitione decernat, Petrus Foscarenus Senatus consulto deligitur: qui subito profectus in provinciam, accurata indagine perscrutatur, quo modo postulatus reus se gesserit: reversus retulit nullum in Civrano comperiri negligentiam, aut inertiam crimen: sed, quod acciderat, imputandum inevitabili fortunæ fato. Cœterum summè anxia Respublica, ne tam numerosa hostium classe finiti-

finitimæ urbi oræ Metamauci, & Clodiæ trepidarent: vel  
 maritima Polæ, & Parentii oppida illius paterent insul-  
 tui; omnia Joannis Garzonii, & Francisci Mauroceni  
 sedulitate, munienda, atque armanda præsidii cura-  
 vit. Acceptam insuper injuriam acri ultione flagrans  
 reponere, aliarum triremium paravit subsidia: & amo-  
 to Zannio, quem æquè animi, corporisque urgebant  
 angustia, rei navalis administrationi præfecit Lauren-  
 tium Venerium; naviumque regimini Maurocenum.  
 Utrique tandem imperat cuncta agere, & audere, quæ  
 Veneta arma, deleta socordia nota, si qua iniusta foret,  
 in pristinum decus assererent. Delecti Duces conjun-  
 ctis animis, auctisque viribus & immensæ magnitudi-  
 nis navi, quæ Gaulus Balbi ab inventore nominabatur, per  
 Adriaticum huc, illuc volitantes, in medio habuere ob-  
 vios hostes; qui, ducente Ribera, Siponto venerant, cum  
 quindecim rostratis navigiis. Nostri eo læti conspectu,  
 subitis bombardarum tonitribus Riberam ad concertan-  
 dum extimulant: at ille in sua statione immotus præsto-  
 labatur tacitus provocantium accessum: ac proinde fa-  
 ctum est, ut in quasdam, quæ audacissimè præcesserant,  
 naves, ea omnis generis missilia jacularentur; ut una,  
 vel altera foedè lacerata, retrocedendo, reliquas pavo-  
 re, & metu compleret: eoque deformi aspectu territa  
 classis formidaret hostilem incursum. Venerius, qui  
 nihil indignius sibi ferendum putavit, quàm à suis de-  
 feri, conscendit liburnicam, & classarios hortatur depo-  
 nere metum, fiduciam induere, & unà secum ad vi-  
 ctoriam properare. Nunquam tamen potuit confusos  
 rursus componere: idcirco, reluctantibus cæteris se-  
 præuntem sequi per incerta bellorum eventa, ipse  
 cum suis perpeti nocte coram hostibus stetit, & pulsa-  
 tos assiduo tormentorum fragore, consternavit: cùmque  
 postero die in eorum navigia collimasset è septiremi-



bus grandiores machinas, ab harum gravi percussu fatis apparuit, contusis, fractisque nullam aliam spem salutis subesse, quàm fugæ. Hanc igitur expansis velis Brundisium versus parantes, ille consensu Balbi gaulo, datoque septiremibus remulco, quanta potuit celeritate persequitur. At quæ vis fati! quo momento fugientium tergo imminet eos apprehendere, & infligere temeritatis poenas sibi arrogantibus Veneti sinus imperium, repens turbo, & fretum insanis fluctibus horridum intercessit. Itaque in ea maris, cœlique turba timens naufragium, iniquo fato obscondere coactus est, & se credere tempestati. Hujus jactatus, atque agitated injuriis, tandem in Sanctæ Crucis stationem cum sua classe appulit, haud longè ab Epidaurò. Eadem ventorum, pontique procella in Dalmatiæ scopulos impexit naves, triremesque quæ metu concussæ ab hostium confictu se subtraxerant: ex istis quinque fretum absorbit: atque adeò ignominia labem abluerunt aquæ: gloriæ loco, quam virtus patriæ debuit.

*Gradiscia obsidione liberata.*

*Pax.*

MDCXVIII.

**P**ostquam Venerius inimicas classes cladis imminenti periculo deterritas, toto Adriatico expulit; hoc solum deerat Reipublicæ bonum, ut Gradiscia expugnata, & Uscochis exturbatis, oprata pace frueretur. Oppidum ad rerum omnium angustias compulsus, clauso flumine; intercluso aggeribus agro; validisque custodiis impedito commeantium accessu, deditioem propediem facturum videbatur. Cœterum ne veniret in potestatem à magnis concordia arbitris Ludovico Galliarum Rege XIII. & Carolo Allobrogum Duce impetravit. Repentinus nuncius de Pace inter Venetos, & Austriacos firmata, has retulit præ-

præcipuas conditiones. Suum cuique reddendum : Uscochorum infame nomen , & exercitium penitus terra mari-que exterminandum : myoparones comburendos : omnia insuper latronum effugia, & latibula demolienda. Attamen cum nulla facta fuerit mentio de captivarum navium, triremiumque, cum mercibus restitutione, Senatus his, quæ gesserant se inconsulto duo Legati, Octavianus Bonus, & Vincentius Gussionius assentiri noluit: quinimò Parisios festinare iussit Simonem Contarenum, qui utrique publico decreto diem diceret, ob neglectum mandatum. Præsentissima tamen Regis officia purgarunt Legatos; asserentes triremium negotium prorsus alienum esse à rebus cum Ferdinando Archiduce componendis. Idcirco, quæ acta fuerant sequutus est optimi Senatus lubens assensus: quo se non tam vacuum gloria æstimavit, ut post compressos latrones, & armis extortam maris securitatem, inane Archiduci oppidum, ceu virtutis suæ præmium mallet, quam sinceram famæ laudem, & desideratæ quietis securitatem. Sic adeptus, quæ magis è publica visa sunt, ex decoro Senatus, conservandæ tranquillitatis amantissimus in Curictam Dalmatiæ insulam suos Conquisitores misit Antonium Priolum, & Hieronymum Justinianum, ut cum Carolo Arcacio, & Joanne Jacco Edilingo Ferdinandi ministris ratum haberent, quod Parisiis XV. Kal. Octobris conventum fuerat de Pace. Hanc Respublica per integrum fermè quadriennium grauiissimo bello agitata, magna sua gloria obtinuit, extincta Uscochæ perfidæ gentis memoria.

*Conjuraciones in Rempublicam detectæ  
& puniæ.*

**S**ors Venetæ Reipublicæ prospera ob firmatam Pacem, Toletano, & Ossunæ nunciata, ita eorum animos

exasperavit , ut hostilia molirentur , & moliendo profiterentur suum implacabile odium , vel in mutua concordia gratia , vel in communis utilitatis beneficio . Vastus utriusque animus , & audax in Venetarum rerum perniciem , excidiumque conspiravit . Uterque hoc maximè cupiebat clandestinis dolis assequi , quod hucusque aperta vi nequiverat . Hi ergo insidiarum molitores conveniunt stipendiariorum fidelitatem tentare ; oppugnare municipia ; & ipsos quoque urbanos lares inquietare , convellere . Toletanus jam egerat cum Joanne Bernardo Gallici peditatus Chiliarcha , in Cremenſi præſidio , de arce prodenda , & militum plurimos amplis promissis corruerat . Aderat facinori præſtituta dies ; & adjutrices turmæ proditoria signa expectantes Laude Pompeja morabantur . At Superis placuit , ut quidam è focis exosi scelus hoc ad portas deprehenſum proderent . Conſurgit igitur in perduelles Magiſtratus ; Bernardus capitur , & non pauci cum eo infamis flagitii participes . Omnes convicti prodicionis crimine , fractis laqueo cervicibus de ferali trabe pependerunt . Sic ab imminenti periculo Crema ſervata , & ſpes Toletanæ machinationis concifa .

Per id tempus etiam Oſſunæ naves Adriaticum hoſtiliter pererrabant , latitantes aliquandiu poſt Jaderæ ſcopulos nuncium , qui eas ad occupandam Foſſam Clodiam vocaret expectabant . Diem , & modum ejus adoriendæ Alexander Spinofa , Romanus gubernator præſinierat . Actum eſt tamen favente fortuna , ut priùs quàm fraudes matureſcerent , & à perfido proditore urbs traderetur , qua in poſteſtatem redacta , parata erat in Veneta ſtagna irruptio , ſceleſta machinatio pateret indiciis . Prodicionis hujus compertus reus ſtrangulatur , inverſoque capite turcæ appenditur . Hic ignominioſus periit ; & hoſtes dejecti , cum opprobrio in ſuas ſtationes redierunt . Nihilominùs à ſtudentis

endis insidiis nunquam quievit Ossunæ adversus Rempublicam livor, & odium, cui faciliè par erat invidentia Alphonsi Quævæ, Regii Oratoris, ægrè ferentis secundos illius successus. Dum igitur Veneti foris Gradiscæ obsidioni attentissimè incumbabant, illi domi, & in patrias eorumdē sedes sceleratas machinantur conspirationes: & hoc execrandum nefas per milites, qui Reipublicæ stipendia merebant. Quæva in primis circumiens publica diversoria, Battavos adhuc pestis suspectos à Venetis signis abducere conabatur, majori spe lucri: & alio ex conductis amplis pollicitationibus sibi obnoxios, fidosque facere. Hæc omnia clanculùm cum hominibus facinorosis, quos ad perturbandam Rempublicam, & insana rabies, & vasta rapinarum fiducia stimulabant. Inter hæc Neapolim appulit insignis pirata, natione Gallus, nomine Jacobus Petrus, Ossunæ maximè charus, tanquam aptissimus ad omne scelus minister. Habito de proditione consilio; ut hoc tegerent, causas effingunt inter se odii, & inimiciæ gravissimas: alter indignatione plenus Neapoli discedit: alter furore percitus illius uxorem Messanæ detinet in custodia. Jacobus Romam profectus se valdè cupidum merendi apud Rempublicam, in re maritima Veneto Oratori Simoni Contareno prodit: qui tamen, quoniam de ingenio, & fide hominis dubitabatur, cujus consobrinus, Tazzii dominus, apud Ossunam militabat; cautè sua differebat officia. Vicit tandem procrastinantem Galli legati optimum de Jacobo testimonium non minùs, quàm pereos dies summa ducum, militumque penuria. Dimissus Venetias cum Lengado socio, in machinis incendiariis expertissimo; & duabus navibus conductis, stipendiunì meruit ducentorum aureorum in singulos menses. Hujus adventum prævertit Nicolaus Rinaldus Tarvisinus, Quævæ inter conspiratores acceptissimus, confectis literis, & Ossunæ manu obsignatis, quæ viri mili-

militarem peritiam, ac vota Proregis, ejus redditum flagrantissimè designantis, repræsentabant. Quamobrem, ubi in conspectum se dedit, eò gravior Patribus fuit, quò importunissimo hosti ex animo infensior visus est: quotidie cum plurimis disserendo, vel de perdenda Hispanorum classe, vel de occupandiseorum arcibus in Apulia. Interdum(donec detestabile facinus erumperet) stipatus facinorosa catterva, quam maxima parte constabant Burgundiones, & Galli, toram circuibat civitatem; publica, privataque ædificia, insularum, pontium, canaliumque situs, structuras, & metas diligentissimè observabat: cùmque omnia sibi apparerent admiratione digna, palàm extollebat Reipublicæ majestatem, & urbis magnificentiam. Hisce dolis insidiarum tempori obsequabatur: nocturni coetus agebantur in secretioribus Quæ conclavibus: ibi conveniebant conspirantium capita: & crebris subinde tabellariis admonebant Ossunam, ut paratam classem in Adriaticum immitteret; cùm in promptu esset, quod exitu facillimum pollicebatur commilitonum fides, dispositis concubia nocte, per universam urbem oppugnationibus. Armamentarium incendere: ærarium subruere: interscindere pontes: igni præcipua loca absumere: auxiliorum impedire commercia, ex optimatibus ditissimos, & nobilissimos quosque interficere: domos, & divites officinas, occultis characteribus signatas, rapere, expilare: omnia denique passim ita miscere, atq; confundere, ac si offusa Venetæ urbi sempiterna nox instaret. Hæ machinæ vigilantibus curis pessimos homines exercebant, quorum plures quotidie Marcianam turrim conscendentes; ut, quò latius patebat in mare prospectus, eò citius adventum nautici apparatus specularentur; certiores facti; opere complerent nefarium scelus. Ducebat classem vir Anglus; cognomento Haillot, aliquot magnis navibus adornatam; quæ jussa consistere ad anchoras in Fori-julii sinubus, opportuno adessent subsidio conjuratis; & compluribus

ribus parvis biremibus, lintribusque quorum agilis esset excursus per æstuaria, & euripos; explorata pridem aquarum altitudine à Jacobo, qui cum suis satellitibus ocreatus quotidie incedebat, veluti propediem in expeditionem iturus. Dum hæc perfida consilia alto silentio premuntur, una totius urbis erupit vox, utique cœlitus emissa, Ducis Ossunæ classem partim captam à piratis, partim naufragio dispersam, quæ furtim in Adriaticum descenderat. Diffusus rumor sollicitos habuit conspirantes: monuitque Patres sufficere Laurentio Venerio Petrum Barbadicum cum mandatis, ut illicò navigaret: atque inter primores classarios recenseret Jacobum Petrum, Lendagum, & alios, quos ille secum vellet conducere: qui verò remanebant ex conjuratis, in autumnum suos opprimendæ ciuitatis conatus distulerunt. Sed interim contigit, ut ex eo numero duo, Gabriel Montecassinus, & Balthassar Juvenus, nobiles Galli, sceleris atrocitate commoti, infandæque societatis commercia detestati, totam conspirationis seriem Decem-viris palàm facerent. Statim per nota symbola, tesseraeque in hospitibus, tabernis, domiciliis, & meritoriis, omni loco, & cura perquisiti, & inventi proditores in vincula conjiciuntur. Constituta de perduellibus quæstione, alii in carceribus laqueo præfocantur: alii publico suspendio plectuntur cum Rinaldo, tanti criminis antesignano. Multi arrepta fuga, properarunt vel Neapolim ad Proregem, vel Mediolanum ad Governatorem: ad quem, & Queva, tumultuantis vulgi metuens lapidationem. Eodem die expeditis myoparonibus, nuntiatur Barbadico, ut de Jacobo, Lengado, cæterisque nominatis perfidi ausus consortibus, surdus ad cuiuscunque preces, & querelas, hoc sumat supplicium: omnes singulis culcis inclusos, confutosque in mare jubeat præcipitari, & demergi. Extinctis in hunc modum, fugatisque publicæ libertatis hostibus, Deo servatori, ac vindici supplices gratias egit Senatus, & universa Civitas à cædibus, incendiis, rapinis, ac ab omni

omni inusitato prorsus, ac tristissimo genere calamitatis divinitus defensa, & liberata. Verùm Ossuna, neque hoc suæ temeritatis infelici successu deterritus, conceptum in Venetos odium concoxit. Altera classe Adriaticum infestum reddidit latrociniiis: & maximè per extorres Uscuchos; horumque omnium scelestissimum Andream Ferlitichium. In maris perturbatores, qui piratica facientes Venetas naves prædabantur, insurrexit Barbadicus quadraginta ingentibus navigiis, ac totidem octo supra triremibus, hostesque in mare Inferum compulit depressis, captisque aliquot eorum navibus. Decollatur Ferlitichius; exhibetur negotiatoribus commeandi securitas: atque per eos dies, jussu Regis ex Adriaco Sinu hostilis classis submoveatur; & onerariæ triremes ab Aragonio surreptæ restituntur cum mercibus, plurimùm tamen ob avaritiam diminutis. Accessit etiam ad pacis complementum Ossunæ reditus in Hispaniam: qui affectati Neapolitani Regni insimulatus: & de læsæ Majestatis crimine condemnatus, in vinculis miserrimè obiit. Ex hoc pervicaci, & quietis nescio viro capiat documentum quicumque infatiabili animo majora, quàm pro sua fortuna, pari dementia, temerè aggreditur.

*Vallis Tellina tumultus exorti & compressi.*

MDCXXII.

**V**allis Tellina Rhætis, qui hodie Grifones dicuntur, cum Bormii & Clavenæ Comitatibus parebat. Hanc Addua fluvius erumpens ab Alpibus alluit, & è Lario lacu, quo excipitur, emissus inter utramque dominationem Mediolanensem, ac Venetam decurrit in Padum. Superiori tempestate duabus agitata factionibus: altera Catholica, quam tuebatur Rhodulphus Planta, vir nobilis & potens: altera Hæretica cui ad hærebat Hercules Saliceus homo turbidus & audax, apertis inquietabatur dissidiis. Sibi invicem adver-

adversantes Plantæ, & Saliceus primas tenere contendebant in ferendis rogationibus designandisque Magistratibus. Cum igitur uterque auctoritate polleret, trahebat in diversa studia populares; propterea gravissimæ exarserunt contentiones: alii seorsum euntes in alios, discordantes Religione, à verborum jurgiis ad armorum strepitus processerunt. Ruébant Catholici in Hæreticos, & hi mutuam vicem reponentes, civili quodam certamine, totam Vallem cædibus, atque incendiis scædabant.

Præsentēs adauxit calamitates Jacobus Robustellus, qui Vallis populis suasit nunc adesse tempus, quo se Rhætica servitute exuerent, facta Hispanis deditione. Sic illi, eo hujus facinoris molitore impellente, in fidem ac tutelam recepti, fortique manu adjuti à Feriæ Duce Mediolani Gubernatore Rhætos inopinatò invadunt, & vires suas hostiliter ostentant. Qui contrà furentis ultionis ardore perciti, omnia ferro flammisque vastant, ac populantur maximo incolarum terrore, & luctu promiscuè in omnem sexum bacchantes: atque tanta utrinque occisione, ut visus sit Addua sanguine magis, quàm fluctibus redundasse. Per hæc Rhæti conantes reducere ad pristina obsequia rebelles vocarunt Helvetios in auxilium; & externam Gallorum, Venetorumque opem implorarunt. Missis legationibus ad Rempublicam exponebant illud esse Hispanorum arcanum. Quòd retenta Valle Tellina, quæ se voluntati eorum, atque imperio tradiderat, Germanicas Austriacæ Domus ditiones conjungere cum Insuorum dominatu; & clausis Alpibus, obsessisque fluviorum ostiis arcere ab externis auxiliis Italos Principes, eosque cogere in suam clientelam: & hoc esse præcipuum Hispanæ cupiditatis votum. Igitur celeri, ac opportuno remedio occurrendum erat huic certo discrimini, antequam in omnium perniciem se verteret suspectæ gentis machinatio. Quare his rationibus, & præsentī periculo deterriti Hel-



vetii: metuque non contemnendæ suspicionis commoti Rex Gallus & Venetus Senatus decreverunt percusso fœdere tueri communem libertatem, atque collatis armis efficere, ut Vallis suis dominis restitueretur; ut Alpium ingressus, regressusque tutò cunctis paterent; perque apertos fluminum alveos, disiectis obicibus, commercia ultro citroquè liberè commearent. Nulla interim officiorum intermissio facta fuit, ut jus suum cuique redderetur; sed incassum peracta omnia; ac propterea eò citiùs parata sunt arma. Helvetii eduxere in expeditionem tria peditum millia: Veneti validum confecti exercitus robur curæ Nicolai Barbullii commendarunt; Joannes Grangæus Rhætici agminis, & belli administrator cum auxiliaribus copiis apud Tirianum pugnavit cum Hispanis vario fortunæ successu; quædam tamen capta sunt castra, Regia præsidia depulsa, fugati indigenæ, incensi vici, dirutæ domus, profanata templa, atque hinc inde in corpora sævitum insatiabili ferme crudelitate. Cæterùm dum ita inhumaniter pugnatur in Rhætia, de pace Madriti agebatur. Illam curabant Veneti Oratores, missi extra ordinem, gratulatum Philippo Quarto successionem Regni & nuptias: Legati quoque Pontificis, & Galliæ Regis in eandem curam incumbebant. Altero inchoati belli anno septimo Kal. Maji sancita fuit his, præter alias, conditionibus. Reponendæ Vallis in Rhætorum potestatem: sed abolita essent quæcumque decreta adversus Catholicos: Feriæ Dux arma dimoveret à Valle; auferret præsidia; occupata loca relinqueret; & dirueret arces, propugnacula, & quælibet munimenta, vicinis Principibus suspecta. Verùm. Feria aspernari ausus initæ pacis conventa nulla in re mandatis Regiis obtemperavit; immò cum Archiduce Leopoldo agitabat consilia de Valle non deferenda, cujus possessio Austriacis erat valdè opportuna, eo sane justo prætextu; quòd Tellinæ gens recusaret iterùm collum subdere jugo servitutis, & dominium barbarorum homi-

hominum subire. Rhæti furenti rabie stimulatī corripunt arma, & efferatis animis irruentes adoriuntur Hispanos, Curiam ingressi impetum faciunt, atque inde fugant Austriacos. Qua euentuum prosperitate, & fama asciti in fœdus Allobrogum Ducis, quem nimia Hispanorum potentia offendebat, Leopoldus & Fera consultarunt è re sua esse, quod tum temporis ratio postulabat in Summi Pontificis manus Vallem Tellinam deponere, cum castris, propugnaculis, ac munitionibus, donec ille omnem controuersiam sua auctoritate dirimeret. Placuit fœderatis oblata depositi conditio accepta anni sequentis mense Majo; sed quæ intra bimestre adimplenda esset: cui Gregorius Decimus quintus annuens illicò fratrem suum Fiani Ducem à se dimisit, ut illud acciperet. Spes erat cum Vallis restitutione omnem armorum strepitum sopitum iri: hoc vnum Principes efflagitabant à Pontifice. Nullus tamen precii locus. Gregorium Catholicæ Religionis causam intuitus, & commiseratus incolarum mala, quæ iterùm acerbius passuri dicebantur, si hæreticis subjicerentur; constantissimè eorum officia rejecit. Hæc inter illius obitus supervenit, & in successorem electus fuit Urbanus Octavus: ad hunc etiã frequentes fuere petitiones porrectæ de celeri componendæ litis iudicio; si optaret auferre bella, & in populis contentiones pacare. Qui tamen non secus eadem causatus, quæ suus Antecessor, sententiam distulit, & Principes conceptis votis frustrati sunt. Hac deliberandi intercapedine visus est Pontifex adhærere Hispanis, & callidum fuisse inventum de Deposito, quod capto tempore augebat Feriæ contumaciam. Tot igitur decepti titulis statuere id bello consequi, quod pacifice sibi concedi negabatur: Et ideò in Soliduri conuentu, cui cum Gallo Præsīde interfuere Hieronymus Cauaccius Venetus Reipublicæ Internuntius, cum Rhætorum Primoribus, actum fuit non discedendum ab armis, jungendas esse copias, & Vallem præcis dominis resti-

tuendam. Dum hæc decernūtur Aloysius Valareffius Eques ab Anglica legatione per Helvetios in patriam transiturus ab Senatu accepit litteras, quibus monebatur, ne ab ea Provincia discederet, acturus de summa bellicum Regio duce Covureo; at paululū ibidem moratus in febrim incidit, coactusq; abscedere habuit successorem Aloysium Georgium, qui strenuus, ac promptus citò adfuit suo muneri, secum adducens à Veneto Navali peritos, qui Lintres, celocesq; extruerent, navicularios qui regerent, & epibatas, qui depugnarent: cū etiam in aquis decertandum esset. Francisco quoq; Ericio datur in mandatis, ut è Reipublicæ finibus, quando opus esset, militiam, & impedimenta subministraret. Tum Chiliarcæ Milandro Germano constitutum stipendium, ut cum scriptis extra Italiam cohortibus in hanc pergeret expeditionem: in quam iussus etiam est properare Comes Nicolaus Gualdus Itatorum peditum Præfectus: Dynasta Candalis Gallus similiter huic bello vires attulit ex peditibus, equitibusq; confectas. Covureus, qui Regis copiis præsidebat cum auxiliariis, lustrato exercitu decem millium bellatium, Curiam citato, repentinoq; cursu ingressus incautos propellit Austriacos, arcem deditione recipit, ulteriusq; victor progressus Bormium, & Clavennā occupat; quorum fortunam Vallis sequebatur. Hispani adversus omnia insultantes è Ripæ propugnaculo audacissimè egressi prorumpunt in aciem. Commissa pugna à continēti, à flumine, & à lacu; primis Hispanorum conatibus arrisit fortuna: nam acerrimo impetu in Rhætos inveciti horum plurimos ferro, fugaq; dissiparunt: mox quia varia est, Milandrum excitavit ad vindictam; hic cum suis, & quadringentis Helvetiis illatam cladem Hispanis reposuit: porro avaritia, prædarumq; cupiditas effecit, ut qui victi erant regressi in campum irruerent impavidi in sparsos, implicitosque rapinis, eosq; ferè omnes ad satietatem trucidarent. quo momento & alios commissa nymachia in Clavennæ lacu vice-

vicerunt, quia per apertos lacus aditus ab Insubribus decurrebant subsidia. Hæc utrinque obstinatissimè gesta jam tertium annum implebāt; & Vallis Tellina de suo statu maximè anxia querebatur de reciprocis incursionibus, quæ populabantur vastando, urendoque omnia: & præter hæc de pestilentia, & fame, quæ simul bella sequi solent, unde innumeri abrepti, & absumpti interibant, quasi satis non esset sæviante Marte uno mortis genere perire. Hæ lacrymabiles miseriarum series, & pertinaces duorum Regum provocaciones valdè commoverunt Urbanum Pontificem desiderio concordiae, & tranquillitatis. Ideò, ne conjuncta cum magna calamitate communis perniciēs suscitaret incendium extinctu difficile, medius esse voluit inter invicem sese lacescentes, quàm uni tantum studere, & in alterius cadere suscipionem. Audierat parari iterum arma, novos haberi delectus, dari supplementa militibus, & assignari stipendia: & denuò, fugatis Hispanis, à ducibus fœderati exercitus Valle recepta: propterea opportuno consilio decrevit Franciscum Cardinalem Barberinum suum ex fratre Nepotem ad Reges Legatum à Latere mittere, ut apud utrumque pacis sequestrem ageret. Munitus hac authoritate in Galliam iter direxit: splendidissimo ubiq; cultu exceptus fuit, ac ab ipso Rege singulari benevolentiae & existimationis testimonio cumulatus. Multa ille loquutus ad communem quietem procurandam; ad tuendum, & conservandum sincerum Catholicæ Religionis cultum; obtinuit Regiam propensionem ad pacē, quæ eo in loco, qui destinatus esset, pangeretur. Verùm fatorum malignitate contigit, ut hoc ipso tempore concupitæ cōcordiæ spem eriperent plurium postulationes, & jura sibi vindicantium Vallem Tellinam, quæ se Rhætis nō esse subditam cōtendebat, neq; illis parere ullo modo obstrictam. Hi prætextus, quos Galli, Austriaci, & Curiensis Episcopus deferrebāt, bella, quæ credebātur sopita, recrudescendo vêtura mala prælagiebāt; Pontificis animū al-  
tius

tiùs pupugerunt. Quæ de causa, cum validis peditum, & equitum turmis Torquatum Comitem militari disciplina conspicuum destinat ducem in Insuabres, ac esse intentum jubet in omnes bellicos morus: itidem Cardinalem Legatum ex Gallis regressum dimittit in Hispaniam, quo tempore in Regiis Aulis Principum Oratores sua interponebant officia de difficultatibus pacem disturbantibus amolendis. Accessit Legatus Regi acceptissimus, & indicto congressu Montione, quæ urbs est Aragoniæ, in eo ab arbitris, & sequestribus expensæ omnes de pace conditiones: hæc post multas disceptationes fuere præcipuæ. Rhætiæ, Vallis Tellinæ, Bormii, & Clauennæ omnia restituantur in pristinum statum. Nulla alia in Valle, Bormio, & Clavenna Religio colatur præter Catholicam: In his locis extructæ arces, & propugnacula, depositi nomine, tradantur in manus Pontificis. Quibus omnibus ex fide servatis, omnia Vallis Tellinæ munimenta, nunquam deinceps ædificanda diruantur. Pax hæc, quia morabatur complere statuta, displicuit Gallis potissimum bella nondum pertæsis. Adhuc erant Germanicis copiis custoditæ Alpes; Rhætis in ambiguo liberum in Valle dominium; Veneti observabant interclusam Vallem ab Insuabribus; & erectas arces ad suos confines manere indejectas. Igitur ad arma majori quàm antea tumultu conclamatur; & Vallis Tellinæ iteratò suarum calamitatum spectatrix extitit. Bello Hispanis enunciato Dux Rhotomagus Gallus Vallem ingreditur; hanc obtinet, & vicinæ loca facili victoriarum cursu: Regio exercitui duomillia peditum adhæserunt conductà à Venetis, qui Italicæ libertatis amantes peroptabant, ut Valle reddita ad quos de jure attinebat, paratum Italiæ jugum dissolveretur. Quæ demum integro ferme triennio gesserint hostiliter inter se Galli adjuvantibus Venetis, Austriaci, & Hispani, non tam infensissimis quàm obstinatissimis animis; ab aliis fusè, & copiosè explicata habentur: nostri est instituti in pauca multa con-

ta con-

ta conferre. Quod ergo incendium parva favilla cupiditatis, & ambitionis excitarat, Deo tandem placuit restinguere Pace Oeneponti confecta. Viderunt Hispani diu experti fœderatorum Principum fortunam suis conatibus non respondere, & factum arduum velle cum illis contendere de recuperanda, retinendaque Valle: Quare, & inter alios cogitationum æstus fluctuantes, capta colloquii occasione cum quodam Rhætorum Conquisitore in ea urbe commorante, Federici Enriquezii Hispani, apud Archiducem legati, opera secretum fœdus conficiunt; cujus pacta, hæc primum locum obtinebant. Communi vi Gallorum expulsio è tota Valle; Concessum indigenis unius Catholicæ Religionis exercitium, absque ullo hæresis interventu; Vallis restitutio; & subjectio Rhætis antiquis dominis; quorum imperium si recusaret, omni auxilio Hispano tanquam contumacem sciret se destitutam. Rhætica Respublica de fœdere monita, ad ea promissa porrexit aures, & solutis ante tempus pensionibus corroborata diffudit animum. Rhæti & propriis viribus, & acceptis ab Insubria subsidiis robustiores inopinata aggressione consternant Gallos intercepto Duce Rhotomago. In custodiis coactus ad arcium, & propugnaculorum restitutionem, omnia tradidit: ac intra septuaginta dies promisit è tota Valle Gallorum militum egressum: admonuit interim Regem de improvviso successu. Elapso denique præstituto tempore libertate donatus à Valle Tellina, & Rhætia recollectos Gallos secum abduxit. Porro Vallis populi minimè læti, quia rursus in Rhætorum potestatem devenerant, supplices legarunt preces ad Regem Hispanum, ut ille suos dedititios in perpetuum digneretur agnoscere, receptosque in fidem subtraheret ab hæretico, & immani regimine. Verùm hæc submissè petentibus responsum fuit: Ut quiescerent qualicumque parta patriæ libertate: moderato, justoque futuro Rhætorum imperio audientes essent: ipsos nihil acerbius, & gravius in indigenas con-

consulturos, ne violata fide ab irritato Rege majora amissa Valle superioribus mala patirentur.

Hic dicitur fuisse exitus belli pro Valle Tellina suscepti; sed gestum fuit præcipuè impensis Venetæ Reipublicæ, non alio proposito fine, nisi ut sibi, cæterisque Italiæ Principibus, antiquam assereret libertatem.

*Mantuanæ Belli Origo.*

MDCXXVIII.

**T**estamentum Vincentii Gonzagæ Mantuanorum Ducum postremi, hujus belli origo fuit; quo nullum aliud calamitosius, si Mantuæ urbis antiquæ cladem spectes, vel clarissimarum civitatum ab illato contagio depopulationem.

Vincentius absque liberis excessurus è vivis, Carolum Nivernii Ducem, Ludovici fratris Guilielmi Ducis avi sui filium, in Gallia natum sibi ex cæteris suæ familiæ consanguinitate proximior, hæredem, & sui Ducatus successorem, instituit: mox imminente morte, Carolo ejus primogenito, Retelii Principi, sua in aula educato, Francisci fratris filiam nuptui tradidit: & à civibus in absentia patris fidei sacramentum præstari voluit.

Omnia hæc summo peracta silentio, defuncto testatore VIII Kal. Januarii, in publicum prodidere, non sine invidia, & indignatione accepta. Aliqui Gonzagiaco sanguine procreati, præcipuè Ferdinandus Guastallæ Dux, ægrè ferebant Principatui inhiantes, prælatum sibi advenam, & inconsulto Cæsare, jura successionis perturbata.

Querebatur Sabaudus præreptam eo arcano connubio ex matre neptem, in sponsam Mauritio filio destinatam, ut causa dotis in Monte-ferrato sua jura dilataret, Non minùs fremebat Consalvus Cordubensis Mediolani Gubernator, quòd in Mantuanam ditionem homo Gallus irrepsisset: in-  
vise

visæ Hispanis nationi futurum instrumentum Insubriæ crebrò infestandæ: & ostium ad occupandam Italiam opportunissimum.

Interea Carolus certior de extremis Vincentii tabulis, Mantuam per transversa itinera ad hæreditatem capeffendam properat, clusis insidiis, quas transeunti paraverant invidi illius felicitati, ut opprimerent inermem, & obnoxium injuriæ.

Intrantem urbem sub ineuntis anni exordium cives obviam effusi festis acclamationibus Dominum, & Ducem salutantes excipiunt. Verùm quia sæpè solent lætis rebus immisceri tristitia, hoc Mantuanorum gaudium breve fuit: jam livor, & odium in novum Principem sua arma exacerant.

Illum Hispani quotidianis criminationibus apud Ferdinandum Imperatorem onerabant: quòd spreta Imperii majestate, nullo jure, & nulla sanguinis prærogativa Vir alienigena sibi vindicaret Mantuæ Principatum. Allobroges clandestinum accusabant conjugium: & unà perfidiam exaggerantes; igni ferroque puniendam esse temeritatem exclamabant, & Cæsaream Aulam ad vindictam urgebant. Ex-adverso Venera Respublica justæ causæ patrocinata per suos Oratores mitiora suggererat consilia, à quibus non abhorrebat lenis Ferdinandianus. Itaque visum est, priùs quàm armorum denuntiatione Carolus terreretur, dimittere in Italiam Joannem Comitem Nassavium; qui ab eo Mantuam Cæsareo nomine reposceret, donec inspecta consanguineorum serie, illius ex Gonzaga gente dominatio digna appareret, cui Imperatorium decretum convenire censeretur. Comparuit Nassavius, & ad Carolum Cæsaris mandatum detulit, admonuitque, ut pareret, ne ab irato cogereetur ad sibi indicta Imperiali proscriptione. Hæc exponenti, minantique respondit Dux; nullis legibus obstringi posse, qui à propinquo susceperat

Qq hære-



hæreditatem: nullam fieri Cæsareæ Majestati injuriam, qui se Austriaci Imperii beneficiarium, victurumque perpetuè cum filiis in ejus ære, & obsequio profitebatur. Alios jam misisse Viennam, & postremò primogenitum suum, per quos Ferdinandus edoctus de successionis jure, & de calumniis, quibus malignè afficiebatur, sibi hæreditarii Principatus Imperatorio diplomate, confirmationem impertiret. Veneti constantes in protegenda Caroli causa omni ope contendebant, ut Princeps Retelius ad Ferdinandi genua provolutus sui Patris officia, & obsequia deferret, exponeretque conditiones, quas offerebat, ad tollendam controversiam. Ut, una excepta Mantua, cum Casalìs arce, diruto propugnaculo, quod incubans urbi offende-  
bat Hispanos; reliqua Montis-ferrati, & Mantuani Ducatus oppida Cæsariani milites retinerent, donec justì arbitri Nivernii rationes, & jura decernerent. Hispani verò continuò infensi obstrepebant; non esse è Cæsaris dignitate, quæ proponebantur: nec responsa data Nassavio audienda, plena temeritatis, & audaciæ. Cùm itaque nihil profectum esset, Mediolani Gubernator, & Carolus Dux Sabaudia, facti suorum votorum compotes, arma pridem parata in Montem-ferratum, expediunt, tanta ejus potiundi spe, ut oppidorum, & castrorum ex pacto divisionem præverterent. Verùm irrita, & inanis utriusque expeditio. Confusus fugatur inglorius ab Casalìs oppugnatione: ausæ quoque foeminæ concurrere, ne quis sexus à laude cessaret; Sabaudus, quæ castra parùm munita facilè occupavit, coactus restituit, supervenientibus ab Rupellæ expugnatione Gallis. Interim Carolus, collecto in Gallia duodecim milium exercitu jus suum armis defendere statuit; & Regio protegendus auxilio, Rupella domita, ausus est pro viribus referre vicem, & Cremonensem agrum illatis vastationibus laceßere. Propter hæc Hispani acerbius conquesti, ad Nivernii conatus compescendos reposcebant à Ferdinan-  
do

do auxilia, memorantes opem datam adversus rebelles in Germania. Tot querelis exaggerata Caroli audacia, Cæsarem impulit ad arma: non auditur Princeps Retelius, & ne maneat in custodiis, admonetur à Veneto Oratore, ut clanculùm ab Aula discedat; Patriq; suo nuntiet in eum conflatum bellum, pro Hispanorum, & Allobrogum votis.

*Veneta auxilia Mantuæ à Germanis oppugnata.*

MDCXXIX.

**F**erdinandus Imperator in suscepti belli expeditionem adversus Carolum Nivernii Ducem, tot agmina mandavit è Svevicis stationibus educi, quot suffectura viderentur coërcendæ ejusdem contumaciæ: & delecti exercitus summam administrationem demandari Rambaldo Collalto: Qui, suis à majoribus hæreditarium, Venetæ Nobilitatis decus assequutus, meruit disciplinæ militari additus in Cæsareis castris supremos bellici imperii dignitatis gradus. Hoc itaque duce, duo & viginti peditum, tria equitum millia, per incustoditos, parentesque Alpium saltus, ingressa Italiam tenuere. Tanta inconditæ gentis colluvies, quam pestifera lues comitata est, ut cum duplici hoste pugnandum esset. Matthia Galassio, & Joanne Aldringherio, Tribunis, primùm infestavit Cremonensem agrum duris exactationibus: deinde, Ollo flumine tranato, in Mantuana loca, abrupti instar torrentis latè sese effudit, vastans omnia sacra, profanaque immani feritate: Sub idem tempus Ambrosius Spinula pervenit Mediolanum, Cordubensis successor: cum quo Collaltus Laude-Pompeja mansit. Inter hos Duces inito de belli cura consilio, constitutum fuit, contra Mantuam urbem Germanas acies dirigere; cum Hispanis Montem-ferratum invadere, vno eodem tempore, & impetu, ut pluribus in locis Nivernii arma distraherentur. Non minùs Carolus sibi providus, jam Casale pro-

Q 2 pugna-

pugnaculis, militibusque validissimè obfirmaverat: jam castra, & oppida, quæ in Mantuano agro patebant primis hostium assultibus, Hostianum, Volengum, Gazolum, præfidiis munierat. Sed hæc ubi primùm conspexere Cæsarea signa, & phalanges tristia minantes procurrere, & ob oculos micare gladios, protinùs in turpissimam deditiōnem inclinarunt. Cannetto non modicè munito præsedebat Angelus Corrarius, Patricius Venerus, tum ablegatus à Patria. Vir cupidus cum hoste manus conferendi, propter literas accitit à Duce, quem timor incefferat, ne cum præfidiariis accurreret, quò magis urgebat necessitas. Deditis, desertisque in hunc modum oppidis, quæ ingruentes Germanos aliquandiu remorari poterant, extemplo insurgit ubique terror, metus, & fuga incolarum, quorum ingens vis ex trepidatione Mantuam confugit. Direpto, & incenso Gubernulo, propè Mincium in Padum influentem, Aldringherius ante conspectum urbis suas copias exposuit; locaq; ponendis castris idonea occupavit: qui accessus magnam civibus pavorem intulit. Sed illum Dux ab eorum animis dispellere conabatur, spe, & fiducia in Gallorum auxiliis, atque in proximis Venetorum suppetiis, cum utrisque sancito foedere confirmatus. Hæc inter Republica audito periculo, in quo Mantua versabatur, in Vallegio, Veronensis agri loco eminentiore contraxerat sub signis millia militum decem & octo à Francisco Ericio regenda: & Marco-Justiniano aliis quatuor bellatorum milibus mandaverat, Adduæ, & Olliriparum custodiam: ne quis fieret in Venetos fines hostium excursus. Pernuaserat quoque Duci suis in provinciis conscribere milites, comparare commeatus, & arma; atque pro viribus sperare subsidia, quotiescunque Galli venirent in ejus auxilium. Sed interim Mantuana rura, villæ, & ædes omni calamitatis genere hostis effusus diripiebat, vastabatque, & urbem, quam arcta premebat obsidio, diu insuper lues miserè vexabat:

xabat : cujus faviente rabie, opus erat, & militiæ, ob diutinos labores deficienti supplementum dari, & famelicis annonam. Hæc omnia Ericius subministrauit, mille milites, decem muralia tormenta, plaustraque centum rebus bellicis onusta subsidio misit, & pecuniam, ne retardata stipendia coactas turmas disperderent.

Cuncta Petrus Quirinus prospero exitu invexit in urbem, & in regressu dedit in fugam hostilem equitum alam, potitus præda, quæ rapta ex incolarum fortunis in castra convektabatur. Tunc temporis, Collalto Cremonæ ægrotante, penès Aldringherium erat omnis gerendi belli potestas. Is, cùm explorasset, Godium oppidum ad Minicii fauces nimis opportunum ferendæ opi obsessis, ejus decernit expugnationem. Igitur trajecto fluvio, cum expedita militum manu irruit in munitiones: at repulsam passus adeò excanduit, ut admotis tormentis illud diruere, & nemini parcere minatus sit; quare iis exoneratis, qui præsidio præerat, nihil æstimans nominis infamiam, omnium primus cæteris suasit deditionem. Hic Godii casus Mantuanis rebus visus est extremus: nullus alius tutior aditus relictus erat auxiliis: quo præcluso ostio Germani avidiùs inhiantes urbis direptioni, è suburbio suas in moenia collinearunt machinas: & subactò Cereso, per cuniculos moliti sunt sibi transitum in vicinam insulam, angusto fossæ trajectu ab urbe sejunctam. Disturbat Durantes Venetus Chiliarcha hostium consilium: Ceresum recipit, & subterraneos meatus subruit pro dirutis in moenibus propugnaculis alia confestim excitat; & hæc impigrè propugnans, cogit oppugnantes ab incoeptis desistere. Carolus multis subinde velitationibus Cæsarea castra fatigabat: noctu Vergilianam stationem ingressus, plures è præsidio cæcidit; & plurimos in fugam compulsos amnis, fracto ponte, suis aquis obruit. Tum ubique discurrendo per hosticum, commercia quærebat intercipere, & auxiliantibus  
tuta

tuta aperire itinera . Verùm dum hæc fiunt , Mantuæ pestilens morbus furenter grassabatur : sua quoque virulentia Germanas acies exhauriebat . Aderat etiam malorum extremum fames , quam vastatus ager , vacuusque cultoribus invexerat . Ad hæc Mantuæ situs è medio lacu surgentis magnum hostibus constabat negotium : illa expugnatu difficilis : & Venetorum constantia in ferendis suppetiis nunquam defutura : quibus de causis non semel illi cogitarunt laboriosam obsidionem deferere . At Mantuæ suum impendebat fatum : Vicina Ferraria , Germanis mercando Italiæ libertatem , & obsessæ urbis salutem , per summum avaritiæ scelus , accepto pretio , rei frumentariæ copiam , & abundantiam ministravit . Ita vindicati ab inedia ; & proxima jam hyeme suis in castris permansere ; & urbem latiori vallo cinxere ; ac ut eidem nullum importaretur adjuumentum , quotidianis discursibus sedulò invigilarunt . In hoc rerum articulo res Mantuanas fortuna deprehendebat : cùm Urbanus Octavus Pontifex , qui conterminis Ecclesiasticæ ditionis oppidis , & in arce , Urbana dicta , ad forum Gallorum excitata , duo de viginti hominum milia imposuerat , miseratus finitimi Principis fortunam , legavit ad dissidentes Joannem Jacobum Pancirolum . Cupiebat , aut pacem , aut inducias : atque ut cessante bello , in aliquot dies , ageretur de concordia universæ Italiæ optatissima . Pancirolus Collaltum primò , deinde Carolum convenit : verùm cum utroque monita , consilia , preces , & officia incassum adhibuit . Alter petebat iniqua : alter negabat esse sui arbitrii , obstrictus Regis Gallorum nutibus : ex quo irrita legatione , Pontificius minister Romam rediit : & renovatæ fuere dimicationes : à Carolo quibusdam in locis res feliciter gestæ ; quibusdam fortiter propugnatæ . Nulla interim in urbe requies : magis in dies gliscebant contagium : augebaturque difficultas intronitendi arma , & cibaria . Hæc duo gravissima mala , pestis , & esuries assiduis func-

funeribus exhauriebant miseram civitatem: cui suspecta quoque quorundam nobilium fides videbatur ultimam minari cladem. Erant, qui Ducem multo curarum æstu fluctuantem, & ad quæcumque credulum, malebant potius perdere, quam servare.

Hoc tempore infirmi Erii vices ex Senatus consulto implebat Zacharias Sagredus; & Carolus Rhodigum pagum aggredi, è re militari, & publica esse putabat; eo quippe subactò, difficile haud fore Venetis commeatibus tutum aditum recludere. Igitur subsidiarias copias petit ab Sagredo, duorum peditum millia, & equites quadringentos: has obtinuit; sed opportunè submittendas Arestini Principis ductu. Ille tamen compulsus à suis consiliariis properè festinare, non expectat promissum ex condicò subsidium, & callido obsequutus consilio Rhodigum furens adoritur. At dum eo capto exultat, curatque circumvallare, tum detegitur fraus. Erumpit ex occulto majori vi Galassius, solo æquat aggeres; proterit milites; quos captivos non habet, interficit; & Duci fugienti parcens, mavult ipsum redire, suis civibus infausi facinoris nuntium. Adverso item exitu fortuna obstitit Alphonso Guernerio, & Carolo Rubeo; qui egressi ad occupandam Hostiliam, vix in ejus conspectum explicant agmen, cum subito ab insequente Aldringherio, & ab emissis ex oppido stationariis, cæde, & fuga plectuntur. Sagredus in his successibus ne parùm cautus putaretur, & providus, postquam Valegii recensuerat militum octo millia, illudque constituerat horreum, & armamentarium; Villam-bonam teneri voluit à Valleta Gallo, fossa, valloque circumseptam: & eo loco validum extrui propugnaculum, & muniri militibus, ex numero trium millium, quos ille secum adducebat. Non latuit hostes quid Venetus Imperator, obfirmata Villa-bona moliretur; & arcanum de Godio recuperando: unde Galassius sua diligentia prævertit opus: & antequam sollicitante Valleta inceptæ munitiones firmius

firmius confurgerent, in eas improvius infiliit, quem nostris summa vi, & propugnatione exceperunt. Ab utraque parte pugnatur obstinatissimè; dubio aliquandiu prælio, ancipitique fortuna, quæ cum in primis pronior Venetis appareret; postremò nutare cœpit, atque tunc protinus elusit, quando educis ab Galassio tormentis, compacti recenter tumuli corrûere, & incessanti verberatione percussi, ac soluti, inclusis omne vitæ effugium ademit. Necantur plurimi: Valleta, dum palantes, dispersosque prensare, & confirmare contendit, circumventus ab hoste capitur. Hic infelix exitus Sagredum minimè deterruit, qui in opere multus, statim Antonium Conquistorem subsidio mittit, cum validissimo copiarum delectu, non desperans, renovato sine mora certamine, debellatum iri cum fessis. Porro illum hæc fiducia fefellit: nam egressæ cohortes, ubi ad locum, quem Capitellum vocant, præmissas habuere obuias, effusas, & consternatas; panico pavore concussæ cum eisdem regrediuntur in castra, turpi exemplo ignominiosissimæ fugæ. Quod infame dedecus Sagredus occultare voluit, ne alios terreret; illos non fugatos, sed reductos admittens; & illicò decrevit cum belli consiliariis, in Germanos eminùs instantes universum immittere equitatum, quem pedestres copię ponè sequerentur. Confertæ acies inter se cohærent, & omnes, tanquam morti destinatæ, vehementi contentione concurrunt. In multas horas atrox efferbuit dimicatio, luditque fors dubia quò se inclinaret: vsque ad eò instabilis, donec nostros à campo perpulit dejectos ab ictibus ignitorum missilium, quæ hostes clam ex ædium occupatarum foribus jaculabantur: his, cum equestris militia acrius urgeretur, laxatis habenis conversa in fugam, & in peditum ordines iruens, magnam eorum partem protrivit. Hinc tanta in Galassio crevit audacia, ut persequendo fugientes haud procul Vallegio, insultans diu noctuque multa verborum

rum dicacitate occlusos, provocaret ad eruptionem. Sed provocanti responsum nullum, nisi per nunquam intermissa tormentorum fulmina, ne propius accederet, datum. Sagredus, cui nihil tam inopinatum, neque tam insperatum contingere potuit; expertus, quæ trepidatio, quæ ignavia esset in exercitu, ex vario hominum genere collecto, in eam se opinionem ab armorum arbitris, & ducibus, passus est adduci, ut non alios iniquioris fortis tentaret eventus, Vallegium clàm defereret: & Pischeriam peteret quàm ocyssimè. Decretus itaque recessus concubia nocte: & imperatum militi, ut municipio bellicis impedimentis spoliato, consumptoque igni nitrato pulvere, quisque sub suis signis sine strepitu, & cum silentio ad paratas alibi stationes commigraret. Præceptum hujus profectio- nis à gregario, rudique peditum vulgo sinistrè acceptum; ac si juberet, ut fugæ se committeret, qui propriæ salutis consultum vellet; continuò meticolosæ turbæ ducentium abnuentes voces, & imperia, dissolutis ordinibus, ruere cœperunt in tenebris, incertæ quam in partem dirigerent iter; manè usque per agros errantes mox dederunt suæ desertio- nis pœnas. Galassius audito nostrorum discessu Vallegium citato cursu accurrit: & cùm illud prorsus vacuum vidisset, fugientes insequutus est. Quos comperit per campestria dispersos, occidit: & extremum Gallicum Candalis agmen, totum fermè profligat. Casu elapsos à furentis manu, Pischeria, in qua Sagredus se receperat, & Verona saucios, femineces, & pestilentia infectos susceperunt. Nuntii, & literæ, quas uno eodem tempore Senatus accepit, tum de clade ad Villam-bonam illata, Tertio Kal. Junii: deque totius propè exercitus internecione apud Vallegium; tum de peste traducta in Venetam ditionem, vix credi potest, quo incitato animorum furore, & impetu universam civitatem perturbarint. Quapropter Sagredus Venetias accersitus dixit causam suam & peracta quæstione ab Senatu delatis

R r hono-



honoribus exuitur. Verùm infortunium hoc Patris Nicolaus filius redemit, quem ob singulares animi dotes in Magistratibus, in Legationibus ferè cunctis, domi forisque præclarissimè gestis ad Procuratoriam divi Marci dignitatem assumptum: & in defuncti Dominici Contareni Principis locum, præcurrentibus totius Urbis acclamationibus Eligentium vota, suffectum vidimus.

*Mantua Germanis prodita.*

MDCXXX.

**R** Evocato Sagredo, Respublica, nescia rebus adversis turbari, iterùm suffecit Ericium: huic sine cunctatione in provinciam profecturo, mandat ne Mantuæ deessent auxilia: & ut reparatis viribus hostiles progressus impediret. Omnem sollicitudinem exigebant, & queruli Ducis querele, & Gallici Oratoris officia; nunciantis à Monteferrato Regias copias discessuras, nisi omni conatu obsessæ urbi subventum esset. Igitur Ericius cum primùm Veronam repetiit, extemplò curavit novos largo stipendio legere milites, revocare extorres, dispersos ad signa reducere, & accurata diligentia eum conscribere exercitum, qui par esset, non minùs Reipublicæ securitati, quàm Mantuæ defensioni. Aldringherius verò cum Galassio, qui stationario milite Vallegium munierat, junctis armis, quibus nostrorum socordia paraverat existimationem, ad intercludendas suppetias ubique struebat insidias. Omni tamen metu deposito, Ericius, modò aperta, modò furtiva, tum militum, tum com meatuum submittebat auxilia. Ab ipsis etiam Brixiani, & Veronensis agrorum finibus convehantur crebrò subsidia patefactis vi aditibus. Unde Venetos immeritò calumniabantur, veluti Mantuanis rebus parùm utiles; decebat quidem conqueri inimicam Caroli fortunam: & esse, quod lueret præteritorum Ducum licentiam,

tiam, & Cives suo luxu perditos. Cæterum per hos dies Mantuam multiplices angustie urgebant, cujus moestissima facies, & fæva contentio cum duplici hoste; ut quos gladius non occideret, pestilens morbi ingluvies voraret, Carolum impulerunt ire ad Collatum, in Benediktino cœnobio morantem. Accepta fide cum ipso colloquitur, & obtestatur suam in Cæsarem fidelitatem, & obsequium perennaturum in filiis, atque enixe rogat, ut miseris, ac fessis daret requiem, aliqua saltem induciarum conditione. Illas Collatus supplici concessit, sed in paucos dies, suadente Aldringherio, cui Federicus Gonzaga, metuens, ut dicebatur, vicini hostis vires, & insolentiam, divi Georgii suburbium tradiderat, servata atque, quæ ponti incubans prohibebat ingressum in civitatem.

Dum igitur feriatur à dimicationibus Aldringherius suas copias inducit in suburbium: quare rei novitate conterriti cives, & occupato Ceraforum propugnaculo sibi extrema imminere suspicantes, cuncta subito miscent tumultu, conscendunt muros, & in quos credebant fedifragos, tormenta explodunt. Hic non expectatus successus in eundem errorem violati pacti induciarum traxit Germanos: qui repente correptis armis impetum faciunt in Arcem: & obruncatis prædialiis, intrassent urbem, nisi furentes, & iratos pons opportunè sublatus repulisset. Repentinus casus datam utrinque à bello vacationem sustulit: & Mantuæ validius circumfessæ majorem deinceps attulit difficultatem ad opem. Quotidie, ac si parum esset cruento ferro exhauriri, plangebant ex anima corpora, domi, forisque exposita, magis incremente pestilentie carnificina, & metu omnibus propediem similis imminentis mortis: malignos, & semper infra necessitatem apportari victus: viduari mœnia defensoribus: & in jejunis corporibus dominari esuriem: & quod tantis obruebatur ærumnis, ob iniuriam sui Ducis credulitatem, in deteriora ruentis confi-

dia, illorum perfidia, & æmulatione, qui nihil aliud exoptabant magis, quàm publica perniciè privata odia exsaturare. Hæc vulgo: Cæterùm si Carolus tantisper Hispanam induisset personam: si Cæsari morem gessisset, recepto in Arce Casalìs qualicumque præsidio, certissimè res suas servasset, & civium fortunas incolumes. At omnia retrorsum ibant arcana fatorum vi. Tot inter calamitates, ac trepidationes deploratæ Ciuitatis, sola Veneta Respublica reperta est, quæ egenti, & afflictæ subveniret; Gallis excusantibus se sua auxilia in Montis-ferrati propugnatione detineri. Illa hoc unum frequens in mandatis inculcabat Ericio, ut quoties prospera fors affulgeret, transportanda curaret obsessis parata arma, annonam, & pecuniam. Quod quidem munus tanta solertia obivit Venerus imperator, ut Germani admirantes illius constantiam, fidemque in ferendis subsidiiis, rursus laborum tædio affecti, & imbecillitate diminuti exercitus extenuati, de remouendis castris cogitarent. Verum tamen nulla vis humana, vel virtus obstare potest Divinæ providentiæ decreto; propterea suspensis, & hæsitantibus affuit infandæ proditiõis machinator. Hic docuit sub densissimæ noctis silentio parva quædam navigia robusta bellatorum manu repleti; cum his lento remigio tranari lacum usque ad portam divi Georgii: factò ibi tacito descensu occiderentur vigiles, de taciturnitate pridem præmoniti, ne submissum à Veneris subsidium detegerent: post hæc, qui missierant, portam pyroclastro prostratam occuparent.

Paulò ante Valleta è Godii custodia elapsus, has hostiles machinas de urbe furtim per proditiõem intercipienda Duci aperuit: sed ea referenti nulla fides; quia incredulo sic illudebant aliqui: nunquam Mantuæ excidium vel ab universo insultante exercitu, vel ab ullo perduellionis reo fore intentandum: Brevi tamen contigit conceptæ fraudis eventus; & nocturnas per tenebras proditiõis facinus erupit.

pit. Dux exoneratæ machinæ sonitu; strepituque excitus, omnia confusè agere cœpit: properat Arcem versùs ad egressum: & contendit ab ea parte inimicam reprimere irruptionem. Sed qui dolos dolis contextuerat, claves occuluit; quæ nullo in loco repertæ sunt ad referandas fores: neque ulla ad ciendum bellicum instrumenta. Sub ipso momento, quo comperta fraude sistitur Ducis impetus; ex-adverso urbis ingens exauditur armorum fragor, qui à proditore confictus, eò cives vocabat ad inanem concertationem. Hæc inter duæ portæ patuere hostibus: altera, Pradellæ dicta, ab Ursino Romano impigrè defensiva usque ad interitum: altera de Cereso, à Durante Veneto tandiu fortiter propugnata, donec ab ingrediente multitudine repulsus, vivus in hostiles manus incidit. His expugnatis, Germanicæ phalanges glomeratæ in urbem per pontem eadem nocte profiliere: confertæque visæ sunt luce prima huc, illuc discurrere ad rapinas, ad vastationes, ad scelera. Eo aspectu Dux pristinum pugnandi ardorem exuit, execratusque suorum consilia, & fraudes, in Portum Arcem profugit, atque secum traduxit, quasi raperet, Nurus cum infantulo, inter bombardarum tonitrua enixam: Gallum quoque Oratorem, & alios ex domesticis sibi cariores. Mox, ne plusquam barbaro hostium furori succumberet, de se dedendo has condiciones accepit. Ut bona fide ipse cum suis Melariam, Ferrariensis agri castrum deduceretur. Ut Cæsariani Arcem Portum tenerent.

Respublica miserata lachrymabilem Caroli Ducis, & Mantuæ urbis casum: Principi eo in loco, quandiu mansit, omnia, quæ opuserant ad victum, cultumque abundè suppeditavit: atque afflictis, mœstisque civibus se nunquam defuturam promissit.

Omnis interim posteritas hujus Mantuanæ cladis immemor non erit. Urbs totius Italiæ delitium, quæ situ munitissima, & præsentibus Venetorum defensiva auxiliis, per

per prodicionem, ut videretur aliter expugnari non potuisse, in Germanorum manus devenit, hoc anno sexcentesimo trigesimo supra millesimum XV Kal. Augusti: Hostibus opulentissima præda vix per triduum suffecit. Aldringherius, & Galassius pretiosiores Ducalium Aedium suppellectilem, multa, lauta, magnifica, planèque regia surripuerunt. Cæteri ductores, calones, lixæ, non solum fœda avaritia, Tempia, & domos expilarunt: sed etiam ferina crudelitate in sacras, prophanasque personas grassati sunt. Excruciabant exquisitis tormentis divitum corpora, ut abdita, & defossa eruerent: nulli sexui parcebat hoc genus hominum barbarum, & petulantissimum, quia sine modo, sine ulla modestia temperare victoriæ, cupiditati, libidini, & iræ suæ nequibat; deploravit Eleonora Imperatrix suæ patriæ excidium: Cæsar quoque indignum facinus suo injussu patratum summè detestatus est. Ita Deo placuit: & postquam ille Mantuanam civitatem pestilentia, cædibus, incendiis, ac direptionibus, non obscuro suæ justitiæ exemplo expiasset; suæ quoque recordatus clementiæ, intra paucos dies eidem pristinum Ducem, pacem, & tranquillitatem redonavit. Pax igitur Ratisponæ sancita III Id. Octobris ejusdem anni, Ferdinandi Cæsaris continentiam illustravit: & Caroli Nivernensis obsequium, tantæ debitum Majestati expressit. Itaque datis Viennæ diplomatibus, Carolus in Mantuani Ducatus, & Montisferrati possessionem, summa omnium Italarum Principum lætitia restitutus est.

*Octava in Piratas expeditio.*

MDCXXXVIII.

**E**Ggressi è Tunetensium portubus Piratæ, octo suis myoparonibus ad pugnam, & ad rapinas instructis Adriacum Sinum, atque proxima maria latrocinii turbabant.

bant. In hostes humanæ societatis Marcus Gradonicus, Veneti pelagi Præfectus bis septem triremibus dimissus ab Joanne Mocenico, totius classis moderatore, eos contentus deterruisse ab infestationibus, suarum virium, ac nominis metu; incertum, quo consilio fugientes non sit ulterius insequutus: sed conversis prorsus in Corcyram appulerat. Cythera fuga elapsos occultavit: inde in Creticam oram solventes, improvisa descensione pagos, vicosque non opinato, & unius diei furto, diripiunt, & inflammant; repetuntque Tunetum, plurimis spoliis, & mancipiis graves, & onusti.

Non multò post, Halis Picininus triremes septemdecim, quæ Urica (hodiè Biserta) educæ, ad Hellesponti custodiam, sub illius cura mittebantur (quo tempore Amurathes Turcarum Tyrannus adversus Persas bellum gerebat) in Superum mare traduxit. Impius Archipirata nostræ fidei desertor, conficta navigatione Liburniæ litora oberrat, & quos de suis prædatum emisit, latrociniiis, & accolarum captivitate, divites recepit. Prædatus est propè Ascrivium onerariam navim; & Apuliam ausus infestare, Nicodrum depopulatus, ad majores raptus adjecit animum. Cum igitur omnibus infestus, quocunque oculos intenderet, nihil nisi furta excogitaret, in sacros Aedis Lauretanæ thesauros rapaces inferre manus cogitavit. Sacrilego operi accinctum, coelitus contigit, ut repens coorta tempestas, in nimis grandine, ac tonitribus in Aulonis, nunc Vallonæ, portum, cum piraticis lignis rejecerit.

Per hos dies Antonius Marinus Capellus, inter suos gentilitios nomine tertius, in locum Mocenici, classis imperator Cretam insulam custodiebat. Hic auditis Piratarum excursibus, quibus maria obsidebantur, decem & octo triremes, & duas septiemes, properata sedulitate instruxit: cum hoc apparatu ex Creta solvit in prædones; & scrutatur omnes Veneti maris recessus. Reperit tandem universam

Halis

Halis Picinini prædatoriam classem in Aulonis statione latere: & congruum tempus expectare ad egressum. Lætus hac occasione sumendi de prædone pœnas divinitus oblata, postquam dies aliquot ante portum constitisset ad anchoras, deliberavit in illum facere impetum, ne cessante malacia reflaret ventus, & perterrefacto postulata venirent auxilia. Sciebat id fieri nulla Turcarum offensa, cum quibus Reipublicæ convenia erant, ubique locorum Mahumetani imperii piratas insequendos esse, & abscissis capitibus mactandos. Itaque per classarios discurrens omnes hortatur, ut communes hostes impigrè adoriantur, & manus fortiter conferant in spem certam victoriæ, & optimæ prædæ. His dictis, septuaginta utrique portus lateri adhære jubet, reliquas in conspectum explicari, ne ullus Barbaris aditus ad effugium esset. Cuncti accensis animis concurrunt ad pugnam: lacerant majoribus tormentis navigiorum latera, & fortiter vibrant in oclusos ignita missilia, quibus illi pavidi, atque tumultuantes, raptant in custodias mancipia, ne his libertate donatis, nostri suas vires auferrent: profiliunt in litus, & in continenti propugnant egestis tumultis; iisque contecti torquent innumeram telorum vim. Venetos nunquam à certamine removere vel crebri lapidum jactus, vel ab arce fulmina bombardarum, quorum unum avulso confRACTI mali fragmento Laurentii Marcelli brachium percussit ac debilitavit: Non tamen fluens sanguis absterruit à pugna intentum ad victoriam, quæ modico parva cruore, portum ingressi, consternatos, exterritosque egerunt in fugam. Perastini, quos Archipirata suis latrociniis graviter læserat, natantes sub aquis, funes anchorales, catenasque, quibus ad litora myoparones religabantur, dirumpunt, & præcidunt: quo ingenio, omnes vinculis exutos Capellus adeptus est.

Picininus à mari, & à portu cum suis affecis exturbatus in montana conscendit; & inde speculatus suas puppes remulco

mulco trahi, & singulas in triumphum duci, furens, ac rabidus Byzantium festinato gressu aduolauit. Bassas adoratur, conspersus sudore, & lachrymis hic maledicus rei gestæ relator; tantaque in Venetos ingerit convitia, & contumelias, ut illi acriter concitati in iram, & vindictam citissimis nuntiis certiores fecerint Amurathem in Babylonis castris hærentem, de Picinini classe, in Aulonis portu, Turcicæ ditionis, lacerata, vique tracta; de oppidi arce muralibus machinis quassata; & insuper de ipsa diruta Mesquita. Tyrannus ad hæc æstuans truci indignatione rescribit vindicari scelus; custodiri Bajulum; interdici cum Venetis commercia; detineri negotiatores; & arma terra marique parari ad puniendam Venetorum temeritatem. Interim Venetias nunciatum Capelli egregium facinus, quod VII Id. Augusti contigit, à Marino Molino trierarcho, ingenti lætitia complevit Urbem. Hæc duas piratarum rostratas, & insignem Picinini prætoriam suo in armamentario reponi vidit: virtutis ac fortitudinis monumentum: reliquæ exarnatae, & inutiles in Corcyreis aquis demersæ Insulæ portum obfirmarunt, Senatus memor gratiarum, quæ supremo debentur Numini, illas singulari pietate egit: publicas omnium ferè Principum gratulationes accepit; & quæ præcipuè officia exequutus est Pontificius Legatus, nomine Urbani Octaui: cum quo, non armis, sed verbis tunc disceptabatur, de quadam sublata ab Aulæ Regiæ parietibus epigraphe in Reipublicæ commendationem, propter gesta contra Federicum Ænobarbum, impugnantem auctoritatem Alexandri Tertii, quem illa hospitio suscepit, & irato Imperatori conciliavit. Cujus rei testimonium Innocentius X. successor eodem in loco reposuit. Dum hæc Venetiis aguntur, Byzantii Amurathis imperia opere implentur: Bassæ dant satellitibus custodiendum Aloysium Contarenum, Bajulum: prohibent cum Venetis negotiationes: & paratas severæ animadversionis minas intentant. Quæ à Turcis

Sf acta



acta sunt Contarenus suis literis nunciat Senatui, qui, etiam si dubius de proximo bello, ad terrestres tamen maritimasque propugnationes se accingit: expeditisque ad Principes legatis, orat ut in promptu habeant subsidia in communem causam promissa. Ita agendo, non timidè, sed cautè rebus suis prospiciebat. Non minori solertia Contarenus publica negotia curabat apud Bassas, armata donis & largitionibus facundia: assererat intrepidus ad omnem injuriam ubique repulsandam, Venetis, nec proprias vires, nec externa auxilia defutura: illos justissimam tueri causam: in fœdera non peccasse: nam quocunque in loco eisdem data erat facultas impunè sectandi, & occidendi piratas. Demum Amurathes, capta Babylone, sed Persis non devictis, Byzantium redit, memor vindictæ in Venetos; & nunquam satur imperii prolatandi. Verùm cogitanti expeditionem adversus Rempublicam, Bassæ deliniti Bajuli rationibus, quas amplissima munera roborabant, persuaserunt; ut classes, & arma converteret in Russos, Euxini ponti perturbatores: atque ob eam causam fore nunc opportunius aliquid agere cum Venetis de concordia. Acquievit ille, quem pariter aurifames sollicitabat, suorum consilio; & pacatus ad has accessit conditiones: Veneti damna Aulonis arcis, & Mesquitæ illata numerato auro refarciant: restituant unam ex triremibus in suum navale traductis, quæ non erat ex piratarum numero: Bajulo in libertatem vindicato, pristina ultro citroque comeat navigatio: cæteris in rebus, conventa inter Turcas, & Venetos contra piratas Inferum Superumque maria infestantes, firma remaneant.

Ita armorum turbinem, qui Reipublicæ immincebat, dispulit Aloysii Contareni prudentia, & mira in gerendis rebus elegantia: eique uniwersa acclamavit Italia pacis & otii tranquillitatem adeptæ.

*Bel-*

*Belli Parmensis causa.*

MDCXLI.

**P**Auli Tertii, & Clementis Octavi, summorum Pontificum favor in commodum Farnesiorum, Parmæ & Placentiæ Ducum, Petri Aloysii, atque Ranutii Mensam-Numariam invenit in vrbe Romæ, quæ Farnesia dicta, horum perplexis rebus prodesset, ex collatis ad quæstum pecuniis. Constitutæ Mensæ frumentarii proventus Roncilionis, & Castrî fuere addicti: ut cum iis pro tempore locatores, & Mensarii quotannis per singula bimestria creditorum nomina expedirent. Hic solvendi mos, qui constans fuit in Ranutio, visus est aliquando in Odoardo filio vacillare, ac turbari; atque adeò intermitteri. Quamobrem illi, quos res angusta maximè premebat, crebris onerabant contumeliis Siros, & Grillos Ligures; qui cum essent locationis, & mensæ ministri, datam fidem ex præscripto non implerent: quanquam cum his immeritò agebatur; quia Odoardus impediēbat exactiones reddituum, qui venum ad alienigenas mittebantur. Propter hæc gliscebant in dies gemitus, & querelæ pauperrimæ gentis, cui retardatæ solutiones surripiebant alimenta vitæ, & postquam tota urbe percrebuissem, tandem per nuncios ad ipsas Odoardi aures peruenere, ejusque adventum Caprarolam, regionis Farnesiæ domus delictum, maturarunt. Eò profectus, ut res suas cum conductoribus, abdicare se hoc munere cupientibus, componeret; ab Urbano Pontifice invitatus Romam venit. Illum veneratus, adeò in sui gratiam, & amorem pellexit, acri, quo pollebat, ingenio, & exploratæ virtutis experimento, ut nihil non foret, quod optanti non largiretur Urbani humanitas, & Pontificiæ auctoritatis munificentia. Idcirco eidem alieno ære valdè obruto, altera constituitur Mensa, secundæ erectionis appellata, quæ

Sf 2 ob

ob diminuta pecunias deponentibus lucra, plurima augebatur utilitate. Hoc oberati Ducis levamen ab exinanitis solutionibus, ut insolitum, nemini futurum erat in exemplum. Exinde Odoardus cum Urbano frequens, diutinus in colloquutionibus, ac semper acceptus, Aulicorum in se armavit æmulationem, & invidiam. Hæc duo antiqua vitia in Aula Romana illum pessimum in modum arietarunt, omnia suspecta, invisaque fecere Nepotibus, quæ rara, & eximia in juvene Principe Sanctissimus Patruus referebat ad animi ejusdem amœnitatem. Oblimis itaque cœpit oculis aspici; suboritur de dignatione contentio; debitis privatur honoribus; tandem ob illatas, & relatas mutuò offensionculas, in acerbas utrinque criminationes ventum est: & Odoardum compulerunt ad discessum, quia sermones de eo sinistrè per urbem commeabant. Non tamen priùs abire voluit, quàm Pontifici causam sui discessus aperiret; imputando Nepotibus mutata in simulates officia: mox cæteris in Aula Proceribus valere jussis, Cardinales, Franciscum præ aliis sibi maximè invisum, & Antonium, cum Thaddæo urbis Præfecto, insalutatos reliquit. Propterea Barberini fratres, gravi hac contumelia affecti, dicuntur acri odio efferbuisse: & irritati ad vindictam, hoc consilio, ut propter æs alienum arma distringerent. Hæc iratis se obtulit occasio. Odoardus suo ex indignatione ab urbe Roma egressu, nihil de Farnesiæ Mensæ statu deliberavit, ad leniendas creditorum offensas: unde plurimi erumpentes in lamenta, & querelas, postulabant ejus bona venundari, ut æs alienum solidum solveretur: & miserabilium voces obtundebant in ipsis penetralibus Pontificias aures. Hinc factum est, ut illicò Castrum missi sint exactores, qui omnem rei frumentariæ copiam, quam locatores Apostolicæ Cameræ divenderant, cœu vectigalibus obnoxiam, in Romana horrea conveherent. At illi vacui, & repulsi redeuntes nuntiarunt universam annonam à Duce exactam,

impo-

impositam navigiis, traductamque adexteros, violata conventorum fide. Insuper ab eodem, qui vim timebat, ipsum oppidum, semilunaribus munimentis, propugnaculis, militibusque validè obfirmatum. Hæc audita exasperatis animis indidere stimulos severæ coërcitionis adversus Refractorium. Primum igitur admonitus fuit, præceptis, dirisque interminando, ut intra trigessimam diem dimitteret præsidia, & excitatas munitiones dirueret: deinde sciret se ultricibus armis fore oppugnandum, ni actutum pareat. Hæ minæ impendentis mali frustra intentatæ sunt parato ad propugnandum, conantique probare, datis, editisque libellis agi contra se ex manifesta decretorum, atque denunciationum sævitia. Interea dies sæpius prolati, ac præfiniti Odoardo, ut resipisceret, incassum effluxerunt: quare accusata ejus contumacia, de inferendo bello lata est sententia. Hanc vel omnino abrogare, vel prorogare, tam Cæsaris, Regumque Oratores, quàm Veneta Respublica, Magnus Etruriæ, & Mutinæ Duces, per suos legatos, integro fermè biennio enixius contenderunt cum Cardinali Francisco, ut inspectis rationibus, non districtis gladiis, exortæ contentiones dirimerentur. Sed quæcunque officia, nunquam per id tempus intermissa, parvi duci, detrectari, atque aliis ex aliis conditionibus deludi visa sunt, hoc responso.

Non esse, cur amplius de Odoardi causa agatur: se Beneficiarium agnoscat; Romam veniat inermis; & Pontificiis pedibus advolutus commissi criminis veniam imploret.

*Barberina expeditio in Odoardum Parma Ducem.*

MDCXLII.

**P**ROfligata spe pacificæ compositionis, postquam aliud quindecim dierum spatium Odoardo datum ad Pontificiis mandatis obsequendum præteriiisset, illicò hastæ sub-  
jecta

jecta exponuntur contumacis bona, quæ Romæ, quæ foris erant, in debitorum solutionem; & anathemate devotus damnatur læsæ Majestatis reus, Parma Placentiaque urbibus, & omni alio dominatu exiit. Conscribitur miles, parantur arma, tormenta que advehuntur: & Viterbii lustratur exercitus: eique datur Præfectus Ludovicus Matthæjus. Hic jussus exire in expeditionem V. Kal. Octobris, præmisit Cornelium Malvasiam, cum nongentorum equitum agmine, in plures turmas diviso, qui Tuscaniam primò, mox Montis-alti castellum, dejectis præsidiis occupavit: atque alia loca in Castri circuitu suis excursibus suscepit in fidem. Tandem oppido successit Matthæjus cum peditibus ordinata disciplina in aciem procedentibus: & illud III Nonas Octobris aggressus, postridie ejus diei obtinuit ignavè, ac turpiter deditum à Delphino Angelerio Præfecto, & à præfidiariis, cum primis tormentorum ictibus exteriora munimenta nutarent. Odoardus, audita Castri jactura, valdè excanduit, atque de Angelerio, qui proximum auxilium, ei promissum, non expectarat, in Placentiæ arce debitas exegit pœnas. Conqueritur, se præter jus offensum vi sibi illata ex injustitia, apud Principes affines, & amicos: Imperatorem, Galliæ, Hispaniæque Reges suos exposcit auxiliatores: eos communis periculi nomine adversus Barberinos concitabat: sed iterùm omnes sua officia, preces, & hortamenta ad pacem obtulerunt: sperantes hæc vota validiora, quàm arma cum his, quibus peculiaris Christiani Orbis tutela, paxque inter Catholicos Principes, diuino humanoque jure commendabatur. Hæc Parmensium rerum desperatio, quæ maximè Italogum Principum animis infidebat, Venetos in primis, Etruscos, & Mutinenses habuit sollicitos: ne incendium, quod à non parva scintilla cœperat, & Castrum jam corripuerat, vi delatum in Insubriam, vicinas provincias suis flammis combureret. Itaque inter se coire decreverunt viribus, opibusque, testati se in Odoardi causa tuenda.

Italiæ

Italiæ tranquillitati prospicere. Dux hac fœderis spe recreatus, bello promptior, quàm paci, Parmam profectus, continuò admonuit Viros sacro cultui mancipatos, & in claustris degentes, ne in vulgus schismata disseminarent: si quis dirarum jacula extimesceret, aliud solum illicò peteret. Qui proprio edocti erant exemplo, hoc tempore cautiores, à sui Ducis obsequio non recesserunt. Cives, & vectigales, digna se ipso facundia, hortatus est, ne in data semel fide, ob illa terribilia ab ipso deficerent. Non multo labore id sibi suaderi passi sunt, cùm omnes una voce palàm profiterentur suam fidelitatem, & nunquam à suo in eum obsequio recessuros, prompti pro suo Principe, & Farnesia domo, fortunas, liberos, ipsamque vitam profunderent. Ita domi rebus compositis, militiæ adjecit animum, studio tam celeri, ut brevi eduxerit in aciem validissimam bellatorum manum. Quantocyùs ineundæ pugnæ, nulla hostium suorum potentia territus, impotenti desiderio æstuabat.

*Principum confociatio in Parmensis Ducis  
causa tuenda.*

**A**uditi armorum strepitus in Etruria; nunciata Castrideditio; Odoardi bonorum, & nominis proscriptio, suspectaque minarum tonitrua in Parmensem Ducatum, impulere Venetam Rempubicam, Magnum Etruriæ, & Mutinæ Duces in unanimum consensum, & conspirationem defendendi amici Principis causam: conjunctisque viribus consulendi populorum quieti, & rerum suarum incolumitati. Singulis tamen visum fuit, priùs quàm properarent ad arma, repetere officia, & multa deprecatione à Barberinis contendere, ut placati darent Odoardo veniam errati, præcipiti juventutis æstu: & satis intercepto Castro multatum in pristinam gratiam reciperent. Sed iterum hæc inanes, & irritæ rediere. Tunc etiam Senatum, qui semper

semper intentissima cura in omnes componendi dissidii, bellique amoliendi occasiones incumberebat, quædam repentina novitas valde concussit. Inaudierat Barberinas copias ad oras Policinii traductas; excitata prope confinia, propugnacula; & Melaræ præsidium impositum: hanc animorum commotionem sedare conatus est Vitellius, Legatus Pontificius, multa coram Patribus asserendo de amica Barberinorum propensione in Rempublicam. Verum non multò post aperuit simulatum officium major suspicandi occasio. Ambrosius Carpineus, Thaddæi nomine, petiit à Mutinensi transitum Barberinis agminibus per ejus terras in Parmenses: quem si dissensus adimeret, vis extorqueret. Hac de causa variæ curæ distrahebant Senatum: cogitabat angustas Mutinæ res, qui viribus impar nequibat impedire profectiorem: & identidem, quanta esset illius juvandi necessitas animo versabat. Idè mandavit Aloysio Georgio, ut cum festinatione cùs Mincium transportaret exercitum; cujus Veronæ degens summam tenebat administrationem: & peditum tria millia, cum centum loricatis equitibus Alphonsi Antonini ductu expediret in Mutinensis auxilium, aliaque submitteret subsidia, si quis violentus fieret ab hostibus transitus. Magnus quoque Dux pari sollicitudine Mutinensem pedestribus turmis juvit, & Parmensem, numerata pecunia in militum stipendia. Uterque pugnam anhelans, obstantes moras increpabat; eoque magis, quòd rursus eadem Carpinei postulatio Mutinensem urgebat. Hic, veluti coactus, annuit, modò acies recta procedentes, & manipulatim, suæ ditionis agrum ingrederentur quarto Idus Augusti, & ab eo egrederentur exacto quinto Kal. Septembris. Carpineus hoc responso, Matthejo, & sibi gratulatur: ac prudenti viro illa perexigui temporis conditio insidiosa visa est: non ignorabat auxilia transmissa à Venetis: & paratos Duces ad repellendos transeuntes. Quare, ne manifestæ cædi exponeret exercitum; qui ea prævisa mul-  
torum

torum fuga extenuabatur, tutiori consilio abstinuit ulterius ire, & progredi; sed ne subitus recessus dedecori esset illum honestavit objecta induciarum conventio. Hæc in quindecim dies data est, ut interim apud sequestres ageretur de concordia: porro tempus ex pacto concessum exactum est obstinatas inter altercationes. Prætendebant Barberini Pontificia decreta esse immutabilia: Odoardus recusabat à jure suo discedere: Principes, quos societas conjunxerat, profitebantur, se nunquam passuros, quæ publicæ tranquillitati, vel privato amicorum commodo repugnarent.

*Bellum Sociale*

*Venetum, Etruscum, Mutinense, adversus Barberinos.*

**R**ESEO statu, quem diximus, multis difficultatibus conflictatæ, sollicitarunt ad fœdus Venetos, Etruscos, & Mutinenses; sancitum Venetiis Pridie Kal. Septembris, ab eorum delegatis, atque his præcipuè legibus confirmatum. Ut unusquisque fœderatorum suum pro viribus conscriberet exercitum, qui totus expleret numerum duo de viginti millia peditum: atque numeraret mille, ac quingentos equites. Ut focii mutuò se, resque suas tuerentur. Ut in pristinam Castri possessionem inducerent Odoardum, cui aditus in societatem admittendus, eodem sacramento, quo fœderati. Propterea quæ pro illius causa fuere concepta, eidem Senatus per Joannem Baptistam Ballarinum à secretis exposuit.

Sed, ne quis bellum, hoc nomine cum Barberinis indicendum, grande crederet aliquod nefas, palàm prolatum est, expers esse omni sceleris macula, & prudenter, ac justè susceptum, sanctè custodita Apostolicæ Sedis, Pontificiæque majestatis veneratione, adversus utentes Romanæ potentiae armis, è re sua, ad inuisi Principis perniciem. His

Tt pro-



propterea tribuenda fore sacrilegia, furta, vastationes, cædes, & quidquid mali parere solent arma victis, & victoribus. Iniri foederis fama non adeò terruit Barberinos, ut non sperarent foedus inter plures pactum, facile à glisciente sententiarum discrepantia circa belli administrationem, posse aut distrahi, aut rescindi. Nihilominus dictitarunt omnia fore pacatissima: obligata ab Odoardo vnus ex foederatis fuisse, depositis armis, impleturum ea, quæ decent Pontificium vectigalem. Dux cognita hostium arte, qui cupiebant illum iudicio circumvenire, repudiat iudices in sua causa Barberinos, tanquam inimicos; & fatetur se paratum ad alia, cum, penes amicum Principem deposito Castro, lis super eo actitata futuro Pontifici, reservaretur: alioquin jus suum reponebat in armis, ut injustè sibi ablata reposceret.

Cum itaque bello gerenda res esset, Respublica collegit bisseña militum millia omnis generis: eaque defuncto Georgio, regenda tradidit Joanni Pisauo, qui hoc bellum suaserat, & qui Romæ Orator, experientia noverat, quo animo Barberini res Venetas prosequerentur. Proficiscenti in provinciam injunctum fuit ponere castra in vico Policinii, Canda; Padi litora munire prædiis: non ultra, citraue flumen ducere exercitum, inconsulto Senatu. Hæc mandant exequenda prudentissimi Patres; quia nunquam à concordia discordes fuere: atque semper, etiam inter bellicas rixas, de eadem componenda actum est Angeli Corrarri facundi Oratoris opera; qui instauratis congressibus plurimum laboravit, ut ferocientes Ducum animos molliret: sed horum fervida juvenia, incitante audacia prorumpendi in hosticum, ab omni suasionem abhorrebat.

*Ducis*

*Ducis Odoardi ingressus in Romanas ditiones.*

**O**doardus suo peracri ingenio inauditum facinus ausus est: à quo, cum esset facilius verbis, quàm opere, nullis unquam rationibus, precibusve potuit dimoveri. Parma egressus cum tribus selectorum militum millibus, V. Kal. Octobris in Bononiense territorium irrumpit, tanto Barberinorum terrore, ut ad famam irrumpentis Thaddæus metu consternatus Ferrariam aufugerit: & Matthæjus, Castrorum Præfectus, quod nequisset suas copias sistere, panico quodam terrore correptas, Castrum-francum properavit. Dux, nullo quamvis tormentorum apparatu, exiguoque peditum robore instructus, audentior tamen ibat. Plumarium, sibi ausum repugnare, caprum diripuit: quod oppidi discrimen omnes circum-incolas illius invasionis pavore, & stupore replevit. Denunciatione ejusdem periculi Bononiam attonitam reddidit: at placatus obsequiis, soloque, incessu contentus, intactam reliquit. Alias Romanæ ditionis urbes, & oppida, vel mitibus delinita verbis, vel asperis minis deterrita, patefactis portis tuto pertransiit. Nemini injurius, nisi contrà obnitenti; quamobrem intentata vi Forum livii prætergressus est. Meldulam flexo itinere petiit, Aldobrandinæ gentis consanguineus: inde Magno Duce, concedente affini suo ingressum in Etruriam, Aretium provehitur; quo loco Princeps Matthias illum lautè excepit, & ejus militibus in campis pabula ministravit. Refectum ex labore, & incommodo viarum, quas pluviarum defluxus ferè continuus reddidit infestissimas, hortatur ipse ad reditum ob incertum susceptæ expeditionis exitum: at ulterius progredi voluit: nam castrametatus in hostico, putabat non modicum Barberinis incutere metum; & ideo Castellam ad Lacum promovit. Oppidani conantes illum inde deturbare, vim sentiunt ultoris; irrumpit audacter, & occupatum

oppidum muralibus machinis exuit, nemine hiscere audente. Tunc rumore differtur Romæ Dux vicinus: eo-  
que increbescente, urbs tota intremuit, ac expavit, tan-  
taque omnium gentium, ordinumque confusio exori-  
tur, veluti si ab imminente procella universa ciuitas pro-  
culcanda, & ad portas Annibal foret. In hac trepidatio-  
ne illicò mittuntur Legati, qui cum Duce agerent de  
omni controversia componenda. Et ecce currenti obje-  
cta remora. Primus ex sequestribus Lionæus dynasta,  
Galli Regis Orator Castellam accessit, & cum Duce pluri-  
ma colloquutus de transactionibus illi gratulatus est, quòd  
propensus esset ad pacem, & paratus, dimisso agmine Ro-  
mam proficisci, provolutusque ad pedes Pontificios ve-  
niam obsecrare, his conditionibus. Si aliquis foederatus  
Castrum apud se depositi loco susciperet: & si intra statu-  
tum tempus illud sibi restitueret. Lionæus spe constitutæ  
pacis erectus, citatis equis advolat Orepitum, ubi Cardina-  
lis Spata, in eūdem finem destinatus degebat. Retulit omnia  
in pacifico statu esse: Odoardum cuncta obsequii, & obe-  
dientiæ signa erga Pontificem coram præstiturum; tum,  
cūm Castrum in Matthiæ Principis manibus depositum,  
eidem ex temporis præscripto redderetur. Sed, ac si nova,  
& inopinata Cardinali referret, cognovit purpuratum Vi-  
rum eò venisse, non pacis ministrum, sed moratum ma-  
chinatorem. Nihil magis optabant Barberini, quàm ali-  
qua intercapedine se liberos à præsentī sollicitudine, atque  
ex industria prorogari dies, qui commodius ad cogen-  
das vires sufficerent. Dux hæc ubi rescit, detestatur omnia  
callidè remorantem: itaque percitus Plebis urbem ver-  
sus adequitat: deinde Aquilam, incenso in via Panicali op-  
pido, quod suos pabulantes laceffisset: ut proximiori ap-  
pulsu magis terreret Barberinos, & eò citius adigeret in pro-  
positas à Regio Legato conditiones. Commeabant ultro,  
citroque Principum Oratores; & pro Veneta Republica Cor-

Cor-

Corrarius, omnes intensissimè laborantes; ut infringere difficultates, quæ à Spata obiiciebantur super Castri deposito. Propterea pactæ sunt aliquorum dierum induciæ, & spes rediit reconciliationis inter dissidentes. Porro Odoardus, insidiosæ procrastinationis pertæsus, conscius, quod collimarent Francisci Cardinalis machinamenta: & quodd collecta quindecim hominum millia ex omni ordine, sub Valenzæ Gallo duce, magnæ apud illos existimationis, propediem contra se hostiliter erant processura; sensit dare se pœnas suæ credulitatis, quia cunctando tot dies perdidisset, quod statim promovendo trepidanti urbi esset consecutus, vindex injuriarum, quas erepto Castro acceperat à Barberinis. Frustratus itaque spe victoriæ, quam conceperat ab incusso metu, Aquila discessit; metuens ab hostium multitudine circumfundi, & circumveniri per insidias; ad alia indignantis animi gesta. Per Etruscos com meatum suppeditantes, perque Caferonianam in Insubres festinatò descendit, animo hyemandi, cum Mutinensi Duce, in hostico. Subinde fœderati Principes indignatione, & ira succensi (quod Spata nihil sanè, non astutè operatus esset, procrastinando transactionis negotium, ut suum votum maturaret; & nihil agendo aliorum deluderet officia) constituunt armis extorquere eam pacem, quam studium publicæ quietis impetrare non potuit.

*Variis armorum successus  
Odoardus Bondenum, & Stellatam occupat.*

**B**Arberini, qui, propter Castrum incruenta victoria acquisitum, majores sibi obsequentis fortunæ eventus spondebant, minabantur, ex valido copiarum delectu, dilatum, non dimissum transitum ad subigendum in Insubria  
Odoar-

Odoardi Principatum . Habebant sub signis viginti pedum, & duo equitum millia, in diversis locata stationibus: sed præcipuus nervus sui exercitus, cum Thaddeo Ferrariæ subsistebat. Parmæ, & Mutinæ Duces optimè consultum rati, si properatò præverterent hostium cœpta, atque turbarent; iterq; impatiens moræ suam instituit expeditionem. Mutinensis Ferrariam affectabat, urbem quondam Atestinæ domus; & illam furtiva aggressione ad pristina jura revocare: latebant intus aliqui suarum partium fautores, eum admissuri, si constitutæ noctis hora, signatæ portæ successisset. Verùm, quia festinatiùs præter condictum tempus præproperavit; audiunt excubiæ accedentis strepitum, & prodicionem suspicati, movent arma, advocantque propugnatores. Nimia celeritas dolos detegit; festinatio Ducem frustrata est; merces machinantibus scelus suspendium fuit. Sors prosperior Odoardo afflavit. defixerat animum in duo oppida, Bondenum, & Stellatam, Ferrariensis agri. Quare, utrumque exploraturum mittit Caiolum Soldatum, ingenio, atque experientia in arte militari sibi notissimum. Hic renunciat, neutrum satis firmè à Valenzæo vallatum, munitumque, & ea optanti acriores addit stimulos; quibus capitis, aperta in Padum navigatione, tutus per uberem provinciam patebat excursus. In hanc itaque iturus expeditionem, quam suos celat silentio; sub capitis pœna indicit, ne quis in itinere molestiam inferat indigenis: hæc effatus, summo manè Bondenum versus contendit. fama Ducis adventantis exterritus Franciscus Muriconus Præfectus, admonito Valenzæo, opem implorat. Ille in crastinum promittit auxilia; interim jubet obsèpi viasequitatui, & viriliter venientem repellere. Dux interim sua solertia datam diem occupavit: sub prima noctis vigilia oppidum armorum vi concussum, pavidumque tenebricoso ingressu obtinuit, Muricono ex metu Ferrariam profugiente, ad solvendas suæ ignavix pœnas capitis obtruncatione. Hoc fecit

lici eventu animi plenus, non minori diligentia Stellatam adorſus; cùm præſidii conatus uno impetu repreſſiſſet, ea in deditionem recepta, victoriam auxit. His potitus oppidis, exiſtimavit ſibi abundè pro Caſtro ſatiſfactum: & quo ſtudio unum, & alterum, Soldato inſtructore, munita voluit, latiori vallo, inſtructaque cômmeatu bellico; præſidiis, vigiliisq;: eadem ſumma cura toto belli tempore obſervavit: nec ferè unquam reſceſſit à cuſtodia, & metuens ſuarum virium diſpendia ſæpè renuit ſocieratẽ, & ſuppetias ferre iis, qui pro illius cauſa decertabant.

Dum hæc agebantur, Cardinalis Antonius propè Lacum obſcurum propugnaculum excitabat, quod utrumque Padi aggerem ponte, & catena colligaret: Senatus prævidens illud opus promoveri in Policinium, imperat Piſauro, ut hoſtilem machinam deſtruat. Qui promptus ad juiſſa, eò cum valido agmine proceſſit: dataque in conſpectum acie propugnaculi demolitionem obtinuit. Sed ſtatim ex hoc aperta animorum diſſidia, mutuæque in damna rabies. Epirotæ in Sagis ſinu, quædam navigia Ferrariam deferentia annonam ſuis dromonibus intercepere: contrà Barberini in iſdem aquis detinuere nonnullas naviculas, quæ mercibus onuſtæ Venerias cômẽabant: paulò pòſt in urbem deducta navis, à noſtris piſcatorio aſtu decepta, captaq; dum à mari in Padum parabat ingreſſum. Tandem ad confinia Ferrarienſis ditionis eligitur Nicolaus Delphinus, ut adverſus portoria circumvectionis fraudantes, Reipublicæ antiqua jura cuſtodiret. Vocatus ſubinde ab incolis, in obſequium Veneri nominis propenſis, accurrit ad Oſtia plena fluviali, terreſtriq; apparatus; ſpe redigendi in poteſtatẽ Sagis turrim, faucibus Padi incubantem, & Arianum munitum oppidum. Qua igitur opus erat celeritate prævertens ſubſidia, quæ Ferraria mittebat, nocturna impreſſione, Turrim repente conſternatam occupat, data ſemiſomni præſidio libera abeundi facultate. Poſteà Arianum feſtino  
nato

nato incurſu interceptit incautum, deditumque interruptis pontibus reddidit immune ab imminenti hoſtium acceſſu. Non minori ſtudio ſequutus exploratorem, ſub primam lucem Codegaurum invadit. Municipium à propugnantium valida manu aliquandiu ſtrenuè deſenſum, non ſemel repulit aggreſſores. Sed, ubi innotuit, proximas eſſe Franciſci de Comitibus auxiliares copias, promiſſa militibus Codegauri præda, ita illos animavit ad impreſſiones, ut reſiſtentes deturbarent à muris, irrumperent, & furiis agitati ob interitum Chiliarchi Uechi, in fortunas, & corpora Codegaurenſium effrænate deſævirent.

Exterrita hoc factò alia contermina loca, Delphino ſpontè ſe dederunt. Eodem tempore Anconitanas aquas triremes Venetæ infeſtabant, interturbatis rerum commerciis. Cæſenaricum, à claffariis deſcenſione facta, capitur, fugantur præſidiarii, & incendio fortuito excitato conflagrat. Primarij turrim, tormentis à noſtris occupatam, Barberini modico labore recipiunt: & ne iterum in eorum poteſtatem veniret, funditus evertunt. Piſaurus veritus ne intumeſcentis Padi aquæ, diſruptis fraude aggeribus, extra alveum effuſæ Venetum Policinium inundarent; in riparum cuſtodia ſedulam adhibuit operam: atque ut ſecurior fluminis foret cuſtodia, quatuor ſelectos duces dimiſit, Carrucium, Valletam, & Comites, Portum, & Martinengum, ad tot oppida, Melaram, Ficarolum, Lacum-obſcurum, ac Trecentam, Reipublicæ ſubjicienda. Sed ſingula unicuique Ducis ſpontaneam properarunt deditioem: indigenis novarum rerum cupidis in Venetos inclinantibus. Ex Piſaurus Trecentæ ſtatim ſibi caſtra conſtituit; commorantibus ad Candam, Jacobo Contareno, & Deghenfeldio Germano; qui Scultennæ pontem imponunt, muniuntque propter annis liberam navigationem. Per eos dies Odoardus, prætextu neceſſariæ pabulationis, Padum tranſire tentat in Policinium: ſed illi obſtitit

obstitit Venetus Imperator; & hanc repulſam Dux ægrè tulit: tamen cùm pro explorato habuit, ea loca, ad quæ animum adjecerat, ad Rempublicam ex fœdere pertinere, ſuos conatus compreſſit.

*Multiplices Oppidorum aggreſſiones,  
& propugnationes.*

**E**X his, quæ agebantur à noſtris, Barberini, quodam metu pavidi, Ferrariæ ſe continebant. Tandem collegere animos, & egreſſi Caſtellum-francum contendunt: proximi Bondeno, & Finario. Huius municipium Mutinensis Ducatus, Angelus Corrarius curabat: qui timens, ne vicina agmina illud circumſepirent, opportunè Ducem vocat in auxilium. Acceſſit properè cum ſuis copiis; plenus tamen querelarum adverſus Piſaurum, in oppoſita Padi ripa confidentem: ejus quoque moroſitatem inculcabat Patinæ Dux, ſuſpicatus hoſtilia arma moveri in Bondeni oppugnationem.

His expoſtulationibus à Corrario relatis, Piſaurus ſuam ex Senatus decreto excuſationem proferit; quo inconſulto; ei non erat permiſſum acies ad Policinii cuſtodiam in partes diſtrahere, vel ultra Padum deducere. Hoc reſponſum à Mutinenſi legato Patribus redditum, elicuit mandata ad Piſaurum: ut conventa in fœdere compleret: Mutinæ Duci expeditionibus opem ferret, & iis adeſſet tempèſtivè. Illo juſſa facturum, multis in re præſenti premebatur difficultatibus; videbat, diſulſo exercitu, debilitata præſidia; incuſtodita fluminis litora; & Policinium patere excuſſionibus. Tria itaque peditum millia, cum ſexcentis equitibus, Padum tranſmiſſura committit Valletæ honorariæ militiæ ductori: parem bellantium numerum Gonzagæ tribuit, caſtrorum Præfecto. Quoniam verò in his trajiciendis copiis multiplex gerendarum rerum confuſio, tranſi-

Vu tionem



sitionem ipsam tamdiu morata est, donec Barberini ab exploratoribus acceperint itura foederata arma ad Centensis oppidi expugnationem: quare motis illicò castris ad ejus custodiam convolarunt. Socii nihilominus eodem voto Vallaetæ negotium dedere explorandi Centi situm, & loca idonea aggressionibus. Qui diluculo deductus per invia sistitur clara luce ante oppidum; audacter tamen circumquirit mœnia, scrutatur munitiones, & occurstantem equestrem turmam fugat. Fit ingens tumultus in oppido; erumpunt prædarii: & ille obsistit impeterritus: sed mox repulsus à Matthæjo: incolumis reuertitur ad suos, & nunciat, Oppidum non minus armis, quàm operibus esse instructissimum. Hac spe frustrati, dum aliis occupantur consiliis, subaudiunt, hostes in Mutinensem agrum effusos, omnia perturbare terroribus; Matthæjum interceptisse Spilimbertum, & Saxulum; atque minis armatum in montana conscensurum. Mutinæ Dux cum Corrario deliberat Scultennæ palustria relinquere, & hostilem sequi exercitum, cupidus aperto campo decertare. Matthæjus à fronte, à tergo, & lateribus hostibus circumfusus, ut congressus refugeret, capta castella, præter Spilimbertum deserit: Dux dejecto hoste, statuit in Crevalcorium socialia arma dirigere: præcessit Valleta, cum lectissima pugnâtiû manu, & duo secum vexit muralia tormenta. Quo impetu, & machinarum fragore, militumque audacia aggressus est oppidum: Pari eventu sperabat in subitas deditionis conditiones impellere Cautum Asculanum Præfectum. Sed hic non minis, non vi territus hortanti ad deditionem occludit aures; clam datis literis, cita accersit auxilia. Cardinalis Antonius opis indigo, ut succurreret nullam interposuit moram. Igitur celeri cursu cum Valenzæo improvisus imminet obsidentibus, turbat ordines, persequi jubet fugientes, & dari neci per devia dispersos. Valleta minimè animo consternatus aggressionem tam repentina, superstites à caede,

cæde, & fuga reducit ad signa, repugnat fortiter, non sine spe victoriæ, nisi loricati equites turpiter aufugissent; & imploratum à vicino exercitu subsidium properasset. Igitur dum disceptabatur in castris, utrùm submittendum; an retrahendum auxilium; deliberatione facta, non esse exponendas copias incertis armorum casibus, nec victori hosti Mutinensem ditionem ad direptionem; Valleria subsidii destitutus velitatim pugnando, campo decessit. Ducentos de suis in acie reliquit, de tormentis, alterum gravioris molis in cœnosa fovea defodit. Hoc Barberini inventum festis acclamationibus Bononiam invexere; eminentissimi triumphii præclarum monumentum. Ob hanc victoriam Romæ quoq; ingenti gaudio exultatum est; ac si cum fœderatis debellatum bellum esset: & , deposita pacis negotiatione, Legatis Principum denunciatur ab urbe recessus. Hoc exemplo Respublica Vitellium Nuncium, qui mollibus verbis multis quotidie pacificis promissis vana spe mulcebat Senatam, Venetiis abire iussit. Cardinalis, ut secundi eventus augeret lætitiā, servato, munitoque Crevalcorio, cogitavit de Nonantula adorienda, qua si potiretur, non diffidebat socialia arma prohiberi posse ab aperto in Mutinenses aditu; & ab incusso ipsi urbi metu. Ergo nox integra impenditur futuro apparatus; & quod fuit deliberatum, delecti Duces continuò exequantur. Sub auroram Valenzæus, in castrum, profunda tantum fossa circumdatum furenti rapitur impetu, cum muralibus tormentis: Matthæjus animo intercludendi subsidia, miserat ex militibus promptiores, qui Navicelli pontem insiderent: eoque tempore Cæsar Oddus, inter bombardarum strepitus, jam minatus erat municipii Præfecto necem, nisi se dedidisset. Omnes momento irruentes armis, & vocibus ubique insiliunt, & provocant: sed alius ac sperabatur, contingit eventus. Qui præsidio præerat, Eques Fontana, jactatas minas irridet; & confestim Ducem admonet opus

esse celeritate , si ab impendenti discrimine vult salvam Nonantulam . Dictum , factum , nullo temporis intervallo : cum auxiliaribus equitum turmis Dux præmittit Comittem Raymundum Monte-cuculum : ipse tormentis , & pediatu plurimo subsequitur . Interim omnes prætergressus Conquisitor Panzeta , jam à pontis infessi custodia propulsat Barberinas cohortes , quas ex fuga dispersas Comes excepit : deinde auctus à Duce valido pedestris militiæ incremento , fulminis instar terret , ac cædit Nonantulæ obsessores ; dum Valenzæus ejus fossam cœperat complere rudibus . Hostes , postquam sensere impressionem à tergo factam , & ob oculos micare gladios , diffusi custodia pontis , pavefacti tumultuantur , & vagantur ignari , quò se reciperent sine ductore : quare ex hac trepidatione plurimi in Raymundi manus corruere . Hæc fiunt , & Cardinalis facti inscius , cum Matthæjo properat ad pontem , quasi ad alterum triumphum . Dux certior factus de accessu , nihil iam mora potius habuit , quàm insidias in transientes : occulit in fossis , obsitis , ab utroque latere vepribus , expertos moschettarios : & hoc astu incautè proficiscentes decipit . A furiali glandium turbine concussi fuere gravis armaturæ equites : & hi præ metu infrænem cursum capeffentes , pedicatum plures protritatos interemerunt . Sors amica favit Cardinali , & Matthæjo , qui inter illa volitantia fulmina incolumes , & ab insequente Duce liberi regressi sunt . Mansit hoc factum Cardinali Antonio alta mente repositum , ita , ut illius in hostes referendi causa , omnes belli offensiones , tum in Mutinenses converteret , pericula , & damna excogitaret . Jussit conscendere in montana milites , fortitudine potiùs , quàm numero pollentes , qui hostilia ibidem patrarent : & inopinata procella gentes , & arces concuterent . Arx Julia capta fuit , ac magnus monticolis injectus pavor . Dux , postquam ad vindictam destinasset Matthiam Scittonum , promulgat , se per Bononienses grassaturum ,

ut

ut à montanis hostem retraheret : & à Corrarìo , qui Venetasacies in Boni-porti statione dirigebat , petit opportuna subsidia : qui quòd forent promptiora hanc curam delegavit Gonzagæ , in Castro-novo moranti . Sed quia Dux aliud , præter destinatum , iter instituerat , Scittonum in Montana sequutus : Corrarius , damnato congregiendi cum hoste consilio , in iis locis , absque impedimentis , & com meatibus , ad se revocat Gonzagam , non sine gravi Ducis querimonia . Dicebat , quòd ope destitutus , aliquot solùm insignia victoriæ , non victoriam reportasset , Scittono teste , qui cum tercentis militibus , per salebrosos montium anfractus , obstructasque viarum angustias , multos perdidit de Barberinis : ab Arce Julia deturbavit : & captivos abduxit in castra . Ex his magis cupidus suæ experiendæ fortunæ , ac si ubique prosperè cum ipsa ageret , iterùm de tentanda Bononiæ cogitabat . Corrarius suadebat à Finario non recedere : attamen , ut omnem de se eximeret contumaciæ suspicionem apud querulum , & facilem in suis ad Senatum expostulationibus , non servari cum eo fœderis pacta , in unum consentit cogere arma , & rectà Spilimbertum pergere . Verùm iter , quod maturandum erat , retardavit viarum difficultas , quæ per id tempus adèd tenaci luto operiebantur , ut qui alterum pedem veller educere , alterum altius infigeret . Interrumpitur ab hac molestia transitus : & qui præcesserant , regrediuntur : nihilominus Dux constans in suæ profectionis sententia , relicto Spilimberto , ultra Scultennam transportat exercitum , absque ulla Corrarii contentione , non aberrandi longiùs à Padi litoribus . Ad tractum fluminis nullus obex , præter unius equitum alæ occurstantis , quæ metu correpta sese è conspectu proripuit , nuntia Plumatio , adesse hostem . Oppidani deprædationis timore perculsi ultrò fociis ducibus fores aperuere . Ingressi oppidum , quo recepto videbatur non esse metuenda Bononia , milites , quia otiosè confidebant conspiratione facta

excunt

exeunt prædatum, nequicquam tribunis intonantibus minas, neceſque. Excurrunt arroganter, & petulantius per domos, atque tuguria, quo tempore agricolæ colligendis meſſibus dabant operam; tantaque rapacitate pauperimæ quoque gentis reculas ſurripiunt, & expilant; ut Duces impenſe deteſtati effrænem audaciam, adempta miſerabilibus reſtituerent; & illam in ſceleſtiores ultimo ſupplicio vindicaret. Cæterùm à tumultuaria conſuſaque agreſtium, & incolarum fuga, Bononia conſternatione maxima concutitur: & ab audita paulò poſt Bazziani expugnatione, omni ſpe abjecta ſalutis, cum quilibet ſiniſter caſus in bello terrori ſit, extimeſcebat, ne Barberinis devota, diſreptionibus, & incendiis funditus interiret.

*Barberina militia irruptio in Policinium.*

**C**ardinalis Antonius, cujus animo altiùs hærebant ea, quæ ſocia arma inferebant, ac minabantur damna, ſecum aſſiduè, & cum Valenſeo cogitabat, quo modo, & Bononiam à metu eriperet, & ſuis hoſtibus paria reponeret. Verùm quia omnia pendere videbantur à Republica, quæ propriis viribus magni erat momenti ad bellum, ad eas diſtrahendas, de occulta in Policinium irruptione hoc occurrat conſilium: cui ſi aſſante fortuna contigiſſet eam partem in qua Veneti Proceres ſuas ſovent delitias, inilitari licentia diripere, vaſtare, & incendere, nulli erat dubium, quin illi coacti ad ſua tuenda, ab alienis infeſtandis eſſent protinus reſceſſuri.

Hanc itaque Cardinalis deliberationem amplexus, Ferrariam proficiſcitur: ubi ſpecie muniendæ validiùs urbis adverſus ſuſpectas hoſtium machinationes, omnia, ad vadandum Padum neceſſaria, accurato ſilentio diſponit. Igitur in navigia clàm parata, quæ cum robuſtis bellatorum catervis noctu, non vna vice traduſtis Valenſeus, alique ſtre-

strenui duces conscenderant, transvehuntur, imposita sex hominum millia, & plurima impedimenta; omniaque exposita, in adversos fluminis aggeres advicium, cui Pavio-læ nomen. Deduxit hanc fluviatilem classẽ Comes Hyeronymus Rossetus, litoralium Padi locorum peritissimus: qui & ab exploratoribus accepit, propugnaculũ ad Lacus-obscuri pontem, architectorum æmulatione nondum ab humo excitatum carere loricis, non exuperabili vallo interceptum, & propterea expugnatum facile, si audax in illud fieret impetus. Latuit nocturnus his transitus nostros, eorumdem incuria, & avaritia: nullus erat, qui hostilia opera specularetur: nullus explorator, qui audita referret: & ideo signa tunc data à vigilibus de Barberino trajecta, habita sunt somniantium deliramenta, donec invalescente per tenebras descendentium murmure, palam innotuit, obfessam litus, & in aggere excitatum munimentum. Qui è proximis stationibus poterant exilire ad repugnandum, aufugere terrore, metuque mortis occupati. Solus ad tumultum obequitavit, cum suis cataphractis, Eques Tritonius: at dum conatur, & novissimos premere, & primos prohibere ascensu, ab ingruente multitudine circumdatus, satis habuit se extricare, & periculum eludere. Eo repulso Barberini, quorum orta dies prodidit, quot emerissent agmina; catervatim, & furentes processerunt ad expugnationem propugnaculi. Hoc ponti proximum propugnabat Comes Portus, qui cum Marco Antonio Strozza, turbatis, ac dilabentibus obviis, hos dum sistere, & aggressoribus objicere totis viribus connititur, à Valenzæo, in medio superati propugnaculi, à præpotenti manu reprimitur, multis suorum interfectis. Compulsus in propinquum habitaculum, cum exiguo militum numero, sex horas impigrè obstitit insequentibus, glandibus, pilisque; tandem ad motis bombardis, cum recta diruerent, & nulla subesset auxilii spes, Valenzæo dignis conditionibus se dedidit; à quo fuit per-

perhumaniter acceptus, ob exploratam animi sui fortitudinem. Non amplius, ex his, quæ agebantur, erat in ancipiti, Barberinos superasse flumen, & in propugnaculum iruisse. Idcirco Pisaurus festinavit mittere in suorum subsidium quingentos pedites, & equites centum: mox ipse præstò adfuturus cum reliquo exercitu: quamvis illum valde imminuerant missæ ultra Padum expeditiones, & collocata in pluribus castris præsidia. Antecesserat cum primis copiis Marcus Antonius Brancaccius, qui ubi ad colluviana vada pervenit, audita à fugientibus Porti captivitate, & propugnaculi jactura, substitit, & succedenti Pisauro causam exposuit sui retardati itineris. Hinc reditus consulitur ad castra, quæ à multis ob metum vicini hostis, fuere deserta: curritur ad Corrarium, ut cum festinatione opem afferat rebus periclitantibus in Policinio: cujus partem, quam occupant Barberini, gliscentes numero, & audacia, flammis, & cædibus ferociter devastabant. Hæc inter, aggressoribus favebat nostrorum mora in deliberando, quomodo illos propulsarent, & discors opinio (ut constaret, sua quemq; sectando consilia, complurium imperium bello inutile esse) iisdem opportunum tempus præbet ad extruenda duo propugnacula propè Lacus-obscuri pontem, quæ fluminis utrique litori imminerent: & ad prospectum latius diffundendum, succidunt arbores, solo æquant ædificia in circuitu, ut prædas securiùs agerent. Per hæc momenta Corrarius decessit Finario; cujus vestigia Matthæjus sequutus ex occasione, aut suis opem, aut nostris damnum laturus, excitavit in Mutinæ Duce cupiditatem Centum iterum adoriendi, sed magis urgebat præsens necessitas; quæ Bondeni coëgit in unum socios Principes & consiliarios, ut omnem cunctationem de dependendis ex æquo injuriis, absunderent. Censebant Dux, & Corrarius, servatis armis citra Padum in Bononiensi tractu omnia hostiliter agi: Bononiam aggredi; cujus discrimen si

Bar-

Barberini animo conciperent, procul dubio, relicto Policinginio accurrissent ad ejus tutelam, quod utique consilium expectationi respondisset. Contrà proponebant Deghenfeldius, & Gonzaga; ille quidem cum equestribus copiis subitum fieri impetum in ipsas hostium stationes: iste, non sine peditatu quoque, & cum Parmensi equitatu. Huic opinioni Pisauo inclinanti Odoardus dissensit; nisi prius data illi dies esset ad suas vires conferendas; & numerata pecunia, ut suis militibus stipendia solveret. Cognovit Dehenfeldius Ducis ingenium; ideò morarum impatiens, suum equitatum in aciem de castris produxit, & cum festinatione concurrat. Propugnaculum, Riccia dictum, strenuè invadit: acri prælio commisso, reboant tumultu, armorumque fremitu omnia circum loca; nam superato vallo, per vias, septaque propugnaculi ruebat in neces. Ad dissonos clamores excitæ è vicinia reliquæ acies, integræ numero, & viribus, audacis bellatoris impetum, non ardorem restinxerunt. Tunc obstinatiùs conferitur manus, at non æquo Marte, dum recentes pugnant cum fessis. Verùm, si poscenti subsidarios, qui in omnem eventum parati esse debent, non obstitisset nimia imperantis cautio; metu, ne potior exercitus pars periret, fama est, pristinum armis Venetis decuseo die à præclara victoria futurum fuisse, ut restitueretur. Cum igitur Deghenfeldius ampliùs obniti non posset, confectis ordinibus castra repetiit: & Barberini victricibus signis ubique cursitantes, cuncta cædibus, & rapinis foedarunt. Igni magis, quàm ferro armati, nobiliora Policinii loca demoliti sunt. Proximæ urbes, Rhodigium, & Verona imminentis hostis terrore percussæ conclamarunt ad arma: sed panicus ille timor brevi sedatus est prudentia Præsidum, & Civium constantia. Ex-adverso nuncius rei infelicitè gestæ in Policinio Senatum stupore maximo perculit, & ingenti mœstitia totam urbem affecit. Audiebat unusquisque vastatos agros, protrita vineta, diffi-



patas ædes, fugatos agricolas, incensa Patriciorum palatia, combustas fruges, abacta armenta, & nullum relictum locum in feraci provincia immunem à direptionibus, & sacrilegiis. Hæc damna passi auaritiæ, socordix, & negligentix Duces accusabant. Infelix imperantium conditio ut rerum successu conceptis spe minimè respondente ipsi omnium latratibus sint obnoxii. Patribus itaque placuit abrogare Pisauero amplissimam potestatem, duobus ei additis Legatis Angelo Cotrario & Michaeli Priolo; postea citatus ad carceres & admissus ad dicendam causam, ita longius se objectum crimen amolitus est; ut quæ sequuta est omnium votis absolutionis sententia, clara ab offusis calumniæ tenebris prodiderit testimonia ejus prudentiæ, integritatis, & fidei in Rempublicam. Igitur in pristinam reversus existimationem, meruit tandem supremum Patriæ solum conscendere.

*Marci Justiniani Veneti Imperatoris expeditio.  
Inauspicatum Comitiss Federici Mirolis facinus.*

**P**isauero à bello ad judicium revocato, ei sufficitur Marcus Justinianus; cui dignitate, tituloque pari Senatus detulit rei militaris imperium. Vir ingentis animi festinatio excessit ab urbe, & hac fiducia apud omnes, ut esset deleturus maculas Venetis armis inustas. Ingressus Ficarolum, & lustrato exercitu, bellicum indixit conventum, in quo actum fuit de hostibus à Policinio submovendis. Interfuere Mutinæ, & Parmæ Duces, Legati, & Consilarii. Mutinæ sententiam, quæ suadebat in Centense oppidum, à quo Matthæjus aberat, moveri arma, corripit Odoardus, postulatis ab eo auxiliis, verisimilia adducens non posse Bondenum, & Stellatam suis præfidiis carere. Consulebant aliqui, vel oppugnationem Bentivoli propugnaculi, Venetis castris infestissimi, vel cum universis copiis subitam

tam irruptionem in ipsa hostium munimenta: sed utraque expeditio damnabatur à sociis, ut difficillimi exitus: & ita de more altercatum discordantibus sententiis. Porro Justinianus de sua apud Rempubicam exultatione sollicitus, accusato inter tot concertationes temporis dispendio, illud arripuit consilium, quod, ne cunctando senesceret, illicò voluit executioni mandare. Hoc fuit in Ricciæ propugnaculum solis Venetorum agminibus ferri. Præmittit in expeditionem Valletam; qui cum tribus militum millibus propugnaculum ab inferiori litoris parte obsideat: vallum erigat: & super aggestos tumulos tormenta disponat. Tunc ipse statim se promittit affuturum cum Gonzaga, cum de rebus ad exitum perductis esset admonitus: Ita factum, sed Valenzæus impiger in rebus agendis speculatus ea opera, irrequieto diu, noctuque bombardarum tonitru extructos aggeres concutiebat: paridamno nostri fulminabant propugnaculum: quare machinarum jacula nunquam cessantia, modò Barberinis, modò Venetis viam sternebant ad irruptiones, & pugnas, sæpiùs instauratas plurima cæde, & vices suas agente fortuna. Dubius Valenzæus de victoria, denuò recurrit ad stratagemata: ut sicuti furtivo ingressu in Policinium nostros provocaverat à Bononienfibus: sic alio occulto facinore eosdem removeret ab oppugnato propugnaculo. Seligit duo millia peditum, quibus ars dimicandi, & præsentis animi ad ardua tentanda. Hos prima noctis quiete, cis flumen, cujus libera erat navigatio, ducit cum silentio Comes Federicus Mirolus, singularis audaciæ vir. Transvectos, & albis fasciis præinctos, ut inter se noscerentur, prohibet riparum ascensu, antequam signum ad insiliendum audirent, data tessera à transfuga Corso. His ita dispositis quievere, donec omnes audito signo exilientes, concordi conspiratione invadunt Gonzagæ Stationem, & furioso incurfu tenebris circumfusos percutiunt. Resonat repentè armorum stre-

pitus, & oppressorum ejulatus, qui Gonzagam excitarunt ad opem illis ferendam, qui magis somno sepulti, quàm vigiles impunè mactabantur. Sustinuit ad horæ spatium nocturnos aggressores; quos & strenuè connixus est propellere. Verùm abjecta diutius obsistendi spe adversus hostem, qui ante comparatis viribus pugnabat; cùm sibi nullum classico vocatum mitti subsidium videret, retrò cedens, castra, & impedimenta permisit diripienda. Sed hujus tenebricosi insultus damna ita molestè tulit, ut ad ea reparanda nihil reliqui ad celeritatem fecerit. Confestim igitur cinctus prævalida Epiroticæ gentis caterva, firmoque instructus peditatu, sub primum auroræ exortum hostes prædis adhuc intentos, inopinatò aggreditur: & cito veluti turbine percussos, vel cædit, vel vulnerat: & qui acti in fugam flumen petiere, vel gurgitibus absumpti sunt, vel inter cunctationem subeundi, aut oppressi, aut capti. Denique hunc prosperum vindictæ successum magna cumulavit lætitia ipsius Mirolì captivitas: faucium, & fugientem cohibuit in amnis transitu Catruccius Epirotarum ductor: sed non contentus interceptisse gloriantem se illa nocte de Veneris triumphaturum, dum alios in litore palantes persequitur, tergum præbuit lethali vulnere: percussus enim plumbea glande interiit, & suo casu non parùm funestavit illustrem victoriam. Hunc virum, ex octingentis, ut fama retulit, in utraque acie interfectis, inter suos, præcipui nominis Veneti recensuere. Barberini verò Demarchum Sanctacrucium.

*Varia concertationes.*

**C**ardinalis Antonius, cui militaris avaritia dissolverat Mirolì prosperè inceptum facinus; alios ex occulto parabat dolos cum Valenzæ: atque utrique prompro ad iras, & ad insidias, omnis procrastinatio erat odiosa.

Medi-

Meditabantur alteram incurſionem à flumine, quod, illis abſque timore navigantibus, dabat ſecurum appulſum ad ulteriores ripas. Non latuere Juſtinianum, quæ ab hoſtibus in quintum diem ſtruebantur fraudes: idcirco cautiore conſilio in ſtationes, non longè à propugnaculo diſpoſitas, munitasque reduxit exercitum ab antea actis congreſſibus valde fractum, ac mutilum. Hic tamen reſceſſus ab inexpertis, quibus dulce bellum, non ſine compellationibus, & probris in urbe exceptus fuit, viſusque ſevera aliqua animadverſione dignus, quia Barberini, cum nullus obſiſteret, ſuas munitiones pridem acriter oppugnatas, dirutasque eo temporis intervallo validiùs repararunt. Senatus, ne quid ſuæ, fuorumque ducum prudentiæ detrimentum accederet, & exiſtimationi; imperat Juſtiniano non abeſſe ab hoſtium conſpectu: & ad quamcunque dimicationem expeditum inſtructa acie congreſſi: nihilque quod agendum, audendumque eſſet, prætermittere.

Dum per hæc in Policinio geſta fortuna alternis vicibus variabat caſus, inſtructa clafſis: quam è Dalmaticis oris advexerat Laurentius Marcellus, litora legebat, ab Cæſenarico Senogalliam uſque & milites crebra deſcenſione plurima damna inferebant accolis. Tandem hærentes in portu Senogalliæ compreſſit ab excuſſo emœnibus tormento Thomæ Contareni navarchi interitus: ac ſubinde repentinis tempeſtatibus turbatum mare. Ideò Marcellus, ne clafſis periret naufragio, illam veluti expulſam, & ejectam in portum, propera navigatione, imminenti periculo ſubduxit. Per id tempus Barberina agmina in Etruria quoque graſſabantur: atque ea de cauſa Magnus Dux Reipublicæ poſcebat auxilia. Hæc Senatus fœderato Principi ſedaturum promiſit, in proximum annum terra, marique paranda: Armatas triremes novem, quæ ſinum Adriacum excurrerent: actotidem roſtratas naues, quæ Tyrreni littora cuſtodirent: præter peditum, equitumque copias,

pias, quæ terra adversus hostes pugnarent. Mandat præterea Justiniano Barberinos distinere in Ferrariensi agro aliquo bellico motu : & Mutinæ Duci suppetias ferre, iterum æstuantî cupiditate inquietandæ Bononiæ . Ut morem gereret, ille educto exercitu, & in prospectu Lacus-obscuri explicato, ostentavit quid virium, quid roboris secum haberet; ac si alteram propugnaculi oppugnationem esset moliturus. Sed, quia tum nihil audere, & experiri visi sunt hostes, qui antea quodam furoris impetu omnia sibi objecta disjicere minabantur; dato receptui signo in sua castra, eodem, quo exierat, ordine, reversus est. Hic regressus, quem aliqui criminati in præsens, à pluribus in futurum laudatus fuit: tunc refarcitæ fuere Mutinenses copię quinque peditum millibus, & equitibus octingentis : & auctæ vires Sebastiano Venerio, qui Delphino ægrotante, in Policinii tractu, ad Loretum interfecto præsidio, Colonia vicum combussit. Tunc Valleta, cum aliis infracti animi ducibus, navata egregiè opera trans Padum, majorem hostilium copiarum partem in Bononiensibus occupatam tenuit. His diebus Mutinenses Valenzæum in Etruriam properantem à tergo intercipiunt; & Montecuculus Monteviam, Serravallum, aliaque minora oppida suo Duci asserit. Cœterum Panzettæ de generoso facinore breve gaudium; obscuræ noctis interventu in Crevalcorium sese immisit: & clara voce Mutinæ Principi vitam, valetudinemque precatus, confusione maxima replevit oppidanos: verum, dum ingressæ turmæ, territis, & consternatis optima quæque surripiunt, præter opinionem accidit Codræi adventus; qui fortiter irrumpens ingressu suo oppressis lætitiâ, & aggressoribus terrorem intulit, intercepto Panzetta, quem deserere furaces prædantium manus, ut in tutum alportarent direpta spolia. Eadem igitur nocte, qua captum fuit, Crevalcorium Codræi fortitudo recuperat, atque extemplo communit firmioribus præsidiis. Interea Valleta à Castro-franco,

co, ubi hostes erant castrametati, profligata equitum ala, Bononiam usque infestis excursibus discurrebat: hunc ad Spilimbertum reductum illi totis agminibus obsidere constitunt: at dux bellator, ejus consilii non ignarus, obviam egreditur, divisoque equitatu, dispositisque in viarum angustis pedibus, offendit incautos, & compulit re infecta, conceptaque spe vacuos retrò cedere. Non quievit ab offensis, qui manè à transfuga Liburni equitatus ala adjutus, stationarios adoritur, plures in castris occidit, ditatusque nobili equorum præda ad suos regreditur. Quo tempore, & in Policinio, Delphinus, confirmato corpore à fluminis trajectu, apud Gardam robustos grassatorum, latronumque cuneos repressit: & Antonius Grimanus Crispinum tutatus incurstantium per agros militum impetus sæpius propul-  
savit.

Eadem tempestate etiam in Etruria varii fuere hinc inde armorum conatus, & plerumque Barberinis irriti. Magnus Dux consilio, & opera Matthiæ Principis fratris sui, Alexandri Borri, aliorumque præstantissimorum ducum solertia, pluribus in locis violentos hostium conatus fregit: à furtivis Valenzæi assultibus Pistorium vindicavit: castella, oppida, vel accepit in deditionem, vel sibi capta recuperavit. Perusium grandi metu concussit, Petiliam obsidentes disjecit multa cæde, & omnibus exiit impedimentis: apud Montem Jovinum acri prælio vicit: Marram, inter militares duces præcipuum, Florentiam misit captivum: in fugam compulit Cardinales Legatos, elapso è manibus ob equi pernecitatem Francisco Barberino. Hæc, & alia à Magno Duce peracta, ubique adjuvantibus Venetis, relinquimus enarranda iis, qui de hoc Sociali bello copiosius scribunt.

Quæ interim horrida ingruerat hyems, coegit dimittere milites in hyberna, & feriari ab armis: sed utique hæc expeditius instauranda cum ver novum appeteret. Propterea man-

māndavit Senatus augeri diligentissimè copias; Helvetias conscribi centurias; & quibus è Germania conduxerat Gildas, vir pugnacis spiritus trium millium numero, dari stipendiā. Classē quoque instrui, quæ à mari per occasiones vexaret hostes; & sociis opitularetur. Non secus Barberini suos ex exteris gentibus instituebant delectus: & Cardinalis Antonius tunc temporis Romam delatus assidue petebat in proximas expeditiones nummum, com meatuum, militumque subsidia: quæ tamen postulata molestissima fuere Pontifici, & omnibus, qui huic teterrimo bello adversabantur.

*Pax inter fœderatos Principes, & Barberinos.  
Castrum Odoardo Duci restitutum.*

MDCXLIV.

**F**ELICIA auspicia præsentis anni ineuntis: cū sub finem præteriti Cardinalis Alexander Bichius, Venetias apulisset, missus à Christianissimo Galliarum Rege Ludovico XIII. ut rescissis dissensionum nodis, Italos Principes, & Barberinos fratres in pristinam concordiam, amicitiamque redigeret, Patribus coràm Vir eminentissimus Regium animum de concilianda pace aperuit, reperitq; quod omnium consensus par, & idem esset, ut ablegato bello pax succederet, cui semper intentissimè studuerant. Tamen dubitatum fuit de sagaci hostium ingenio, ac præcipuè de Cardinalis Francisci indole magnanima, & mutari nescia. Talia opinantibus ille addidit, Regia arma in eos, qui leges statutæ pacis non adimplerent, parata esse, modò aliud non pereretur, præter Castrī suo Principi restitutionem. Hac fide Romam proficiscitur: & ibi adorato Pontifici exponit quæ cū Veneto Senatu egerat: nullumque è sociis ab illius sententia discessurum: multa mala, non restincto bello, Pontificiæ existimationi fuscitari posse, cum Italiæ discrimine,

mine, & populorum excidio, ab eo, cui cura incumbit tuendæ publicæ tranquillitatis. Hucusque fræderata agmina prosperiori eventu pugnasse: atque exinde constare, Ecclesiasticam potestatem divinitus institutam, in Catholicorum Principum ruinam, ex privatis affectibus semper habuisse infelices successus. Igitur imperandum esse, ut positis armis, componantur amicæ lites: non ampliùs Pax exulet, sed revirescat; & illius sit fidissimus custos Pontificius dominatus. Urbanus ad hæc audita dicitur obstupuisse, valdeque commotus suis exprobrasse rerum gestarum casus, eventusque silentium. Nunc primùm sibi nota adulantium mendacia, referato veritati aditu. Quare Cardinalium conventum indicit, in quo de pacis transactione agatur; & quod fuerit statutum, exequantur Nepotes; priùs quàm ille morbo, ac senio confectus migraret è vivis. Qui verò ab omni conciliatione alienus erat, & ægerrimè acquiesceret Castri restitutioni, incepit quotidie differre, & procrastinare, quæ citò opus erat fieri: atque eò magis, quòd per eos dies remitteret se Pontificis ægritudo, ita ut, neque vacua Sedes, neque in hoc casu necessariæ induciæ, quæ à Bichio proponebantur, expectandæ. Hæc Romæ agi cum mora, & tergiversatione Veneri à nunciis accepere; atque Cardinalis Antonii prope ratum in urbem Ferrariam ingressum. Ideò, ne sub pacificis promissis distinerentur à suscepto bello, decreverunt aliquo signo ostendere arma sua in hybernis non torpere. Meditati sunt utriusque ad Lacum-obscurum propugnaculi repentinam impressionem: quorum, alterum ultra flumen Valleta: alterum citra Marinus Badoarius opportunè debabant adoriri. Sed fortuna ubique contraria, paratam expeditionem disturbavit vel triduana pluviarum illuvione, vel præpropere ad vallum concursu militum; qui numero exigui audaciùs præcesserant; sed procul visi non terruere dubios: at quinam essent, mox cogniti, propulsantur, & subsequentes coguntur pedem referre. Subinde in Padanis aquis



Epiroræ insidiantes portitoribus, naviculas aliquot frumentarias Primarium versus, vi abduxerunt. Item in Policinio, Jacobus Ripa, & Joannes Paulus Gradonicus, hostes in vicinia excursionibus, & rapinis grassantes, quanto acrius urgent, repelluntque, tanto fortius Valleta fugatos cis amnem persequitur usque ad Lacum obscurum. Vbi eò pervenit cum stationariis è munitionibus egressis, tam obstinata contentione confligit, ut invalescente tumultu, Ferraria eliceret Cardinalem, plurimo stiparum agmine, cum viris primariis, & Carolo Carafa Vicelegato. Horum interventu recrudit pugna, cujus initium ambiguum, finis Veneto Duci lætus fuit. Non solum ingruentes sustinuit, sed etiam eos cum clade disperfit. Fugam arripuit Cardinalis, & omnis illius comitatus: at victores instantes è campo dilabentibus in suam potestatem rede gere Carafam, Antonium Doriā, unius è propugnaculis Præfectum, ac plures celebris nominis Chiliarchas. Cardinalis cursu velocissimi equi exemit se. Ducenti referuntur occisi: captivi centum ac triginta recensiti. Ex his armorum contentionibus usque in hunc annum agitatis, potiùs ad terculamentum mortaliū, quàm ad perniciem dissidentium, viderant Barberini irritos fore omnes suos conatus: & fœderati Principes, quæ sibi damna ex aliena causâ, suisque rebus intulerant: cum tantum Castri restitutionem Odoardo Duci exoptarent: qua, vi, aut transactione expressa, omnes à belli societate erant recessuri: Itaque singulis in mutua pacis conventa propensioribus animis inclinantibus; illam Bichius consequutus est, victis, & victoribus utilem, his conditionibus: Ut Odoardo Farnesio restitueretur Castrum: arces, oppida, munitiones utrinque occupatæ redderentur: Farnesiae mensæ creditoribus antiqua jura servata essent: liberos dimittendos captivos; Rex Galliae pro Odoardo errati veniam Pontifici supplicaret: & hæc omnia cum fide, & cura intra sexagesimum diem unusquisque executioni mandaret. His peractis,

actis, Roma digreditur, Venetias profecturus: in itinere Magnus Etruriz, Mutinæ, & Parmæ Duces convenit, admonitos de optima Pontificis voluntate erga omnes... Appropinquanti Senatus occurrit, læta totius urbis gratulatione: Patres magna pompa exceptum venerantur caduceatorem, qui sua eloquentia, & dexteritate difficili bello optatum finem imposuit. In Ducali Palatio decernitur locus ad congressum. Arbitri deliguntur, exclusis, Cæsareo, & Hispano Oratoribus, ut sancitæ Pacis decus, & gloria, penès unum Gallorum Regem esset. Post hæc recitatas de inita concordia leges, singuli Principum Ministri obsignarunt: & intra Missarum solemnia in Marciana Basilica Kalendis Maji publicata fuit Pax festivissimis acclamationibus: & pro collata gratia celebris indicta supplicatio: gratesque amplissimæ per Legatos actæ Ludovico Regi sequestri: quas & Odoardus sua præsentia Senatui persolvit, accepto beneficio patres.

## FINIS LIBRI QUINTI.



## IOANNIS BAPTISTÆ

V E R I

CANONICI PATAVINI

RERVM VENETARVM

LIBER SEXTVS.

*Bellum Turcicum Septimum.*

MDCXLV.



Accomposita cum Barberinis fratribus, restituto Castro Parmæ Duci Odoardo, vix unius anni requies Venetis ad recipiendum anhelitum data est. Grave adversus Rempublicam insurrexit bellum à Barbaris illatum, quo priorum comparatione nullum, vel temporis diuturnitate, vel rerum successu calamitosius.

Turcis, si vera fateri volumus, idem prætextus, qui olim Romanis, sola nempe vincendi Cretam, nobilem Insulam, cupiditas: his vindicari armis placuit, quod Cretenses Mithri-

thridati favissent: illis ulcisci injurias, quòd Veneti recepissent in Insulam Melitenſes Equites Othomanicæ gentis anniversarios hostes, post prædas, & rapinas. Par itaque utrique populo, subacta Creta; insatiabilis dilatandi imperii cupido.

Hoc tempore Andreas Cornelius cum summa potestate præsidebat universæ Insulæ: cujus adventus in provinciam mali ominis apud multos fuit. Constantinopoli à quatuor inde annis regnabat Hibraimus primus hujus nominis, frater Amurathis quarti. Hic profecturus in Persicam expeditionem jusserat fratres suos necari: nam Othomani, ut sine suspitione imperent, fratricidia censent necessaria. Præfocatis Orcane, & Bajazethe suspectæ indolis; Hibraimo parcitur, tanquam fatuo, & Regno ineptissimo: qui tamen jussa non sunt exequuti, Amurathi à Perfide regresso suæ contumaciæ capite dederunt poenas. Interim ille immunis à laqueo in carcerem trusus intra regii viridarii septa mansit usque ad fratris obitum, annis viginti septem. Cum igitur solus esset è regio sanguine superstes custodia educitur, & à Primo Visiro, qui sub stolido Principe totius imperii arbitrium affectabat, Turcarum dominus, & Imperator acclamatur. His vocibus ratus se illudi, ac potius ad supplicium, quam ad solium, duci: hoc noluit conscendere, nisi prius defuncti fratris cadaver vidisset, & contrectasset. Ita liber à metu potitur sceptro, nec pauca dedit ab initio sanæ mentis indicia: quorum primum fuit confirmata cum Veneta Republica amicitia, quæ diu permanſerat cum sex illius Prædecessoribus. Cæterum haud multò post, denuo visus est in insanias relabi, quando ad majores evexit dignitates vilissimum mancipium, Isuffum nomine, Auraniæ in Dalmatia natum. Hic regios hortos curabat, quo tempore ille in ergastulo detentus ejus jocis, & facetiis recreabatur. Infamem hominem Selectaris gradu

gradu condecorat, scilicet suum creat Armigerum, inter Bassas annumerat: & declarat affinem, eidem una ex regis puellis desponsata: cæterisque in aula dynastis præponit. Verùm neque hoc ultimum insanientis Principis delirium majus reviviscentis dementiæ exhibuit argumentum; cum ipso instigante Isuffo Venetis summè infenso (quia eorum Legati illius adventum in Dalmatiam adversis officiis turbassent; veriti scilicet turbidi hominis petulantiam) pacem violat, rumpit fœdera, & sine belli denunciatione furialia arma distringit: neque aliam ob causam, nisi, quod Creta Melitensium Equitum esset asylum.

*Origo Cretici belli.*

**Q**uinto Kal. Septembris anni præteriti fortuito accidit, ut Melitenses suis tîremibus percurrentes Carpathium pelagus, navim offenderint à magna sui mole Sulthanam appellatam. Vehebat Mecham ad Mahumetis sepulchrum ex voto annosum Eunuchum Geslim nomine, regii gynœcei custodem, & unam de Hibraini concubinis cum impubere Filio; nobili comitatu, & barbarica supellectile ornatissima. Hanc illi piratico more adorti, multa utrinque clade oppugnarunt, & in ipso dimicationis æstu, supremus navarchus Gabriel Boisbo-  
drandus, & Eunuchus occubuerunt. Locupletes opulentissimis prædarum, & captivorum spoliis Melitam adremigantes Cretica littorâ adversis ventis jactati attigerunt. Hic appulsus, ob improspèram navigationem excusandus, Veneris primoribus crimini imputatur, vocaturque in culpam de raptis exuviis communicati cum ipsis commercii.

Perlata Constantinopolim nunciis, ac rumore interceptæ Sulthanæ jactura; vectorum mors; matris, natique captivitas, & Melitensium in Creta cum Venetis negotiatio, universam civitatem perturbarunt: quæ iratum Hibrain-

braimum sequutâ furenti militum fremitu vindictam poscentium ad arma conclamavit. Quare sollicita cura extrahitur ab armamentariis quidquid habent machinarum ad instruendum bellum: & in-navalibus; urgente Hibraino operarios, multarum navium classes adornantur. Dicebantur hæc omnia adversus Melitam parari: sed qui hanc suadebant expeditionem in Melitenses, perpetuò Turcica maria, & ligna infestantes, non fuere admissi. Illorum verò sententia prævaluit, ut vulgato contra Melitam bellico apparatu Classis tenderet ad Cretæ oppugnationem: ingens Othomanicis rebus ejus Insulæ accessione futurum incrementum. Quam cupiditatem magis incenderunt quidam ab Creta transfugæ præsentis dominii causati severitatem, & nobilium licentiam. Exaggerabant in Venetos primates Insulanorum odia: complurium ab alienatos animos: non absolutas oppidorum munitiones: & adedò incustoditam Cydoniam, quæ Canea est, ut caput facilis amplum patefaceret ostium ad mittendam sub jugum totam Insulam. Fuit igitur decretum in Cretam transire: sed magno silentio obtegendum facinus, quò Veneti opprimerentur incauti. Si qui ab hac simulatione abhorrebant eò quòd contra gentium leges, & fœderum sanctiones haud liceret non indicto bello imparatos aggredi amicos; ii, vel exilio, vel capite multati sunt: ignorantes Turcicum Regem posse violare fidem, pacta frangere, & animi sui arcana dissimulare ex Mahumetica indulgentia in rebus ad Imperii amplitudinem spectantibus. Propterea Joanni Superantio Reipublicæ Legato, suspicanti illum armorum apparatus adversus Venetos instrui, Bassæ expressis verbis sæpiùs inculcabant, nihil hostile in eos movendum esse: immò ad Senatum missum Chiaussium; qui probaret constantem Imperatoris fidem, ac tutò adduceret Constantinopolim Nicolaum Delphinum electum Bajulum. His dictis captus & elusus Superantius, Patribus significavit per literas om-

nem

nem expeditionem re vera comparari in Melitenſes. Interim non obſcuri nuncii ex Dalmatia, & Illyrio contraria referebant: ex Creta Antonius Navagerius Cydoniæ Curator irruptionem metuens cita poſtulabat auxilia: eadem ſuſpicionē angebatur Cornelius, fama per Aegæi inſulas de bello Cretico increbſcente. Senatus, quamvis adhuc in incerto erat, illicò tamen decernit militum delectus haberi, & omnis generis navigia ad belli uſum, duas armavit quinqueremes ab Hieronymo Mauroceno regendas; triginta triremibus totidem patricios gubernatores deputavit: Antonio Marino Capellio decem roſtratarum navium curam; & univerſæ classi imperium tradidit Franciſco Molino Marcio Procuratori, maritimis rebus aſſueto. Verum hæc per temporis intervalla diſponebantur; quia Senatus adhuc animi pendebat quò tenderent Turcarum machinamenta: nec volebat feſtinata armorum collectione illis fieri ſuſpectus: quæ circumſpectior prudentia publicis rebus valdè nocuit; dum Superantius profuſo abundè auro in hominum genus avarum, & rapaciſſimum, Hibraimi mentem ſcrutatus comperit meditatum ſcelus illud eſſe, ſimulata contra Melitam profectione; omnes copias in Cretam trajicere. Patribus hanc veritatem magnis erutam largitionibus nunciat: & bellum maximum, ac formidandum impendere Reipublicæ: iisque de cauſis inter Baſſas præcipuè vulgatum: quòd nunquam memoria exciderint audacia geſta Capellii; in Aulonis portu Punicæ triremes vexatæ, & captæ: aliæ in Alexandrina ſtatione oppugnatæ, fugatæque; quarum unam in Cretam traduxerant Chriſtiani captivi libertate donati: quòd Turcæ piraticæ crimine damnati immaniter decollarentur: quòdque nuper in fœdera peccatum fuiſſet ab his, qui Melitenſibus impenſiſſimè ſtudebant, juratis Othomanicæ gentis hoſtibus. Hæc cauſas, & alias prætexebat Hibraimus à Venetorum amicitia diſceſſurus; propter quas Superantius monebat Senatum

tum de celeritate, ne belli initium à Turcis fieret. Ideò confestim solvit Capellius ab urbe in Cretam: item Jacobus Ripa Tenum versus. Ille prospero cursu confecit iter, & impedimentis exoneratis in Candidam urbem, quæ & Candia, à qua tota Insula Candia denominatur, custos accedit Amphimali sinus, qui Sudæ portus, ab arce ejus nominis in scopulo, appellatur: Hic trajecto Adriatico cum duabus onerariis incidit in quinque Punicas triremes, à quibus acriter oppugnatus animi vigore magis, quàm virium robore strenuè pugnavit; adeò ut illarum prætoriani, fugientibus reliquis, in concertatione male mulctatam mare absorbuit. Pugna dirempta: Ripa victor Tenum appulit: Piratæ Constantinopolim ingressi, suis expostulationibus Hibraini animum, plusquam credi potest, efferarunt ad vindictam. Idcirco eò citiùs sumitur bellum; & ut erat dolosis confutum fraudibus, divulgatur collecta in Melitam ea armorum procella.

*Turcica Classis expeditio in Cretam.  
Oppugnata Cydonia deditio.*

Potentissimæ Classi per summam fraudem in Cretam velificaturæ deligitur Imperator, quem supra nominavimus, Isuffus; exultante Constantinopoli præ lætitia collati muneris. Ad illum de hoc ipso gratulantes iverunt omnes Principum Legati: accessit etiam Superantius; cui vir subdolos aurea veste donatus juravit Regium mandatum esse, ut rectà tenderet in Melitam. At hæc fallax, & perfidiosa obtestatio non fugiebat Superantium, qui repetitis nunciis, & quàm fieri potuit maximè clandestinis, ne ab itinera obsidentibus interciperentur, Patres, & Insularum Rectores certiores facit de parata hosticæ classis expeditione in Cretam, qua subacta, vastus Hibraini animus universam Italiam peragrabat. Egressa Constantinopoli sexto idus Maji præsentis anni sexcentesimi quadragesimi



quinti supra millesimum vehebat sexaginta hominum mil-  
lia dispersita in octoginta triremes, decem rostratas naves,  
atque totidem Anglicas mercede conductas: accedebant  
Tunetanæ tres, duæ quinqueres, una immensæ magni-  
tudinis Sulthana, atque ampliùs ducenta diversæ formæ na-  
vigia: & sua multitudine totum Hellespontum operiebat.  
Delata in Aegæum, quas Venetorum insulas præter navi-  
gavit Tenum, & Cytheram, comiter, ac benignè accipie-  
bat à Præsidibus quidquid opuserat classiariis, data pro of-  
ficio sponfione Reipublicæ loca non esse læsuram. Sed  
Isuffus penès se habebat rei gerendæ arcanum Hibraimi  
manu obsignatum, tunc proferendum, cùm Pylum, hodie  
Navarinum, attingisset. Classis interim tutò ubique mari  
discurrerat: ab Aegæo in Superum deflectens spem Creti-  
cis ostentavit suscepæ in Melitam navigationis: at exigua  
fuit, & extrema hæc credulitas: nam statim, ac Nava: Ænum  
pervenit Isuffus, Sexto Kal. Junii, convocatis Turcarum  
primoribus, & navarchis Regium mandatum explicat,  
quod continebat subitam exscensionem in Cretam cōcor-  
dibus animis, viribusque. Omnes eo jussu alacres, suoque  
more ululantes, destinatæ expeditioni obverrunt proras:  
& Isuffus dimissa liburnica, nunciat Hibraimo Classē ad  
ejus nutum in Creticam insulam transfretasse, & Cydo-  
niam primis aggressionibus tentandam fore. Sub lucis or-  
tum Idibus Junii superato Cynamo promontorio littori  
adhæsit, & suas turmas exposuit in continentem duodeci-  
mo ab urbe milliario, nullo obsistente. Hæc Isuffus agere  
cœpit in Creta: & Hibraimus de iis certior factus manda-  
vit asservari custodiis Superantium: & Venetos ubique lo-  
corum in captivitate detineri; ne per exploratores pene-  
traret ad Senatum suæ mentis arcanum. Hostium acces-  
sus, quem ignes solito crebriores in montibus præmon-  
strarunt, quemque detexit propinquum plurima agrestium  
turba, terrore percita Cydoniam versus confugiens; Nava-  
gerium

gerium excitavit ; ut illicò duo millia ex contreraneis præmitteret ad remorandum hostilem egressum ; donec munitores aptarent bellica impedimenta , & incepta propugnationis opera absolverent : verùm qui missi fuerant perterriti multitudine hostium ( qui jam emerferant in continentem ; & excurrentes ad rapinas , raptis , quæ ferri poterant , cætera subditis flammis vastabant ) profugum pedem retulerunt . Eodem tempore Navagerius admonuerat custodes arcium Theodoræ , & Turluru , è regione Cydoniæ , ne cessarent à cura , & vigilantia , citò promissi auxilii fiducia . Hæc tamen omnia confusè , ac præposterè : quippe Isuffus per classarios utramque arcem occupaverat , licet strage non modica ; quando Theodoræ Præfectus Blasius Julianus Histrus , coniecto igne in cryptas tormentario pulvere opplatas ingruentes catervas dissiliente , atque hiantè solo involutas flammis , & fumo oppressit ingenti ruina , qua & ipse obrui maluit , quàm Turcicani pati servitutem .

Sexto decimo Kal. Julii Isuffus aggressurus urbis oppugnationem , ut fides fieret ibi locari castra , ubi vehementi strepitu pulsabantur tympana , & clangebant tubæ ; atque ita decepti Cydonii eò suas vanisictibus disploderent machinas : alibi ille plures jussit ignes succendere , qui humilitatè vagantes , miro artificio compositi , fumosis voluminibus obcæcabant obsessos ; & micanti splendore prælucebant operariis castrametantibus . Hoc actu post diem tertium Urbem quadraginta militum millibus circumfessam irrequieta tormentorum percussione quatere cœpit ; Vigebat in obsessis fortis , & obfirmatus animus : crebris eruptionibus fatigabant obsidentes : è muris collineantes jactus , certissimis machinarum jaculationibus plurimos prosternebant . Interim Navagerius repræsentabat Insulæ Præfecto afflictæ urbis conditionem , & deposcebat auxilia . Cornelius tum à primis irruptionibus obviàm ire connixus

imminenti Cydoniæ periculo , sub claris ducibus opem submiserat : sed hostis ubique liberè decurrens numero , roboreque prævalidus ex militibus alios fugavit , alios cæcidit , paucis intra urbem receptis . Aliam tamen subsidiariâ quingentorum peditum manum ex præfidiis collectam properare iussit : at vix ducenti Cydoniam intrarunt : quare cùm esset non satis tutus terrestris incessus , obstruentibus Turcis viarum aditus , ad maritimos trajectus applicuit animum . Igitur è triremibus tres selegit aptiores ferendæ opi:& è Nauarchis totidem Georgium Maurocenum, Barbarum Bernardum, & filium suum Catharinum : qui constantia , & fortitudine pares se devoverunt urbis tutelæ, ac propugnationi . Rebus necessariis instructi , nocte , silenti. que remigio inter speculatoria navigia penetrarunt in portum , cujus nondum Turcæ erant potiti ; & suppetias intulerunt . Invecti auxilii tanta fuit læritia ; ut Issus, concepti gaudii cognita causa , excubitorum incuriam abscessis cervicibus punierit .

Tandem Venetias pervenere nuncii tristes de Cydonia periclitante , & de Superantio in Custodiis detento , qui Senatum , adhuc inter spem pacis , & belli metum , maximo animorum fluctu perturbarunt . Quare omni procrastinatione rejecta statutum fuit , pro viribus occurrere , & resistere Barbaris foedifragis ; atque in eisdem opem divinam implorare quotidianis supplicationibus : Legatos ad Principes expedire , ut in communes Christiani nominis inimicos sociarent arma : copias ubique gentium conscribere , comparatisque navigiis supplere classes . Intereà iussus Franciscus Molinus , jampridem expeditæ classis Imperator , vt in Insulam festinaret , Corcyræ morbo præpeditus progredi non potuit : certus tamen de hostili impressione in Cretam , sollicitavit Laurentium Marcellum ; explicare vela , & Zacynthum petere : ibique cum Joanne Baptista Grimano trium insularum

Præ-

Præfecto, cæterisque trierarchis consilium capere de Gre-  
tica expeditione. Congregati, dedita ad consultationem  
opera, in unum, & diu considerantes quid agerent; decre-  
verunt expectandas esse auxiliares triremes, Pontificias,  
& Melitenses: ac promissum ab Senatu navium supple-  
mentum. Aucti his viribus hostem facilius ab Insula ex-  
pellerent: quod decretum à consulentibus expressit obsti-  
nata fatorum series, quæ Cydoniæ casum moliebatur, il-  
ludque ægrè ferens Hieronymus Maurocenus, qui omnia  
tolerabilius, quàm moram perpeti poterat, quæ cunctan-  
do opportuna surripiebat auxilia, obtulit se cum quinque-  
remibus opem egentibus allaturum. Iterùm animis in-  
diversa distractis; restinxit strenui viri studium data cura  
Simoni Leono, ut armatis onerariis quatuor milite, com-  
meatuque; celeriter, & consultò cum sociis Joanne Basilio,  
Francisco Gritto, & Marino Baduario, suppetias ire con-  
tendat. XI. Kal. Augusti naves prospera Cauri tempestate  
in altum educæ declinant à recto cursu, reclamante Leo-  
no; totaque circumnavigata Insula ab Aquilone in Au-  
strum, Hierapetræ portum subeunt. Hic longæ naviga-  
tionis excursus Cydoniis fatalis exitit. Insuffus interim,  
quem nihil horum latebat, effosis subter mœnia cuni-  
culis infestiores parabat irruptiones: & aliquando veluti  
miseratione commotus hortabatur obsessos ad honestam  
deditionem, priusquam ille ab coactis pœnas obstina-  
tionis exigeret: has litteras deferebant alaræ sagittæ: iis-  
que per eisdem tabellariis responsum fuit, Cydonios  
malle gloriosa morte occumbere, quàm tanto dedeco-  
re se maliseripi (sitamen malum in patria, & pro patria  
mori). Post hæc diu noctuque vigilabant attentī, quò  
Turcæ per occultos meatus essent irrupturi: nec vana  
cura, nam illi credentes invadere sopitos, lucente luna  
imperum fecerunt in propugnacula: verùm decepti,  
propugnantium custodia, & fortitudine repulsi fuere.

Sub-

Subinde Navagerius cognita suarum virium imbecillitate ob quotidianas concertationes, precibus numero frequentibus adibat Cornelium, & valida postulabat auxilia. Rogatus ut hæc suppeditaret in magnis versabatur angustiis: toties expertus pedestres copias à Turcis mutilatas, non aliam sibi viam superesse putavit adjumento, nisi iterum à mari. Jubet igitur Capellio, ut duas ex navibus, quibus ille præerat, abundanter instructas è portu dimitteret, necessariam opem egenti urbi laturas. At quia jampridem inter hos duces ortum erat de dignationis præstantia dissidium, Capellius ne præcipienti pareret, causatur, se missum ab Senatu ad Sudæ portus custodiam, in cujus perpetui vigilantia stabat Græcæ incolumitas, ac spes recuperandæ Cydoniæ, si fato contigisset amitti: posse expediri alias triremes exemplo felicitis navigationis ex antè transmissis. Hæc dicenti Cornelius annuit, ne priuata contentio publico bono officeret. Porro de instruendis triremibus irritus omnis labor, cum nullus, vel ipso hortante Capellio, ex trierarhis inventus est, qui facinus aggredi vellet ob classiario- rum paucitatem, & remigum formidinem, qui tumultuariè collecti servitium timidi recusabant. Tandem duo, cognomine Boni, reperti sunt Otho, & Alexander, qui sponte susciperent, quod alii fugiebant: at conjurantibus fatis in Cydoniæ ruinam, tanta in apparandis triremibus intercessit cunctatio, ut nunciata deploratæ urbis calamitas omne submittendæ opis decretum everteret. Ex his audacior Isuffus suis in conatibus, majori vi tentavit aggredi propugnaculum ad portam Rhitymniam viriliter propugnatum. Hoc hostis consilium, sexto decimo Kal. Septembris exequendum, detexit captivus quidam in Turcarum castris unius sagittæ volatu; cum eo ipso die Isuffus totius exercitus robur admovisset adeò furenti, & rabida imprefione, ut à fortissimè obluçantibus prohiberi non potuerit, quin propugnaculi fundamenta suffoderet, ac pertunderet:

deret: abderetque in aperto meatu sub ipsis terrenæ molis visceribus plures nitrati pulveris cados: qui appposito igne succensi, horrifono strepitu ex halarunt, prosterntes totum fermè propugnaculum. Hunc igitur in locum atrox pugna inclinavit universæ confluentis civitatis accursu, adeo ut cum teneris adolescentibus imbelles mulieres ad reparandum disiectum munimentum necessaria comportabant: omnes accendebat Milanus Bencius Antistes, ne immemores religionis, & libertatis se suaque subderent perfidæ, & inhumanæ genti. Hinc ergo contigit, ut Barbari per subterranea repentes, & profilientes in mœnia magna clade, & recepto propugnaculo repressi, ac repulsi fuerint. Cæsa in conflictu ad Turcarum duo millia, agnitis inter cadavera fortioribus: vix centum è nostris occisi: notæ nobilitatis, & famæ Nicolaus Bonus, Alexander Viarus, Andreas Vizzamanus, Poma, Lionius, Vimes Chiliarchæ: vulnerati Albanus Gubernator, Catarinus Cornelius, & Vertius architectus: qui omnes conversam in propugnaculum periculi molem, novis operibus, strictisq; gladiis impigrè sustinuerunt. Nihilominus Turcæ sua multitudine insolescetes nullam fessis dabant requiem, viribus imminutis, & omni spe auxilii carentibus. Propterea iteratis conatibus, & continuè strepentibus machinis quidquid in muris reliquum erat contriverunt. Ex-inde Cydonii, ut omnia sibi in dies arctiora viderunt esse, laboribus attriti, nudati defensoribus, & proximè trahendi à Barbaris in prædam, atque internecionem, Navagerio, armorumque ducibus ostenderunt ex mœstissima suæ urbis facie, quam urgens, & fatalis ea esset necessitas, quæ illos cogeret ad paciscendum cum hoste: diu in calamitatibus constantes probaverunt sinceram erga Rempublicam fidem: eamque satis manifestam Cornelio tot suis in angustiis. Navagerius his precibus victus, adductusque ad miserationem, referente Vertio prostratas vires: munimenta quassata: proVectum, atque

atque inexpugnabile obsidentium robur, in sententiam devenit componendæ pacis, quæ nihil haberet insidiarum: licèt aliqui cuperent trahere moram, iterumque fortunæ aleam experiri. At pro certo habebatur nullum sperari posse auxilium ab iis, qui quos tutari debebant, patiebantur desertos, quia Classis adhuc Zacynthi hærebat in novi comæatus expectatione cecidit irrita quatuor munitissimarum navium expeditio: & nullus fuit, laborante incassum Cornelio, qui vellet, vel auderet afferre subsidia. Ideò in consultatione captum consilium de urbe dedenda, & proinde decimo quarto Kal. Septembris erectum in mœnibus vexillum album: quo signo pacis à Turcis conspecto, & exultantibus, Isuffus indixit subitam ab omni hostilitate cessationem, tanta seueritate, ut in explodentem igneum globum capite animadverteret: nam potiundæ Cydoniæ cupidus, finem suæ expeditionis, quæ præter opinionem ipsi diuturnior contigerat, vehementissimè optabat. Confestim hinc inde datis, receptisque obsidibus pax his præcipuis conditionibus sancitur. Ut intra sex dies, Urbs dederetur. Ut incolis securitas, ac bonorum possessio permaneret incolumis. Ut latini, & Græci proprios ritus suis in templis liberi exercerent. Ut Rectores, Magistratus, & cum iisdem excedentes quò vellent, Venetas triremes, navisque conscenderent. Ut Episcopus cum Vestalibus, & Clero cum sacra supellectili parata navigia haberet ad transfretandum. Ut cuique manendi, vel proficiscendi facultas esset. Ut denique copix pergerent terrestri itinere, ad alia Insulæ loca militari more gradientes. Emigrantibus præsens Isuffus obstupuit cum vidisset, quòd trecenti tandiu obstitissent suis numero propè infinitis; & quòd coactus à tam modica manu fuisset ad paciscendum: Laudavit eorum constantiam, & fortitudinem, raro in Barbaris exemplo; qui nec leges accipere, neque ab ullo se vinci posse gloriantur. Ingressus deditam urbem cum quindecim

cimbellatorum millibus Mesquitas erigit; Præsidem suis ritibus constituit; publicis, privatisque disceptationibus eligit Iudices. Inducit in portum, quem durante bello nunquam obtinuit, quinquaginta triremes imposito Theodoræ Arci præsidio, & munito scopulo æneis tormentis tutam ibidem stationem classibus præstat. His peractis majora concupivit, arbitratus se nihil egisse, nisi haberet in sua potestate Sudam decem milliaribus à Cydonia. Ut Arcem sibi dari peteret ad ejus custodem Michaelē Maripetrum legavit Jacobum Præmarinum virum nobilem: qui recusans munus suis natalibus indignum, vi compellitur, ut obeat. Præmarinus accessit ea iniqua petitione; sed acriter objurgatus, hoc reddit Isuffo responsum: Nunquam descendam Arcis custodiam ab eo, qui in ipsa tuenda se totum suæ patriæ debebat. Ita delusus Cydoniæ se continuit opportunam expectans tempestatē ad repetendam Constantinopolim, quò nuncium de recepta per deditionem urbe præmiserat. Sed priusquam se committeret navigationi ad armorum regimen destinavit Assanum Belerbejum Bassam hominem vehementis spiritus; validiusque munivit Cydoniam adversus Venetorum oppugnationes, quas timebat.

Tandem decimosexto Kal. Decembris suam instituit profectionem securus ab insectatione Venetæ Classis, quia hyemalis rigor præcludebat excursus. Ubi Chium pervenit, ibi reperit jussu Hibraimi suum iter urgentis: quare una, de classe post se relicta, conscensa triemi ornatissima, velorum, remorumque nixu omnium spe celerius ad Regiam urbem accessit. Magna lætitia excepto fit obvius Hibraimus, donat amplexus, & oscula, cunctis præ gaudio congratulantibus victoriam. Verùm hi plausus aliquorum invidia in diversa mutati Principis gratiam verterunt in odium, excitato in Aula murmure accusantium Isuffum; tum, quòd in bimestri obsidione oppidi parùm muniti triginta Turcarum millia periissent: tum, quòd justam Hi-

A a a                      braimi



braimi querelam neglexisset: si sic sæpius tanta suorum interneceione vinceret, breui illius imperium desolatum iri: tum quod à deditis oppidanis longa pace locupletissimis auro argentoque nulla de congestis prædis dona attulisset Imperatori præter captivos adolescentes, & puellas Ginæceis destinatas, & indonatas Sulthanas reliquisset. Hæc, atque alia objecta crimina crudelis, & avarissimi Hibraimi animum altius occuparunt, ac præpollente odio, omnem licet justam dilecti sui Bassæ excusationem ejecit. Infelici tandem exitu inconstantis lusus fortunæ fuit Isuffus, quem illa repente evectum inconsultè præcipitavit: jussu Hibraimi laqueo strangulatur. Sed quis hoc Principe dementior! quem immaniter occisum noluit vivum, ejus corpus adhuc calens manu palps querula voce credidit à morte, ceu somno, excitari posset: porro ut agnovit extinctum, effusis ubertim lacrymis, inhumavit: Niliaco par monstro; scilicet, quos extinxerat, flente.

*Veneta Classis navigatio in Cretam.*

**Q**UO tempore Cydonia cogitur, ob auxiliorum tarditatem, se tradere Turcis in deditionem, Senatus Molino Corcyræ ægroto, & in patriam revocato, suffecit Hieronymum Maurocenum quinqueringium. Præfectum cum mandato celerrimæ profectionis in Cretam. Hic jussis obtemperans absque mora Zacyntho solvit, ac in itinere opportunas habuit auxiliares triremes Pontificis Innocentii decimi, & Melitensium Equitum; quibus numero, XI, sub Ecclesiæ vexillo Princeps. Ludovisus præerat. Omnes in communem expeditionem profecti prospera aura Sudæ portum tenuere; absente Capellio, vel ob aquandi causam, vel ob adventum Cornelii vocati à Mauroceno, ut consultationibus de administrando bello interesset. Lustrata Classis cum Creticis triremibus, & Ca-

& Capellii navibus, talem explebat summam, qualem Ducum potissimi existimarunt validam, quæ Turcicæ obijceretur: nam fore facilius videbatur, quod erat vſurpatum recuperari nauali potiùs robore, quàm terreſtribus copiis. Camillus Gonzaga ſummus armorum Præfectus à terra tutiorem impreſſionem in hoſtilia caſtra fore cenſebat, cùm nihil aliud mari ipſo fortuitis ſit opportunius, & Claſſem Turcicam à grandioribus tormentis longiùs pilas ejaculantibus ab Theodora arce in ſtatione manere incolumentem. Sed qui ſuadebant maritimos congreſſus, ad hos incitarunt Maurocenum, maximè ob reditum Capellii in portum: qui approbato Navarchorum conſilio omnium primus prodiit adverſus hoſtes, & cum prætoria navi proſectus ad tormenti jaçtum illos provocabat in aciem: & quam & Maurocenus explicata claſſe fruſtrà depoſcebat: quia Aſſanus Baſſa ſuis præceperat neque Cydonio ſinu ſolverent; neque ſe ab arcis Theodoræ ſtatione moverent. Optimè conſultum à Barbaro, cui exterrito Venetiduæ nomine & fama, militavit mare procellis tumidum, atque infanè ira fremens, ut noſtra claſſis metu, & periculo naufragii, fugienti ſimilis portum repetierit: tantisper ibidem manſura, quoad fluctibus demeſcentibus rurfus prodiret. Paucis itaque diebus recreata, confirmataque æquioris fortunæ fiducia in altum progreditur: verùm quis crederet! conjurati venti ex inopinatò glomeratis nubibus ingruunt, qui navium ordine abrupto, & in diverſum diſtractis lignis denuò illam compulerunt, ut ocyùs rediret, unde exierat. Aliquibus perſuaſum fuit ex his repetitis infortuniis inter infideles verſari quoddam genus hominum maleficum, & ſceleſtiſſimum, qui ſuis præſtigiis, & incantamentis ad nutus elementa commoveat. Quoniam verò hucusque ſine ullis aſſultibus tempus tranſactum erat; & hybèrni dies frigore crudeſcerent, auxiliiarii de reditu cogitarunt à noſtris recedentes, promiſſo tamen in opportuniorem.

tempestatem regressu. Cæterum Maurocenus, ne in portu classis torpesceret, sexto Idus Octobris Melum adnavigavit; ubi improvise appulsu tres onerarias, & magnum gaulum Cydoniæ opem laturo adoritur, ac turbat. Unam capit è navibus: classarii qui sequebantur reliquas retinuisserent, nisi ventus ex-adverso insurrexisset importunus. Leonardus Mocenicus gaulum abripuit cum sua quinqueremi: quo successu, & prædæ læti omnes Sudam remigarunt in hyberna.

Per id tempus appulerunt in Insulam Eques Valeta Galus militaris descensionis Præfectus; & Adriaci pelagi custos Antonius Bernardus. Hi suo adventu non modica ferentes auxilia cum cæteris belli administratoribus consultarunt, rectène Cydonia à terra; an à mari Theodora arx esset oppugnanda. Valetæ, discrepantibus aliis, placuit terrestri manu præliari, ut erat proprio, & fervido accensus æstu. Incurrit audacter in hostes ad molas, de Gladiis dictas, excubantes: sed in ipsa dimicatione per insidias interceptus locorum ignarus infelicitèr pugnavit, deditque triste incauti consilii exemplum. Tercenti fuere occisi: quinquaginta capti, & in acie occubuit Bernardus Sagredus; dum nihil suæ virtuti putavit injuriam.

Hæc agebantur in Creta fortuna plerumque infesta Mauroceno, cum eius omnis profectio adversus hostes, veluti invisa fatis in irritum cecidisset: & Venetiis incumberebat Senatus instruendæ classi, quæ remige, milite, machinis, commearibus, stipendiis, naviumque numero amplissima esset, ac instructissima. Maximo igitur sumptu intra paucos dies fuere in promptu triremes triginta tres; quinqueremes sex; naves quadraginta; igniaræ quatuor; aliaque plura navigia ad ferenda impedimenta forma, & genere varia, haud numerato Cretico apparatu, neque ab urbe antea dimisso in Insulam. Cæterum qui cum summo imperio tantæ classi præsideret vir militaris scientiæ, & maritimæ

timæ rei peritia clarus, cùm nullus reperiretur, qui vellet, aut posset ejus administrationem capeßere; licet multa fuerint habita comitia: tandem contigit, quod nemo sibi persuadebat. Franciscus Erius Princeps octogenario major è folio assurgens, se dixit paratissimum conscendere classem; & subire onus quamvis suæ ætati gravissimum cum ageretur de Religione, & de Patria tuenda, servandaque, quibus corpus, & spiritum lubentissimè devovebat. Obstupuit Senatus, laudataque cum plausu hac sui Principis intrepida obtestatione, illum concordibus votis summum imperatorem renunciavit cum amplissima terra, marique potestate: & decrevit, ut hoc pateret omnibus in Veneto dominio degentibus missis literis decimo tertio Kal. Decembris: Quo generosi ducis ad imitandum proposito exemplo, effectum est, ut cujuscunque Ordinis viri, & quarumcunque civitatum indigenæ voluntaria manu, & ope contulerint subsidia in tam periculoso tempore adversus hostes Christiano nomini infestissimos. Canonici Patavini, nullo prævio exemplo, summam ducatorum mille & ducentum ex proprio censu corrogatam singulis annis in belli impensam erogarunt. Quam omnium consensu, vel absque suffragiis, probatam animorum conspirationem Senatus Publicis litteris adeò commendavit, ut iisdem testatum fecerit illorum Coetum fore dignum peculiari tutela, tamquam benè de Republica meritum.

*Ioannes Capellius Classis Imperator.*

*Thoma Maurocenigesta.*

MDCXLVI.

**I**Nitium præsentis anni moestissimum fuit obitu Principis Erii, quo spes omnis rei benè gerendæ intercudit. Parato ad expeditionem febris publico bono maligna suborta est, atq; subvertit quod fuerat salubriter institutum. Die decubitus decimo anxie jactatus inter suspiria, & gemitus

fc

se diutius non posse afflictæ patriæ prodesse, tertio Nonas Januarii, animam, qua Superos demeruerat, ipsis reddidit. Princeps ob egregia facinora domi forisque immortalis colendus memoria. Senatus luctu iusto mortuum prosequutus in Ducali Sede, duabus hebdomadibus vacua, collocavit Franciscum Molinum: & Joannem Capellium Procuratoria veste decoratum delegit ad regendam classem; quæ tanta numero navium erat, ut nunquam ei similem Veneta Respublica anteaëctis temporibus eduxerit è suo toto terrarum orbe navali celeberrimo.

Capellius igitur cum classe omnium maxima iussus abire festinanter in provinciam, suo discessu spem totius urbis excitavit optatissimi nuncii, qui afferret Turcica ligna quassata, & Cydoniam receptam. At cum Ducis effectis viribus Senatus consilia; & populorum vota incassum abire. Ille inutili cunctatione dum obvias lustrat insulas, & militares audit querelas, nihil deliberando de festinatione, qua opus erat, agendi tempora consumit. Sex mensibus, mora supervacua elapsis, tandem tertio Idus Julii ad Sudæ portum appulit: quem accessum præverterat Thomas Maurocenus in navium præfectura Marini Capellii successor. Virum animi constantia, & fortitudine præditum nulla remorata est formido, quin illicò pertraxerit ad Hellesponti angustias fama de Turcica classe eruptura. Et ne ob ejus exitus tarditatem tempus contereret, vicinam insulam Tenedum improvisa descensione, & excursu vexavit: oppidum non aggressus, à Mussano Bassa clàm traductis viginti trirēmibus per Asianum littus eodem tempore munitum; inde Mytilenem advenit, sed cito regressu ad pristinas stationes inter Imbrum, Tenedumque vela direxit, ut accuratius inimicam classem observaret. Interdum solus cum vastæ molis prætoria usque ad arces Dardanellas (Sextum olim, & Abydum) castra, audacissimè adnavigabat: quo conspectu Bassa illum credidit plusquam hominem.

nem. Uterque tamen cautus, ne aliquid præter expectationem eveniret; alter se continet ab egressu, donec tranquillitas aquarum decursus suis respondeat votis: alter ventus undarum, ventorumque tempestatem, postulat ab Capellio leviores triremes, quæ si suborta malacia ipsum præpediret, insequerentur fugientem hostem. In hoc rerum statu fortuna se Barbaris inclinavit, ut Nonis Junii per mare momentò placidum, & secundum tota classis numero, & robore valida in Aegæum descenderit. Intuebatur Maurocenus ægro animo illam impunè egredi: prævisaque suarum navium remora, dolebat ejus iugam nullo obice repressam. Itaque cùm primùm loco se movere potuit, multò concitior ad pugnam in Chium, & Peloponnesum detorquet proras: at nusquam repertis de celeritate sollicitis, magis iniquæ sorti irascebatur; quæ Turcis prospera, sibi adeò extitisset adversa. Interim cogitanti remetiri Aegæum, manus conferendi cupido, Capellius indicit regressum in Sudæ portum, in quo ferè omnes Classarii Præfecti morabantur intenti bellicis consultationibus. Audierant delata auxilia Cydoniam; & non contemnendo virium robore Bassam adversus portū, & Sudam arcem hostilia moli-turum; jam pluribus in locis erectas munitiones, tormenta-que disposita, quibus præcluso sinus ostio classibus, & com-meatibus, Sudam ad angustiam redactam compelleret in deditionem. Decretus itaque in talia audentem magna vi impetus fuit, & primùm ad Cisternas tam vehemens, ut illum Turcæ cùm sustinere nequirent, fugati, & pulsī Cydoniam repetierint: neque postea ab urbe, neque ab arce Theodora classico provocati, in maritimum congressum descendere sunt ausi. Eminus pugnatum est majoribus pilis: at quæ ad comburendam classem igniaria navigia missa fuere, inutiliter conflagravit. Cùm frustra hæc agebantur; Capellius Sudam reversus accepit Rhodium Bejum brevi Cydoniis laturum esse suppetias: has ut auferret, ipse è vestī.

vestigio Cytheram petere statuit; & in portu consistere Joannem Baptistam Grimanum: robusta Classis utrumque tuebatur, pro certo prætereunti Bejo futura impedimento, sed omnis diligentia ubique irrita; Bejus prospero vento se committens pertransivit illæsus: & subsidia tutissimè adducta in urbem, deposuit.

Dum hæc foris geruntur, Venetiæ infortuniis vexata, domi hoc ipso anno pridie idus Junii; ad augenda publica mala, & calamitates; loca, in quibus nauticus panis pinfitur, & coquitur correpta flammis conflagrarunt. Casu, an dolo, incertum. Aliquibus tamen suspecta fuit perfida Judæorum colluvies in urbe: eadem Cyprii belli tempore in ipsum quoque Navale ignem dicitur conjecisse: utcumque sit: gens hæc Christiano utpotè nomini infensissima, procul equidem foret ableganda.

Etiā Locustæ, insectum animal, multitudine innumerabili, in Foro-Julienſes, & confines Venetæ urbi agros effusæ infausta portendere videbantur. Corrodentes pabula ante matura, & post reſecta, detrimenta maxima sua depopulatione inferebant ſegeribus, herbis, & arboribus. Ad has, quæ ſata cuncta vorabant, enecandas, delecti ex Senatus conſulto viri, armarunt ab omnibus pagis, ac villis agrestes ſarculis, ligonibusque, qui celeri occurſu eas coactas in præaltis foveis, ac viva calce obrutas concluserunt: ne diverſo modo extinctæ putri ſanie, & peſtilenti aërem inficerent.

Et quoniam ex impenſis quotidie crescentibus exhauriebatur Aerarium; Patres dies, noctesque agitabant, quam ratione ſuſtinere poſſent graviſſimum bellum, quod ſoli cogebantur ſubire. Propterea ſuis in comitiis ſtatuerunt extraordinaria vectigalia imponere in cenſuum æſtimationibus: decretæ ideo deciſiones juſtæ, taxatæ, ut viæ pecuniarum promptæ, & expeditæ currerent: auctiore fœnore permiſſo, quo negotiatores ſpe lucri nummos uberius,

rius, & facilius suppeditarent; ut stipendia militibus præstò essent. Sed cum hæc minimè responderent impendiis, necessè fuit procedere ad subsidia voluntaria subjecti-rum Civitatum; tributa moderata imposita, quæ lubentissimè penderentur: atque subinde novæ inveniendæ pecuniæ formæ excogitatæ. Indicata Sancti Marci Procuratoria, dignitas viginti nummum millibus; centum Patriciatu nobilitas; extorres pretio, vel militia reducti: Palatina Officia clementibus oblata: Publica patrimonia ad hastam revocata: honorarii proventus divenditi, vel diminuti.

*Rithymna capta à Turcis: Arx deditione accepta.  
Andrea Cornelii interitus.*

**T**URCÆ in dies viribus auctiores Octavo Idus Septembris ad Rithymnæ oppugnationem se conferunt; & milliarium ab oppido tentoria figunt, castra locant, & obsidionem instituunt, minanturque extrema Rithymniis, nisi citò se dederent. Subinde terrorem incutiunt dum populabundi in locis proximis, quæ deliciis affluebant prædas agunt, urunt, diruuntque funditus. Cornelius acerbè perculsus ea novitate collectis, atque è præsidio deductis copiis cum Camillo Gonzaga accurrit opitulatum obsessis. Crebræ propterea utrinque fiunt irruptiones, & eruptiones, varia plerumque fortuna. Rithymnii tamen à mari quoque molestissimè navalibus machinis vexabantur, cum Creticæ triremes non dubiis ictibus expositæ vetarentur accedere, & opem ferre. Tandem pro mœnibus à conflictu pertinaciter commisso, exundarunt è castris TURCÆ rapidi torrentis in morem, suaque multitudine nostros verterunt in fugam: abripitur cum fugientibus, quorum pauci integri, magna pars confecti vulneribus, ipse Cornelius, atque unà Gonzaga, qui suos hortando, cogendoque cohibere

Bbb non



non potuerunt. In ea trepidi tumultus confusione Cornelius plumbea glande à tergo percussus, paulò post occubuit. Uir, cujus animi ardor, & impetus in administranda provincia tantus fuit, ut fortunam, valde adversam, & diversam à suis subierit. Hostes fuga elapsis imminentes Rithymniam ingrediuntur, & occupant cruenta cæde, ac tormenta in capta urbe reperta contra Arcem in edito tumulo structam convertunt. Eam Georgius Quirinus duobus mensibus constantissimè propugnavit ex omni parte circumventam: atq; hostium aggressiones, & impetum audacia magis, quàm spe sustinuit, donec vires defecere. Ad extremum cum nullus superveniret auxiliator, neque diu, noctuque cessarent reboantium machinarum ictus, Arx quassata, & rimosa videbatur brevi casura in obsidentium manus. Igitur fatali quadam necessitate coactus cum prædialiis, undecimo Kal. Decembris, omnes pacti vitæ incolumitatem, illam deditit invitus. Sub ipsum anni finem Aloysius Victurius Candiam petiturus cum auxiliaria navi non procul à Cyamo nocte obscura, & caliginosa repentino incursum concutitur ab Rhodiana prætoria. In re subita parumper incertus trepidavit; at dum magna contentione pressus vehementer timeret, periclitanti propitia fors arrisit: duæ triremes actæ furenti vento in ipsam non agnitam prætoriam per tenebras feruntur, eamque deprimunt: quo casu ille ad unum interfectis, à quibus vis ingruerat, periculo liberatus cœptum iter confecit, exposuitque subsidia in urbem, gestientem secundi eventus læticia.

*Thomas Maurocenus pugnât solus cum Turcica Classe,  
victor occumbit.*

MDCXLVII.

**C**Apellius, audita Rithymnæ deditione, omne studium posuit in comitatibus, & auxiliis, quæ libero traje-

ctu

ctu comportabantur Cydoniam, intercludendis. Quamobrem iussit Grimanum Classis Curatorem cum quinque remibus, & Maurocenum cum navibus Ægeum pelagus excurrere, ejusque scrutari insulas, & scopulos, in quibus ferebat fama latere vectoria navigia. Grimanus tertio Nonas Januarii vix à portu solverat cum subitò jactatus horridis fluctibus, divulsusque à cæteris, quarta die Lagusum appulit. Maurocenus ab irato mari victor Ceam versus contendit: monitus de accessu navium, quæ illuc transportarant ex Africa Mehemetum Regis Algerii filium; & ejusdem nominis alterum illius Regni Præfectum: vocat ab Laguso Grimanum, ut esset pugnae, ac victoriæ consors; Hic, licet morbo affectus, cum Antonii Bernardi quinqueremi ad eum festinavit. Imperant concordibus animis militum descensionem, & educto murali tormento verberant oppidum, integro quatrinduo; cujus moenia fracta cum oppugnantibus aperirent ingressum, obsessi spontè in fidem se tradidere. Recepti ad arbitrium, primarii viri habentur perhumaniter captivi: vulgus transtris destinatur; & spolia, in navigiis remulco Sudam traductis, inter nauarchos, & classarios dispertiuntur. Maurocenus, hoc successu alacer, fit ad alia facinora promptior, ut etiam se junctus ab aliis decurreret maria, & quamcunque sectaretur opportunitatem dimicandi cum hostibus. Itaque Mussanus Bassa credulus illum in proximis aquis solum oberrantem facile reprimi posse; dimisit in audentem nimium quadraginta triremes. Curam suscipit expeditionis Carucasius Rhodius Bejus, tanta fiducia, ac si momento ad machinarum explosionem esset incruentam victoriam adepturus. Maurocenus, qui nullum formidabat periculum irrisit Barbari petulantiam; & adhortans suos ad pugnam undique circumdatus, & oppugnatus, navim cœpit agere in gyros, & ab omni latere grandiores pilas in subeuntes jaculari: quæ fera, & continua tormentorum tempestas crebro concussu quassabat hostilia.

rostrata ictus dirigebantur, ut præ timore nullus esset, qui vellent propius accedere. Indignatus Bassa, quòd ab uno vinceretur, alios submisit in subsidium: & mandavit irrumperè ea vi, atque constantia ac si Hibræus præsens adesset: singulos incitando, nunc pœnarum metu, nunc præmiorum spe: ducenti audacter navim ascenderunt; sed vibrantibus gladiis, plumbeisque globulis excepti fermè omnes vel occisi, vel semianimes in aquas præcipitati miserrimè perierunt. In subjectas verò triremes injecti ignes arte elaborati magnum excitarunt incendium: quo ubique bacchante, terror in hostibus multiplex fuit; veluti si abruptis nubibus coruscarent fulgetra in eos, caderentque fulmina. Hæc inter in navi excurrit nuncius duas quinquereμες in auxilium properare; tunc Maurocenus, ne cum externa ope potiretur victoriæ, vividi sui spiritus auxit robur, ut ubi majus urgebat discrimen præstò adesset manu, & consilio. Sed fortuna tanti viri gloriæ invida noluit illum optatissimo triumpho superstitem. Jacuit ex vulnere in capite extinctus: qui acerbo fato proximierant, ejus necem occultant, ne patefacta socios à pugna deterreret. Qua in sex horas protracta obstinatissima contentione, tandem ab ea cessatum fuit maxima Turcarum strage. Mussanus interemptus, desiderati non pauci nobilis gradus armorum duces, plurimi è classiariis tum ferro necati, tum flammis obruti, & aquis submersi: denique classis partim incensæ, partim laceræ, & consternatæ fuga, hanc unius Maurocenæ navis victoriam mirificè illustrarunt: defuncti corpus Venetias delatum Senatus extulit ea pompa, quæ decebat benemerentem de Republica: & Jadertinos, Dalmatas, Epirotasque, qui cum Mauroceno fortiter dimicarunt, honorificis remuneravit officiis.

*Turca capiunt Novigradum.*

*Leonardus Fuscus Dalmatia Præfectus.*

**H**oc ipso anno millesimo sexcentesimo quadagesimo septimo Turcicus armorum motus agitavit Dalmatiam. Bosniæ Bassa ad Hibraimi iussa suis excursionibus in Venetos fines cuncta ibat depopulatum. Adorsus ad maris littus Crapanam turrim, ex qua erumpentes incolæ trans-euntis agmina carpebant, perdere, ac diruere juravit. Inclusi, & barbaro furori expositi omni humano auxilio carentes, divinum magnis vocibus inclamabant, quod præstò ad-fuit, illac præternavigante DaULO Dotto patricio Patavi-no. Dum ille intento cursu contendit Ascrivium ad flebi-les depolcentium opem ejulatus constitit: in turmas mise-ris infestas suæ triremis proram detorquet, explodit majus tormentum, jaculatusque è minoribus plumbeos globulos illas hac animi sui pietate, ac fortitudine consternatas im-provisa aggreffione abscedere coëgit eximens à nece, atque à captivitate Crapanos. Bassa minatus in aliud tempus vin-dictam ad expugnandum Novigradum susceptæ expedi-tionis scopum properavit: & illud Provinciæ oppidu-lum, per deditionem accepit; de ejus custodia diffidenti-bus præfidiariis, quòd viribus impares à loco parùm muni-to arcere hostem difficile; & incerti de auxiliis; quæ tamen jam parata brevi erant afferenda. Verùm nullum consilium iis, qui aliud nihil cogitabant, præterquam de vita, & liber-tate: tamen experiuntur, quàm fluxa esset Barbarorum fides, cum plures perfidus hostis morri, & captivitati dederit. Bassa occupato Novigrado, majora oppida conabatur in-vadere hac spe, ut Respublica bello in continenti quoque implicita distractis, imminutisque viribus infirmior esset in Cretæ propugnatione. At pridem ex Senatus cōsulto Aloy-sius

sius Maripetrus provinciæ oras præfidiis munierat: & castra minus tuta demolitus, cætera solo æquatis circum ædificiis, vallo, fossa, firmisque munitiõibus sepeferat. Præsentium turbarum fax fuit Halyus Bejus Lichæ sangiachus, magnæ equitum alæ signifer, Venetis infensissimus recentia, veteraque odia concoquebat in Rempublicam, quam per hos dies aufusest educto in aciem agmine inquietare. Patres ad hoministemeritatem, Turcarumque impressiones coërcendas Dalmatiæ expeditionis summam Leonardo Fusculo detulerunt, qui tanto muneri par spondebat sua virtute turbatis rebus tranquillitatem.

*Xemonicum à Marco Antonio Pisano expugnatum.  
Durachi nece, & Halyii captiuitate.*

**F**uscus omni festinatione in Dalmatiam delatus in primis de bello consultationibus decrevit obfidionem Xemonici, quondam Jadertini agri oppidi, quod olim à Selymo ereptum Reipublicæ: nunc à munitissima arce tutum apparebat expugnatum difficillimum. Verum ille omnia existimavit pervia militibus pugnæ, & gloriæ cupidis: ac propterea, quæ in hybernis sibi proposuerat gerenda voluit perficere antequam ætas invalesceret. Igitur iussit Marco Antonio Pisano militari solertia claro, ut Xemonicum omni vi, & arte obsideret. Qui selectis equitum, peditumque centuriis, ductis impedimentis, & disposito cum silentio itinere in Malpagensibus campis nocte intempesta castra prope oppidum decimo sexto Kal. Aprilis metatus est. Conspectus oriente sole exercitus è vestigio excivit Durachbejum Halyii filium: qui incondito clamore, & ululatu cum præfidiariis erupit in stativa molientes; ut ea disjiceret, & suos abduceret obsidentium insidiis: crediderat furiosa impressione absterre se posse Venetos ab inceptis: sed cum fuga, cædeque repulsus, Patri fuit infelici

cis successus nuncius. Quo facto motus totam Bosniam armavit in Rempublicam: cujus provinciæ viribus auctus succenditur odio majori, iterumque descendit in aciem. Primo congressu, qui fuit acerrimus, audacter, & viriliter confligit: verum ab omni parte circumseptus, postquam aliquandiu repugnantium impetum sustinisset, dilabentibus suis, solus sibi ferro aperuit viam ad fugam: frustra tamen, nam à persequente Epirota sistitur, & dejectus ab equo decollatur. Occisi caput Pisano delatum fuit, prospero maximè obsecundantis fortunæ præfagio. Itaque, sublato è vivis hoste Jadertinis infestissimo arctiori obsidione cingitur Xemonium: Turcæ exteriora loca pervigili cura defendentes frequenter diurnis, nocturnisque aggressionibus nostra castra vexabant. Sed Pisanus eorum compressit ferociam, obsidionalibus machinis: quibus excussis prostravit præaltam turrim, & Mesquitam tanta trepidatione oppidanorum, ut hi cœperint cogere Halyium ad pacem ineundam. Homo ferus, ac immanis hanc sollicitantes rapuit ad supplicium, alios in fide retinuit spe proximi à Bosnia subsidii. Crescentibus quotidie magis angustiis, à Pisano averfis aliò aquarum ductibus, & prohibitis com meatibus desperantes salutis, vitæque perflugio iterum sumptis armis in obstinatum convertuntur furiosi, & minitantur. Halyius sævientis vulgi effrænem impetum declinans in arcem trepidè profugit: quo repulso, & incluso confestim oppidani se dediderunt. Pisanus receptis in fidem liberam potestatem facit proficiscendi Auraniam: monitus ab iisdem dirigere tormenta in turris, & arcis angulare latus infirmius, illico ita exequitur: eaque in partes quassata, & ruinosa, suis militibus ad irrumpendum aperuit aditum. Attamen in multum diem dimicatum fuit ingenti sagittariorum vi, crebrisque bombardarum ictibus, donec Halyio cum spe auxilii vigor mansit: sed posteaquam neque roboris, neque animi quicquam ampliùs superesset, imploravit

ravit vitæ securitatem his conditionibus : Se Arcem victori Veneto bona fide traditurum cum oppido; modò ipse cum suis immunis esset à captivitate, & omnes pro liberis haberentur . Illis acquievit Pisanus : & quarto obsidionis die ingressus est Xemonicum , exeunte Halyo . Nostri pertentato oppido , hostium dolos detexere : alii latitabant in ædibus , è quibus prorumpentes armati illos in magnum discrimen adduxerunt : alii in cavernis rogantes Nicolaum Syllam Croatam , ut eos in suorum numerum reciperet , accedentem perfidiosè obtruncarunt . Quapropter Halyus, datæ fidei impius violator Jaderam captivus , & inde in Brixianam Arcem custodiendus traditur, in qua diu maceratus infamem animam evomuit.

*Novigradum receptum.*

**X**emonicum Pisani virtute captum, & à militibus direptum voracibus flammis consumptum fuit. Quod oppidum nobile, ac munitissimum suo fato deletum, in vicinia tantam incussit formidinem, ut Succovarum , & alia finitima castella nullo negotio fuerint occupata; & pariter raptis prædis exinanita continuè exarserint incendio. His feliciter gestis Fuscus ad recuperandum Novigradum accingitur, neque alio ductore, quàm Pisano, cujus virtuti, ac fortitudini fortuna comes adesse videbatur. Hanc expeditionem damnabant aliqui existimantes difficillimam: sed ille haud multa moratus voluit celerem experiri aleam: igitur noctu expediri navigia, educi copias, metari castra, & manè subobscuro violentis pilarum ictibus concuti Novigradum. Quæ omnia ductu, imperioque Pisani peracta, itatuta die oppidum inopinata aggressione oppugnatur: qua re deterriti præsidarii vocant in auxilium Sinanum Salonianæ Bejum. Hic non exiguo militum numero ad opem accelerat: festinanti occurrit Pisanus, & proximus  
ut

ut manus confereret vidit Bejum, veluti panico terrore correptum terga vertere: qua fuga, cum satiùs duxisset vicissè hostem solo conspectu, hac victoria in sua castra, quæ audierat à Turcis perturbari, opportunè reversus est. Illi circumfusi per turres, & mœnium pinnas omni missilium genere nostras munitiones inquietabant: & sæpius erumpentes eas convellere conabantur: Minotam triremem aggressi, vacuum classariis, quidescenderant, educum ex ea murale tormentum rapuerunt; sed grave, & tractu difficile profunda fossa oculuere, superaddito crucis signo, ut appareret ibi conditum christiani hominis cadaver. Trierarchus animo minimè submisso, aut suorum fuga, aut maris æstuantis timore, effossam machinam extraxit monitus à transfuga Turcicæ astutiæ. Cæterùm & à mari, & eodem tempore à terra irrequieta globorū procella luxata mœnia cœperunt hiscere, & per patentés hiatus irruptioni aperire viam. Obsessi fracti, ac domiti oppugnationis artificio, & belli asperitate in extremo constituti periculo, sine ulla auxilii certitudine, vel effugii consultatione, signa exposuere voluntariæ deditionis. Orantibus pacem, non aliam Fuscus concedere voluit, nisi quæ suo placeret arbitrio, memor injuriarum, quibus illi Novigrado potiti Venetum præsidium affecerant. Hoc pacto quatuor militiæ duces, Aga nominati, in potestatem venere; Jaderam missi in custodias; ex Turcis bis sexaginta ad triremes: bellica impedimēta publico usui addicta: & oppidum, abire jussis imbellibus, ne ampliùs Barbaris esset receptui, ferro, ignique devotum funditus excisum. Hæc quoque Novigradi jactura, veluti quodam contagio serpsit ad alia loca Tinum, Auraniam, in qua Lichæ Sangiacatus amœni recessus, & Raftenizzum; & Obrovatium, quæ Sebenicenses direptionibus, & flammis fœdarunt.



*Nedinum captum, cum Scardona.*

**H**Oc Dalmatiæ oppidum in vertice collis extructum hostium armamentarium, & horreum Fuscus oppugnare constituit, fretus sua, & Pisani fortuna. Motis itaque castris: & valido militum robore præmisso haud procul oppido consedit. Hoc Turcæ cum vidissent furenti eruptione repellere Venetos conati sunt: sed eorum inordinatus, & confusus egressus illis patefecit ingressum in oppidum: nam undequaque circumventi, & ab reditu interclusi arripiunt fugam per invias rupes, & saltus. Oppidani eo casu perculsi, ignota quoque scrutantes itinera, secum asportando quæ raptim collecta ferri poterant in tutiora loca se recipiunt. Pauci in arcem confugerant, verum quia parum proficiebat obstinatio, sancita conditione abeundi quod vellent, deditionem faciunt, & demigrant. Pisanus derelictum sola trepidatione Nedinum occupavit, subditisque flammis pari cum cæteris devastatione prorsus sustulit, ac delevit.

Ex his, quæ maximè prospero victoriarum cursu gerebantur in Dalmatia Hibrainus fera rabie percitus Visiro Techelio Sarmatæ mandavit à propinquis provinciis colligere exercitum, qui par esset refrænandis Venetorum irruptionibus. Igitur ille brevi conscripsit quadraginta hominum millia adversus Sebenicum expedienda, hoc instructus consilio, ut in maritimis oris munitiora castra invaderet; vias obstrueret suppetiis, Scardonam, & reliquas arces regis firmaret præsidii, vagisque excursionibus gravia ubique damna Veneris inferret. Fuscus, explorata Visiri mente decernit hanc citissimè prævertere, & eludere, omni abrupta mora. Sebenicum profectus Scardonæ se armatum, & infestum ostendit. Nonis Majis, exurgente auro-  
ra, in oppidi conspectu consistit cum triremibus, & navi-  
giis:

giis: quo accessu Turcæ adeò stupuere, ut de hostium multitudi-  
ne, velorum numero decepti, quæ Fuscus callido  
astu multiplicarat, diu hæsitarent quid agerent: in hac tre-  
pidatione, dum se continent intra muros Veneti suas co-  
pias extendunt: & in timidos bipartitis peditum, equitum-  
que agminibus procedunt. Illi tandem recollecto spiritu  
nostros invitant ad pugnam eò audaciores, quia loca emi-  
nentiora infederant. Croatæ, & Epirotæ procacibus verbis  
laceßiti primi procurrunt; quos inæquali certamine pulsos  
equitatus sustinuit, qui tantum terroris incussit provocan-  
tibus, ut coacti à collium cacuminibus in imas convalles  
descenderent. Fugata, & dispersa subsidia cùm vidissent  
indigenæ: & continua tormentorum displexione collapsa  
mœnia, æquataque solo ædificia, & omne salutis despera-  
tum perfugium, victi fugam occultant, & vacuas sedes re-  
linquunt victoribus: capti æquali metu arcium propugna-  
tores cum fugitiuis in latebrosa loca eunt præcipites. Ita  
cecidit Scardona, novem milliaribus à Sebenico distans,  
oppidum in Dalmatia potens; cujus iubente Fusculo,  
asportata præda, quæ ampla fuit, combustæ sunt ædes; pro-  
stratæ cuniculis arces; turritaque mœnia ab imo convulsa.  
Atque nihil prætermissum, quod hostibus afferret incom-  
modum; & ideò Comiti Alberico Sabino molarum man-  
datur demolitio; quas ille & pistrina omnia dum rapido  
igne corrumpit; Turcæ de latebris prodeunt in pedites  
direptionibus avidius intentos crudeliter debacchantur.  
Accurrit in oppressorum subsidium Sabinus: ac postquam  
horæ spatio ingruenti multitudini restitit, diffusus cum pau-  
cis frangere posse inimicum impetum suppetias à Fusculo  
petit. Jussi properare Germani, & Epirotæ ductoribus  
Deghenfeldio, & Cruta; simul ac isti in Barbaros insiliunt  
classarii exonerantes à mari tormenta, eodem tempore  
prorumpunt. Aspera pugna consurgit; hostiles phalanges  
dissipantur; Sabinus vulneratus à cæde eripitur: ex hostibus

interfecti eo numero; ut, de cruentissima strage ne constaret quidquam, corpora adhuc spirantia humabant. Fuscus diruta Scardona Sebenicensium securitati optimè consuluit: Pisanus contiguos pagos, villasque ferro, & incendiis latè vastavit; ut nullus ferè locus in provincia Turcis superesset, aut ad faciendas incursiones, aut ad ponenda castra. Quae de causa paventes contermini Bosniæ accolæ, ne suos vicos Venetæ machinæ quassarent; ne milites diriperent agros; nevé serpens flamma domos in fumum, & cinerem verteret, ad Rempublicam ultrò defecerunt.

*Clades Messaræa in Creta.*

**Q**Uæ prospere Venetis, quæ inauspicatò Turcis in Dalmatia, miscuit fortuna mutatis vicibus in Creta, quo tempore Nicolaus Delphinus, extincto Andrea Cornelio totius Insulæ Præfecturam obtinebat. Vir quidem gravis, & prudens cum primùm Candiam urbem advenit, parùm feliciter pugnavit. Tertiodecimo Kal. Julii Hussainus Rhitymnæ, & campestrium armorum Bassa cum suis agminibus in Messaræos vicos descenderat maturas messes populaturus. Ad illum propulsandum Candia egreditur Aloysius Emus plurimo peditatu instructus: & paulò pòst præcedentem subsequitur Gildasius Germanus cum agrestibus, conterraneis, & civibus, quorum maxime intererat, ne pabulatione, & commeatu prohiberentur. Stabat uterque exercitus in conspectu: promissa nostris victoria à profugis, si numero auctiores in Turcicas stationes impressionem facerent: super hoc consultus Delphinus è præditiis detraxit pedites mille, & ducentos; quos Vincentius Marra Neapolitanus valido equitatu protectos in auxilium duxit, habuitque comitem inter honorarios milites Marcum Antonium Præfecti filium.

lium. Auſti Duces his viribus ſtatuerunt concordiaſſenſu cum impetu irruere in Baſſam, qui ſuas copias extenderrat loco, cui Gortini nomen ab antiqua Gortina fortalle. Converſæ acies in pugnam audaciſſimè congregiuntur; & qua furenti vi noſtræ in hoſtiles proceſſerint ex eo credi poteſt, quòd in ipſo primo congreſſu cœperunt Turcæ trepidare, fluctuare, pavidi tentare fugam, & plurimi cadere vulneribus conſoſſi. Noſtri alacres hoc ſucceſſu Gildafii nomen, fortitudinem, & victoriam ab ipſo partam, conclamarunt. Sed quia res præclare geſtæ parant invidiam, dicitur iis vocibus ita acriter exarſiſſe Vincentius in illius odium, ut reducto equitatu, dum intentior videbatur niti ad pugnam, victoriam corruerit. Pedites præter expectationem equeſtri militia deſtituti illicò dilabuntur: & quæ quiſque poterat ruit præceps in fugam, quæ una victis via ſupererat ad ſalutem. Surdi omnes ad ſuorum Ducum incitamenta, ut redirent, ut integrarent aciem, & victoriam retinerent, neglexerunt hortationes, & imperia; eò quòd tempus non permanendi, ſed fugiendi à clade, & à ſervitute inſtaret. Turcæ tantam intuiti noſtrorum conſternationem, & ſocordiam reſumunt animos, & à tergo celeri curſu premunt quos confuſio, & pavor inconfideratè occupaverat. Plurimus cæſorum ſanguis non explevit Barbarorum immanitatem; ducti in captivitatem extrahentium inclementia exorabant remedia mortis compendio: jacebant multi lethaliter tranſfixi: pauci concitis equis ab imminente diſcrimine ſe ſubduxerunt. Delphinus Præfecti filius anhelò curſu ſequebatur Gildafium, & Emum; ſed lapſu equi humi proſtratum eripere nullus potuit à periculo: ne ab aceruatim inſequentibus obrueretur. Agnitum armorum nitore, juventæque decentia nobilis eſſe generis, Baſſa apud ſe captivum retinuit. Tandem nox ſuperveniens ferinæ inhumanitati finem dedit: vicerunt qui victi fuerant; & magna

gna totius fermè exercitus internecione in Messaræis campestribus cum suspicione perfidæ æmulationis, & invidiæ procurata. Præfectus intempesta nocte residuos à strage recepit; sui que filii captivitate patientissimè indoluit: qui maxima animi afflictatione sustinuit funestissimum successu præ expeditionis infortunium.

*Sebenicum à Turcis frustra tentatum.*

**P**ervenerant ad aures Hibraimi Venetorum facinora in Dalmatia: tot oppida capta, diruta, incensa, nudata: duces rapti in captivitatem, fusi exercitus, & omnia in eadem provincia tumultibus, terroribusque repleta. His igitur in odium, & iram implacabiliter concitatus iussa sua maturavit ad Visirum, ut poneret castra apud Sebenicum, toto conatu obsideret, & oppugnaret armis, ac flammis ultricibus. Visirus regis mandatis summa cum festinatione obtemperans, XII Kal. Septembris sub conspectum. Sebenici suas copias exposuit, militum scilicet viginti quinque millia, & munitionibus erectis, impositisque machinis urbem arctissima premit obsidione. Sed magna cura, & diligentia Fuscus prævenerat Visiri opera adversus Sebenicum; quod, demolita Scardona, firmissimo munierat præsidio. Omnes hostiles impetus fregit; irruentes Turcas aggressi cives paribus armis; sed iis fortiori animo vibratis, & contortis repulerunt hostem tam truculenta cæde, ut Techelius Visirus vigesimo octavo obsidionis die re infecta, & ipso antelucano tempore collectis vasis ad oppidum Dernisum advolarit: ubi recensitus exercitus dicitur minor dimidio inventus cum occisis, vulneratis, & ægris pariter computatis.

*Oppida Dernisii, & Tininii obtenta.*

**F**uscus, defenso Sebenico, statuit victricibus copiis petere Oppidum ab accolis vocatum Dernis, inter Tininium, Slavis Knin, & Clissam; ut eo subacto, suos in Dalmatia augetet successus. Itaque Franciscus Georgius Dux equestris militiæ; & alii notæ virtutis Chiliarchæ, septem peditum millibus, ac equitibus octingentis instructi, ipso imperante, proficiscuntur in destinatam expeditionem: quibus naves per euripos traductæ omni comiteatu onustæ laturæ erant subsidia. Interim plurimæ emerferunt angustiae, quia Morlachi, suis vagationibus rapinarum ingluvie, ita per incerta viarum morabantur sequentes acies, ut non semel de reditu fuerit cogitatum. Porro Fuscus monitis, & mandatis urgens incessum, redegit Morlacos in ordinem, eosque celeriter iussit irrumpere in Turcas obsidentes itinera. Aderat cum robustissima manu Bassa Tetchielius, qui ad repellendos ingruentes validissimè se opposuit; ut propterea intra ipsas munitiones cruenta pugna exarsit, multis ab utraque parte cadentibus. Nostri tandem allatis subsidiis refecti, densatis agminibus, audaci conatu rapiuntur in hostes; qui magna accepta clade consternati, inclinarunt in fugam; quam & Bassa, tolerato diu impetu, etiam arripuit. Hoc uno conflictu perterriti Oppidani, neque ulla sperantes auxilia fugato Bassa, spontaneam pacti deditionem in arbitrium Veneti imperatoris concesserunt.

Recepto Dernisio, Tininii quoque oppugnationem moliri voluit. Ejus oppidi Arx in extremo collis assurgens despectatuberem, latamque planitiem, duobus irriguam fluviis, septamque montibus, qui Dalmatiam à Bosnia determinant. Georgius iussus à Fusculo confestim parat omnia expeditioni necessaria, & cum cæteris ductoribus, non deter-

detreritus vel fitu loci, vel interjectæ vallis altitudine, delectas copias mover. Tininii è longinquo explorarunt Veneti exercitus accessum, & jam proximi ad vim inferendam: quamobrem metu correpti, ne illos vexaret idem fatum, quod paulò ante Dernisios, collectis repentè vasis, Certinam per saxosa juga præcipites profugerunt. Georgius prosperæ fortunæ gratulatus, quia nullus, neque ab externis munitionibus, neque ab Arcis propugnaculis obstaret, in oppidum, & Arcem securus penetravit. Occupati ita facili Marte Tininii spolia fuere multa, & amplissima: hoc enim in loco Turcæ suum habebant armamentarium, machinarum, & com meatuum referatissimum. Rebus omnibus, translatis in publica, privataque commoda, exinanitum flammis comburitur, & illius à fundamentis imperatur excidium, ne ampliùs Barbaris hospitio esset. Sed milites magis ad convectandas prædas, quàm ad perficienda jussa expediti; inde recesserunt, quando incendia nullo glomerante vento suas vires deposuere. Ex hac incuria, contigit, ut tractu modici temporis idem oppidum à Turcis fuerit reparatum; restituta, munitaque Arx; imposita præsidia; & crebris deinceps molestiis exagitata Provincia.

*Cliffa occupata à Venetis.*

*Turcarum immanitas in Albanenses.*

MDCXLVIII.

**V**T finem transacti anni, ita præsentis initium illustravit Fuscus continuatis victoriis adversus Turcas. Omnium tamen præclarissima illa fuit, quam de subjugata Cliffa reportavit: cujus munitissimæ Arcis expugnationem cordi semper infixam habuit post propugnatum Sebenicum: at quoties communicabat suis ducibus arcanum, toties plures eorum inveniebat dissentientes, quòd rem arduam esset aggressurus.

Cliffa

Cliffa fita in summo vertice, veteranis custodita militibus, & novo per hos dies aucta præsidio, plurimum negotii facessabat disuadentibus expeditionem: at nullum Fusculo, vel eo potissimum nomine, quòd armis præflet Sororius Hibraimi nepos, & eidem adesset vir ferus, ac ferox Barcovichius Christiani nominis juratus hostis. Hæ difficultates non deterruere Venetum imperatorem à proposito, qui etsi distulit, non dimisit consilium, cui si contigisset eventus; hic maximæ existimationis futurus erat Reipublicæ; Spalato, & Sebenico certam præstabat securitatem infestissimæ Arcis demolitione, tutioresque in Bosniæ regionem Venetis exercitibus incursiones. Plenus itaque spei xv. Kal. Aprilis in triremibus, navibusque festinanter paratis decem armatorum millia, plurimaque impedimenta imposuit, & Jadera discedens, confecto unius diei cursu, Salonam tenuit quinque miliaribus à Clissa. Recensita militum quinque millia iussit adversus Clissanos procurrare in pugnam; de qua Ducis solertia nihil illi præsciverant. Omnium primi Itali, & Epirotæ vi, & armis strenuè decertarunt contra præstructas moles, excitatasque munitiones extra oppidum: quibus potiri cum tentassent in muros evadere omni machinarum genere, saxi, telisque penè obruti Germanis subeundi locum fecerunt: cum quibus etiam acerrimè concertatum fuit. Porro tandiu sustinuerunt furentem impetum, donec refocillati qui aberant, & animati qui aderant, unanimiter aggressiones repeterent. Tanta utrinque animorum, viriumque contentione præliatum est, ut inter mutuas clades sæpiùs fluctuaret victoria. Postremò accidit præsentì Numinis ope, quòd nostri primum, & secundum murorum sepimentum obtinuerint, & fortiter repugnantes in arcem retruserint pavidos, & cōsternatos hostes. Nunciatum Techielio Clissæ periculum totam fermè Bosniam excivit in auxilium: sed Fusculus ejus opis præsciis in advenientē Visitū obviā mittit Stephanū Sorichium cū Mor-

D d d lachis,



laxis, quorum is erat antesignanus: sacrisque initiatus, & pro religione, ac libertate Venetis addictus cum sua gente fumpserat arma in Barbaros. Vir locorum peritus, & acer in bellis transeunti hosti struit insidias in abdito cōvallium recessu: quem repentino incurfu, inconditisque vocibus aggressus, nihil fraudis opinantem, turbat, & profligat quos ducebat auxiliares: plures in angustiis artipuit, & occidit, capitaque interfectorum hastis infixæ ostentavit obsessis, ut desperato subsidio venirent in deditiōem. Visirus à fuga revertitur in campum, dispersos recolligit, ac verso itinere novam gravissimè laborantibus opem ferre molitur: sed iterum credula spes eum frustrata est; ab equitatu circumdatus retrò abire cogitur tumultuariè, & quotquot palantes errabant, expositos deferere internecioni. Subinde præsidarii indefessis eruptionibus truce pugnâ integro die protraxerunt. At cum diutius, quàm pro viribus obstitissent, & nulla affulgeret spes salutis, fugatis auxiliariis, ac interemptis, quorum recisa capita oculis objiciebantur; de deditiōne agentes vitam, & libertatem postularunt. Ergo quinto-decimo ab oppugnatione die Clissa, credita inexpugnabilis, pridie Kal. Aprilis Fusculi constantiæ, & militiæ, & Ducum fortitudini succubuit. Rejēctis conditionibus, quas turgido fastu Barbari proponebant: has illis Fuscus præscripsit. Ut sine armis, & impedimentis exirent oppido: atque duodecim ex Venetis, quos detinebant captivos redderent; interim, ne qua fraus intercederet, totidem obsides illustrioris generis in castra mitterent. In his præcipuè decretus erat egressus Sangiacho, & primoribus Turcarum, immunis. Dum hæc exequuntur, fatalis casus accensi ignis in oppido tumultum in Polissanis, & Morlachis excitavit, qui; quod acciderat inopinatò, studio factum opinantes, armis furunt crudeliter in exeuntes Clissanos, à quibus jam multa damna in corpora, & fortunas acceperant: neque fuso sanguine saturatum odium in efferatis quievit: à cædibus in-

ingressi oppidum convolarunt ad rapinas, quibus nostrates immisti milites se involverunt, & computarunt in spoliis imbellem quoque sexum pueros, puellasque: itaque dum quisque pulchriores rapere, & sibi vendicare contendit vi, inter rixantium manus peribat dilaniata præda. Quos raptus, & effrœnem libidinem Fuscus execratus multos se veris objurgationibus, & districto ferro coercuit. Tandem compressit tumultuantes Morlachs audita vox, quod occisus esset Barcovichius, quem omnes impensè oderant.

Senatus ad nuncium captæ Clissæ effusus in gaudia publicas decrevit supplicationes: & Fusculo, quem in patriam beneficium appellavit civem insignem victoriam, gratulatus est. Cæterum, cum de retinenda, vel demolienda Clissa pluribus in Comitibus disceptatum esset; potior obtinuit sententia illam fore diligentissimè custodiendam, ut constaret Rempublicam non modicæ existimationis recepisse oppidum. Hoc Senatus consulto Fuscus in eminentiori Clissæ fastigio Marcium vexillum erexit, Curatorem declaravit Franciscum Valerium Trierarcham, & ad armorum administrationem delegit Comitem Sabinum: fortis, ac præstantis animi viros. Fama interim deditæ Clissæ vicinas gentes pervagata pellexit in Reipublicæ obsequium, Albanos maximè, in montanis supra Vegiam opera Marci Sunæ Antistitis Dyrrachini, qui ejus gentis septem millia collegerat, promissa quoque Scodra, Croja, & Lessi deditione, ubi primùm illi Veneta insignia, & arma sibi adversa conspexissent. Turcæ per exploratores subodorati quid optaret ea hominum congregata multitudo, magno numero in unum conglobati invadunt parantes defectionem; antequam à Fusculo adessent auxilia, destinata Constantii Pisauri ductu: Hunc per id tempus vis, & incursus pluviarum ingens præpedivit, ne ad ea aspera loca penetraret, & expectantibus opem subveniret; quo eventu omnes ferè in hostium manus, & carnificinam concesserunt.

Strage maxima à Barbaris sævitum est, & in viros quidem sacros edita varia, & immania tormentorum genera.

*Sorichii Morlachorum Ducis trucidatio.*

**R**Enunciata Hibraino Clissæ ditione, quo ille irarum æstu fremebat impotenter, citatis cursoribus imperavit numerosissimas copias, quibus Dervisius Bosniæ Bassa Spalatum impeteret festinata vindicta; & omnia Venetis infesta redderet. Ad hæc jussa Bassa promptissimus maximum, & fortissimum collegit exercitum: & Fuscus opportunè instructus maturè constituit occurrere eruptionibus, Dalmatarum, & Morlachorum delectu: hos ducere debuit Sorichius, illos Possidaria, qui, Rebenico intercepto, aditum Turcis illac transituris præcluderent. Euntes in expeditionem Morlachi magis latrocinii, quàm bellis assueti: ac propterea nostris plus incommodo, quàm adjumento fuisse, illecti diripiendi aviditate per hosticum vagis excursibus ferebantur nullo insidiarum metu. Quamobrem in captos prædarum dulcedine Turcæ è latebris repentino incursum erumpentes, incautos, & dispersos oppresserunt luctuosa aggressione. Huic aliquot horas resistere Possidaria, & Sorichius, sed numero, & vi prævalente hoste coguntur à certamine discedere. At Sorichius, ut suos conterraneos à nece eriperet, in quos Turcæ, tanquam in invisam gentem, rabidè desæviebant, reversus instaurat pugnam; sed illos à periculis abstrahere nunquam potuit, licet fortiter dimicaret; tandem eodem fato, cui visus est spontè se obicere, raptus inter densiores hostium cuneos, vivus capitur, & excruciatu dirisimis tormentis ad exsaturandam crudelis odii immanitatem, suæ vitæ gloriosum finem imposuit.

*Antibarim Fusculus re infecta aggreditur:  
Rhizinium occupat.*

**G** Ravishoc anno pestilentia per Dalmatiam grassata est, & non modicam incolarum multitudinem funeribus absumpsit. Provida Senatus cura non minùs provinciam purgavit, quàm Fusculus suis victoriis recreaverit afflicto stabe morientium animos. Qui, ne cunctando tempora bellandi produceret, & alias sibi rei benè gerendæ occasiones distulisse videretur, conscendit naves, & contra Antibarim proficiscitur, quod oppidum ad oram sinus Adriaci, non tam mari, quàm terra oppugnandum duxerat, experturus quemcunque casum fortuna daret. Terrestri exercitui mille adjungit pedites ex Scardo, quem incolæ Montem nigrum vocant, in finibus Albanæ. Gens, quæ à Turcica servitute ad mite Venetæ Reipublicæ dominium lubentissimè transibat. Hoc fultus subsidio Antibarim adorsitur magno impetu: porrò Turcæ fortissimè propugnantes reddunt conatus irritos, & funestos. Quamobrem relicta Antibari, Butuam solvit, ubi aliquot dies moratus in expectatione Albanorum, Ascrivium petiit inclinato animo ad Rhizinii expugnationem. Castrum in alto cacumine positum, aditum præstabat arduum, & difficile: ab Aga insuper Mehemeto notæ fortitudinis milite custoditum omnes poterat spernere aggressiones. At nihil fortibus viris invium, quare ad expeditionem eligit acres, & impigros duces Possidariam, & Crutam, consilio, ac robore præstantes. Cruta præmissus cum delecto suorum agmine, & cum Albanis, qui opportunè advenerant, munitionem à montanis Castrum novum appellatam, intrepidè invadit: quæ viam occludebat ad Rhizinium, in demolientes munimenta superveniens Aga cum feroci Turcarum globo involat, pugnaq; cõmittit acerrimã, obstantē aciē obterit, atq; ad eò confecta

cade

cæde furere cœpit in deterritos, ut nostris extremum excidium immineret, nisi subita dilapsi fuga sibi salutem quæfuisent. Cruta solus in Campo instar omnium dimicabat obfirmato animo mortem potius oppetere, quàm turpiter cedere: itaque multitudine hostium, non virtute victus gloriosè occubuit. Eo quoque tempore à mari excussa tormenta, nihil, aut parùm profecere: contrà, quæ obseffi explodebant subjectas naves infestabant. Tandem decretum fuit murales machinas deducere, & in collium cacuminibus locare: traductæ summo labore per devia, & aspera itinera: atque à libratoribus adversus oppidum directæ repentina ingentium pilarum displensione omnia terrore, ac metu complerunt: propugnatores in muris ægrè consistebant: neque in privatis domibus fruebantur securitate conclusi. Accessit ad augendam obsefforum perniciem Marcus Antonius Otthobonus cum sua triremi, & armatis myoparonibus, qui jussu Fusculi Rhizonicum sinum ingressus plures in ejus ora constructas ædes succendit. Quibus calamitatibus pressi Rhizunitæ, mulierum quoque ejulatu, gemituque inbellium perturbati de deditione inierunt consilia. Adiere primores oppidani Fusculum bona fide, & conditionibus pro ejusdem arbitrio captis, vitæ, & viæ, quam vellent carpere cum suis sarcinulis impetrarunt indemnitate. Hoc prospero successu Venerus imperator occupavit Rhizinium, suas cumulavit victorias, & misso nuncio inopina gaudia attulit Senatui. Albanis receptum oppidum tradidit, & optimè munitum, ut loci vicini opportunitate suum odium in Turcas explerent direptionibus, incendiis, cædibus, prædantes, & vastantes omnia in circuitu, quæ barbaræ nationi subessent: erga Rempublicam servata fide, & obedientia. Interim se circumagebat annus ab inchoato bello tertius, & Senatus maximè optabat celerem Melitensium triremium cum Pontificiis velificationem in Orientem, ac subinde Joannis Justiniani Equi-

Equitis Oratoris sui in Aula Romana urgebat operam. Ab eadem Legatione in patriam reduci Aloysio Contareno, qui nunc ad Reipublicæ clavum feliciter sedet, in ejus Successoris obsequia & munera ab epistolis & à libellis transivit ille, qui modò cum veteribus Reipublicæ Venetæ rebus recentes conjungens in brevium colligit. Justinianus, donec Pontificiæ triremes instruerentur, ut impleret mandata Senatus, quærebat inter suos, quem Melitam expediret ad evocanda ejus Insulæ auxilia; sed cæteris promptiorem habuit illum, qui licet bellici muneris particeps esse non poterat, sacris addictus, cupiebat tamen suæ patriæ amans in aliquam curarum publicarum partem venire. Itaque nulla longæ navigationis cogitatione deterritus, neque intuto pavidus itinere; quia Punici myoparones infestabant maria, & Gallica navigia (nondum sedatis Neapolitanis tumultibus) Tyrrhenum tenebant obsessum, subitæ profectioni se accingit. Pridie Kal. Maji Roma discedens Neapolim citatis equis advolavit, & conducticia celoce per ventorum, & ætus arbitria sextodecimo Kal. Junii Melitam appulit. Coram Magno Equitum Magistro causam sui accessus exposuit, & munus sibi demandatum felici eventu perfecit. Quibus intra quatuor dies ex voto peractis, cum classe illicò adornata in ejus Prætoria exceptus Taurominam venit; quò cum Pontificiæ triremes ex conducto non accessissent, Melitenses suum iter in Cretam maturarunt: ille Messana digressus, sulcato mari Tyberim fluvium subit, ac se Romæ restituit ad Oratorem, à quo cognovit præstitæ suæ solertiæ apud Senatum in secretis Tabulariis extare monumenta.

Per idem tempus adhuc in Romana Curia degebat cùm alteram creditæ sibi procurationis exhibuit sedulitatem testibus, scriptisque probatam; in subsidium pugnantis Reipublicæ. Non est quòd multa loquatur: nemo ignorat, quàm ingentem auri vim duo Purpurati Principes in sumptus

ptus bellicos erogarint: quàm abundè effuso proprio censu eorum Apes Publicis necessitatibus mellificarint. Tam largam munificentiam perpendens Senatus, & ad alia ferenda auxilia promptiora studia, iisdem sua sponte censuit eam referre gratiam, quæ summa, quin etiam in existimatione apud Principes esse solet; ut in aureum Reipublicæ librum referrentur cum omnibus ex eadem Gente; ne unquam Venetorum grati animi memoria apud posteros interiret.

Sed nec silentio prætereundum est, ex hac animorum vicissitudine maximum accessisse incrementum gloriæ ejusdem familiæ, splendidissimis conjugii, & summa sacri Purpurati Ordinis dignitate peculiari modo collata uni ex nepotibus majori, apud quem hujus Operis auctor munus obivit à secretis; eoque sex integros annos, & quod excedit, absoluto, hoc gratæ benevolentiae testimonium reportavit: inter Basilicæ Patavinæ Canonicos ascriptum fuisse.

*Variis rerum maritimarum eventus.*

*Ioannis Baptista Grimani ad Insulam Psynam  
naufrazi mors.*

**I**Oannes Capellius ejus classis imperator; quæ navium numero, militumque delectu omnium maxima, ex iis, quas ab urbe dimisit Respublica, finem præsentis bello pollicebatur; effœta senectute confectus, implicitusque in agendo discordibus consiliis obtinuit ab Senatu veniam sui reditus in patriam. Reduci sufficitur Joannes Baptista Grimani amplissimo Marcii Procuratoris gradu ornatus, qui jam rei navali præpositus statim ob collatum munus assidua cura incubuit, ut classis in portu non ampliùs marcesceret, & otio milites diffuerent. Itaque Aegæum emensus excubantibus quatuordecim armatis navigiis ad arces Dardanellas Jacobi Ripæ vigilantia, hoc unum habuit  
semper

semper in votis; ne ab illis faucibus effugerent hostes, nisi oppugnati, & laceri: ipse cum reliqua classe ultro, citroque excurrrens, auxilia Cydoniæ aliunde mittenda intercluderet, ac diriperet. Hac de causa Turcicis lignis, & insulis infestus, gravia damna intulit: profectusq; in Asianam oram, castrum, Scisme appellatum, ad quod confluebant subsidia, sua & Laurentij Marcelli uirtute, territauit; & inde non paucas annonarias naviculas avertit. Hæc agens inaudit in tenebrosæ noctis silentio, faventibus undis, ventisque inimicas triremes ex Hellesponto tutò prodiisse, cum nostræ naves confidente aura quieto in mari subsiderent: & Chium delatas ultra progrediendi expectare tempestatem. Sine cunctatione ad eam insulam obvertit proras, & ibi diu tenuit obsessas, atque crebrò laceffit as in altum provocavit ad certamen. Hostes inclusi omni rerum inopia laborabant usque ad eò, ut brevi viderentur coacti, aut mori, aut dare manus. Sed rursus Venetis pessimè cum fortuna convenit: illi per cæcas, densasque tenebras clandestina fuga se subtraxerunt, non observati ab excubitoribus, in quos vehemens Ducis indignatio erupit, cum per eos stetit, quin de hostibus illustis victoria reportaretur. Non tamen despondet animum, quem constantem, & in omnes eventus intrepidum præstabat: Candiam regressus iterum statuit moliri, cunctaque tentare, ut majori vi Hellespontiaci ponti ostium Barbaris occluderetur. Reparata itaque, ac munita classe, quæ aucta navibus viginti septem in Cea insula lustranda erat, & inde Psiram deducenda, tertio Kal. Martii è portu solvit; præprope nimis consilio, quod in pugnandi cupidissimo imminentis fati præsagium fuit. Inceptam navigationem circumfusis repente nubibus, ventorumque concursu exorta procella, & densantibus se tenebris, mare, cælumque horrendo, ac miserando spectaculo vexarunt; integra nocte quasi turbine circumactus Psiram tandem pervenit: mini-

E e e      ma



ma quoque classis pars eò appulit ; septemdecim triremes, totidem naves, & duæ quinqueremes, adeò quassatæ, ac laceræ, veluti à prælio victæ recessissent. Porro fessis, neque in portu secura quies : excitatur denuò irati Africi rabies, qua vehementius sæviente, reducta navigia eadem pariter involvit ruina: concussa, & littoribus illisa furenti impetu luctuosum in omne tempus fecere naufragium xvj. Kal. Aprilis, extincto Grimano, qui divulsus à cæteris cum sua quinqueremi in arenam impegit : cujus reperi- tum cadaver ex lurido, deformique aspectu vix agnitum classarii Duces uberibus lachrymis extulerunt, complo- rantes miserandum funus præstantissimi viri, qui nihil habuit æquè in votis, quàm generosis ausis, avitæ gloriæ æmulus, de Republica, & Patria benemereri.

Nuncius de naufragio, deque acerbo Grimani interitu Venetias allatus dolore maximo universam Civitatem afflixit : & Senatum in anxias curas deduxit, valde accipitem, quem præficeret Classis imperio. Quoniam verò abjicienda erat omnis procrastinatio, virtuti, ac famæ suffragatus Aloysii Mocenici Secundi cognomine, tunc Candiæ adversus insultantes Turcas strenui propugnatoris, ipsum in Grimani locum, & Procuratoriam dignitatem constituit. Hoc interim spatio incolumes à Psirense jactura reparata classe, suppletaque Creticis, Corcyreisque triremibus, quas octo numero Laurentius Marcellus adduxerat, iterum Hellepontiacam expeditionem cogitarunt Georgii Mauroceni auspiciis ; dum verò se parant navigationi, nunciatur Turcica classis egressa intento cursu Cydoniam petere ; nihilominus in paratis pristino vividi spiritus impetu revirescente unus omnium consensus fuit fugientem persequi, & eam in Cydonio portu concludere. Sed huic consilio faventior fortuna affuit : ex fuga tres Punicæ triremes captæ sunt : & ne ulterius progrediretur Mocenicus classarios ad se revocat ; quoniam

niam per eos dies Hussainus Bassa totum se obstinato animo ad Candia oppugnationem converterat.

*Aloysius Mocenicus Grimano naufrago suffectus.*

*Candia oppugnatio.*

*Hibraimi Turcarum Regis interfectio*

**H**ussainus post Messaræam cladem agro Cretico potius libero excursu quaqua versum exploratum dimittebat, qui sibi opportuna loca notarent ad Candia oppugnationem instituendam. Igitur ab ea parte quæ oriente sole Sudæ sinum, & ejus ostium respicit, Kal. Majis cum sua castra disposuisset, & super egestos tumulos tormenta locasset, cœpit multa globorum grandine concutere portum, eo consilio, ut navigiis in statione molestus, adeuntibus incusso timore præcluderet ingressum. Maurocenus nullo in discrimine sui dissimilis in hostiles operas irrumpeus, turbavit Bassæ machinamenta Joannis Vuertii ingenio, qui tum omnium mœrore occisus periit; cujus viri in militari architectonica singularis maxima fuit jactura. Subinde Nonis Juniis nuncium accepit de collato honore, & cura totius Classis administrandæ sibi ab Senatu demandata: cum Antonii Lippomani electione ad Insulæ Præfecturam: nullam interea omisit diligentiam utrumque militare munus obiens, quin frequentibus eruptionibus vexarit hostes intentos ad urbem denso ordine circumvallandam; ne quis locus obsessis esset reliquus ad erumpendum. Et ne deessent à mari auxilia, jam ex ante vocarat ab Hellepontiacis faucibus triremes octo, duas quinquereemes, duoque navigia cum Gildasio: pari numero classe ibidem manere jussa, quæ Turcicis conatibus obstaret. Hoc virium supplemento, imperatisque classiariis, ut parati essent ad terrestres concertationes, acrius pugnari cœptum est. Quare non semel rejecti hostes à mœnibus, in quibus per ruinas

Ecc 2 ascen-

ascendentes barbara vexilla erexerant : his evulsis ; illis strenuo repulso disiectis , nostris prosperior propriae fortitudinis illuxit eventus , cum & Hussainus pila in vultu tactus notam retulisset temeritatis apud Assanum Cydoniae Bassam ; quia ob virium tenuitatem non distulisset in alterum annum expeditionem . Verum obstinatio aliquid voluit experiri pugnandi inventum ; in ipsis terrae visceribus tractare bella ; & per quales auctores , à fide , & à religione transfugas , pudet dicere . Impius bellandi modus in excavatis sub terram meatibus primum Turcas , deinde Venetos par pari referentes , quatuor mensibus exercuit : actoto tempore , quo duravit Candiae oppugnatio , & defensio . Noverant tartarei inventores actis cuniculis vel hostem appetere , vel ex-adverso molientibus occurrere ; & in imis cryptis furialibus odiis digladiari ; per occultas , & obliquas vias plures mortes quaerere ; propugnacula , terreaque munimenta , in suffossis cavernis incluso igne , qui horrendo strepitu exhalaret , à fundamentis convulsa prosternere , cunctaque obvia flammis , & fumo involvere cum occisorum corporibus laceris , ac semiustis . In propugnatione Martinengii propugnaculi , quod eo disceptandi genere saepe à Turcis depressum fuit , & à nostris restauratum , Joannis Aloysii Emi intrepida vis enituit , donec funestus praestantissimi viri casus contigit . Obierat antea Vincentius à Marra plumbea glande interemptus , dum rimatur murorum loricas , & circuitorum vias . Hujus nex indeplorata ob acerbam Meffarzi conflictus recordationem ; onus , quod ille in eo parum probatus gerebat , in Gildasium transtulit militari prudentia , & multarum rerum usu conspicuum . Sub hoc duce nostris crevit fiducia , hostibus formido ; quorum impetus non diu , non noctu intermissi , fuere viriliter , fortiterque compressi . Interim in labentis anni curricula quaedam affulsit proximae tranquillitatis spes , dissidentibus

tibus invicem Constantinopoli Prætorianis militibus mutuis altercationibus. Oderant alii Regis infcitiam, & crudelitatem: alii habebant exosam Achmetis primi Visiri severitatem, & avaritiam, cum de mutanda militia, deque pendendis stipendiis insolita cogitasset; idem furenti rabie frementes Visirum de medio tollunt: Hibraimo, extrema minitanti supplicia interfectores, nervo injecto gulam frangunt, præfocantque Sulthanam matrem: his patris necibus sistunt in throno Mahumetum septennem, ejus nominis quartum, strangulati filium, & in Primum Visirum Turcarum satrapæ, & Bassæ in Aula, quam Diuanum appellant, convenientes, assumunt Ascrepium, hominem octogenarium, inveteratæ feritatis notissimum.

*Gesta Constantinopoli aduersus Venetum Legatum.*

MDCXLIX.

**S**perantius Legatus ex occasione publici tumultus nondum sedatus, ratus prosequi posse cum electo Visiro pacificationis negotia (quæ cum viuento Achmete instituerat) innixus prudentiæ, ac dexteritati Joannis Baptistæ Ballarini, qui per eos dies missus ab Senatu, cujus erat à secretis, Constantinopolim venerat: accessit ad Ascrepium, cum Grillo linguarum interprete, exponendo, quàm prona esset Respublica ad instaurandam honestis conditionibus, quæ sua jura facta, rectaq; custodirent, illam concordiam, & amicitiam, quam cum Hibraimi antecessoribus intemerata fide coluit. Ad hæc Barbarus, non alia sancienda pacta, dixit, nisi ea, quæ ab ipso præscripta ad Senatum afferret Olacus nuncius, quem ille suis literis dimissum statim comitaretur, & revertentem repræsentaret incolumem. Olacus ad nutum perfidi hominis Venetias profectus honorificè excipitur: adducendum in Curiam tota confluit civitas,

ut

ut videret, & curiosa exquireret, quid novi apportaret. Coram Patribus quas attulerat literas explicuit, & quæ continebant, scilicet, solidam Divani mentem esse, ut Respublica spontè ab Insula Creta demigraret; de pace, & de amicitia cum Rege frustrà, & in sui perniciem tempus terebat; ergo effugeret cum potentissimo hoste bellum, qui ea non tradita, nunquam erat quieturus. Huic iniquæ petitioni responsum fuit, Rempublicam omnem operam, omnesque vires terra, marique in suis rebus tuendis, & maximè in retinenda Insula esse collaturam: non vereri minas eorum, qui pro arbitrio violant fœdera, & dissolvunt amicitias: Deum habere injuriarum vindicem, & justæ causæ patronum. Abiret itaque, & hæc renunciaret Divano. Custoditus excessit, ne aliquid adversi ei contingeret, fremente populo; & navem conscendit, & ubique locorum tutus, sexto Kal. Maji Constantinopolim pervenit. Vbi infame mancipium ad aures Visiri, & Bassarum multa contraria his, quæ audierat, temerè, petulanterque effutivit. Quam ob causam tanta fuit indignatio Ascrepii, animo, vultuque erumpens; ut in conspectu suo consistentes Superantium, Ballarinum, & Grillum, gravibus contumeliis oneravit, ac jussit morti addictos in turribus Euxinis asseruari. Suam interim immanitatem commento hoc prætexebat, Ballarinum multo auro tentasse corrumpere non paucos Aulæ procures, ut in pacem consentirent quibuscumque conditionibus. Sed tandem Deo placuit Ascrepii fraudes detegere, & ejus atrocissima scelera non amplius ire impunita. Dejectus è gradu, & privatus vitæ suæ effertatè inhumanitatis in Grillum crudeliter necarum poenas dedit. Successit in Visiratum Amurathes Bassa mitioris ingenii, qui ad preces Gallici Oratoris in carceribus detentos libertati restituit: atque de ineunda pace, utrique genti necessaria, effari veritus est, quæ optabat, dum Prætorianæ cohortes, licèt multis in rebus adhuc inter se discreparent, tamen in hanc unam conveniebant; prosequen-

quendum esse bellum, & subjugandam Cretam, ne hac expeditione intermissa fieret impuberi Regi detrimentum: in Divano idem susceptum consilium; quia cùm foris sunt arma, domi regnat concordia, & propterea adornatur amplissima classis, proximis Kalendis Majis educenda in Cretam.

*Navalis victoria de Turcis in Phocæa portu.*

CUM nulla ob interfectum Hibrimum, aut ob militares tumultus, pacis spes resfulgeret; immodò potiùs metuendi essent majores armorum turbines: stabat ad arces Sestum, & Abydum Jacobus Ripa duodecim rostratarum navium Præfectus, ut hostilem classem vel intercluderet, vel oppugnaret. Porro dum vigilat in expectatione aggrediendi hostes proximos ad egressum, fama retulit ab Helleponto illos noctu erupisse, radentes Græciæ litora. Quo monitu illicò persequitur fugientes, quorum à tergo instantes Bertuccius Civranus, & Hieronymus Battalea, nonnullas eorum puppes atroci glandium tempestate verberarunt: expositos majori periculo subduxit subitus maris æstus, qui nostris moderandi naves arbitrium ademit. Illos, qui anxia trepidatione quærebant, quam stationem tenerent, Phocææ urbis, hodie Focchie, portus recepit. In hoc se tutos credidere: sed Ripa aliquot dierum indagine scrutatus Ægeum, tandem ut reperit quò loci manerent, eodem celeri cursu advectus, habita consultatione statuit in ipso portu eos oppugnare, promittens navigiis pretio conductis, quæ conflictum detrectabant, se damna compensaturum. Cùm igitur omnibus eadem esset pugnandi cupido in hostium conspectum venerunt promptis animis ad concertationem. Iridebant Turcæ Ripæ fiduciam, qui cum paucis auderet adoriri centum navigia decem millibus instructa propugnatoribus: habebant duas, & septuaginta triremes, undecim rostratas naves cum quinqueremibus decem. Numero non de-

deterritus,quem sola animorum fortitudo præponderabat, in portum, cujus ostium hostes præcluserant, audeat penetravit. Una ex Turcicis quinquereimis repente adversa in Scotam navim impetum fecit adeò vehementem, ut certo esset in discrimine, nisi navarchi virtus, & Ripæ accurrentis ad opem celeritas, opprimentem depressisset, undique à majoribus tormentis perforatam; quo factò Bassa, cui Voimeghemet nomen, iracundus se totum convertit in ipsum Ripam, excitando suos, ne dubitarent illius navim conscendere. Utrinque fortissimè conferitur manus; hostis tandiu apparuit superior, donec superveniente Civrano, æquata dimicatione, & factò in prætoriam impetu plurimis partim jugulatis, partim in mare præcipitatis Bassa in scapham se conjecit aufugiens vulneratus: In ipsis quoque portus angustiis magnum commissum est prælium cùm suis quisque vellet opem ferre; sed quantò propinquiorebus navibus cominùs pugnandi dabatur potestas, tantò Veneti superiores in hosticas furebant ferro, & flammis. Hæc inter in universa classe discurrens fama occisi Bassæ, tantam confusionem excitavit, & consternationem, ut fuga in littora, vicinasque rupes, & specus amandaret, quos casus ab internece vindicaret. Nox tandem pugnam diremit igni illuminata, qui per classem vagatus totam non absumpsit recedente Ripa; quem dubium incescit, ne combustis retinaculis impellens ventus incendium, suas naves corripere. E portu unum extrahit navigium, eidem traditur triremis ducta à captivis, quorum sexcenti libertati donantur, quinquereimis una in Francisci Mauroceni potestatem venit; septem Turcarum millia desiderata dicuntur: plurima fuit præda inter navarchos, & milites continuo triduo divisa. Cessit Ripæ hæc victoria tam modica nostrorum jactura, ut divinitus contigisse fatendum sit. Turcæ, qui fugiendo vitæ discrimina evaserant, observato Venetorum recessu, redeunt in portum, in quo cùm vidissent è classe, quam in su-

mum,

mun, & cinerem versam putabant, triremes non paucas à flammis intactas, alacres accingunt se ad illas refarciendas: & cum reſectis, instructisque remigibus, comœatuque passis velis Cydoniam perveniunt. In hac statione digressi à Phocæo congressu manserunt quandiu opus fuit diligentia, & laboris adornandæ classi: quæ tandem ab eodem Bassa, qui dicebatur periisse, iterum educta in altum, cum navi inusitatæ magnitudinis decimo quarto Kal. Aprilis ante Candiam consistens pugnae signum dedit, acsi dimicando, veller damna rependere, quæ pridem à Ripa acceperat: propterea in urbem ferè sexcenta ex omnibus machinis missilia jaculatus est. Nostri prope littus decem navibus tantum, ac triginta trirēibus instructi, in eo statu non detrectarunt provocationem, è majoribus tormentis excutiunt magni ponderis pilas, quibus graviter ipsemet Bassa perculsus, subito recessu classem longius subduxit. Attamen ne victus videretur abiisse, præternavigata Dia Creticam oram legēs Palæocastrum occupat, vacuum præſidiariis, qui Candiam in supplementum commigrarant. Denique per eos dies opportunissimè contigit Jacobi Ripæ reditus, qui Venetias profectus, nuncius suæ victoriæ ingenti omnium ordinum hilaritate aureo torque, & equestri titulo decoratus ab Senatu fuit, & in Hellespontiacam expeditionem rursus dimissus cum suis navibus, & quinquere mis sex. In suscepta navigatione obviam habuit Turcicam classem adhuc Creticum mare percurrentem, quam idem Bassa ductabat. Ripa ea conspecta iussit quinquere mis remulco navium solutas retrocedere, & cum iisdem vincere assuetus processit in hostem, pugnam deposcentem, qui spem victoriæ conceperat, observato quinquere mis recessu. At de repente horrenda tormentorum ejaculatione exceptus cogitur proras obvertere, & querere effugium totius classis consternatione. Ità denuo de eodem Bassa Ripa triumphat, & uno capto navigio festinanter trajecit in Hellespontum;

Fff dum



dum ille confusus, fugatusque Cydoniam repetiit. Cæterum pertinaci odio, & rabie inflammatus, sublato Ripæ obice, intra paucos dies reductam, reparatamque classem traduxit in Amphimalum sinum, & in Sudam omnes suas vires maritimas, ac terrestres effudit. Qui Arci præsidebat Petrus Diedus ad primas impressiones vigilans brevi dissipatos, & oppressos insani hominis conatus vidit, dum inter crebros fulminantium bombardarum ictus ille ab uno è puppi in mare præcipitatus submergitur. Turcæ Bassæ sui fato magis irritati, mortuo veluti parentaturi Candia excidio, ad Hussainum, tunc obsidionales præteriti anni accessus reuovantem promptis agminibus accurrunt.

*Candia iterum oppugnata.*

MDCL.

**H**Æc altera Candia urbis obsidio ab Hussaino Bassa instaurata valdè sollicitum habuit Mocenicum: Nullo tamen metu correptus confirmavit pavidos, & obsidentis conatus elusit, retuditque. Una ferè semper diu noctuque fuit dimicandi ratio, plus igni, quàm ferro: & plurima subterraneis operibus tentamenta. Inter munitiora loca, in quibus à nostris vehementiùs dimicari poterat: & ab urbe procul submoveri hostis, extabat propugnaculum Martiengum dictum, cujus oppugnatio hoc anno gravior Mocenici constantiam, militumque fortitudinem exercuit. Quotidie certabatur crebris è machinis jaculationibus, omnisque generis missilibus, sagittis, saxis, ignibusque elaboratis, perque dies, ac noctes creberrimis irruptionibus. Turcæ aliquando audaciùs progressi per transversos aggeres in propugnaculi fundamentis hoc egerunt, ut sulphureo pulveri, quem in excavatis puteis abundè congefserant, ignis sensim admotus, dum spiraculum quæreret, superimpositam molem violento impetu in partes disjiceret, face-

faceretque aditum aggressoribus ad irrumpendum. Tandiu moliti sunt opus, ut per ruinas evadentes in summum suum ibi extulerint vexilla ululantes, & alacres, quod propugnaculum superassent. Verum hæc eorum lætitia momento diffluxit; quando nostri corporibus, animisque innixi illos ingenti jactura repulerunt in ima; convulserunt vexilla: & quæ ab ignis impetu fuerunt disrupta summa celeritate repararunt. Variis inde congressibus, mutuisque velitationibus gens utraque saragebat hostiles impedire conatus, disturbare opera, adoriri castra, actisque cuniculis se invicem in sublime rapere, discerpere, & procellosa saxorum ruina obruere. Idcirco non modica utrinque clades; quare cum Hussainus pluribus de suis interfectis nihil in oppugnatione proficeret ubique præsentē, ac oblucente Mocenico: & cogitaret meliorem anni partem ad militaria agenda præterire, atque autumnales impendere pluvias obsidentibus importunas, decrevit movere castra, retrahere impedimenta, & duobus circiter passuum millibus ab urbe sua stativa facere in colle, vulgò Ambruscio, quem munimentis, tentoriis, vallo, aggeribusque instar oppidi circumdata. Enandiam appellavit nostri Candiam novam dixere.

Hic Bassæ inopinatus recessus Turcicæ militiæ suspectus fuit occultæ cum Veneto Imperatore amicitie; eaque opinio tum magis invaluit, cum literæ inter utrumque cominearent; ut propterea de affectato Regno Constantinopolim delatæ sint criminationes. Sed perperam: quia scriptæ ab Hussaino ostentabant præpotentis sui Regis vim; minabantur pericula, & strages, nisi Candiam ulirò traderet: continebant si morem gereret magnifica promissa: præter unam Candiam, reliqua totius Insulæ oppida cessura in Reipublicæ liberam potestatem cum nobilium captivorum donatione. Et Mocenicus, qui optimè noverat perfidi hominis fraudes, suis responsis exaggerabat violati fœderis turpitudinem, ac præsentis belli injuriam: obtestaba-

tur, Deo propitio, nunquam Reipublicæ Venetæ vires defuturas ad obtundendam Barbaræ gentis superbiam: nunquam civibus fidem sibi, & in castris merentibus constantiam pro Religione, & Patria configendi cum teterrimo hoste ad extremum usque halitum. Hæc rescripsit Mocenicus; & hæc non minus ipse, quàm cœteri Duces rebus fortissimè gestis comprobarunt.

*Maritima expeditio.  
Intercepta Cydonia subsidia.*

**N**unciarat fama in sinu Epidauri Limeræ, plurima reperiri belli subsidia, quæ breviterant transportanda Cydoniam; Mocenicus à terrestribus ad maritima conversus facinora, mandat Aloysio Leonardo nepoti suo Classis Curatori, ut omni sublata mora illuc adnavigaret, & improvise accessu ea impediret, & caperet. Huic mandato indulgere venti, & ille octo selectis triremibus, duabus quinquereimis, tribusque navigiis, hostibus inopinatò apparuit ad insulæ portum; sed cum arceretur ingressu ab Arce, ex qua tela innumera in subeuntes quinquereimes jaculabantur præsidarii: intrepidus tamen, & ingenio promptus, pontem abruptit, qui continenti jungebat insulam: quo interciso, & externi auxilii interdicto accessu, tutiorem sibi aperuit aditum, contraque obsistentes in arce omnes bellicas machinas admovit. Illi cominus experti venientium pilarum ictus, & opis, fugæque spe destituti nihil ampliùs ab arce tentarunt, veriti ne ea expugnata à victoribus miserè trucidarentur. Hac trepidatione cefferunt Venetis incruentum triumphum de navigiis, quæ Cydoniam erant allatura suppetias.

*Castra Theodori, & Turluru recepta, & diruta.*

**A**B Epidauro Limeræ deflexit proras ad Cifamum oppidum in ora Cydoniæ littorali, in quo Turcæ multa congefserant ad alendum bellum necessaria : at nullo eventu tentatum fuit , quia fortuna ad præclariora gesta evocabat Aloysium. Igitur ab irrita Cifami oppugnatione consilium capit adoriendi Theodori castrî , licet aliquibus ejus aggressio difficillima videbatur . Quarto idus Julii primo diluculo ad castrî littus inobservato appulsu venit , exposuitque perexiguam bellatorum catervam, quæ ad motis scalis ostentaret moliri ascensum, & irruptionem . Hoc ille astu occupatos habuit præsidarios; atque interim majori vi in alterum castrum Turluru munitissimum inopinatam dedit impressionem : & sic utrumque expugnavit . Hoc tamen non exiguo labore ob semel , & iterum repulsos Epirotas: quos intrepidè sustinuit, & reduxit in aciem cum honoraria , & conducta militum manu superans interruptos ascensus, & castrî ostium, affixo pylocastro, refregit, & aditum reclusit suis, qui catervatim ingressi, Turcis nil huiusmodi opinantibus, quos obvios, & reluctantes habuere, occiderunt, præter Castrî præfectum, & alios ad remigium destinatos . Capto Turluru in cujus expugnatione Petrus Trambachinus triremis Patavinæ trierarchus magno audentis animi robore depugnavit: tormenta in eo reperta, ex adverso disposita in Theodoram munitionem , & displosa damno , ac metu maximo ejusdem propugnatores affecerunt: qui cum diutiùs nequirent sustinere validos ictus ac timerent sibi necem , & captivitatem , exorata corporum incolumitate, se dedidere; & Cydoniam abire permiffi sunt: ut referrent reducra castra in Venetorum potestatem. Mocenicus Imperator eo nuncio lætus conscensa prætoria venit gratulatum nepoti, ducibus, militibusque de rei fortiter gestæ

gestæ magnitudinæ; & decrevit retinenda, ac munienda Castra, collata cura Comiti Pompejo Strazzoldo. Subinde mutato in melius consilio, iussit omnia bellica impedimenta detrahi, ac utrumque castrum subdito igne, suffosisque cuniculis funditus everti; ut quicumque receptus hostibus capta reposcere volentibus fieret inutilis, & Veneræ classis nulla defensionis necessitate astrictæ promptior progressus ad Turcicam propulsandam, quæ ferebatur potentissima in Aegæum descensura.

*Veneta Classis conflictus cum Turcica.*

MDCLI.

**M**Ocenicus rerum maritimarum Dux, delegata provincia tuendæ Candia Georgio Mauroceno Insulæ Præfecto, quarto nonas Julii classem conscendit instructam navibus octo, & viginti, triginta tribus triremibus, quinquereimibus sex; celerique cursu Cytheram adnavigat. Audierat Turcicam in Aegæum traductam, navium numero, militumque copia præpotentem: recensabat triremes quinquaginta tres, totidem navigia cum senis quinquereimibus: ac tam valido bellantium, & bellicorum instrumentorum apparatu; ut quisque crederet extremam universæ Insulæ instare perniciem. Tot viribus metuenda Therasiam pervenit; cujus appulsus monitus Mocenicus Cythera digreditur obviam è longinquo conspectæ: & pugnandi ardore concitatus, dum raptim in illam fertur reflevit Aquilo, & noctis interventus currenti obfuit. Attamen inter obortas tenebras hostiles naves acriter vexavit Hieronymus Battalea fugientes insectatus cum suis patricii sanguinis commilitonibus: & ictu fulminæ glandis percussit Mehemetum Natoliæ Bassam, qui Cydoniam ibat Hussaini successor. Redeunte die Turcica sinuata fronte procedens Venetæ adversa constitit, quasi parata certamini:

mini: Mocenicus, totus compositus ad excipiendam provocationem furenter invehitur in Bassam, & utrumque cornu gravi pilarum grandine percellit, subvertit triremium ordines, & hostem cogit sese repente ex acie proripere. Luce postera iterum in acie visus est, quasi vellet præteritæ fugæ abolere notam, & explicata classe Venetos in clamans offerebat se prælio. Thomas, & Lazarus Mocenici barbaræ petulantia cum suis triremibus ad pugnam dispositis fuissent ultores, nisi Imperator dubius eventis si tota classis eos circumveniret, missa liburnica utrumque revocasset. Quos cum Bassa vidisset proras avertere credidit conversos in fugam, quare ejus intercludendæ cupidus citò persequitur remigio spe victoriæ, quia ab auxiliariis longè distabant. Illi pares virtute, & constantia in persequentem obversi strenuam exhibuere propugnationem, donec accedente in auxilium Francisco Mauroceno cum quinquereimibus, quas regebat, unà cum summi Ducis Nepote, & Laurentio Baduario atrociori dimicatione conflictus increveret in aliquot horas obstinatus. Quævit tandem, ac pro Venetis stetit victoria, licet funesta ob interitum Thomæ Mocenici: sed hostium cædes tanta fuit, ut ritè expiarit fortissimi viri necem. Turcicæ triremes, conspecta prætoria quassata, & Bassæ interitu consternatæ tumultuaria navigatione tutam quærebant stationem. Sed à trierarchis cum Mocenico in tergum instantibus assidua tormentorum explosione sædè lacerabantur: quæ remulco trahebant navigia, hæc eo solato accelerandæ fugæ causa in victorum manibus reliquerunt. De hostili classe plus dimidia, aquis flammisq; deleta, & consumpta Venetus Imperator unam occupavit quinquereimē occiso Præfecto. Maurocenus navim grandē intercept, cui præsidebat Nicolaus Natalis Foro-julienfis filius à nostra fide transfuga, ac ejusdem hostis immanissimus. Singuli trierarchæ, vel triremem, vel navim deduxere in triumphum, captivorum numero,

numero, & spoliolum copia amplissimum. Tria Turcarum millia dicuntur perempta: quingenti à servitute redempti: & qui gloriosa morte pro Religione, & Patria pugnando efflarunt animas interfecti prope ducenti. Mocenicus Candiam reversus plurima dissipatæ classis insignia retulit; ac inter plausus, militumque acclamationes eidem circumfusa urbs honorificè excepto ingentes exhibuit gratulationes. Insignis hujus victoriæ testes fuere insulæ Naxos, & Paros: & nuncius ad Senatum Jacobus Lauretanus. Patres pro lætitia perquam maxima indixere supplicationes: & universa Civitas hilaribus signis testata est, quanta in omnium animis præ læto nuncio gaudia effervescent.

*Duare oppidum in Dalmatia captum.*

MDCLII.

**M**Ocenico Venetias redire permissio, ut quiesceret, Senatus suffecit Leonardum Fuscum, qui hæctenus in Dalmatia fortunâ usus constanti, spem dabat eadem committere, etiam in mari omnia sibi prospera fore: Destinato ad classis imperium subrogavit Hieronymum Fuscarenum pari gradu, & auctoritate, ut Dalmatiam à recentibus Turcarum irruptionibus tutaretur. Hic in provinciam profectus, ubi Jaderam venit sui consilii, & propositi tenax Morlachos effusè latrocinantes frænavit: eorum prolapsam disciplinam, & obedientiam restituit: contumacibus indulgit; solutisque stipendiis ex septem millibus tria delegit magis ad concertationes idonea, & penes se retinuit. Hostes inter im Jadertinum, & Sebenicensem agros suis excursibus vastare cœperant, & fuga cultorum deserta sata igni corrumpere. Contra omnia barbarè populantes Fuscarenus iussu ivere Morlachi; qui, licet modici ad obfistendum valentioribus, tamen vigore animorum subnixi; & præcunte

eunte suo duce, viro fortissimo Harambassa Smigliavichos; quinque Turcarum millia prostrarunt: atque eodem ferè momento dederunt in fugam alia agmina in subsidium. missa à Bosniæ Bassa. Hac victoria, quæ hostium cæde, captivitate, ac tumultu fuit celebris, Fuscarenus animo erectus Duaris montani oppidi aggressiorem cogitavit. Illud, superioribus annis à Paulo Caotorta obsessum, & occupatum, Turcæ paulò post numero, & viribus validiores sibi denuò vindicarunt. Dum parat omnia ad expeditionem opportuna, hostes ejus explorato consilio statim deferunt agros, domosque, & ex metu in oppidum confugiunt. Quod videntes Morlachi, & ipsi nulla mora convolant ad rapinas; atque in iis dividendis, post depopulatas, direptasque Prilam, & Polinizzam, non levem excitatum tumultum Fuscarenus sua dexteritate compressit. Hoc sedato, & fluvio Cetinæ trajecto adversus oppidum progressus est, & quartodecimo Kal. Martii obsidio instituta, excitatis munitionibus, quæ omnes aditus subveniendi oppido intercludebant. Turcæ vocati ad operas obsidionales everendas forti conatu in easdem irrumpere: sed rursus Dalmatæ militiæ victricia arma experiuntur: quingenti in acie ceciderunt ex tribus millibus: par numerus in captivis, & faucibus recensitus: reliquos cum ductore Bassa Daniele nomine, viro potèrè, præcepit fuga distraxit. Prosper hic dimicationis exitus, qui obsessis interceptis auxilia extremum illis minabatur excidium: sed non desperatæ opis fiducia, obstinatis animis protrahebant deditionem: quam ut extorqueret Fuscarenus voluit per inaccessas etiam rupes trahi muralia tormenta, in editioribus tumulis collocari, & contra oppidum dispendi. Ita globorum vi concussa mœnia, & per loca convulsa reclusus ingressus, sollicitarunt obsessos, ut se dederent. Decimo igitur obsidionis die Fuscarenus Venetæ ditioni reddidit Duare, Almissæ urbi in Illyrio conterminum, maximi momenti Dalmatiæ securitati.

G g g Na.



*Navalis Classis successus, Imperatore  
Leonardo Fusculo.*

MDCLIII.

**L**eonardus Fusculus in Cretam delatus omnes Ægæi latebras, & sinus accurata indagine lustrando hostem quærebat ad pugnam. Sui voti compos illum prope Leriam insulam offendit: qui tamen inquirentis, ac insectantis conspectu, & robore perterritus fugæ se commisit. Sequutus fugientem non apprehendit, vi venti contraria repulsus. Tunc primùm illi visa est fortuna dilabi; tametsi parùm circa Leriam refederit: quam insulam frequenti tormentorum percussione concussam obtinuit. Coos restitit oppugnant, quoad periculum ab ea depulit rumor in Rhodio portu inimicam classem expectare tempus transfretandi Cydoniam. Monitus hac fama; relicta Coos, Rhodum versus contendit, & in ea statione Turcicas triremes obsedit. Pugnatum est utrinque solis machinarum tonitribus pertinacissimè: interea casu accidit; ut ob aquandi necessitatem Venera Classe imminuta, Turcica de fuga cogitaret: hæc igitur arrepta, quæ se obtulerat, occasione, noctem nocturna suboscure, furtim æstu secundo e portu egreditur, & Cydoniam advehit auxilia: & incassum Fusculus tormenta explodit in longè provectam. Candiam reversus periculosa valetudine cœpit fluctuare: quo tempore Franciscus Maurocenus Classis curator munitionem in portu Epidauri Limeræ à Turcis erectam disjecit: absolvisset quoque ipsius oppidi expugnationem, disturbatis ab agro incolis: si qui exscenderant irrupturi in mœnia à muralibus machinis penè diruta; prædarum aviditate effusi per domos, perque cellas, & apothecas indulgentes vino, cujus insula ferax est; non provocassent obsessos in eorum perniciem. Erumpentes cum vi, & rabie in vagos, & ebrios, plurimos morti, fugæque

gæque dederunt : unde maxima orta confusio Maurocenum repulit ab egregio facinore classe reducta . Quod factum Fusculus ægre tulit non minus , quàm famam de Turcis liberè permeantibus cum suppetiis ad Cydonios : & licèt aliquando eorum naves à Navarchis essent oppugnatae : tamen resumptis illicò viribus legissent Australem oram Seleno castro, olim Pelicasio, in suam potestatem reducto . Idcirco plurimis confectus angoribus impetravit veniam remeandi in Patriam . Cæterùm adhuc manenti in expectatione adventus successoris , Aloysii Mocenici secundi ; quem Senatus iterùm maritimarum rerum generali administrationi præfecit ; nunciatur decreta Turcicae classis in annum sequentem expeditio .

*Pugna cum Turcica Classe infelix .*

MDCLIV.

**H**anc igitur expeditionem , ac militarem apparatus hoc anno, uti fama vulgaverat, adduxit in Hellespōtum Amurathes Bassa suo tempore in Ægæum erupturus : In classe quinquaginta quinque triremes , quinquereines sex, navigia viginti duo, & myoparones, celoces, liburnicæ ferè centum numerabantur . Monitus Fusculus de impendenti egressu, eò navigare jussit quò vocabat necessitas, Josephum Delphinum, navium Præfectum, & Franciscum Maurocenum Sinus Adriaci custodem : ut quindecim navibus, duabus quinquereimibus, octoque instructi trirēibus exire tentantem repellerent . Cum his viribus sibi modicè ministratis maturatè properarunt : utrumque metuebat Barbarus ob notam animi magnitudinem, & periculorum contemptum . Sed à perfido transfuga Georgio Blanco unius navigii rectore instructus de statu, & robore Veneræ classis, expugnatu facilis si Turcica audacter exiliens illam invaderet ; Exhilaratus Bassa Bejis, Punicisque stationariis in

G g g 2 Tc-

Tenedi, Trojæque sinibus suum indixit exitum valdè diluculo, secundante aquarum cursu. Rebus ita dispositis ab Hellesponti faucibus intento remorum pulsu erumpens subita aggressionè adoritur Prætorias Delphinam, & Maurocenam; cum quibus majoribus explosis tormentis cruentissimum orditur certamen. Nostri in hostium conspectu plumbeis glandibus, ignitisque missilibus, stragem maximam dabant. Verùm à validiori numero tanta pilarum, sagittarumque vis uno tempore à fronte, atque ex-adverso emissæ est, ut oppressæ naves, & classarii veluti pestifera grandine contusi succubuerint. Delphinam extremo periculo liberasset Comes Antonius Capilistius Patavinæ triremis Gubernator: sed illa ab incurso Turcicæ quinquere mis magno impetu percussâ admissis in sinum fluctibus demergitur: & Capilistius dum fortiter in sui defensionem pugnat, saucius capitur à Bassa, addiciturque mancipio. Mansit duobus annis captivus, tandem libertati donatus: quia in utraque fortuna in Rempublicam exitit officiosus, ab eadem ob antiqua, & recentia merita militaribus titulis decoratur. Maurocena nudata defensoribus lacerâ, & fatiscens, ne Barbaricæ potirentur, excitato incendio abiit in favillas: duæ aliæ naves pari exemplo conflagrarunt: neque ullus tam abjecti animi fuit, qui non mori potiùs non optaret, quàm vivere infidæ gentis mancipium. Sex horas sævit conflictus utrinque acerrimus: in quo cæsa dicuntur ad Turcarum quinque millia, & Bassa lethaliter vulneratus: nostrorum ex omni genere tria mortem oppetierunt: inter patricos insigni fortitudine, & virtute præstantes desiderati sunt Maurocenus cum altero ejusdem familiæ Daniele, & Sebastianus Molinus. Adierunt Turcæ Mitylene, & Chium nulla triumphî pompa: & Veneti Paroninsulam tenuere: qui duas biremes, totque naves, vel flammis, vel aquis depreßas, amiserunt: hostes quinquere mem unam, biremes tres, & duo Punica navigia gurgitibus absorpta.

sorta. Constans fama est: si Venetæ Classis vires Fuscus non enervasset intentus ad exigenda tributa ab Insularibus, sed integras contulisset ad Hellespontiacas angustias; seque obtulisset certamini, celeberrimam de prostratis hostibus victoriam reportatum iri.

*Irrita Tininii oppidi aggressio,  
Laurentio Delphino Dalmatiæ Præside.*

**H**Oc oppidum Knin appellatum in Dalmatia, ante septennium à Fusculo in eadem provincia arma moderante receptum feliciter incolarum fuga; quia iustum dirui, comburi, & solo æquari; totum non corruerit, & arserit, eorum incuria, qui tantum rapinas cogitarunt; Turcæ aliquot post menses suas ibidem sedes fixere iterum, & reparatam arcem eo munivere præsidio, ut sæpius confines de illius insultibus quererentur. Laurentius Delphinus Fuscarenæ successor, in Dalmatia Præses, quæ de oppido recuperando, animo agitabat consilia, suis ducibus exposuit: sed examinata cum multiplici sententiarum varietate pugnarunt: major pars detestabatur expeditionem hyberno tempore inopportunam, paratu difficilem, & exitus incertam ob loci situm, auctum præsidium, & incolarum vim, pavore deposito, ad repugnandum acriorem. Hæc obiecit Joannes Baptista Benzonius, afferentibus parum munitum oppidum; desperatum auxiliis & comœatu; omnia circum juga aspera, nivibus oppleta, geluque rigentia, ad necessaria comportanda moram, ac impedimentum afferentia. In ea sententia aggrediendi præcipuus erat Albertus architectus, cui adhæsit Delphinus inflammatus ad gloriam, spe faventis fortunæ. Itaque Kalendis Martiis Sebenicum versus indicitur profectio: & Scardonæ octavo die lustratur exercitus, qui constabat quatuor peditum millibus cum Morlachis, & equitibus octingentis. Omnia curabat Benzonius equitum Præfectus, & quadriduo post  
haud

haud procul Tininio locavit castra . Jussit Morlachos obstruere aditus ad oppidum , ne illos Turcæ transilirent : & victa itinerum difficultate , tormenta , militum , remigumq; labore pertracta , in summo vertice deposuit : ac tandem traductis copiis arduos , abruptosque colles emensus Tininiis suas vires ostentans ad terrorem illos in deditionem pertrahere conatus est . Turcæ jam pridem cognito Venetorum incessu , & eo observato , è montium cacuminibus instar decurrentium aquarum in clivos præcipitanter descendunt , quinque millium numero , & magno equitatu . In unum conglobati ad recludendos obstructos aditus in Morlachos immani rabie irrupere : quo valido impetu graviter percussis , & manifestæ neci expositi tumultuario recessu stationes deseruerunt ; non sine strage , plurimi adversis vulneribus fuere interfecti . Inde totus perturbatus , & confusus exercitus ; gregariæ turmæ præ timore palantes missilium jactus non evitant : qui auxilio erant ab oppido ipsa loci iniquitate submoventur : tormenta in irritum jaculabantur contra munitiones congesta humo firmatas . Bis mille militum ex stipendiariis obversa fronte ingruentibus Barbaris resistere quousque confluenti multitudini cedere coacti sunt . Postremò ab hostibus omni per terrestria itinera & fluviorum transmissiones effugio intercluso , cum alium exitum virtus non haberet , Duces , ne captivi remanerent , capiunt consilium solvendæ obsidionis : atque eò citius , quòd nullas Delphinus per absentiam vires suppeditabat . Igitur præcipiti festinatione ab hostium manibus se propriipiunt , relictis impedimentis . In concepta trepidatione , & fuga fortunati , quòd Turcæ non sint persequuti consternati exercitus reliquias : & propterea suâ extenuarint victoriam . Hæc infelix expeditio tria millia militum abstulit , partim dispersa , partim occisa : & inter præclaros duces Joannem Baptistam Dottum è vivis eripuit , cujus singularis invicti animi constantia præcipuè enituit , cum à con-

fer-

fertissima hostium manu circumventus conanteque tormentum rapere suæ custodiæ traditum , non priusquàm abscissis cervicibus ab illius tenaci amplexu divelli potuit. Tum redacta in potestate hostium impedimenta omnia, tum publica, tum privata: mille tantum Turcis desideratis.

*Morlachorum eruptio in Turcas.  
Pirata domiti.*

**T**UUCÆ non multò post quàm repulsis Venetis, servarunt Tininium, in Jaderæ finitimos liberis excursibus bacchabantur: urebant agros, ac tuguria; abigebant pecora, & jumenta: homines trahebant in servitutem. Nostris per eos dies eandem urbem ingressi incumbabant reficiendis viribus, ut cladem recens acceptam rependerent. Interea Morlachos ad signa reductos præteritæ inertiae pudor admonebat inustam suæ genti notam abolere. Ut igitur inaudiunt in vicinos Turcicas irruptiones libero cursu exerceri, acuentes ad vindictam stimulos, observata nocte illuni, tacito incessu, subitoque illato impetu incauti hostis stationes adoriuntur; & invadunt vigiles, somniculosos, atque obvios quosque multa cæde posternunt. Inopinatò comprehensos terror tantus occupavit, ut undique per tenebras discurrentes, in aggressorum arma evaderent. Huic nocturno facinori felix illuxit eventus: à paucis plurimi victi sunt, recepta furta, & exempti, qui erant in vinculis. Notiorum ex occisis capita contis affixa lætissimi triumphi simulachra exhibuere omnibus eadem, quæ pari in discrimine cum Morlachis passi erant, ulcisci parantibus. Eodem Tininii factò Turcæ redditæ insolentiores Dalmatiæ oram, & sinus armatis myoparonibus infestantes piratarum more latrocinabantur. In temerarios prædones insurrexit Antonius Barbarus Adriaci pelagi Custos: eos inventos propè Perastrum compressit, & piraticis navibus exuit, restituta com-

commeantibus securitate . Hanc etiam per id tempus præstitit trium Insularum Præfectus , qui prædatorias aliquot naves Naupacto egressas oppugnavit , & succendit : & quos de latronibus fuga non subduxit , ultore ferro punivit .

*Aloysij Mocenici altera in Turcas expeditio .  
Ejusdem mors .*

**R**evententi Venetias Fusculo Patres substituere Aloysium Mocenicum : ut rursus in regendæ classis administratione suæ pristinæ virtutis , ac invictæ fortitudinis documenta renovaret . Maximo apparatu ab urbe discedens adduxit secum Horatium Odoardi Parmæ Ducis fratrem , peditatu in ejus provincia collecto trium millium : & Alexandrum Borrum bellicis in rebus notissimæ experientiæ ad Reipublicæ stipendia accitum , ut militum exscensionibus præsideret . Prospera navigatione Cytheram apulit : & quem expectabant festivis auspiciis salutarunt auxiliares Pontificiæ , & Melitenfes triremes : quibus , & sibi de communi studio gratulatus continuò trajecit in Cretam . Tunc temporis Turcica Classis adornata pari trirremium , & navigiorum numero , quæ simul erant sexaginta ; præter quinqueremes sex , & innumeras minoris formæ naviculas , in Chio morabatur sub Amurathis Bassæ imperio . Qui non ignarus de Mocenici adventu , cujus prudentiam , ac fortitudinem extimescebat , ut congressum aliquo astu effugeret , & Cydoniam se tutò transferret , evulgavit expeditionem suam Regio jussu in Cephalleniam . Verùm certior fama detulerat Mocenico mendacium Bassæ ; nulum habere mandatum , neque virium satis ad eam insulam tentandam : sed de juuanda Cydonia properæ festinationis præceptum : cui non erant retardanda subsidia , ne Regis in se provocaret indignationem . Ergo statuit moras abrumperet , & parere Regi præcipienti , educta classe iv. Kal. Julii :  
verum

verum ubi contra se Venetam stare conspexit, paratam ad pugnam, metu correptus illicò refugit in portum. Incertus consilii, & plenus timoris diem integrum mansit in expectatione secundæ tempestatis: hanc postera luce nactus, summo manè placide excitato Aquilone processit in altum. Classem, cui ventus, & mare favebant, Venetæ quinquereines persequébantur, & classico ciebant in certamen: sed Bassa, ne cessante aura congregi compelleretur, conversis proris in Euboicos euripos, & in sinum munitissimæ arcis cōfugit. Exinde æquiori fortuna destinatum iter confecit, Cydoniam intulit suppetias: & his expositis, feliciter remensus mare Constantinopolim regressus est. Nostri maligna, & invida fata querebantur, quæ, cœlo, pelagoque infestis, victoriam è Mocenici manibus eripuissent; tandem ab Insulis antea vexatis aliquot asportantes navigia, Cretica littora tenuerunt. At Mocenicus ubi Candiam accessit: ultimum vitæ discrimen subiit ingenti totius militiæ luctu. Mortem tanti viri, quem Turcæ timebant, ac venerabantur, fama est, lugubribus signis, mœstoque ululatu fuisse ab iisdem comploratum; hoc enim proprium habet virtus, ut etiam in hoste sit admirabilis. Nuncius, qui cum cadauere Venetias venit, civitatem summè afflixit, turbavitque Senatum, quòd Classis Imperatoris interitus alenissimo Reipublicæ tempore contigisset.

*Ægina, & Vollus expugnata.*

*Hieronymi Fuscarenis obitus.*

MDCLV.

**H**Oc ineunte anno Franciscus Molinus Princeps migrat è vita: succedit Carolus Contarenus: & Hieronymus Fuscarenus, qui fuerat Dalmatiæ Præses, evehitur ad maris imperium, ut vices defuncti Mocenici impleret. Maxima navium, militum, pecuniarum,

H h h & com-



& commeatuum copia accessit in provinciam, quo tempore Franciscus Maurocenus Classis Curator, cum Alexandro Borro, Aeginam in Saronico sinu, & Vollum, urbem littoralem Thessaliæ expugnavit: Maurocenus, & Borrus decimo quarto Kal. Aprilis celeri appulsu, aliter cum triremibus littus obtinuit: alter exposito milite campum infedit, ut oppidum simul à terra, & à mari peteretur. Insulares omnem vim in externas munitiones jugi bombardarum percussione illatam, ac terrestres impetus quatriduo fortiter cum Turcis præsidariis tolerantes; tandem multa cæde, & jactura suorum exanimati, ac nostrorum oppugnatione fracti cesserunt oppido, & arce: qui autem evaserant, extremas Insulæ oras petiere. Aegina multata vastationibus, & incendiis; quod esset Venetis tributa exigentibus refractaria, docuit suo casu cæteras adjacentes insulas Scopelum, & Schiatum resipiscere, seq; profiteri vectigales. Ab hoc felici eventu Maurocenus auspicate se contulit in Thessaliæ sinum spe potiundæ urbis, cui nomen Vollus, illius tractus primariæ, absente Borro ducendis navibus præpedito: ne mora interposita occasio rei gerendæ efflueret; declinante in vesperum die vigesima secunda Maji urbi classem ostendit. Illam tuebantur Bassa, & Aga robustissimi viri præsidiis, muris, arce, turribusque munitissimam. Omnes conspirantes ad inferenda damna in conspecta navigia sua tormenta exonerarunt. Maurocenus illicò jussit classarios in continentem exscendere, tresque in classes dispertiri; quia triplici incursione statuerat, muros, arcem, turreseque scalis, pyloclastis, & cuniculis oppugnare. Dum Britonius, & Galesius Chiliarchæ milites ordinant, parantque machinas; fervens à classe tormentorum ictus pulsabat hostiles munitiones: non secus Turcæ impetu pari Veneta ligna infestabant. Sed in continenti cum celeritate, & silentio adeò cuncta peraguntur intempesta nocte scalas ad muros erectas conscendunt milites; pyloclastra por-

portam effringunt, & cuniculi prosternunt turres tanta vi, strepituque, ut confestim auditus sit flebilis ejulatus vociferantium, Venetos occupasse urbem; ubique excurrere, fomno adhuc obrutos, & obvios passim occidere. Repentina aggressionē confusi Bassa, & Aga adversus potitos munimentis aditibusque ignorant quid facto opus sit, jam vicini manifestæ cædi, si aperto matre vellent contendere; itaque territi, atque consternati, in arce se conclusērunt. Nostri subeuntes, tormenta in moenibus reperta in eam obvertunt, quæ proximè ruitura non mover inclusos jactantes se nunquam deditionem facturos. Tandem desperato consilio ab ea arcis parte, quæ vix ascendi poterat, præcipites sese in subjectam planitiem demiserunt. Hac fuga, capta fuit urbs, occupata arx, nudata impedimentis, & actæ prædæ opulentissimæ: omnia postremò devota flammis, & in cineres redacta quæ publica, quæ privata erant ædificia. Urbem hunc in modum deformatam prospexit è longinquo Græciæ Bejerbegus, qui ad summoventos ab ea hostes cum sex Turcarum millibus properabat. Utraque victoria modico sanguine Mauroceno stetit.

Post hæc in Saronico, Thessalique sinibus gesta, Hieronymus Fuscarenus ampla classe advectus, Andrum insulam petivit: & sollicitus circa ea, quæ in itinere digesserat, decrevit, expedito Mauroceno, & vires, quas secum adduxerat, & quas repererat in procinctu, Bosphorani faucibus promoveri. His jussis, atque ad præclara facinora erecto animo, in morbum incidit, quo brevi consumptus, occubuit: ingenti luctu ab universa militia deflerus.

*Lazarus Mocenici de Turcis victoria.*

**P**ER hos dies Lazarus Mocenicus, & duo Antonii, Zenus Navarchus, & Barbarus Custos Adriatici ad ostium Bosphori, observabant Turcicæ classis accessum, quæ du-

cta à Barazano Mustapha Bassa ferebatur explere nume-  
 rum sexaginta triremium, octo quinquereumium, cum na-  
 vibus onerariis triginta : minoribus naviculis ferè innume-  
 ris; ac tribus enormis magnitudinis Sulthanis. Omnem  
 egressus moram impatienter ferebat Mocenicus : cujus &  
 Maurocenus pertæsus, cum valida classis parte recessit, ut ab  
 Ægæo exturbaret Bejebejorum triremes, quas cum auxi-  
 liariis Melitensibus persequutus, huc illuc per mare dispu-  
 lit; & navis Punica Chium ab Cydonia contendens in  
 Equitum manus incidit. Tandem Mocenicus viginti na-  
 vium Præfectus cum Zeno, & Barbaro, qui octo triremi-  
 bus, duabusque quinquereumibus præsidebat, haud perterri-  
 tus permagno hostium robore; ubi ab exploratoribus acce-  
 pit in diem vigesimum primum Junii constitutam exeun-  
 tibus Turcis eruptionem; illicò suis hortationibus omnium  
 animos inflammavit ad illos intercludendos. In tres partes  
 dividit classem; Zenum collocat à sinistris cum navibus:  
 Barbarum cum triremibus à dextris: ita Græca, & Asiatica  
 littora magno obice obstruebantur: dum ipse à fronte in  
 sua Prætoria cupiebat obvium se dare hosti: qui quoties  
 prodiret, veluti expansis retibus inauspicatò conclusus,  
 non poterat inde se explicare nisi pessimè exceptus. Statu-  
 ta die, Bassa ventis undisque faventibus, Ægæum ingre-  
 ditur numerosa classe confusus posse modicam Veneto-  
 rum eludere. Mocenicus extemplò in egressam tanto im-  
 petu fertur, ut momento atrox ex propinquo prælium  
 coortum sit post primos tormentorum ictus cohærenti-  
 bus inter se triremibus. Ille nulli impar pugnans Bassam  
 ferocientem sæpiùs repressit, ac plurimos Turcarum occi-  
 dit: in molientes fugam triremes, navesque secus Græca  
 littora navigia immisit: quæ illas displosis tormentis,  
 jactuque ignitorum missilium adegerunt ad scopulos fra-  
 ctas, & incensas: grandiores quinquereumium pilæ Sul-  
 thanas expugnarunt: totamque classem intercluso effu-  
 gio

gio adorti Zenus, & Barbarus in perturbationem, ac tumultum maximum rede gere. Tandem post asperriam sex horarum pugnam Veneti victoriæ compores facti sunt, Mocenicoduce de Bassa profligato, deque Turcica classe majori ex parte comminuta, corrupta flammis, & submersa: reperti quinque mille homines ad transtra damnantur: decem millia occisorum capita referuntur: multi à vinculis soluti: & maxima commeatum, & armamentorum copia relata: tresque Sulthanæ in triumphum adductæ: quas de classe laceras reliquias Bassa servavit, Tenedus insula recepit: de Veneta cæsentum, ac quinquaginta; toridem numero sauciati: & navis una tantum à Præfecto voluntariò incendio absumpta, ne proximè à Turcis subigenda ipse cum filiis in servitutem traheretur.

Post hæc victrix classis cum Melitensum triremibus, vela pandit in Eubæam: inde flexit contra Epidaurum Limeram, cujus oppidum Maurocenus Turcis eripere statuerat, nam ex eo facilis erat trajectus ad subsidia Cydoniam transportanda. Antonius Barbarus suscepta oppugnationis cura juxta littus stationem habuit; facto ponte continenti adhæsit, & constructa munitione cœpit oppidum assidua pilarum pulsatione terrere, & quatere; at nulla exitus spe: quia non alia vi expugnari posse videbatur, nisi adhibito injectæ famis tormento: ac propterea omnis cura Ducis in commeatibus intercipiendis versabatur. Hæc inter quædam naves expeditæ ad exturbandos obsidentes se intulerant in ea maria obsessis opem laturæ; sed cum vidissent Venetos procurrere in pugnam, & propè vires conferre, recentis jacturæ memoria edocti, in altum illicò se proripiunt. Attamen quod hostis efficere non est ausus; obtinuit post bimestrem obsidionem imminens, & suspecta Autumnalis temporis tempestas: hæc Venetos compulit ad recessum, ne portubus carentes dispergeren-

gerentur. Igitur Epidaurus non invisa fato mansit incolumis. Secus Megara, quam Maurocenus vastavit, ac diripuit, licet cum Turcis repugnantibus Græcis, quorum plurimos cæcidit, egitque in fugam. Ibidem magnam frumenti copiam Turcæ, & Insulares pretiosiora quæque congefserant: quæ omnia inde ablata, & aliunde collecta spolia Candiam invexit Maurocenus, quo tempore eidem nunciatum fuit summam totius Insulæ administrationem sibi ab Senatu decretam, Andrea Cornelio ad alia obeunda munera destinato.

*Multiplex in mari cum Turcis dimicatio.  
Laurentius Marcellus pugnando interiit.*

MDCLVI.

**H**OC anno pridie Kal. Maji Carolus Contarenus Princeps discessit è vivis: & illius successor Franciscus Cornelius intra vigesimum diem morte sublatu relinquit sedem, quam Bertucius Valerius sexto decimo Kal. Junii obtinuit. Dum hæc funesta succedunt in urbe in sinu Adriaco Laurentius Marcellus, quem Senatus clarum longa navalis disciplinæ peritia mortuo Fuscarenò suffecerat, foeda tempestate jactatur cum classico apparatu, quo ventis procellisque disperso, una tantum navi Zacynthum attingit: reliquæ paulò post eò quoque venire valde quassæ, compensarunt tamen acceptam molestiam visâ sui ducis incolumitate. Qui refectis viribus festinanter solvit in Cretam, & dum solerti studio explet in munienda Urbè Senatus mandata, monitus de proximo Turcarum ingressu in Ægæum exreplò omnes ejus insulas explorare statuit, ut opportunius obfisteret trajecturis. Navigantis contrarius ventus classẽ Diam rejecit, expulsamque inde Jos, ac Thera recepit: in hac Lazarus Mocenicus morabatur.

Marcellus placato mari, & transcursis Paro, & Naxo, aliisque

que infulis, multos in his reduxit ad obsequium extorres, & qui fagerant de Venetis classibus eos humaniter exceptos verbis, & promissis in pristina munia restituit; Andrum vela direxit, habuitque in itinere obvium Maurocenum quinqueteremium Præfectum. Supervenit etiam Marcus Bambus, qui cum duodecim navibus ab urbe solverat, ut Mocenici munus ex Senatus consulto susciperet. Tota classis, in qua Mocenicus, dimissa navium Præfectura, honorarius miles haberi voluit, instructa viginti quatuor triremibus, navibus octo & viginti, cum septem quinqueterimibus, præter Melitenses, xi. Kal. Junii ab Scyro ad Hellespontii ostia defertur: & in vicinis aquis confedit explicata tripartito agmine, ut exeunti Turcicæ undique adimeret transitum. Quoniam verò illius mora expectatione longior summè angebat Marcellum, ad alias interim incitatum expeditiones urgebat pugnandi desiderium, ne unius mensis cunctatione, & otio ardor confligendi in classiariis languesceret. Hæc secum reputanti iteratæ speculatorum voces annuntiant adesse hostes, quæ totam classem pervagatæ, omnes ingenti lætitia replerunt, nam quò cupidiùs hostium optabant accessum, eò molestiùs tolerabant congressus dilationem. Marcellus præ cæteris paratior ad conferendas manus, hortando, precandoque unumquemque jussit expedire arma animosque, & recordatione rerum gestarum circa eadem loca sperare victoriam. Decimo igitur Kal. Julii visa est Turcica classis ad Arces Hellespontiaci freti accedere remige, milite, & comœatu perquam maximo munita, & vires suas ostentare robustissimas, cum Basso, qui objecturus omnem vim sui itineris turbatoribus, duo promontoria haud longè ab Arcibus, Europæum, & Asianum, pluribus tormentis bellicis compleverat; quæ ab utroque littore displosa cohererent Venetam in altum se recipere, ut sua liberiori exeundi spatium haberet, tres dies continuatis jaculationibus pugnatum est: quo

tem-

tempore nostri omni posthabito periculo supra modum invigilabant ne ante hostis elaberetur; quàm iter ipsi intercluderent. Hæc inter Bassa leni aspirante aura ab Austro, & undis pacatè fluentibus classem movet ab Hellesponto in Ægæum: Strabat Veneta in prociñctus: sed progredi ad subitum aggressum impedita à ventorum, aquarumque infestissimo incursu, morabatur, erat tamen in conspectu, habitu pugnaturæ, tam è propinquo, ut Marcelli Prætoria cognita ex Marcio vexillo, quod explicuerat, certissimis majorum tormentorum ictibus peteretur: verùm ille licet è suis aliqui tacti perierint: nihilominus intrepide propositæ sibi gloriæ insisteret. Æquali cura Mocenicus invigilabat: non secus Bembus cum cæteris Navarchis, & classiariis ducibus, militibusque, quibus omnibus erat idem mentis, animique stimulus per summum hostium contemptum irumpendi. At nondum fortunæ favor à Turcis aberat; nisi postquam ea uti nesciis, favente Numine justæ causæ, ad Venetos se convertit. Turcæ detrectantes in aperto mari pugnam, trahentis ad perniciem fati vim sequuntur, dum suam classem reducant in littoreos Natoliæ sinus: rati eam tutam fore ab omni impressione, quam longè arcebant machinarum tonitru, & grandium pilarum procella. Hic Turcicæ classis deflexus Venetæ secundi eventus omen fuit: idcirco Marcellus cœpit illicò excitare milites tã bono auspicio ad propria munera fortiter obeunda. Deinde justit leviora navigia incitari remis, remulco moveri naves, & ab expeditis triremibus hostium stationem oppugnari. Hostilem classem omnium primus Mocenicus publicè Sulthanæ gubernator plumbeis glandibus, sulphuratisq; missilibus lacessivit. Melitensem acies in eandem dedit impetum, quæ altum petere intendebat, & fugere. Bembus quoque illam repressit suis navibus adortus, in quibus Horatius Princeps Farnesius egregium militaris virtutis specimen edidit, cum Alexandro Borro exercita fortitudine claro, omnes auda-

cter

cter in aperta pugna discrimina se immiserunt. Ad hos  
 primos impetus ingens metus Turcas corripuit: quare ab  
 omni parte, quam evaderent circumspectabant. Bassa  
 in summa consternatione nactus effugiendi locum repen-  
 tē proripuit sese ex acie, ac turpissimē intra Bosphorum  
 latitavit: reliquam classē conantem pariter moliri fu-  
 gam Mocenicus sistit, & circumventam à tergo, & à late-  
 re Barbarus, aliq̃ue trirēmium, quinquerēmiumque Præ-  
 fecti, multa cæde, strageque lacerarunt. Medius in-  
 agmine Marcellus constanter, atque intrepidē consilio,  
 & exemplo hortatur, incitat, & impellit è celsa Prætoria  
 (in quam hostes identidem collimabant ictus) ad omnes  
 Turcarum assultus impressionesque eludendas; ac vera vir-  
 tute urgere. Hac ille plurimos præcipites in undas dejecit,  
 non paucos resistere audentes ferro cecidit. Itaque incre-  
 dibili celeritate unam de Sulrhanis occupavit, ac ulterius  
 rapiente ardore pugnandi progressus, dum alteram rape-  
 re ferreis uncis, & secum trahere allaborat majori glande  
 percussus extinguitur, quo momento singulari victoria erat  
 illustrandus. Tanti viri necem oculuit Joannes Marcel-  
 lus vices gerens, & ne turbata classis extincto Duce à perse-  
 quendo bello cessaret: Curator Barbarus Baduarius illius  
 curam suscepit: & milites, qui conscenderant Sulthanam,  
 ex qua fatale tormentum explosum fuit, Turcas certamini  
 superstites ad unum trucidarunt. Increcente pugna sen-  
 sim residere hostium vires: neque unquam illi donec sol  
 occideret, se subducere potuere; nostris impigrè illos cum  
 auxiliari manu ejectos in Natoliæ littora prementibus.  
 Multi Navarchi, quibus effugium in terram patuit, deferue-  
 re naves, quæ vacuæ defensoribus jugi pilarum grandine  
 contractæ, & immissis ignibus combustæ verterunt noctem  
 in diem, & lætissimam triumphī faciem præbuerunt victo-  
 ribus. Postera luce, quæ incendio superfuere, ausæ iterum lu-  
 ctari ab Joanne Marcello partim capræ, partim incensæ ab



Antonio Barbaro infanzæ temeritatis dederunt pœnas. Tres Venetæ naves correptæ alieno igne conflagrarunt: Mocenici quoque Sulthana idem fatum subiit; & deplorandum magis; quò eidem se ad omnes ictus aperienti plumbeus globulus oculum eripuit. Stetit hæc victoria in ipsis Hellesponti faucibus reportata modico nostrorum sanguine, sed ingenti jactura in Marcelli morte, qui animo conceperat, si ei contigisset tam validam profligare classem se inferre in Hellespontum, & majorum suorum exemplo in ipsam Regiam urbem facere impressionem. Venerunt in potestatem octodecim Beleberjæ triremes: undecim in Melitensium manus cum tormentis, & captivis, illorum egregiæ fortitudinis præda: pauca transtra à Venetis in triumphi signum asportata, cum reliqua rebus bellicis exinanita subditæ flammæ in fumum, & cinerem redegebant. Quantus fuerit occisorum Turcarum numerus nemo potuit exploratum habere: infinita propè dicuntur cadavera, quæ per undas sanguine rubentes fluctuabant, & jactabantur: septem captivorum millia fuere exempta à barbara servitute: qui libertate donati in publicis navigiis meruerunt. Cum hujus victoriæ nuncio Lazarus Mocenicus quinquere mi Rhodia advectus, & intercepta in itinere navi Punica multa merce onusta, Kal. Augusti Venetias pervenit. Æstuaria ingressus, explosis bombardis, classiariis lætitiæ voces ingeminantibus; atq; cum Turcicis vexillis undas verrentibus Marciani fori ripas attigit. In terram exiliens circumfusæ civitati nunciat victoriam: & coram Principe, & Patribus exponit ad arces Dardanellas hostium classem non victam modò, sed fusam, deletamque fuisse. Extemplò effunditur in omnium animos ingens gaudium: & pro gratiarum actione publicæ indicuntur preces. Mocenicus, qui læta, & multa ab se gesta detulerat, cum equestris honoris titulo aurea torque donatur: eique Cretam revertenti Senatus, quod Marcellus exercuerat, summum maritimi imperii munus decrevit.

Te-

*Tenedus, & Lemnus insulae captae. Alexandri Borri,  
Horatii Parmensis Principis obitus.*

**V**eneti Duces ex occasione commissi feliciter praelii fortunatiora sibi polliciti consularunt; vel Cydoniam victricem promovere classem: hæc Guilielmi Azoni Equitis Avogadri Tarvisinæ triremis Navarchi erat opinio, & in eam mitti expeditionem ardens desiderium, (præmissis Turcicis triremibus, in pugna captis, quæ mentitæ patrios habitus, & acceptam de Venetis victoriam, ostentantes oblata signa cum ululatu, & sonitu classico, si portum tenerent; tum delecti milites exilirent, districtisque gladiis deceptam hoc astu, imparatamque subsequente reliqua classe, occuparent) vel Insulas Tenedum, Lemnumque, non multò ab Hellespontico ostio se junctas totis viribus invadere; quarum potiti facilius, securiusque deinceps hostibus transitum occluderent. Eisdem Marcellus uita comite, & fortuna erat aggressurus; nam illis subactis præfagebat Venetis armis feliciores eventus; idcirco Baduarius, arcanorum conscius, accedente Senatus consulto mortui Imperatoris excogitatum facinus moliri statuit. Hoc major Ducum pars sequuta est consilium, rejecto priori, cui Barbarus, uti præsentissimo remedio ad eximendam Cretam ab Turcica vexatione, adhærebat: qua de causa à reliquis digrediens Candiam trajecit, à Præsede, qui ejusdem erat sententiæ comiter exceptus.

Decreta in Tenedum expeditione Venetæ classis regressa Meliteni in Occidentem (nisi sub summo classis Imperatore militare prohibita:) pars una mittitur ad auferenda armamenta ab incensis triremium, naviumque reliquiis: & altera viribus major tertio Non. Julii se dat in destinatæ Insulæ conspectum. Borrus ad obeundum munus littori applicitus illicò facta peditum, equitumque exsensione,

Iii 2 occu-

occupatos aggeres munit, & in hosticum jubet excursiones fieri. Turcæ repentino accessu haud terriți numerosiores egressi adoriuntur obvios, & conjiciunt in fugam. Tamen ab equitatu, cui Villalta Foro-julienfis præerat, reducti adsigna, obvertunt faciem in persequentes, quos cogunt multis confossis pedem referre. Tunc Borrus cum recenti supplemento omnibus antesignanus usque ad Oppidi proximum vicum provehitur tanta hostium trepidatione, & fuga, ut confertim eo deserto in arce se clauderent. In occupato vico plura dolia vino oppleta reperta fuere de industria à Turcis relicta, ut milites, in se dulce merum ingurgitantes fierent ebrii, & magis obnoxii eorum impressionibus. Cognita fraude, quæ alibi pari ingenio structa Turcis profuit, Borrus omnia vasa confregit: & in oppugnationem oppidi intentus triplicem muralibus machinis sedem posuit, quæ diu, noctuque incessanti jaculatione mœnia, & arcem concuterent. Hac Borri solertia fuit obsessa Tenedus: & à propugnatoribus fortiter defensa: denique vi subacta venit in deditionem; cùm præsidarios Turcas, atq; Tenedios graviores pilæ molestissimè infestarent; quarum una lapsa in sulphureo pulvere confertum penu, horrendo fragore, terræq; motu, magnum excitavit incendiū, & ruinam; cumque aliæ è navibus educæ turinæ internecionis metu acrius urgerent: tum de tradendo oppido, vel reluctante Bassa, extulerunt signa. Borrus in conditionibus munificus, & vitæ incolumitatem, & innoxium ad Trojana littora reditū concessit; atq; cunctis, qui exierunt oppido in suis tentoriis lauta cibaria paravit: sed Bassa jejunos deditionis fatum suorum ignaviæ imputabat. Ita recepta est Tenedus, de qua olim Veneti cū Genuensibus plurimis bellis disceptarunt. Deinde munitæ à Borro vallo, fossis, loriciisque, tormentis æneis, aliisque ad quamcumq; vim propulsandam machinis, atq; instructæ tanto classis numero, & veteranæ militiæ robore; quanto publicæ intererat securitatis, dari sunt Præfecti duo

Joan-

Joannes Contarenus titulo Ordinarii, & extra Ordinem Jacobus Lauretanus, ut Insulam perquam accuratissime custodirent: quia in ejus possessione fideliter, ac strenue retenta ipsum Byzantium à mari videbatur obsessum.

Redacta in Venetam potestatem Tenedo, Baduarius classem ducit Lemnum, alteram Ægæi nobilissimam Insulam; quæ se tutam credebat quatuor millium peditum, & trecentorum equitum præsidio. Conspexit quinque Venetas quinqueremes suo littori appulsas Kal. Augusti (nondum Borrus cum navibus advenerat) & nulla mora in oppidum Stalimini dictum, à quo illa Stalimene appellatur; expositos milites, excursus fieri, & nequicquam obistente equitatu vicinum collem infessum à copiarum ductore Bertone. Sequenti die adfuit Borrus, & è navigiis deductis turmis, extractisque tormentis cum Baduario decrevit Insulæ primariam arcem fore petendam. Quare dispositis aggeribus, collineatisque tormentis illius munitiones, & propugnacula cœpta sunt verberari: satis animi, & constantiæ inerat propugnantibus à principio: sed perpetua volitantium globorum grandine confusi, & flammarum, missiliumque jactibus obruti, tertia ab oppugnatione die coguntur se dedere, & has accipere condiciones; Ut armis spoliati in proximas continentis oras migrarent suis actuariolis, sarcinas tantum ferentes. Hac festinata deditione periit tempus auxilii, quod Natoliæ Bassa destinarat; jam accesserat quinqueremis: at frustra; subita nostrorum impressio emerfos auxiliares coërcuit, captosque inter remigantes distribuit; cujus sinistri successus fama alios à Bassa mittendos deterruit. Lemnus intra paucos dies expugnata, Arce Veneto imperio adjuncta, duos habuit Præfectos Petrum Contarenum, & Faustinum Ripam; ac quingentos milites in præsidium.

Post hæc Baduarius classem inde removet, & Ægeum percurrēs prædas è pluribus Turcarum navigiis Cydoniam sub-

subsidia deferentibus capit: eorum tamen aliquot prædatrices manus effugere. Borrus interim relictus in Insula omni solertia curabat validas equitum turmas colligere ad majora audenda, quæ secum vir impiger cogitabat pro Reipublicæ incremento, ac dignitate.

Cæterùm hujus anni exitus duorum illustrium virorum funere infaustus fuit. Horatius Parmensis ingentis, & invicti spiritus Princeps in navi, qua Venetias revertebatur, intestinis jactatus doloribus è vita discessit: Borrus Lazaro Mocenico proficiscenti in Cretam obviam mittitur à Classario Duce Baduario, ut arcanum animi sui aperiret de præclarissima aliqua expeditione: Ille solus, quo conscenderat navigio, duobus recusantibus euntem sequi, dum Zacynthum versus iret, in Punicas quinque naves incurrit, cum quibus coactus pugnare, Prætoriam intrepidè aggressus oppressit: verùm cùm esset à reliquis tormentorum vi incessanter oppugnatus, & graviter vulneratus in coxa, venti prosperè flantis subsidio in Corcyram direxit vela. Ita ab hostium conspectu evolavit: sed iniquo comitante fato ad eam insulam pervenit, in qua ex vulnere, quòd nulla ope medica juvari potuit, exanimatus occubuit. Hæc tanti Ducis jactura ab omnibus uberimis lacrymis deflata fuit, ob illius in rebus bellicis ubique magna cum laude gestis, prudentiam, ac virtutem singularem.

*Lazari Mocenici gesta cum Turcis, & interitus.*

MDCLVII.

**V**Ix effluxerat superior annus, cùm Lazarus Mocenicus ad maris electus imperium navigavit in Cretam magno nautici apparatus præsidio. Solverat ab urbe animo deliberato in suscipiendis expeditionibus, vel prodesse Reipublicæ: vel sibi parare gloriosam mortem. Naviganti renunciatum fuit de Marchionis Borri obitu, quem graviter,  
mole-

molestèque tulit. In ejus locum adscivit Odescallum Comitem Polcinici, ut eandem, quam in Tribus Insulis, militaris descensus Præfecturam, obiret, donec alium ad idem munus Senatus destinaret. Intereà Turcæ triremes triginta duas, plura navigia cum multis myoparonibus Ægæum traduxerant quarto Non. Aprilis, quæ transitio opinione, ac tempore celerior facta fuit ex metu, ne Veneti promptiores ad vim, Regiam classem intra Bosphori claustra concluderent. Liberè egressi cogitarunt ex improvise adoriri, & recipere Tenedum: sed repens in appropinquantem Insulæ maris, cœlique procella confurgens quinque eorum triremes pessimè vexavit; reliquas per incertum mare ægrè collectas tenuit Chius, & Mitylene. Mocenicus, qui pridem Candiam pervenerat, cognito ex rumore hostilis classis egressu, extemplò inde se proripuit, celeremque cursum ad illius perquirendas stationes instituit. Littora, & insulas perferutanti valida rostratarum navium acies occurrit; quæ Punicæ, & novem numero velis, remisque iter suum Chium versus maturabant. His ille conspectis sine cunctatione occurrere obviàm constituit; ne, permisso accessu, vires hostium caperent incrementum. Itaque accinctus ad pugnam distributæ classis medium sibi locum delegit, præcedente Antonio Barbaro, dexterum Curatori Baduario, sinistrum Conquisitori Leonardo Michaelio demandavit: ut omni ex parte circumvento hosti necessario pugnandum esset. In certamen procursum fuit cruentum, & obstinatum. Tribus horis stridore ingenti tonuerunt majora tormenta in Venetos; etiam Chia Arx grandinabat omnium missilium jactu: spemque ostentabat Barbaris proximioris auxiliij aliarum adventu navium. Porro Mocenicus ubique animo, & consilio præsens omnes excitabat, ut pugnandi artem, audaciam, & in periculis fortitudinem ostenderent: qui impavidi Ducis æmulatione accensi, strenuè, atque enixè dimicarunt. Circumdatos

arcto

arcto amplexu hostes invadunt : & generoso conatu insiliunt in naves : ex his quatuor vi, atque armis expugnatae in potestatem venire ; & illa praecipue, quam ductabat Archithalassus Mehemetus Belga cultui Turcico mancipatus : hic à Mocenico caesus suae perfidiae poenas tulit . Totidem naves arenae impactae, & desertae à fugientibus igne fuere consumptae detractis armamentis. Unam longè vagantem obsecundantis venti flatus eripuit à conflictu : sex aliae par discrimen subire veritae altum tenere . Mocenicus sub Chiensium oculis hac potitus victoria nullam Venetarum navium jacturam passus est : Christianis plurimis inter captivos solvit vincula : & captos Turcas ad transtra applicuit : quantus autem fuerit debellatorum numerus computari non potuit ; cum illos promiscuè ferrum, mare, fuga abripisset : centum, ac viginti amiserunt nostri praecleara morte extinctos . Hujus felicissimi successus Nuncius Venetias missus properè adstitit : & dum tota Civitas summa efferebatur laetitia, morte absumitur Joannes Barbadicus Marcius Procurator . Opportunum Senatui incitamentum ad illustrandam Mocenici virtutem : quare majoribus in Comitibus habitis Kal. Aprilis illum Procuratoria dignitate, quae amplissima est, & Principi proxima, cohonestavit. Par-  
ta hac victoria, & relicta Chio, novis rebus animum adje-  
cit. Vocatis itaque in consultationem navium, armorum-  
que Praefectis, statuit, classe refecta ex damnis, quae supe-  
riori pugna contraxerat, à Scala nova transire in portum  
Svazichium, id loco nomen est, ubi fama afferebat sex re-  
periri naves Algerias piratica infames ; & gaulos nonnullos  
Alexandrinis mercibus onustos ; quos in ipso portus ostio  
navis magna tutabatur validissime munita . In decretam  
expeditionem decimo septimo Kal. Junii proficiscitur : lit-  
tori appulsus innumeris tormentorum ictibus excipitur  
tum à mari, tum à terra : ab omni tamen jaculatione immu-  
nis suas naves contra hostiles explicat, & in continentem  
jebet

jubet exscendere milites . Laboriosum utrinque certamen exoritur per aliquot horas maximo ardore, varioque eventu . Fuere tandem repugnantium insulanorum catervæ fugatæ ; obluçantium Turcarum cunei repressi ; & in navium concursu disjectæ profligatæque Turcicæ : ubique intrepidè præeunte Mocenico . Aggressus deinde opidum, in quo pretiosiora quæque congesta erant, non solum illud expugnavit, sed evertit: opulentissimam abduxit prædam ; machinas extraxit à Turcis in locum præsidii deportatas post ereptam Cyprum : & militibus concessit gaulorum, naviumq; direptiones . His prosperè peractis in spem venit Chiæ Insulæ obtinendæ : verum illuc tendentem constans rumor admonuit Turcas in Tenedum irrupturos magna classe, numeroq; peditum, equitumq; exercitu . Hac fama eò intendit vela, & intentus ad retinendam Insulam, selectiores quinqueres, ac naves delegit, quæ cum auxiliaribus Pontificiis, & Melitensibus, hostium conatus comprimerent . Post hæc aquæ penuria coactus, Imbrum dum navigat aquatum, Turcæ illius explorata absentia, occasionem exeundi ab Hellesponto solerter arripiunt: & audacissimè prorūpunt: primo incursum Marci Bembi prætoriam invadunt: qui à septem petitus, & circumventus navigiis celeritate consilii præcogens anchoras periculo se explicavit . Subinde alias adorti comparatas ad excipiendos eorum impetus non modica damna passi sunt: nam classes juxta mutuis odiis, & ictibus committebant certamen, tandem superante Veneta, cogitur Turcica fugata, ac diminuta cum cæde, & strage recedere; fortiter se gesserunt Antonius Priolus, Ludovicus Bassus, cæteriq; Trierarchæ, quorum unus Aloysius Fuscarus vitam perenni gloria cum morte commutavit . Ex hac pugna in multum diem, qui fuit Julii decimus septimus, obnixè protracta, Veneta victrix quinque hostium naves oppressit ; & unam, Alexandri Zanii robore acquisitam, deduxit in triumphum:

Kkk addi-



addita quinqueremi, avulsa à reliquis quæ combustæ, & impellentibus fluctibus ad scopulos contractæ fecere naufragium. Percouserat Mocenicus tursus tormentorum fragor, strepitusque, quare sibi non esse cunctandum ratus accedere quo bellica signa vocabant, ne, si quid aduersi contigisset, suis differret auxilium, exemplo Imbro discesse. Navigantem cum festinatione conspiciunt ex longinquo duo de triginta triremes Turcicæ, quæ opinantes eum esse Rhodium Bassam prope ratò currentem ad Tenedi recuperationem, illi alacres occurrunt: at vix progressæ dum è speculis prospectant Veneta insignia, raptim ex metu convertunt proras, fugiuntque ad Natoliæ, Trojæque littora. Hæc Turcæ firmissimis propugnaculis muniunt: & collocatis ex ordine tormentorum sedibus ita protexerant, ut videretur nulla de Veneris navis illac transire, necdum appellere posse inoffensa, quod abundabat machinis, sagittis, facibus, quas expedita militum manus jaciebat in præternavigantes: id moliebantur, ut in pristinam dominationem vindicarent Tenedum. Mocenicus ad suos reuertens: certiorque factus de Turcicis tentamentis, ne minimo quidem spatio temporis interjecto, censuit hostem ubique persequendum esse, ac infestandum. Ideo juxta occasionem, quam casus obtulit, quinque triremes Asianum litus radentes è vestigio insequitur perpetua majorum machinarum verberatione: unam adnitentem vim facere, intercipit; reliquas graviter percussas compellit ex fuga in arenosas syrtis. Cæterum anxius de tutanda Tenedo constituit ipsas hostium stationes invadere, licet fama inexpugnabiles. Turcica classis numero majori egressa, & per Trojana littora extensa, suis viribus à mari, & à munitionibus in continenti fuscitatis validissime defensabatur: octoginta militum millia per multiplices tormentorum suggestus collineatis ictibus propius succedere audentes, & claudere transitum in Tenedum repulsa-

bant.

bant. Sed Mocenicus animo forti, & obfirmato opposita impedimenta aspernatus decrevit navigare ad Tenias, Barbieri vocatas, ubi septem Turcicæ triremes manebant in statione. Plena periculis navigatio nullum deterruit æmulantem Classici Imperatoris virtutem: & primus omnium procurrit Barbarus Adriaci Custos inter immanes tormentorum globos sua quinquerei, priores munitiones pertransiit: sequentes superarunt Michaëlius, & Baduarius, omnes ab effuso pilarum imbre in prora, clavo, & scalmo laceffiti: per tela, perque ignes audacissimè penetravit in aciem Mocenicus, qui æstuans impatienti desiderio pugnandi ex propinquo cœpit præliari cum hostili classe: quam ad eò ferociter aggreditur, dissipat, ac perdit; ut de ea in ipso primo certaminis ardore futuræ victoriæ spem conciperet. At quæ vis fari! aut lapsu pilæ ferreæ ab Natoliæ castellis explosæ in inferiorem Prætoriam partem, in qua tormentarius pulvis asservatur, aut ab igniariis ministris ob incuriam suis in officinis accensus (res in incerto est) totam incendit, ruptisque compagibus corruens repente malus; suo, & decussæ antennæ impròviso pondere oppressum exanimavit Lazarum Mocenicum, quem ad eò horrebant Barbari, ut audito illius interitu sonora lætitiæ signa dederint: dum nostri gemitibus, lacrymisque fatum præstantissimi Ducis complorabant.

*Tenedus, & Lemnus à Turcis recepta.*

**E**Xtincto Mocenico summa belli in Barbaro Baduario resedit; qui statim probato consilio ad incendenda navigia in conflictu arenæ impacta classem promovet: & quamvis à terrestribus munimentis magno tormentorum conatu repulsus: tamen adjuvante intrepidus fortuna, sub ictus ubique grandinantes ultrà tutissimè progreditur; adhærentibus Bombo, cæterisque Navarchis cum auxiliari-

bes. Applicantes proras arenosis littoribus; in his implicatas  
 hosticas naves, vel coniectis flammis incendio absumunt; &  
 armamentis detractis, vel injectis harpagonibus retrahunt  
 frementibus Barbaris, quibus in mari, neque fugæ, neque  
 auxilii spes reliqua. Ideo nulla in Veneta classe navi, nec  
 igne, nec alio fato corrupta, præter Mocenici Prætoriam  
 de combustis, reductisque lignis, deque profligatis, ca-  
 ptisque hostibus, insignem victoriam nostri adepti sunt;  
 vocatis in partem opulentissimæ prædæ Pontificiis, & Mo-  
 litensibus; perspecto deinde certaminis eventu, retulit  
 tanta Turcas amisisse quindocim majora navigia; centum  
 circiter ænea tormenta: relictæ in servitutem ad mille  
 & amplius hominum capita: plurima in ipsa acie ferro,  
 igne, & aquis absumpta. Nongenti proire christiana  
 certantes desiderati: quibus classarii ad Insulam Tene-  
 dum appulsi pie litarunt, gratæque Deo pro accepta vi-  
 ctoria egerunt. Sed lætitiæ vix prægustatam conturba-  
 vit Baduarii ex morbo interitus xvii. Kal. Septembris  
 Hujus clarissimi Ducis jectura, æquiparanda nondum sa-  
 tis deplorato Mocenici excidio, notabilis, atque etiam  
 ut exitus docuit, ominosa fuit. Auxiliares tiremes à Ve-  
 neris, summo orbatis Imperatore, discedunt: Lauren-  
 tius Rainerius quinqueregium Præfectus regendæ classis  
 habenas capit infelici auspicio, Tenedus in Turcarum  
 potestatem regreditur. Præfides, qui in ea erant Conta-  
 renus, & Lauretanus obnoxii avaritiæ, quæ solet, pu-  
 blicis rebus privata commoda anteferre, classem ibidem  
 morantem autumnali tempore infestam habuere: quia  
 remiges, & classarii percurrentes agros, villasque vin-  
 detuales fructus obliguribant; hausto in uvis vino, quo  
 illi venduto, grandia lucra captabant. Hæc de causa  
 rumores spargunt de hostibus vicinis ad ostia Hellespon-  
 ti; & impellunt Rainerium, ut omni rejecta cunctatio-  
 ne obicem opponat proximè egressuris. Dux credulus

contracta classe deserit Insulam; & occupatis euripis multos dies consumpsit in expectatione hostilis adventus. Turcæ aut Myleum exubantes cognito Venetæ classis discessu ab Tenedo nocte intempesta septimo Kal. Septembris copias traducunt in Insulam numero, & robore perquam validas: quæ tanto cum tumultu invaserunt, externas munitiones ut oppido quoque hæc nocturna, & non opinata incursio magnam terrorem attulerit. Præsidēs improvise exterriti, ac prope in ipsa arce obfessi, tormentorum tonitruis ingeminant signa sonitæ opis. Rainerius, ut cognovit, se commentitio rumore deceptum, sellinato remigio Tenedum redit, sed colloata classe versus Trojana littora non occlusit adiutum ingruentibus Turcæ ab aperto mari. In consultationibus, quid esset agendum, in diversum inclinabant sententiæ: alii repugnandum esse omni vi assebant: censebant alii dedendam Insulam, cum ad propugnationem vires non sufficerent: fuit hoc Præsidum consilium, non esse pertinaciter immorandum: nam invalescentes quotidie magis hostes minabantur infesto agmine irrupturos, & oppidum aggressuros. Itaque intra quintum diem, quam Turcæ exscenderant, deditur Tenedus cum impedimentis, & commeatibus, gravi nostrorum indignatione: quod quindecim mensibus possessam Insulam, tanti momenti ad angustandum à mari ipsum Byzantium per foecordiam amisissent, tamque Barbaris reddidisset vana trepidatio, vel potius suspecta fides, cuius cognitio Senatus iudicio suæ reservata. Vocati Præsidēs, ut de objectis criminibus dimoverent suspicionem, torquente conscientia, cum absentes damnati essent, exilium sibi inceptis aquis & ligni interdictis, consciverunt. Classis amissa Tenedo Lemnum perducitur: tristi propecta infortunio, quarto die, quæ portum attingit, conspexit e navibus in lit-

tora proflire duo Turcarum millia, & oppidi præsidium, haud multum abesse à pavore. Tentatum subitis aggressionibus, crescente in hostibus audacia ex alieno metu; nec audente Rainerio ferre opem, qui è classe certi periculi spectator erat; frustra que dissuadentibus Præfectis Paulo Bernardo, & Faustino Ripa, ne se dederet proximi auxilii fiducia; tandem coactum à datis bona fide conditionibus post quintum ac sexagesimum diem acerrimæ propugnationis se tradidit. Ita Turcæ suas in Ægeo præclarissimas Insulas Tenedum, & Lemnum nostrorum vel ignavia, vel avaritia receperunt.

*Turcica excursiones in Dalmatia compressæ.  
Ascrivium defensum. Camilli Gonzaga Mors.*

MDCLVIII.

**P**Ræsenti anno in Dalmatia Cedinus Acmetes Bosniæ Bassa repentino incurfu Spalatinos agros populatus, ad ipsam urbem castra posuit Idibus Juliis: multoque potens equitatu suis incurfionibus totam provinciam exterebat. Adversus hostem egressi cives, adjutrice robusta Bosfilianæ conterminæ gentis manu, ejus impetum, & ferociam sæpius repetitis congressibus superiores compresserunt. Conversus in fugam, relicto in manibus rixantium de præda filio ad necem, in Bosfilianos ultra montes incolas, quos in se acerbiores erat expertus, omnem iram immani crudelitate effudit; imbellibus non pepercit, colonos villicos omnes trucidavit: expilatas domos, rectaque omnia urentibus flammis devovit. A devastatæ Bosfilianæ digressu Albaniam properat, ut cum Scodrensi Bassa Mehemeto Regia mandata exequeretur de oppugnando Ascrivio, paratis in expeditionem octodecim bellatorum millibus. Quod ubi Venetias nunciatur, & esse hostilium copiarum ductor Voinus Ivarina, qui à Religione, & à Republi-

blica defecerat; Senatus cogitatione metus, & periculi di-  
lectissimi oppidi; confectum duos creavit belli Curatores  
Franciscum Barbarum in Dalmatia; & Hieronymum  
Battaleam in Albania. Hic celeri navigio in provinciam  
adventus, ad urbis securitatem suburbana loca diruit; &  
complanavit; ne ullus esset hosti furtivus accessus; tuta in-  
muris apposuit propugnacula; militibus stationes paravit;  
distribuit munia ducibus, & chiliarchis; omniaque ita op-  
portune peregit, ut quemcumque cederet moræ, quæ pro-  
trahebat certamen. Exeruit cunctationem Melhemetus,  
cùm die trigesima Julii se dedisset conspiciendum in cacu-  
mine collis haud procul oppido assurgentis: aderat Voi-  
nus, jactabundus illud brevi casurum iis viribus; quas se-  
cum Bassa afferebat; & quarum ipse erat instructor. Ergo  
sub proximi mensis Augusti exordium productis in excita-  
tis aggeribus tormentis, coepta sunt quasi mœnia: sed  
promptis operibus, quæ convulsa ruebant, reficiebantur;  
Cedinus quoque suo adventu Rizonici sinum obsepire, &  
occludere valido conatu moliebatur; ne subsidiariæ ma-  
nus, quas armatis biremibus Bernardus Provinciæ Præses,  
& Gonzaga copiarum ductor afferebant è Dalmatia, pe-  
netrarent per Euripum ad obsessos. Quotidie utrinque pu-  
gniabatur: frequentes erant eruptiones in aggressores, qua-  
rum una ad Scalgiari, id nomen loco, ab oppidanis com-  
missa, Turcis fuit cruentissima; fuga, strageque adeò infi-  
gnis, ut aliquot dies cum quiete transacti indicarent hostes  
nihil ultra tentaturos: quin huius cessationis fidem augebat  
fama de Bassarum protectione in Pannoniam: verùm ad-  
huc nostros tenebat suspicio, ne traus subesset, ac per tene-  
bras silenti agmine importunissimus hostis in mœnia ir-  
rumperet: ideo vigilatis noctibus assidui erant in muris,  
& propugnaculis excubitores. Tandem Kal. Octobribus  
pro comperto allatum fuit Turcas omnino recessisse: ex  
quo lato eventu ingens in oppido, summa constantia, fide,

bold

&amp; ro-

& robore à propugnatoribus defenso , animorum exultatio, indictusque ad templa concursus, actæque Deo grates, qui civitatem à bimestri obsidione servasset incolumem. Laudata Battalæ solertia, Jadera redeunt Bernardus , & Gonzaga armorum Præfectus , cujus mox sequuta mors valdè afflixit omnes, qui tories experti erāt insignem ducis in consulendo prudentiam , & in agendo fortitudinem. Tunc Gildasius Venetis stipendiis revocatus defuncti onus excipit probatæ virtutis testimonio . Sufficitur extincto Mocenico Franciscus Maurocenus : & emerito Navium Præfecto Bembo Hieronymus Contarenus succedit.

*Respublica externis auxiliis adjuta.*

**V**ERùm quia procedente tempore cum hostium viribus quotidie magis augeſcentibus creſcebant Reipublicæ diſpendia , cœpta ſunt deſiderari externa auxilia ; quæ & opportunè admodum adfuerunt . Alexander Septimus, & Clemens Nonus Summi Pontifices; quibus perſuaſum erat conſervationem Veneti imperii cum Romana Eccleſia ita eſſe conjunctam , ut commune eſſet utrique, effugium, & detrimentum: ſæpè permiſſo ſuis in ditionibus militum delectu; miſſis claſſium , & copiarum ſubſidiis Rempublicam juverunt. Et Innocentii Decimi ſequuti documenta ; decreverunt inſuper , ut Religioſi quidam Ordines, quorum minor erat utilitas, aut neceſſitas, tollerentur, assignatis eorum redditibus in bellum pium , & juſtum ; quique exturbati, agente lege, ſuis ſedibus fuerant , multo perſoluto ære, reciperentur. Idem Pontifices præter Decumas Sacerdotiis impoſitas novies conceſſere centena aureorum millia eb eorundem prouentibus colligenda , ſubſidiario nomine. Etiam Inter Purpuratos Patres qui nummariam præſtarant opem delectamque terra, marique militiam eminuerunt Richelius , Mazzarinus , & Barberini quos

quos omnes, ut eorum pia, summaque liberalitas, ac justa pariter, & debita in Rēpublicā grati animi significatio, nota esset posteritati, Senatus in Patriciorum numero reposuit. Ludovicus XIII. Galliarum Rex, & non pauci Christiani Urbis Principes, ac Dynastæ pecuniarios, militaresque apparatus, & aliqui se ipsos ultro ad præliandum obtulerunt. Multi denique Venetarum Urbium Præfules, pro sua quisque facultate Reipublicæ auxiliati sunt: studio piæ æmulationis, & contentione religiosa: omnes ad liberandam Rempublicam; ad protegendam, & propagandam fidem; ejus juratis hostibus depressis, conspirabant.

*Francisci Mauroceni in Cretam expeditio.  
Maritima ejusdem facinora in Turcas.*

**I**Am trajecerat in Cretam Dux totius militiæ Franciscus Maurocenus in locum defuncti Mocenici: jam classem inopem, & infirmam ex rebus malè gestis apud Tenedum pecunia, commeatu, & Epibatis instruxerat, jussu Rainerio obtemperare Senatui illum vocanti ad causam dicendam: damna quoque, quæ Contarenius navium Præfectus subivit inter navigandum subortis tempestatibus refarcierat. His diligenter provisus ad maritimas expeditiones accingitur: ab Cretico littore Idibus Februariis solvens Chium dum cogitat, adverso vento coactus Astypalzam tenuit; inde tandem abscedens in Insulam, nomine Calchi, Venetis infestam irrupit, & desævire: ut reliquis direpta, ac incensa exemplum esset punitæ superbiæ, & contumaciæ. Rhodium mare emensus quarto Nonas Martii, Carpathum vix aspexit, cum repentinis circumactus vorticibus miserrimum facit naufragium trium triremium, & unius quinqueremis Benedicti Michaelii: quas suas in voragines procellosus pontus absorbit. Hoc submersarum navium detrimentum, paucis è naufragio collectis impedimentis,



tristis nuncius Venetias attulit, quo tempore mœstissimæ Urbi Principem Valerium eripuit mors, quem diu victurum & sperabat, & optabat Respublica. Sed intra sex dies festiva acclamatio in Joannem Pisaurum, omnium ordinum consensu ad sublime solium evectum cives non modica affecit hilaritate, quam etiam magnopere adauxit rebellis Comitris Voïni interemptio; sublato de medio homine perditissimo, qui Turcas perpetuò instigabat adversus Rempublicam. Illius necem sagaci astu machinatus est Bernardus Dalmatiæ Præses: nam causa dirimendæ inter duos dissidentes controversiæ vocatus sequester, adducitur in locum opportunè destinatum: ibi, quos componere debebat, habuit interfectores.

Maurocenus postquam disiectam naufragio classem collegisset, Astypalæa movens Delum petere constituit, ad quam insulam tunc pervenerat Prior (dignitatis vocabulo) Bichius cum auxiliariis triremibus numero duodecim, decemque navibus, unâ cum Etruscis, & Melitenſibus. Auctus his viribus excurrit Ægeum: & qua opus erat solertia Hussainum Bassam electum maris imperatorem persequitur: sed ille semper in fuga totius pelagi quærebat latebras, ut evitaret incurſus. In hac intercipiendi hostis incerta spe cogit Maurocenus militare concilium, & Cydoniæ aggræſſionem proponit exitu facilem, absente Hussaino: & plurimis ex oppidanis, secretis nunciis suum erga Rempublicam testantibus non interruptum obsequium. Variæ tamen, & discrepantes fuere consulentium sententiæ: alii, quos timor occupabat opinati sunt factu difficillimum memoratum facinus: alii, quos livor tangebat instinctu infestæ æmulationis, & Mauroceni gloriæ osores, neglecto publico bono, rem agitari plenam periculi, ac discriminis, dixerunt. Hanc expeditionem, quam laudabant auxiliarii Duces, paraticum Mauroceno ad eam captandam, omnium primus conficere cupiebat Eques Auogadrus, cuius inuicti  
animi

animi præstantia ob alia præclarè fortiterque gesta, cunctis erat notissima: sed prævalente in viros fortes invidia; per piscatores Tænarios furtim submissos rescivit Hufsinus, & illam dissolvit suo celerrimo regressu Cydoniam. His dissipatis machinamentis rursus mare ingreditur cum bis viginti triremibus aggressurus tres insulas, quæ in mediterraneo parent Reipublicæ; quo etiam tempore fama deportabat terrestres copias adversus easdem paratas à primo Visiro Chiopurlo: Diffusus rumor Venetiis tantam iniecit trepidationem: veluti si Turcica classis in Urbis conspectu esset: omnem tandem pavorem expulit relatus in Ægeum Bassæ transitus, & illius vestigiis continuò inhærens nostrorum infectatio.

Verùm hostis, cui fuga omni congressu tutior, de more huc illuc dilabens, nullo consistebat loco suarum triremium agilitate, quas sic remis perinde ac habenis, agebat; cum Venetæ pondere, & armis graves lentè regebantur. Nunquam excepti hostes, præterita Chio, in Mitylinæo portu sese abdiderunt. Intereà hybernandi tempus instabat, & auxiliarii Duces oppugnandæ Cydoniæ spe frustrati, ad occiduum iter se comparabant. Transvecti Zacynthum gravi animorum acerbitate apud trium Insularum Præsidem conqueruntur, quòd inutili mora tempus absumpserint; verùm adhuc, antequam ad patrias sedes pergerent, paratissimos esse ad præclarum aliquid agendum pro Republica. Præses experiendi cupidus suas vires, Buthroti, contra Corcyram oppidi, proponit oppugnationem: sed ejus explorata difficultate, in Leucadem, sceleratum piraticæ gentis domicilium, irruptionem persuasit. Eò profecti, quatuor etiam a Præsidente acceptis triremibus, fortunato descensu evadunt in Littus, scilicetque muris applicant, at profusa breviores: à valida Insularum phalange repulsi, coguntur ad suas naves reverti. Meliori auspicio Maurocenus priusquàm iret hybernatum classem adduxit ad Insulam

Claron, quam metu territam obtinuit; postea Samum: atque ex utraque abducta abundantī praeda milites, remigefque reſectos Melum advexit in ſtationes.

*Hieronymi Contareni pugna cum Turcis.*

**E** Adem tempeſtate Contarenuſ ductor procelloſis tempeſtatibus diu vexatus, Thalame tandem Laconiz oppido diſcedens, ad Helleſpontiacum fretum pervenit. Acceperat per actuarias Baſſam inde breui erupturum ſpe ruti exitus à præpotenti claſſe, & ſubſtructis munitionibus in Littorali Græciæ ora poſitis: Nec diutiùs contineri potuit, quin IV. Non. Auguſti occurreret exeunti cum ſuis navibus inſeſſo euripo.

Quo improviſo accēſſu Baſſa deterritus, crebra tormentorum exploſione ſuis nuntiavit adeſſe hoſtem, ut agentes in terreſtribus ſtationibus eundem grandioribus machinis laceſſerent: ſed Contarenuſ magis venti ſævitie, quàm globorum grandine impeditus, propiùs accedere nequivit: & Baſſa ob id liber à maniſeſto claſſis diſcrimine, interiora littora periit, latuitque ſub Seſtæ arcis propugnaculo uſque ad VII. Kal. Septembris. Sed Regio mandato compulſus ultra progredi, nocte ſubobſcura navigans, in Contarenum incidit, qui nunquam locum, à principio captum deſeruit; & improviſus iterùm ante ſolis ortum ſupervenit tranſeunti. Sub hoſtis conſpectum illicò tormenta diſpedit in Turcicam claſſem: quæ pari concuſſione, à mari, terraque pulſabat Venetos, adiuvente milite è propugnaculis. Sæpiùs renovati fuere congreſſus, & ſubinde magna in eorum triremibus orta conſternatio: atque in terreſtribus copiis confuſio ingens: nempe in tentoria, & caſtra majora tormenta late ſtragem dabant. Quamobrem Baſſa fuga ſalutem quærens, reliquit in acie triremes quatuordecim laceras, diſſipatas, & inutiles: ſexcentos occiſos: duplo majus dam-

damnum accepit in stationibus, & munimentis: dirutum Græciæ castrum, prostratasque Mesquitas: & victorem vidit Contarenum; qui parto triumpho illustri Imbrum se contulit: ubi Venetias reversurus, Antonio Priolo IV. idus Septembris ex Senatus consulto navium Præfecturam tradidit.

*Castri Ruzi, Toronis, & Chia Arcis expugnatio.*

MDCLIX.

**H**Oc anno Franciscus Maurocenus totum fermè Ægæum permenfus, complures biremes, dromones, paruaque navigia, quæ furtim Cydoniam importabant commeatus, fugavit, evertit, & subegit. Eo transmissio, classem applicuit ad unam Chelidoniaram insulam, Castrum Ruzum, Græcum emporium, in quo Alexandrinæ naves onerariæ suas merces, necessariaque Turcis alendo bello deponebant. Spe ductus prosperi successus facinus aggreditur, longè ab omni expectatione.

Et tiremibus mandat militibus, ut citò descendant, & quingenti numero Arcem obsidione cingant. Insulani, qui nihil minus, quàm hostem expectabant, ea subita aggressionem contremiscunt: propugnatores Arcis exterriti; quibus explosa tormenta defensiones adimebant; & effracta furenti pyroclastri vi porta, minabatur cruentum ingressum; suis diffidunt viribus: seque arbitrio Veneti imperatoris committunt: Facta est deditio, & accepta his conditionibus, ut tres è populo priores suam redimere possint captivitatem; omnes exant oppido depositis armis in Mesquita: & de Græcis, magis Veneto nomini infensi transtris addicantur. Castrum cum Arce funditus excisum fuit: quæque direptionibus auferri non poterant, supposito igne incensa concremarunt. Sic audax Mauroceni animus triduanus, & modico certamine maximum attulit Turcicis rebus

de-

detrimentum . Ab his prosperè gestis convertit vela in sinum Toronaicum, cui dat nomen Torone Macedoniae oppidum : in hoc quam Turcae stationem agebant tutissimam, eam ille statuit expugnato Torone disturbare . Igitur præter opinionem, mari, terraque petiturum invadit, omnes aditus ad subsidia intercludit . Præsidarii tam repentina, validaque impressione prope deterriti, ad unum per invia, & ardua itinera dilabentes Venetis relinquunt oppidum in prædam, quam valdè optimam secum pertraxerunt . Digressus inde, Chium classem agit: munitamque Arcem intra terram attentare cogitanti dissuadent comites, ne rem aggressu arduam suscipiat: verùm sui propositi tenax incitavit milites in expeditionem, cui ipse interfuit . Irruit in Arcem fortiter, ac strenuè, præsidio acriùs resistente; sed obstinata contentione eo dejecto non semel repetitis conatibus; tandem voti compos, & victoriæ, potitur arce, quam militibus diripiendam tradidit, & comburendam; sibi reservata peractæ demolitionis memoria. Reducta classis ab Icario mari in Ægeum, ex insulis, quas circumbat, Patmon exilio, & æde Joannis Apostoli ipsi Barbaris venerandam attrahere est ausa sacrilega licentia; quæ nulli rei pepercit, in quam prædandi cupiditas, ferrum, ignisque sævire potuit .

*In Dalmatia repressi Turcici excursus.  
Dominicus Contarenus. Dux.*

**E**Xeunte Augusto Turcæ in Dalmatia non contemnenda multitudine sese effundentes. , in castrum Sancti Joannis incurrunt . At viriliter defensum, suos oppugnatores repulit: qui paulò post in provinciam reversi, octingentis equitibus Sebenicum adoriuntur; verùm iterùm circumventi à minori equitatu magna strage multantur; discerpto in pugna à contendentibus. de præda Licha Sanguiacchi filio. Spalatam quoque per id tempus inquietarunt,  
terro-

terrore quidem multiplici, sed vanis conatibus. Indignatus Turcicus Imperator vinci à modica manu, Bosniæ Bassæ imperavit amplissimas parari copias, quæ resistantis provinciæ comprimerent audaciam. Hoc duce cum quindecim armatorum millibus nihil actum præter prædas Latrocinantium more: nulli aperto Marte tentati congressus, licet in Spalatum tot agmina essent instructa; quæ tandem properato discessu deflexere in Pannoniam tunc temporis à Turcis validissimè oppugnatam. Interim Pisaurus Princeps rebus domi, forisque gestis conspicuus, extremum diem obiit: & Dominicus Contarenus ruri agens vocatur ad gubernacula Reipublicæ, tanta erat apud Senatum illius prudentiæ, ac pietatis existimatio.

*Schiathon castrum captum à Venetis.*

*Clades accepta ad Cydoniam.*

*Almerici Atestini Principis mors.*

MDCLX.

**E**Xclusus Maurocenus à ventorum reflatu, & à fama exploratæ suæ expeditionis in Eubæam, convertit se ad Schiathon, eminentem è mari scopulum, cum arce in ejus cacumine, ascensu ardua, & delecto subsidio tutissima. At quia plerumque difficilia conantibus arridet fortuna, è triremibus educit epibatas, & saxorum jugum conscendit. Vocata, ut se dederet, respondit velle aut vincere, aut mori: quare in ipsam obstinata vi defensam ferro, & igne perumpit, & octavo die perdomitam accepit in ditionem hac lege: Turcæ in proximum solum immunes traducantur: Græci quotannis mille nummos tributum nomine pendant Reipublicæ.

Post debellatam insulam, Cytheram cum classe decurrit ibidem opperiturus auxiliares triremes: & manus Gallicas, quas purpuratus Mazzarinus mittebat in subsidium, regen-

das

das ab Almerico Mutinæ Principe sub Præfectura Dynastæ Baas cognomine militari disciplina præstantis. Hoc virium accessu censa sunt undecim peditum millia, & equites mille ducenti: robur non modicum, quod sine cunctatione in Cretam deferendum esse consultum fuit. Duces, dum se XI. Kal. Septembris committunt navigationi, admoniti ubi adesset hostis, eam dirigunt Lesbum, in cujus portu morabatur. Cæterum quia prævenerat fama classis aduentum, ille ex metu malè tutam stationem præpropera fuga reliquerat. Nostri hoste non reperto, legentes Creticum Littus, vi capiunt divæ Venerandæ castrum Turcis fugatis, & Assano eorum Bassa notæ fortitudinis interfecto: Addunt his prosperè cæptis expugnationem arcis, quæ proxima Sudæ erat molestissima. Hac diruta, & spoliata tormentis, Almericus feliciora sibi auspicatus in campum prodiit, ut cum hostibus cominus pugnaret. Rursus itaque illos conantes obsistere fudit: & persecutus fugientes venit in conspectum Cydoniæ; cujus situm contemplatus, Mauroceno in portu degenti suum aperuit consilium, qua in parte instituenda esset obsidio; castris scilicet Calami, & Apicorno occupatis. Utrumque igitur per maximam terram, marique vexationem captum, postea deferitur: & aliud Cicalaria nuncupatum redigitur in potestatem. Hoc retento, propè Cydoniam castra metandi occurrit sententia, quæ illaudata fuit loci respectu, aggressionibus nimium expositi: nam Castrorum Præfectus Baas Cicalariæ vicum vallavit, & in vicino monte de Malaxa præsidium posuit. Hæc dum fiunt, Princeps febri correptus, Sudam deferri voluit: quo & Baas æger accessit. In castris tumultus ob non soluta Gallis stipendia: sed quievit Mauroceni præsentia, qui egressus cum Antonio Barbaro, extra ordinem classis Curatore, castra specularum descenderat. Sub ipsum tempus intercipitur explorator nuncius ab Enandiæ Bassa cum literis ad Cydonios missus, quibus omnem spem auferbat auxilii,

lii, cujus ille nimium se egere profitebatur: hinc in nostris concepta crevit opinio Cydoniæ recuperandæ. At callidum Bassæ commentum paulo post retexit eventus: noverat ille multo ante quæ machinabantur Veneri Duces terrestribus, maritimisque viribus circum dispositis, & non procul locata classe: factus etiam certior de futura cunctatione in agendo ob complurium imperium, deluserat eos conficta litterarum fallacia: qua opportunum nactus tempus, portum munivit auxit copias, & subsidia advocavit. Ab Enandia profectus Bassa, & aspera montium transgressus, juxta Malaxam sese abdidit in insidiis: quo tempore Cydonius numeratis duobus peditum millibus, & octingentis equitibus ex oppido erat erupturus. Condicta igitur die VIII. Idus Septembris repentinus in Veneris castris horror ingruit, ac terror ingens, oppugnantur ab omni latere incauti, & imparati; lataque strage profligantur: fuga ubique, & consternatio maxima. Turcæ barbaro more desævientes omnes ad unum occidissent; nisi ad opem accurrisset fortis Melitensum manus, quæ frenavit, ac repressit insequentes, qui fugerant: & ab eo conflictu (quo Turcæ penè parem reposuere cladem suis illatam ad Cisternas Kal. Majis inter hostiles plausus, & saltus) ægrè evaserunt Maurocenus, & Barbarus. Compressa in hunc modum Cydoniæ obsidio, priusquàm adolefceret, docuit non esse tempus in rebus magni momenti cunctationibus terendum: nam si à mari, terraque subita aggressione Cydonia fuisset petita, vel deditione, vel vi, casura erat in obsidentium manus. Irrita expeditione auxiliares triremes III. Idus Septembris discessere: & multati exercitus reliquæ à Calami castro Candiam traductæ, auctæque supplemento, majori spe domandæ Enandiæ per eos dies imminuris defensoribus audacter progressæ spondebant præteritam cladem ultum ire. In ejus conspectum explicata acies, & ad invadendas exteriores munitiones excitata, facili impressione in ipsas penetravit, subsidentibus

M m m Tur-



Turcis in oppido pavidis ac perterrefactis, ac si non haberent neque consilium, neque robur ad obsistendum. Quare nostri cum nullam contra se in hostibus repugnantiam animadverterent, securiùs incœperunt castra diripere, & prædas agere: ex iis, qui redibant spoliis onusti, animati qui sequebantur pari exemplo ad rapinas convolabant: omnes direptionibus erant intenti. Turcæ furiali jactati rabie, in furaces magno impetu irruunt, ut sua sanguine, & cædere poscerent, non opinato aggressu incubantes prædis occidunt; terga fugientium sagittis configunt; palantes nullisque ordinibus coactos in captivitatem trahunt: capita ferme tercenta capta; totidem interfecta; redempta furta; & intercepta victoria; quæ propè in manibus erat, cum Bassa ad primas aggressiones Enandiam deferere cogitasset. Maurocenus, experimento cognita militum rapacitate, & ignavia, noluit alteram Turcicarum munitionum tentare oppugnationem: hanc suadebant Galli ductores, ut suorum præsertim turpitudinem diluerent; qui promptiores ad fugam, quàm ad pugnam nullam victoriæ curam habuerint. Quapropter Candiam repetens, & ab Suda recedens cum classe, & Almerico Principe Venetias ituro, Paron vela facit: quæ insula salubri cœlo, & comœatu diuite, cæteris visa est aptior ad reficiendos remiges, & classarios: verùm fatalis extitit Principi, corpore, & animo nondum confirmato: nam adhuc hærebatur cordi quædam cum Mauroceno amarities, ob non iam eratam adversus Enandiam impressionem; Itaque contracta infirmitate extinguitur, omnium lacrymis defletus: Princeps juvenis in rebus Bellicis eximie expectationis, ex Senatus consulto perpetuum meruit erecta Statua in æde Minorum Conventualium monumentum virtutis, & fortitudinis suæ supra ætatem admirandæ.

*Res*

*Res à Maurocenis Francisco, & ejus  
successore Georgio gesta.*

MDCLXI.

**S**Equens annus inchoatus est, audito inhumanæ feritatis nuncio: Turcæ pergraviter offensi, quòd Gallipro Veneris pugnassent, licet victi, fugatique, captivos, quos Cretæ, ac Byzantii in vinculis detinebant vario, & inaudito suppliciorum genere ad unum trucidarunt. Francisco Mauroceno hoc ipso tempore reditum in patriam postulanti Senatus annuit, suscepto ex eadem Maurocenorum familia Georgio probatæ famæ viro, functo imperatoris munere in Dalmatia, & Creta; gestoque laudabiliter præfenti bello. Porro antequam hic ad provinciam accederet: ille octodecim naves ab Ægypto profectas audierat, & Cydoniam missas cum subsidiis; Quare solvens è vestigio ab Insula, eas irrequeto cursu persequitur, adoriturque nunquam cessante tormentorum verberatione: hærentem retinuit furens Notus; noxque renebricosa usque in diem, quo luceſcente discussis nubibus, rursus insectatus errantes, unam capit; reliquæ ex fuga dispersæ; aliæ Rhodum; aliæ Punica littora tenuere. Hoc tamen Mauroceni solertia effecit, ut interrupto itinere nullos hostis commeatus Cydoniis attulerit. Subinde reboante mari ex magno bombardarum fragore, quæ Corcyræ explodebantur, cognovit ad eam Insulam sui successoris accessum: propterea illico eò contendit, ut penes novum classis Imperatorem bellica insignia, & muneris administrationem deponeret. Quo facto, Georgius Maurocenus renunciatus uniuerſi belli summus Dux, constituit quamprimùm adire Cretam, viribus porens, & animo constans, ac dictitans se omnes congregiendi cum hoste occasiones arrepturum. Sed interim ei navigationi accincto renunciatur, sex navigia Venetiis sub

M m m 2 An-

Anglorum præfectura eduçta , munitaque ad nçstri belli  
 usum, cùm in totidem Punicas incidissent, proditoria dedi-  
 tione Barbaris se tradidisse : alia duo pariter Angla referta  
 militibus, & com meatibus, ductore Comite Sfortia Bissaro  
 Vicentino ab iisdem prædonibus oppugnata, ab iniquo fa-  
 to coacta cedere ; alterum incendio combustum : alterum  
 cum Sfortia captũ, & aveçtum in captivitatem: ve iũ non  
 hic finis prædę fuit, dum alia oneraria pretiosis repleta mer-  
 cibus Smyrnam adnavigans capitur , & barbaras tapinas  
 valde adauget. Hęc damna ulturus Maurocenus in insulæ  
 Chii euripum se intrudit, & hostes parata obsidione territa-  
 re cepit: mox pervenit rumor, Bassam, cui Mazzamama no-  
 men , quadraginta suffultum triremibus Rhodum appli-  
 cuisse : indeque procursum Cydoniam cum Alexandri-  
 nis navibus oppletis com meatu plurimo victui , & bello  
 necessario. Qua fama excitus, viginti triremes, & quinque-  
 remes duas apprimè instructas, cum Melitenfi acie, secum  
 educit ; jussu cum reliquis Hieronymo Battalea manere,  
 apud Chium in excubiis. In altum proveçtus, totumque,  
 speculatus Ægeum , hostilem classem , ante Milum nihil  
 ejusmodi opinantem exacto sex dierum excursu offendit.  
 Illicò expeditis omnibus , quæ ad ejus aggressionem opus  
 erant, Bassam provocat in pugnam : sed promptior ad fu-  
 gam dum proras contorquet ; terribili bombardarum stre-  
 pitu , furentique pilarum impetu pulsatus deserit in por-  
 tu decem triremes : quarum sex ab impetu jactatæ litto-  
 ribus adhæserunt quassæ, & oppressæ : alias quatuor proce-  
 dente certamine Veneti, & Melitenses occuparunt : Turcis  
 in interiora Insulæ loca tumultuariè evadentibus Mauro-  
 cenus cum victrice classe portum ingressus; fugatos invitat  
 ad deditionem, in quam mille circiter devenerunt: quatuor-  
 millia dicuntur desiderata in conflictu acerrimè utrinque  
 commisso : in quo Melitensibus non parva jactura obve-  
 nit, quam tamen locupletior præda compensavit ; duabus  
 potiti

potiti triremibus cum impedimentis, actis per insulam direptionibus, & recensitis in captivis sexcentis Prætorianis militibus. Singulis Trierarchis dono addidit Senatus torques aureas; & Maurocenum equestri honore decoravit ob ea, quæ nuncii fortiter gesta retulerunt; quorum singulis eventus ferendas Cydoniæ suppetias avertit; & hostium hoc anno cogitatas in mediterraneas insulas irruptiones disjecit. Tandem inconstans fortuna rebus lætis immiscuit tristia; hujus anni finis luctuosus fuit: plurimos in classe exitialis morbus corripuit; citaque confectos ægritudine extinxit: militantes quoque in Creta virulenta tabes infecit; valdeque imminuit propugnantium vires adversus nuper excitatas Enandiæ munitiones. Pestis neque Turcis pepercit: nam Byzantium etiam annonæ caritate vexatum, summe afflixit: at nobis nunquam profutura est lues, fames, aut ullus adversus bellorum casus in Barbaris, qui cladibus super sunt, & nihili æstimant suorum jacturam: cum à vastissimis provinciis colligant ad omnem nutum innumeros milites, uberes commeatus, validissimas classes; quod christianus orbis experientiaprehendit: ut magis dilatent imperium, & opprimant quos habent invisos.

*Mari, terraque cum Turcis certatum.*

MDCLXII.

**A**Vxiliariis suas in regiones reversis, Venerus imperator decurso Ægeο nullum, vel diligentia, vel labori locum reliquit, ubiq; hostem infectando, ne Reipublicæ esset injurius, & in Cretā transfret inoffensus. Quare monitus aliquot ejus naves haud procul Stanchio sub munitissima arce de Petrumis appellata, confidere; præmissis cum Hieronymo Battalea quinquere mis, ut eas caperet, arcē ferro, flammisq; expugnandam esse deliberat. Talia meditantī casu occurrunt decem minora navigia plena cibariis: hæc  
in

in fugam versa insecutus apprehendit , & Battalex custodienda tradidit . Subinde accipit à speculatoribus illac victorias naues transcuras in Ægyptum, quas ingentis molis quatuor Sulthanæ comitabantur. Illicò Battaleam accersit, ut combustis, aut demesis captis paulò ante navigiis, suas cum quinquereimis adaugerat vires: quo incrementò pertransuentibus fuga intercluderetur . Ab omni metu securi navigabant Turcæ: sed qui præcedebant cùm à longè prospexissent Venetam classem proras obvertisse, huc illuc dispersi tumultuario descensu in proximas terras desilierunt , octodecim derelictis dromonibus, qui postea vel capri, vel incensi fuere. Sulthanæ placido vento velificantes, dum nulla credunt opposita obstacula, incautæ incidunt in quinquereimes. Tormentorum strepitus ad æquandam pugnam accivit Maurocenum. Per sex horas utrinque mortis contempto metu omnes sese suos in hostes proripiunt: tandem & tormentorum verberatione, & ignium in Sulthanas jaculatione tanta tamque atrox edita strages est, ut ex illis tres fuerint debellatæ, & una ab incendio redacta in cineres. Hęc victoria III. Kal. Octobris conclamata, classem in hybernis collocavit; navibus à Mauroceno Melum inter, & Dolum distributis. In eo certamine Aga captus est Eunuchus, qui regiam pellicem ducebat ad Mecham: ex donariis, & ex mercibus, quas secum vehabant negotiatores, parta præda; auro quoque, & argento, perquam amplas: cæterùm aliquantùm cruenta, interfectis è nostris sexaginta, & in his fuere aliqui militia illustres; & duo viri nobiles Jacobi nomine Semitecolus Trierarchus, & Cornelius classis curator; totidem vulneratis. De Turcis præter paucos ad transtra damnatos; reliqui ferinè omnes in navibus militantes ferro, ignibus, & aquis obruti perierunt. Dum hæc foris aguntur: domi ab Senatu sex grandiores naves omni apparatu adornantur, quæ à navalibus ductæ in Dalmatiam veherent Hieronymum Contarenum delectum Provin-

ciæ

ciæ Præsidentem : Corecyram ad trium Insularum custodiam Franciscum Mocenicum , subrogatum fratri , qui priusquam illas attingisset inter navigandum obierat extremum diem:& Nicolaum Cornelium traducerent in Cretam totius Insulæ Præfectum . In Dalmatiam Turcæ saris hoc anno terroris,tumultusque intrulerunt: egressi magno equitatu adversus Morlachos crebris, infestisque rapinis turbantes conterminos agros ; illos non procul jadera comprehensos coegerunt rapta spolia , & armenta deferere tristi strage, & captivitate . Hic successus rebellis Philippovicchi ita auxit dementissimam temeritatem, ut datis publicæ lætitiæ signis, jactaret se subditurum suis artibus Turcico imperio Spalaturn,& Sebinicum. At paulò post contrà accidit; & inani gaudio subiit vera mœstitia . Morlachi mutuis sese stimulis urgentes ad vindictam, iterum incursiones in extrema finium faciunt; omnia passim agrorum tecta, vicofque exurunt; & prædas hominum, pecudumque abducunt uberrimas . Iis quoque diebus Tragurientes in Turcas à Bosnia dimissos, ut Spalaturn vexarent, repentino ex insidiis impetu ferociter irrumpunt, aguntque in fugam strage, & confusione maxima. Hanc hostes, instigante Philippovich, fulcra, bis septem armatorum millia descendunt in Provinciam cum ipso Bosnia Bassa minarum pleno . Verum dies aliquot inurili cunctatione moratus, veluti si quis terror eum cohiberet, visus est ex inopinato copias suas retrahere: & ab omni trepidatione liberare Dalmatiam . Sed hujus repentini discessus causa manavit ab imperante Achmeto Primo Visiro , qui Patri Chiopurlo in dignitate successor, & susceptæ ab eodem adversus Pannoniam expeditionis hæres, ad illam perficiendam collectas vires ex diversis provinciis evocaverat.

*Successus varii in Dalmatia , & Creta .*

MDCLXIII.

**I**N bello, quod gliscebat quotannis difficillimum, atque periculosum, omnis cura Senatus versabatur ad illud sustinendum; ideò frequentes erant militum delectus, solliciti armorum apparatus, & diligens virorum conquisitio; quos exploratæ virtutis suis præficeret expeditionibus. Et quidem hac tempestate magis magisque angebatur minis Achmeti Visiri multa minantis Dalmatiæ, & Foro-julio: quamobrem cognita illius cupidine, Senatus creavit castrorum Præfectum virum Germanum Spaar cognomine bellicarum rerum usu celebrem: aliosque delegit præstantissimos duces, inter quos numerabat Echenfeltum, Comittem Hectorem Albanum, Carolum Martinengum, & Equitem Bartholomæum Varisanum Grimaldum, quibus larga decrevit stipendia: atque utriusque provinciæ custodiam demandavit.

Cœterùm conversis copiis ab Achmeto in Hungariam; cujus per id tempus munitiores arces cupidius impugnabat, levioribus certaminibus in Dalmatia dimicabatur. Repressi fuere à Præsede Provinciæ Contareno incurfus armorum in Spalatenses, & Jadertinos agros aliquando facti. Spaar Jadera solvens in maritimam Castrinovi oppugnationem ( quoniam Turcæ ejus navigationis causam explorarunt) mutato cursu flexit in Olcinium; quo loci immanes belluæ piraticam exercentes nidificabant; illud furenter adortus plura sceleratæ gentis cubilia succendit, & infames myoparones in portu depressit. Alibi Turcæ Buthrotum occuparunt; ægrè defudantibus Venetis amissum reposcere nocturnis, cruentisque aggressionibus. In Creta bis tentata fuit ab hostibus Spina-Longa; sed irritò conatu; quia Præfectus fraudibus tempestivè occurrit: atque castrum, de

Ga-

Garabulis dictum, detecta conspiratione cum Cydonio Bassa, præsidii transportatione, & quatuor bellicarum navium subsidio tutatus est. Maurocenus totum Ægeum pererrabat in perquisitione Turcicæ Classis; at nullo loco illam offendit: cui tantum terrorem incusserat, ut omnem declinaret congressum, quem semper fuerat experta magna sui jactura pertimescendum: quare cum cerneret transire dies à laboribus vacuos, reditum in patriam impetravit ab Senatu. Successorem habuit Andream Cornelium: & Catharino ejusdem cognominis, in Dalmatia suffectus est Hieronymus Contarenus. Per hos dies tristis nuncius retulit Patribus: ictu fulminis Sebenici turrim tactam, in qua magna copia tormentarii pulveris servabatur, atque ab impetu erumpentis ignis terribili fragore, & ruina prostratam. Candix quoque in ipso portu, excitato fortuito incendio septem navigia deflagasse: Melitensium quatuor; Reipublicæ unum Turcis pridem ereptum; & duo ad vehendas merces à privatis negotiatoribus conducta. Quos infauustos successus fuere qui verterent in præfagium alicujus insignis calamitatis.

*Intercepta subsidia, & plura Turcarum navigia.*

MDCLXIV.

**T**URCIS Hungarico bello implicitis; & in mari eorum classe Venetam ex trepidatione subterfugiente; Dalmatia, & Creta hoc anno veluti accepta pacis fiducia inermis, & ad portus liberè excubabant. Tænaria gens, quæ hodie Majnæ, in Peloponneso, Turcicæ tyrannidis jugum detrectans Reipublicæ partes, dedito obsequio, sequi voluit. Maurocenus, quem adhuc tenebat in castris Successoris desiderium, ubi intellexit duas & viginti hostium naves per Mediterraneum discurrere, suam classem per viciniores sinus ad erumpendum distribuit; ut advenienti Cornelio

N n n mu-



muniret iter, sin minus, cum illis configeretur. In hac expectatione contigit repentinus ex conspectu recessus Punicarum navium: quare ille Cydonias aquas permensus Milum properatò contendit vocatus à fama, quædam Alexandrina navigia cum armis, & annona in Cretam transitura. Hæc intercipiendi cupidus mandavit Architalasso Justiniano præcedere usque ad Patini oras, mox ipse cum triremibus pro tempore affuturus, ut ea simul oppugnaret, ac everteret. Justinianus, qua ex causa adhuc fluctuat opinio, diversum iter intendens, Rhodum versus expandit vela: dum Petrus Diedus navium Præfectus subterlabentibus navigiis occurrens, duo ex illis capit; Maurocenus alia distraxit; sex tantum Cydoniæ portum ingressis: Post hæc supervenit Andreas Cornelius, cui ille tradito regendæ classis imperio, Venetias repetiit.

Cornelius omnem moram abjiciens insequabatur hostes Ægeum permeantes; at illi, recusata quacunque disceptandi aperto Marte provocatione, per subterfugia, & diverticula in hoc unum erant intenti; ut comportatis tutò com meatibus, suis in Creta militantibus suppeditarent. Ad Chium imperato accessu cum Turcis exscensionem vetantibus, ne classarii aquari possent, strenuè pugnavit: expositi milites, quos Bassa illis opposuit cum cæde repulerunt, eo graviter faucio, vixque fuga elapso. Inde Rhodum, Samumque prætervectus, nunquam in hoste persequendo defatigabatur. In Chitreo portu quatuordecim minoris formæ gaulos metu, atque consternatione perculsos oppressit; positus mercibus, quas Constantinopoli exportabant Alexandriam: sed vectores effugientes ad terram & salutem suam, & mercimoniorum majoris pretii consulere securitati.

*Primi Visiri Achmeti profectio in Cretam.  
Obitus Joannis Capellii; cujus, & Ballarini omnis  
de pace tractatus inanis.*

MDCLXV.

**P**Actis cum Leopoldo Cæsare in viginti annos induciis Turcicæ copiæ ab Hungaria ad oras Albanicæ, & Peloponnesi traductæ, in Cretam transportandæ esse dicebantur. Ex illius Insulæ adiectione Achmetus Primus Visirus Chiopurtli patris instructus monitis, sciebat plurimum virium, & commoditatis accessurum ad Ottomanici imperii propagationem referato trajectu in Italiam. Igitur solutus ab externis expeditionibus, huic unæ conficiendæ majori quàm antea sedulitate vacavit: quocirca increpabat Reipublicæ obstinata consilia disceptandi cum Ottomanorum Regum virtute, ac potentia: minabatur incendia, direptiones, & incursum in ipsam urbem: omnesque respuebat de concordia conditiones, quæ liberè totam Insulam Turcicæ ditioni non submitterent. Eatenus viguerat reconciliandæ pacis negotium, quod superioribus annis susceptum in sequentibus ex armorum eventis, modò infaultis, modò prosperis, vel dissidebat, vel variabat apud Turcas. Liceat hoc loco deducere ab exordio qui fuerit Veneti Senatus in retinenda pacificatione consensus: & quæ in ea dissoluenda Turcarum perfidia; quæve contra jura gentium plusquam immanis barbaries.

Anno MDCLI. Orator Gallus immorans Byzantii Patres admonuit quanta esset ejus temporis Primi Visiri propositio ad pristinam animorum reconciliationem. Ideò deligerent Virum, qui missus secum afferret conditiones ad eam stabiliendam opportunas. Nulluserat in comitiis, quin sciret à Barbaro iniqua peti, atque intoleranda; nihilque omnino ex dignitate Reipublicæ: attamen ne viderentur

N n n 2 op-

optatæ tranquillitati refragari, & parvi facere amica Regii Oratoris officia, Joannis Capellii sequuti sententiam, statuere Legatum Byzantium dimittere, ipsumque Capellium; qui, non multò ante functus eodem munere, Turcicæ Aulæ mores probè noverat. Vir ætate provectus, vivo tamen, magnoque animo pollens non abnuvit injunctam sibi profectionem; quam studio juvandæ Patriæ lubentissimè suscepit. Impetravit ab urbe discessurus habere penes se Joannem Baptistam Ballarinum, expertissimum ex his, quæ gesserat cum Superantio in pertractandis hujusmodi negotiis, summa prudentia, ac dexteritate. Post anni decursum, mense Januario appulsus Ascrivium, longam ibidem traxit moram in expectatione mandati de prosequendo itinere: quo tandem à Visiro transmissio cum festinatione illud confecit. Porro vix oculis intuitus est Byzantium, cum protinus inaudit de edicto citissimi recessus; ut unde venerat, eò continuò remigraret. Impiæ jussioni paruit; sed ubi in reditu Hadrianopolim tenuit Nonis Februarii, triennio post quàm Veneriis excefferat, vidit se, & suos, clauso transitu, constringi custodiis. Has illæ infidæ gentis perpeffus molestias incredibili patientia Senatus commovit animum, qui graviter affectus misera sui legati conditione, dum eam solari desiderat, occasione vacantis Procuratoriæ dignitatis usus, cunctis suffragiis illum eo amplissimo honore, & nomine affecit. Interim suis in ædibus obsessi habebant ad limina inexorabiles custodes: attramen per fidos conciliatores non intermittebant officia, & mentionem pacis, quæ cum Reipublicæ existimatione confici posset. Sed quæ pacta honesta, & laudabilia proponebantur, ea Bassarum fastus, ac superbia tamquam cassa, vanaq; absque Græcæ deditioe, vertebat in ludibria. Hic deplorandus rei gerendæ status adeò torquebat Capellii animum; ut natura & valetudine imbecillis in Ballarinum obeundæ legationis curam deponeret. Quod ex mœrore levamen in Capellio  
 appro-

approbavit Senatus: & in Ballarino publicè laudato confirmavit delegati muneris facultatem. Onus subiit qui patriæ rorum se devoverat plenum difficultatis, ac timoris, quo tempore ingentes tumultus gliscebant inter primotes Aulæ Purpuratos; verùm trucidatis discordiarum auctoribus Primum Visiratum consequutus est Mehemetes Chiopurulus, homo callidus, militari fastu ferox, & qui variis consiliis de imperio dilatando gratiam à Mahometo inierat. Tunc summè infensus Venetis visus est, cùm Ballarinum arctiori custodia teneti voluit: cujus tamen virtus Barbarum initiorum sibi reddidit. Itaque evocatus ad colloquia consensit Venetias linguarum interpretem Paradam nomine proficisci, ut renunciaret Senatui Visiri mentem; & quo pacto redimenda esset concordia. Hoc ingenio tempori inserviebat; quia procastinando poterat contingere Reipublicæ aliquis fortunatus atque eventus, qui pacis condiciones nimium rigidas mitigaret. In his disceptationibus, & angustiis sex effluxerant anni. Interim labente MDCLVII, qui missus fuerat, retulit Senatum, ejus pacis se profiteri studiosissimum, quæ suspicione careret, nec officeret Reipublicæ nomini. Reddito hoc responso excaudit Visirus, iratusque Ballarino, furere cœpit verbis, & minis: sed hic imperterritus tam dexterè illius feritatem lenivit: ut, inter Prætorianas acies honorificè exceptus, ejus jussu Regem comitatus sit Byzantium redeuntem; Per internuncios sæpè, ac frequenter illos adibat, quos ptonos ad tranquillitatem agnoscebat: multas subinde acerbitates tolerabat à Visito, qui omnes honestæ pacis condiciones avversabatur, & hanc unam sæpius repetebat: dedendam esse Cretam: & occupatas in Dalmatia arces restituendas: hisce iniquis postulationibus integro triennio exagitatus quotidie sibi metuebat carceres, & necem; cujus extremam horam plerumque expectabat, quæ tot miseriis circundatum exolveret. Hadrianopolim denuò regreditur  
bar-

barbarus Imperator, quem jussu Vifiri sequutus Ballarinus sēper in ancipiti suæ vitæ casu. Excurrebat annus MDCLX qui Mehemeto ultimum dierum clausit: & Ballarino aditum aperuit ad consequendam inter suos cives supremam dignitatem. Vacabat tunc temporis Magni Cancellarii Officium, & Respublica quæ cupiebat labores, & patientiam benemerentis munerari, eo præcellentissimo titulo majoribus in comitiis illum condecoravit; quî gradui Senatorio par, licet absentibus non conferatur, tamen pro præsentis habitus, qui suis meritis ante omnium oculos obversabatur. Pro collato munere suis in epistolis ad Rempublicam se quàm maximas ei agere, habereque gratias professus est; & evecto ad primî Vifiratus apicem Achmeto Mehemetis filio: delatum sibi honorem à Republica exposuit: ille benevolè auditum remisit cum spe majoris lætitiæ: de pace intelligi voluit: sed callidissimi hominis vafrities Ballarinum haud latebat. Revertentem Tyrannum Hadriano-polim sequurus, ut quacunque duceretur præstò esset ad procerum, Vifirique nutus dies noctibus conferendo, omne tempus in tuenda Reipublicæ indemnitate impendebat, ægorante Capellio: & probabat pacis conventionem à victis, & à victoribus necessariò exquirendam esse. Sic agendo curabat vel inire rationem, vel invenire modum honestæ pacificationis: & hæc tunc erat in spe cum ubique adversa Turcis evenirent: verum, quia temporis processu, quæ sperari poterant, omnino videbantur sublata; contraria fata Creticis rebus extremum prænunciabant excidium. Cui, ne superstes esset Capellius, qui satis multas ærumnas exantlaverat, mors eum ab hujusmodi curis, & molestiis liberavit, pridie Nonas Novembris MDCLXII.

Sublato è vivis Capellio, qui pietate in Deum, Charitate in Patriam ita excelluerat, ut pro illa obire graves perpeffus ærumnas sub extero cœlo dulce, & decorum duxerit; Ballarinus ad omnia intentus, atque agendo indefessus nihil de  
iis omit-

iis omittebat, quæ æquis rationibus in honestas paci sconditiones pertrahere possent Visirum. Verùm cuncta sua officia jactabat incassum apud hominem ferocientem quotidie magis, ac semper iniqua postulantem. Affectabat laudem perdomitæ Cretæ, & se auctore propagationem Turcici Imperii.

*Senatus Marchioni Villa summam peditum Præfeturam decernit: lustrat Dalmatiam, Præfide Catharino Cornelio.*  
*Intercipiuntur Turcici commeatus.*

**N**Obis redeuntibus ad summam rerum gestarum hoc anno se offert anxia Senatus cura, & sollicita festinatio comparandi necessaria ad tuendam Insulam; in quam Achmetus transiturus ferebatur, evocatis ab omni Oriente copiis. Hæc erat universæ Christianæ Reipublicæ propugnaculum; de cujus securitate, eo defenso, procul dubio agebatur: decrevit igitur externam opem iterum conquirere; Italos Principes excitare, ut in communes hostes confurgerent, jungerent arma, & eorum conatus reprimerent, qui provehendæ suæ tyrannidis cupiditate exagitati, Italiam cum primis subigere cogitabant. Per Legatos exposita periculi, & indigentæ causa, Pontifex in suis ditionibus, quatuor peditum millium delectum haberi permisit: Imperator alios conscribi suis in provinciis: Confines Principes, & plures in Germania Dynastæ, milites, arma, & se ipsos in ductores obtulerunt: Quærebatur interea, qui summi consilii, & maximi animi paratis exercitibus imperaret. Contigerat tribus ante annis illius disceptationis abolitio, quæ de Cyprio Regno, diu calamo, & atramento agitata fuit inter Veneram Rempubicam, & Allobrogum Duces: & quòd hac tempestate Taurini Orator Venerus esset Catharinus Bellenius. Hujus itaque solertiæ, & initæ concordie quæstus

stus extitit Marchio Ghironus Franciscus Villa, vir, id tempus, tum in re militari exercitus, tum gerendorum bellorum usu apprimè peritus; & quo nemo expectatior exoptatiorve hac urgenti Reipublicæ sollicitudine. Nonis Aprilis Venetiis comparuit; & coram Patribus visus perhumaniter de summa belli disseruit; suumque studium, operamque in eo fideliter administrando pollicitus, meruit stipendia, quæ ampla Bellenius cum illo pepigerat; ac totius pedatus curam sibi uni creditam, nullius, præterquam Veneti Imperatoris, addictus arbitrio. Interim Andreas Cornelius cum classe maria pererrans XI Kal. Julii à Præpessintho hodie Argentiera (ubi Bonfilius Patavinus à sua familia accepto nomine equestris alæ ductor immatura morte abripitur in summa strenui bellatoris expectatione) factus certior in Lesbio portu manere hosticam, discussit omnem moram, seque eidem conspiciendum dedit. Sed illa intuita supervenientem maxima cum trepidatione Tenedum festinavit: & à persequente se minùs tutam ibidem credens, ad priorem rediit stationem munitissima arce defensam. Cornelius ex hoc ab hoste captandi effugii circuitu, occasione capta, pluribus onerariis, quæ annonam, & armamenta vehebant, potitus est. Duas quoque triremes spontè deditas recepit; alteram à Samo, alteram à Lemno deductas; hanc Nauplii; illam Chalcidici Bejorum. His ad rapinas cum epibatis egressis christiana mancipia concordi libertatis voto, nunquam intermisso remigandi labore, à captivitate se subtraxerunt. Villa per hoc tempus in Dalmatiam devectus, cum Catharino Cornelio, oppida, & arces rum terrestres, tum maritimas accuratissima indagine exploravit: quod tum Præsidi Provinciæ suggesserat, Venetias reversus Senatui postea renunciavit, scilicet quid aliquibus, vel minuendum, vel addendum esset, ut adversus hostium impressiones redderentur tutiores. Demum Zacynthum delatus, receptusque à Marco Lauretano, transit secunda navi-

navigatione in Orientem. Paron insulam octauo Idus Decembris tenuit; in qua Cornelius, & alii armorum duces de bello agitabant consilia : & ille opportuno suo adventu omnes hilaravit : ibi jam pridem commodum accesserunt Alexander Molinus navium Præfectus, atque Archithalassus Justinianus ; postquam omnis eorum cura apud Sphagiam insulam Peloponnesi, & in Cydonio freto, ne suppetiæ ad hostes transveherentur , propter pertinaciam ventorum, & effusam diu, noctuque tenebrosam caliginem in irritum cecidit. Simul in unum coactis indixit Villa lustrandam esse universam militiam ; quo facto, eaque in acies disposita, numerata sunt octo millia peditum; & equites mille octingenti : in portu verò parata classis navium quadraginta , triremium sexdecim cum quinquereimis quinque : quam læti conscendunt , & Paro solventes leni vento Præpesinthus applicuerunt.

His gestis præfense expletur annus : cujus porrò initium infida aperuit , funestavitque Bernardini Calixti proditio, qui pedibus appensus execrandi sceleris poenas dedit : surripuerat à secretis occultas notas, ut paterent Turcis Venetarum gerendarum arcana . In Dalmatia incursiones , & prædæ : quas tamen cum multo fœnore reposuerunt Morlachi Bosniensibus ; quorum ductore Philippovicchio Dalmatæ gentis hoste acerrimo turpiter fugato; Castrum Gaormanum direptionibus, & flammis graviter vastarunt.

*Varia eventuum vicissitudines terrestres,  
ac maritimæ.*

MDCLXVI.

**I**Dibus Februariis, universa classe Præpesintho collecta, & omnibus rebus ad navigandum comparatis , Duces consilium ineunt , quam in expeditionem ea dirigenda esset . Censuit Villa in aliquam ex majoribus Ægei insulam,

Ooo pro-



promovendam ; & inde reſectis militibus , Turcicam infeſtandam ; hoſtes ubique infeſtandos ad intercipienda ſubſidia , quæ propediem dicebantur afferenda Cydoniis . Cornelius , productis Reipublicæ mandatis , reſcit in Cretam eundum , ut omni abjecta cunctatione , Candix opitularetur à Turcis validiſſimè oppugnandæ . Iter tendentibus in Cretam nunciat fama ; Hocquincurtum piratam unica ſua navi immenſæ molis intra Chii euripum triginta quinque hoſtium triremes , occiſo Baſſæ filio , & ipſo ſancio , magna ex parte diſſipaffe . Veneta porrò Clafſis VII Kal. Martii è propinquo vix Cretam luſtravit oculis , quando improvſò ſuborta tempeſtas eidem & obductum nubibus cælum noctem repente offudit . Tum reboante tonitrubus aere , turbatum mare elatis in cælum fluctibus Clafſi exitium minabatur , quæ jactata , & diſperſa in arenam , ſcopuloſque impēgiſſet , niſi Suda Arx accenſis ignibus navigantium ad ſalutem iter in Amphimalum ſinum indicafſet . Eo ſigno velox ab inſidiis exilivit Turcarum cuneus , ut à portu illam arceret ; at vani fuerunt conatus fuga , cædeque debilitari . Interim cum hoſtibus æther conjuraſſe videbatur , nam largos , & affiduos imbres effundens nubibus ; pelago exemptos vellet undequaque aquis inundantibus , terreſtri quodam naufragio perituros . Tandem ceſſante diluvio , Cydoniam verſus Villa ſe transfert , locum quem occuparet magis aptum ad reciprocum utriuſque clafſis com meatum exploraturus . Obſervatus à Turcis , magno amatorum globo Cydonia erumpente , peritur . Ille verò , cui neque vis , neque ars deerat , eam eruptionem fortiter ſuſtinuit , ac repreſſit ; imminensque fugientium tergis plurimos vulneravit , cæciditque . Vuerthmillerius tormentorum Præfectus non hac victoria contentus , ulterius perſequutus in fugam verſos , maximum in diſcrimen incidifſet ; exeuntibus ab oppido turmatim , & incondito clamore præſidiariis , niſi maturè idem penè obruto hoſtium multitudine ſubveniſſet : qui ve-

he-

hementius instantes pedem referre compulsi, perterritosque retrusit, non ausos amplius obsistere. Multis suorum in concertatione amissis, & cognito hostium robore, celeris regressionis in Candiam capit consilium: Diam cum applicuisset, ubi Cornelius erat cum reliqua classe; uterque consultò ad ipsam urbem transeunt XVI Kal. Maji. Facto descensu, extra Candiae mœnia locantur castra opposita hostium munitionibus: ex quibus illi quoties erupere, ut Venetas expugnarent; toties rejecti, nec unquam ausi aperto Marte concurrere, quia eorum impetus igne, ac missilibus eminus, gladiis cominus invicta virtute compescebantur. Hæc dum prospero eventu peraguntur, fama pervadit castra, octodecim Punicas naves insulas Cephaleniam, Zacynthum, & Corcyram infesto animo circuire. Tunc Cornelius moveri castra, & milites in urbem reduci imperat: quippe arma aliò converteri oportebat. Hujusmodi recessus, Villæ mœrorem, Turcis attulit hilaritatem: sed erant, qui ex eo Marchioni existimationem elearent: cui tamen prospexit Senatus, laudata illius virtute, modicis viribus Turcas propè infinitas sperni, ac obtundi posse. Junio mense Melitenfium triremes Diam pervenerunt: at non assignato sibi loco, quem affectabant in Veneta classe; remigrarunt, obtentu affectandi Hispaniarum Reginam protecturam per Italiam Leopoldo Augusto nupram. Iis diebus ad eandem insulam accessit Antonius Barbarus honorarii Ducis titulo: & Cornelius, cui creberrimè nunciabatur, Turcas nullo impedimento frequentes adire Cydonios cum com meatibus; ad hos intercludendos indixit omnium ducum conventum Præfessunthi agendum. Tamen, ut constituerat, discedere Dia non potuit repugnantibus ventis: neque illuc Villa appellere, quem Melos iisdem insultantibus retinebat: quare eo absente consultum fuit, avocare ab urbe Candia pedites, equitesque in decretas noviter expeditiones: factum, prout jussum fuerat à Cornelio; sed quidquid in

cogitationem venerat, caruit effectu, infesta ubique nostris fortuna, & Turcis prospera. Navigabat Classis hosticæ occurrens, ut ferentem supperias interverteret: sed illicò horrida tempestas eam à Therasiæ portu summovit, compulsi- que diu agitatam Astypalææ littoribus adhærere. Hinc re- tentata navigatione, sensit antea exasperatam ventorum ra- biem: intensior Notus illam adedò affixit, ut in diversum agens triremes, has magno cum periculo Pathmon rejece- rit. Postremò in unum collecta, postquam Ægeas insulas quindecim dierum spatio perlustrasset: nullo prosperitatis eventu in Andrio portu VII Kal. Septembris resedit; incu- sans querelis tata, quæ quotiescunque aliquam in Barbaros expeditionem susciperet; toties adversus ipsam vocarent ad classica ventos, ac tempestates. In Maliaco sinu duodecim Turcarum navigia operiebantur tempus cautæ velificatio- nis in Cretam: Cornelius erectus in spem placatæ sortis, confestim ad detrahenda auxilia destinavit Grimanum na- vium Præfectum: qui audaciter progressus, & fortiter præ- liatus post multam pugnam omnia subegit, suisque religata puppibus ovans Delum perduxit. Hæc inter anni mensis undecimus vertebatur, quo hybernorum necessitas vaca- tionem à bello postulabat; & Villa iter suum Venetias in- stituebat; at proximè discedenti Priolus remoram fecit enunciato Primi Visiri appulsu in Cretam. Hoc monitu haud cunctantior factus conscendit naves, & Candiaæ por- tum ingressus, suo adventu, magis voto, quàm spe conce- pro, universam militiam erexit, ac recreavit festis vocibus restantem quale gaudium ab illius reditu perceperat. Assi- duam operam, sollicitamque illicò dedit moliendis intra, & extra urbem novis munitionibus: quas contra exteriorem hostem ita instruxit omni ex re bellica disciplina, & appa- ratu excitatas, ut, rectè dispositis, quæ ad ejus tutelam sufficere videbantur, quoscunque hostiles impetus posset eludere. Verùm cuncta, quæ magno studio, & cura Villa perfecerat,

Ba-

Barotius quidam Cydonius mutato cum Religione in Principem obsequio, sedulò specularus quæ loca ad occultandas insidias, quæque ad eruptiones faciendas; ordinatim Visiro manifestavit: & reverà plurimum laboris, virium, & opum in oppugnatione à Turcis esset exhaustum; nisi infamis ille proditor omnia nostrum machinamenta, & astus detexisset.

*Turca Dalmatiam excurrunt.*

*Ballarini obitus.*

*Candiam terrent infortunia.*

*Captivitas Egyptii Sangiachi Ramadami.*

**H**Oc item anno in Dalmatia Turcæ ad tria millia Jaderinos agros incurfarunt: & Morlachi quatuorcentum numero ut cohiberent excursus obviâ profecti; dum cedentibus tumultuariò insistent; dolosè perductos in insidias, qui latebant emergentes partim obtruncant, partim capiunt; paucos à cæde, & à captivitate redemit fuga: Ductor Morlachæ gentis Possidarius accepti damni sarciendi curam complexus, robustam manum Novigradum deduxit in Turcas: cum quibus eò loci, pari astu, & improviso assultu dimicavit, magnamque eorum partem oppressit, recepta præda, quæ non modica fuit. Subinde Bosniæ Bassa, cum septem peditum millibus postquam aliquot dies Tininii confedisset, repido terrore replens vicina oppida, Spalaturni, & Clissam vagis excursionibus agitabat. Nostri ad omnes hostilium armorum motus intenti, aliquando ex occasione præliantes; solisque velirationibus, sic contundunt illius conatus, ut contractis agminibus Macarscham peteret. Quoniam verò opportunè affuit Cornelius cum classe insultantis fregit audaciam, & à Turri, cui Gradaz nomen, quam tormentis quatiebat, expulit. Hoste longe submoto, biennio quievit Dalmatia; nam exercitus collecti in adja-

cen-

centibus provinciis Bosnia, & Albania, urgente Visiri jussu, transportandi erant in Peloponnesum, & inde in Cretam; cujus Candia urbis oppugnationem sic avidè arripere peroptabat, quasi diuturnam sitim explere cuperet. Assuetus tamen neccendis fraudibus profitebatur non abhorre à concordia cum Republica; licèt, ut jactabat, illum exasperassent transmissæ in Dalmatiam, & in Cretam copiae, dum pacis intercederet negotiatio. Vocavit igitur ad se (Thebis parantem sollicita conquestione milites obtentu externi belli) Balkarinum: qui nulla in mora fuit, quin ad iter promptus, hoc festinanter arripuerit, quamvis sciret se à Barbaro illudi. Byzantio perhonorifico Prætorianæ cohortis comitatu, imperante Visiro, egreditur: Thessalonicam usque progressus, ulteriùs nequit contendere, variis corporis, animique curis confectus. Inde nihilominùs voluit abscedere, recusata ad colligendas vires etiam modica quiete; at viæ laborem ita gravem sensit, ut coactus ex morbo Isdini conquiescere, qui vicus Macedoniæ est, cognovit se brevi moriturum. Cum igitur de extremo vitæ fato prorsus ageretur, Joanni Baptistæ Padavino affini suo, & assiduo in utraque fortuna socio, res publicas enixissimè commendavit: ipsumque non rogavit tantùm, verùm etiam obsecravit, ut Senatui referret, nullam in eum irrepsisse torpedinem, qui multas passus contumelias, duros carceres, difficilesque peregrinationes non modica statuisset documenta suæ fidei in Rempublicam; & quo perseveranti studio illius asserendæ existimationi, ac tranquillitati se totum addixisset. In hæc; ultimum suæ vitæ diem clausit, oblitus res proprias componere, quia nihil magis volvebat animo quàm Religionis, & Patriæ fortunas. Quanti cum fecerit Senatus, & sibi quàm charus fuerit, mœrore funeris indicavit: quod publico sumptu curavit, iusta solvit coram Duce, Senatu, Principumque Legatis, & laudatum nomen mandavit æternitati, atque in Dominicum filium, æquata ejus ætate paternis

me-

meritis, Magni Cancellarii transtulit dignitatem. Ballarini obitus non tam domesticis, quàm ipsis barbaris lacrymas expressit; ac præcipuè Visiro, quiejus in agendo constantiam, tuendaque Reipublicæ majestate, nullis unquam concussam adversis, valdè admiratus est. Contigit quidem difficillimo Reipublicæ tempore: quo & alia supervenere miseranda: vehementes ventorum flatus invicem præliantes Candiam plurimum exagitarunt: terruerunt tonitrua, & fulgura, Inter quæ duo magno fragore displota fulmina: alterum turrim Divo Francisco sacram penetravit, perque templum serpens dicatam eidem supellectilem combussit; & mortuorum sedes contrivit: alterum castelli Laternam discussit. A sævientibus noctu procellis navis commeatibus plena in ipso portus ostio demergitur: aliam pari discrimine, quæ ignara successus priorem veluti scopulum offendit, mare suis voraginibus absorbet. Hæc omnia, an fuerint impendentis calamitatis signa, adèd suo eventu ventura tempora declararunt, ut non temerè prodigia evenire putandum sit.

Venetis explevit hunc annum Andreæ Cornelli Classis summi Ducis, & Francisci Barbari ejusdem Curatoris adventus: Hi secum adduxere captivum Ramadamum Ægypti sangiachum: quem superiori anno conantem intramittere ad Cydonios Ægyptiaca subsidia viginti tribus navigiis allata, Grimanus, & Molinus navium Præfecti interceperunt. In conflictu cum sæpè obnitens repugnasset, tandem victo proximus, & frustra à Cydoniis triremibus defensus, incendit navigium, quo vehebatur, & clam conscenso actuariolo per intervalla discurrentium navium tentantem elabi, Molini vigilantia remorata est. Eo capto, nullus fuit qui ultra obfisteret: quamobrem ex navigiis, partim à Venetis occupata; partim demersa: & eorum quatuor à Melitensibus opportuno certamini accessu acquisita, integram fermè victoriam cohonestarunt; ducto præsertim in  
trium-

triumpho Ramadamo . Præter hæc Turcica triremis Christianorum remigantium ingenio Veneto imperatori Francisco Mauroceno Cornelii in locum suffecto , subditur : hanc juxta Polycandri scopulos ad anchoras stantem multis in locis perterebrarunt ; quæ cum recepta aqua propè mergi videretur, & minari naufragium , Turcis ex metu raprim exilientibus, captivi obturant foramina , celerique remorum conatu Venetæ classi se jungunt . Maurocenus comiter exceptos donat libertate, & monitus errare Turcas in scopulis, nullo patente effugio, ad eos in potestatem redigendos mittit Laurentium Cornelium Adriaci maris Custodem, qui , præter paucos , lassos viribus natando in undis demersos, cæteros captivos abduxit .

*Obsessa Candia annus primus.*

*Hieronymus Janarina Ballarino subrogatus  
pestilentia in Turcarum castris absumitur.*

MDCLXVII.

**H**ujus anni mense Majo Achmetus cum terrestribus, navalibusque copiis transivit in Cretam. Cydoniam primò appulsus, contemplatus est accuratissimè ejus præsidia, & munitiones, quas firmavit validiùs, & militum auxit incremento ; deinde profectus Enandiam , hanc illicò demolitus est: ne, obsessa Candia, suis aliquo sinistro casu percussis, locus ille superesset ad refugium : atque ob eam causam sublata inde impedimenta contra Candiam explicuit : & ejus instituit obsidionem in valle castrametatus , cui Josphiri nomen ; versus mare, ex qua parte putabat impediri posse subsidia ad urbem, non modò circumsessam; sed etiam circumvallatam. Dum hæc ille molitur, & quandoque cum prohibentibus opera pugnat haud prosperis initiis; Villa revocatus in Sabaudiam propter nata dissidia intra finitimos, Zacynthum pervenerat. Illum ne ulteriùs viam carperet, Mau-

Maurocenus remoratur: quia deprecante Senatu, Princeps ejus dominus ad aliud tempus incœptum iter remittebat, cujus rei certior factus Gretam revisit traductus navibus Octavii Labiæ, quem Patres ad convehendos commeatus destinarent, præ cæteris intrepidè suscipientem onus, & curam difficilis navigationis.

Villa Candiæ restitutus omnium spem erexit comprimendos fore sua virtute conatus Achmeri. Hujus insidiæ, & militares astus Ducis sagacitatem, ac prudentiam non fallebant. Quamobrem continuò studuit intra, & extra mœnia propugnacula, munitionesque firmare præsidiis augere operas, & omnia statuere opportuna ad arcendas, hostium impressiones.

Candia, qua à Septentrione mare abluitur, continenti situ inæquali adhæret; septem habet propugnacula cæteris majora; & hæc propriis nominibus appellata Sabulonaria, Victurium, Martinengium, Bethlemiticum, Panigrà, Jesus, & Sancti Andreæ: mœnia circumdat à terra longa lataque fossa, cujus pars adversa valdè munita est; tumulos tenet præaltos suis locis impositos: cæcæ cryptæ excurrunt propugnaculorum latera; sunt in urbe interni receptus, perfugiaque secundaria: ante portas præstructæ moles; semilunaria munimenta; lorice post circitorum vias; tormentarii suggestus sustinent enormes machinas: & tandem in se colligit quid quid est armorum, tormentorumque gerendo sustinendoque bello opportunum. Ita Urbs rebus omnibus referta; suis confisa ducibus gloria militaris scientiæ præstantissimis, Mauroceno secundum electo Imperatore; Villa martia virtute, & multarum rerum usu summè laudato; militibus paratis ad omnia obeunda pro Religione, & Republica aduersus infestissimos hostes pericula, satis videbatur idonea ad repellendas quascumque aggressiones. Jam Visirus XI Kal. Maij cœperat irrequietis aggressionibus Candiam impetere, grandioribus machinis concutere:

P p p & cum



& cùm ea potiri aperta vi diffideret; occultis dolis per subterranea machinamenta evertere, & expugnare. Habebat in castris quadraginta peditum millia: diu, noctuque fossores, & cunicularios octo mille exercebat in attollendis aggeribus producendisque ad miram altitudinem foveis, ac subrus effodiendis cuniculis; è quibus nitrato pulvere oppletis excitatus ignis, nescius occludi, cum fragore, & impetu erumpens, solum convelleret ab imo; cogeret propugnatores discerptos volare per aerem; ac, ut subitaneis ruinis convulsa moenia furentes catervæ occuparent, viam ingrediendi in urbem aperirent. Contrà nostri haud inertes Mauroceni imperatoris præsentia, atque strenua Villæ ducis solertia confirmati in subeuntes hostes, & molientes ascensum inopinatis eruptionibus ferebantur nullo intrepidi mortis metu, sed vividæ virtutis impulsu alacres, alios cædebant, multos obtruncabant, adigebantque in fugam, quos suorum strages denunciatione ejusdem periculi terrebant. Hostibus etiam paria referentes excavabant profundiores cuniculos; quibus non tam exadverso occurrebant effossis ab hoste, quàm subter ipsos penetrando, vi abditi ignis cum strepitu eructantis, superimpositas structiones dissolvebant funestissima operarum laceratione; in quorum capita convertebantur machinamenta. Hoc invento ab inferis mutuato, belligerandi igne potius quàm ferro, usi sunt Turcæ; & ab his instructi Veneri, durante obsessæ urbis triennio. Hæc dum aguntur apud Candiam, Alexander Molinus Diam victor advenit: expugnavit in Maliaco sinu onerarias, quas ibidem repererat, instituentes celerem navigationem in Cretam cum annona, militibus, & impedimentis. Aggressus replet improvise metu trepidas, omnesque tumultu miscet, & maxima consternatione. Aliquas tormentis concussas, & laceras profundo merfit; aliquas vi captas suis religatas puppibus in triumpho duxit.

Tunc temporis iterum ab occasu in auxilium venerat  
Pon-

Pontificiæ, ac Melitenſes triremes, quarum ſummi erant ductores Prior Bichius, & Balivus à Bene: Siculæ quoque, & Neapolitanæ, præfecto Jannettino Doria, acceſſere. Omnes hilari, ac militari ſalutatione Venetus imperator excepi: verùm ab his nihil geſtum memorabile hac tempeſtate; eorum excuſus per maria piraticis magis, quàm iuſtis præliis ſimiles fuerunt: nullus ab claſſe egreſſus eſt, qui obſidionalia Turcarum caſtra, aut extructas noſtrorum munitiones inſpiceret. Sed cogitantibus abire, cò quòd nulla in promptu eſſet pugnandi opportunitas, ac ſcirent Candiam in extremum pene periculum adductam; Villa renidēs, Bichio, & Doriæ retulit, non eſſe defuturas occaſiones ſi vellet iis accedentibus occurrere: ſique deſcendiſſent in caſtra, aliud de Candia ſtatu iudicium laturos; irent igitur, quia Veneti talibus non egebant auxiliis. Unus Arcurtius Gallus Eques Melitenſis, & decem ejuſdem Ordinis præſantiſſimi javenes, cum ſuo comitatu exilientes è navibus non pauca martialis militiæ dedere ſpecimina. Hæc inter propugnaculum Panigrà dictum, cujus Viſirus ſua præſentia moliebatur expugnationem, primos ſuſtinuit impetus, qui à noſtris audaci, ſortique animo repreſſi fuere: & per eos dies, ulii menſis extremos Hieronymus Javarina à Senatus Secretis Ballarino ſubrogatus Candiam pervenit: qui accepta ab hoſtibus fide Jophiri fluminis oſtium ingreditur; exceptus à Viſiro cum honore, tanquam miſſus ad pacificandum; & juſſus commigrare in domum tutò ſibi præparatam, comitem habuit Padauinum, ut inſtructus de his quæ à Ballarino ille exceperat, Reipublicæ magis profutura, ex Senatus mandato, eadem pacificationis negotia acturus in medium proferret. Interim Viſiri adverſus illud propugnaculum furor, ad alia aggredienda in cœteros quoque Baſſas effundebatur. Diurni, nocturnique erant aggreſſus, & repulſus; hi ſæpiùs cum magna hoſtium cæde; nam quò eniti tentabant, cò feſtinus properabat Villa cum reli-

quis copiarum ducibus: Barbarus, Vuertmellerius, Grimaldus irruentibus undique Turcis fortissimè resistebant ; & per omnes numeros singularia militaris disciplinæ edebant specimina. Quæ pars murorum flammifera impulsâ vi corruerat: quod munimentum tormentarius pulsus labefactabat, confestim omnia validiora in pristinum restitura exurgebant; tantam operum celeritatem obstupescibat Visirus, & obstinatiùs moles, machinas, & instrumenta aggerebat. Adductis Cydonia quinque enormis magnitudinis bombardis, alterum invadere jussit propugnaculum, quod fuit Bethlemiticum, cura, & opere Agæ Testerdari: vehemens, feroxque natura homo ad ascensum suos minacibus verbis incitabat; qui parati primi conscenderant, post longam, & cruentam pugnam dejecti fuerunt, & cum derisu ad repetendas impressiones provocati. Tum lapidis fragmentum, evulsum ab imperu explosi tormenti, Villam in vultu levi tactu, percussit: igneus quoque globulus cùm ejus pectus sacra icuncula munitum vix tetigisset, illam reveritus, ad pedes cecidit. Extinguitur pila vitrea Sulphurata Æneas de Comitibus Patavinus, qui in Sabulonariæ propugnatione vigilantem navabat operam. Dum hæc circa urbem; Maurocenus Benzoniam triremem emisit, ut ab ostio Jophyri amnis infestis ictibus molestiam Turcicis castris exhiberet: illam sex aliæ subsequutæ, plura Bassarum tentoria prostraverunt. Alibi auditur ingens armorum fragor; in Sancti Andreæ propugnaculum Turcas per cuniculos irrupisse: quare cito gradu progressi nostri, atque in unum conglobati supremæ fortitudinis experimento ad ima devolutis aggressoribus, occisis, fugatisque; muros excussos repararunt, sollicitantibus operas Villa, & Grimaldo. Verùm quia continuati labores, impacta vulnera, & illaræ cædes præsidiorum vires, & propugnantium numerum exhauriebant, Barbarus suadebat evocari è navibus epibatas; sed mille tantum suffecturos ostendebat Villa: alii opinabantur fore uti-

lius,

lius expediri classẽ, militibus non diminutam ad explorandos maritimos recessus, ut subsidia, quæ magna, & valida adnavigabant ad hostes, ubique perquisita, interceptaque surriperet. Has inter disceptationes, quæ frequentius propagantur, ubi plures imperant, Turcæ in ipsum propugnaculum denuò insurgunt; fossas agunt, & muris appropinquare contendunt: ideo per mille necis discrimina deturbare conantur propugnatores; nam ad alias nocendi artes excogitarunt atros ignes concipere, quorum fumei globi gravi nidore, & pestifero veneno infecti, obcæcandi, & occidendi vini haberent. Nullo tamen eventu hæc agentes à nostris iterum cum cæde propulsantur jacentibus sulphureas ollas, saxa, & missilia omnis generis, cum ipsius Visiri periculo, in cujus castra volantes pilæ fecerunt impetum. Sub hoc tempus valentissima auxilia, Venetiis comparata, advexit Josephus Maurocenus suis quinqueringibus, quarum gerebat præfecturam: sexcentos pedites Cæsar è Germania transmisit: Clemens Nonus, consecratis publicæ causæ sui Pontificatus exordiis, quinquaginta nummum aureorum millia numeravit: professus se nihil prætermisurum in una defendenda Creta adversus communem hostem, quicquid in potestatem redacta, universæ Italiæ parabat excidium. Propterea vigilanter excubans pro Christiana Republica, nullis abstinent impensis, quin ob terrestres, maritimosque apparatus plurima pecuniarum, militumque subsidia ministraret, & Catholicos Principes promoveret ad opem ferendam Venetis; qui periculoso bello perculsi, si vincerentur, in omnes effusa Barbarorum pestis inhumaniter desæviret. Cæterum per simultatem, quam de re bellica administranda, exercebant Antonius Barbarus Cretæ Præses, & Vuertermellerius tormentorum Præfectus cum Marchione Villa: uterque, decernente Senatu, ne latens odium in apertum discrimen efflueret, Candia discessit. Munus, quod Barbarus obtrinebat, Battalæ Insulæ Curatori defertur: & Mauroce-

nus

nus suo descensu è Classe in omnes obsessæ urbis necessitates incumbendi curam amplectitur .

Jam quatuor menses effluxerant ab inchoata obsidione : reliqui tres non absimili contentione, ac rabie pugnati sunt. Idcirco Maurocenus cognito suarum virium defectu , majorem peditum, equitumque partem, quos Suda, Tine, Cytheraque retinebant, ad se accersivit : his acceptis, in Turcas propugnaculo Panigrà inhærentes paravit eruptionem ; quæ tanto cum impetu facta est, ut ab ipso incumbentium impulsu lacerati, contusi, cæsi que fuerint, modico nostrorum damno. Ex qua tamen clade ne abirent inulti, tertio eidem insultant ; & cum nullum esset telorum genus, quod non torquerent in propugnantes , in ejus cacumen evadunt, & quinque affigunt vexilla, ululantes, ac si illius potiti essent . Verùm resumptis animis coram Mauroceno, & Villa, audaciùs, atque ardentius irruunt in obsessores, revelunt signa ; & ex multis, qui in summum evaserant, pauciores numero in suas stationes retrudunt . Hinc denuò erumpunt fortissimè & ferro simul , & exiliente à cavernosis recessibus igne, absumunt, ac dissipant conantes vim vi repulfare. Insanè tremebat Visirus, cum omnia sibi iniquiora succederent : & quod usque adhuc propitia fortuna Venetis arripisset . Itaque anxiiis curis agitarus, conquirat auxilia datis litteris ad Bassas, ut accelerent collecta in toto fermè imperio : & componendæ pacis cupidum se ostendit , illum sequuturus eventum , quem fors daret . Tunc gravis pestilentia vis, quæ Turcica castra maximè lacerabat ; Padauinum IV. Id. Nouembris oppressit ; quem paucos post dies Jauarina eodem morbo confectus subsequutus est : horum interitus non parum afflixit Visirum, qui motus amoris affectu, raro exemplo apud Barbaros, jussit ad eorum affeclas omnia reddi, quæ pro usu, & supellectili attulerant. Hoc anno obstinatissimæ obsidionis primo ex Venetis, cum duobus patriciis Laurentio Pisano, & Nicolao Justiniano, ex-

hau,

hausta cæde varia dicuntur octo circiter millia; Viginti septem millia cum quingentis Turcæ amisisse, inter quos, quatuor Bassæ à Visiro propter militarem disciplinam, ac strenuitatem moestissimè defleti. Tot occisorum numerum habent, qui per singulos obsidionis menses, & dies sua conficiunt commentaria.

*Senatus Aloysium Molinum mittit ad Turcas pacis Legatum.*

MDCLXVIII.

*Annus obsessa Candia secundus.*

**P**ræfens annus idem habet à Turcis certaminum irritamentum, quod proximè transactus, in propugnacula: & idem exhibet Venetorum constans robur in propugnacionibus, tuendo præsertim Panigrà, irritò conatu ab hostibus huc usque tentato.

Nonis Januariis Bernardus Nanius cum navigiis in portu consistentibus vela in Cretam explicuit; & secum traduxit Mutium Matthæum Romanum, quem Clemens destinauerat quingentorum peditum Ducem. Qui quidem Pontifex alia subinde auxilia contulit, & magnam vim auri erogavit ex collectis, & collatis quorundam Religiosorum Ordinum bonis, Prædecessores suos imitatus, ut redditus pro communi causâ adversus Christiani nominis hostes fructuosius impenderentur. Candia cum nova recepisset subsidia, numerabat in censu octo bellatorum millia: quam tamen summam diminuebant quotidiani confictus. Non secus Turcæ ad expugnandas munitiones assidui; & ad repellendas à mari excensiones seduli, quamvis numerosiores, nihilominus invalidi nostris eruptionibus videbantur. Quapropter Visirus, ut occultaret aliquod vafri sui ingenii inventum velde continuanda obsidione; vel indigus vi-  
rium

rium de mora injicienda Venetis ad progressus ; explicato , albo vexillo , ad Maurocenum litteras dedit , scriptas Senatus , cui pacis conditiones proponebat . Ille , per Joannem Petrum Caballum à Secretis , qui cum Javarina in Cretam venerat , eidem respondet : Se ab Senatu talem recepisse facultatem ; qualem ipse sciret sibi à suo Rege fuisse impertitam . Patres ad hujus rei notitiam , decreverunt legare virum patricium , qui in spem pacis Turcicam Aulam adiret . Eligunt Andream Valerium , tunc trium Insularum Præsidem : sed ille legitime probata excusatione se à munere eximit . Data suffragia Aloysio Molino Equiti ; hunc invenere paratissimum , licet affectæ ætatis , ad quodcumque discrimen pro Republica subeundum . Susceptum legationis onus expleturus , iter , ne minimo quidem spatio temporis interjecto , ita maturavit , ut brevi Larissam Macedoniæ urbem , quæ Regem Turcicum in deliciis detinebat , profectus sit . Visus , & habitus honorificè in ingressu , post exiguum moram mox cogitur inde discedere , & Cydoniam properatò transire , suaque ibidem cum Visiro negotia agere . Senatus , Molino digresso , ejus filio Alexandro Turcis infesto substituit in navium præfecturam Thaddæum Maurocenum : ne illi etiam nunc navalibus pugnis attriti , in Patrem falsis criminibus insimulatum , Barbaro ritu sævirent : idè evocato Venetias Censoriam dignitatem attribuit . Interea Visiro omnis tarditas , & procrastinatio subjugandæ Candie erat odiosa ; indignanti , quòd , qua volebat celeritate , bellum non conficeret ; decrevit igitur totis viribus arcere à mari tritemes , ne accederent ; ob id in Sabulonariæ tumulis majora tormenta collocavit , quæ nullo tempore intermisso immanibus globis eas percuterent : neque à terra conquievit , quin renovatis conatibus per aggressores , & cunicularios propugnacula toties petita prosterneret . Nostri odorati Visiri mentem , Classem in tutum reductam protegunt à fulminibus : & barbaros astus pari arte deludunt . Per transversa se-

pimen-

pimenta ipsis in terræ visceribus actis cuniculis obvii, alios contrà suffodiunt; in cados nitrato pulvere repletos projiciunt ignem, qui succensi tantam flammarum jaculantur vim, ut hostium plurimi, aut semiusti, aut faucibus fumo interclusis perierint. Multiplices quoque fuere eruptiones, quas Maurocenus, & Villa moliebantur excitantes militum virtutem, & constantiam ad exturbandos hostes ab aggeribus, in quos ipsi catervatim sese inferebant, intrudebantque duabus erectis munitionibus: altera contra Sancti Andreæ obstructam portam; altera, propè maritimam oram, omni machinarum, tormentorumque copia communis; quæ grande periculum faceiebant propugnaculis. Attamen ex adverso qui eruperant cum ingenti impetu, & animorum ardore penetrarunt incurstantes acies, & quò gradum promovebant à fronte, à lateribus viriliter se gesserunt multis necatis, & faucis. Sed quia pertinacissimis animis pugnabatur plurimi quoque de Venetis lacerati, & occisi sunt.

*Nocturna in mari pugna cum Turcis.  
Durachus Bejus victus occiditur.*

Visirus acriter indignatus quòd parùm feliciter ferum, ignes, tela, furoremque suum in Venetos exerceret, ad alia implacabilis odii facinora se convertit. Laurentius Cornelius excubabat in mari cum triremibus septem, Turcis navigiis prohibendo transitum, ne ab Cydonia veherent in castra suppetias. Visirus ad eum obviam sibi infestissimum auferendum totus incubuit: duo peditum millia nocturno itinere, ut celaret arcanum, Galippo Natoliæ Bassæ transmittit, & imperat Richymnam ire; conscendere triremes, navesque in portu stantes; & militibus ab eo missis, rebusque necessariis adornatas educere in Cornelias transitionem impediennes; eas per tenebras



repentino impetu aggredi, inflammare, & pessumdare, minatus vincula, & neces contumacibus ad mandata. Hæc expeditio per secretos nuncios sibi revelata docuit Maurocenum non esse opus consultationibus ubi urget festinandi necessitas: idè ut Visiri cogitata præverteret, extemplo imponit suis triremibus sexcentos præcipui roboris viros, quos Grimaldi experta solertia ex omni militia selegerat; & adulta nocte octavo Id. Martii Diam petit, in qua Nanius ad curam Classis delegatus in locum Battalæ cum sexdecim triremibus manebat. Facto accessu inaudit, sequenti nocte duodecim triremes optimè instructas, ad locum Fodelle nuncupatum, expectari: quare Diam deserit sub tenebroso tempore, & viginti stipatus triremibus Cretica litora excurrit. Eodem ferè momento à Rithymna supervenere hosticæ naves, & cum sua Classe Durachus Bejus insignis pirata: unà omnes tanto inconditarum vocum ululatu, fremitu, strepituque bombardarum adoriuntur Cornelias triremes, ut de his repentino incurfû concussis spem victoriæ foverent. Sed intrepidè Cornelius discussit impetum explosis tormentis, & nudatis armis, in eo nocturno conflictu (quo nullus alius, nisi præsens commissus in tenebris, legitur atrocior) fœdissimè laceravit, & confudit hostium classem. Super his veluti in subsidium advenit Maurocenus, & magis recrudit certamen cum Duracho. Fortuna varia, modò Turcis, modò Veneris adversa; multiplicem obstinati, cruentique prælii faciem præbebat: cœperant nostros deficere bellica instrumenta, missilia, & fabricati ignes; at ex Mauroceni ingenio prosper in obscuro illuxit eventus: tædas, facesque cera, piceque circumlitas succendi jubet; easque secundo vento in classem inimicam vibrari: hoc ille commento vehementer hostes exterruit; qui flammis, fumoque obruti, & impotentes ad extinguendum incendium, sensere nostros instare acrius, irumpere, invadere navium latera, & obvias puppes con-

versis

verſis proris allidere . Nocte cum hoſtili claſſe , cladeque emenſa , ſeptem horas pugnatum eſt , Durachus congreſſus cum Mauroceno in prælio cecidit : cum ejus Prætoria quinque triremes captæ ſunt ; una in profundum demerſa ; ſemifractæ , & ferè inutiles quæ ſe ab acie ſubduxere ; de Turcis valentiores obtruncati : quadringenti , & ampliùs detenti ; ultra mille captivi in libertatem vindicati : ducen-  
 tos Veneti numerarunt interfectos , quingentos vulneratos . Tandem albeſcente die Maurocenus cùm decreviſſet Fodelle caſtrum adire , & diripere quæ in eo Turcæ magna commeatum , & impedimentorum copia deſpoſuerant , ad augendam amplioribus ſpoliis victoriam , vidit ſuis voris obſiſtere adverſis fluctibus mare tumidum , & procelloſum ; & Viſirus ex ſpecula contra expectationem ſpectatorem ſe præbuit infelicitis eventus : atque in teſtimonium accepræ victoriæ à Mauroceno audiit à Dia inſula in conſpectum obſeſſæ urbis ejus reditum lætis acclamationibus proſequi , & in ſua caſtra exploſa præ gaudio tormenta , non modica damna intuliſſe . Chiliarca Vecchia cognomine non vulgaris famæ in præſenti bello , & clarus ingenio , quo ſe per ſubterraneam cavam ab Turcarum ergaſtulis exſolvit , cum victoriæ nuncio Venetias mittitur : appulit advectus navigio hoſtium manubiis , inſignibusque onuſto , & coram Patribus rei bene geſtæ felicem exitum exponit . Statim ingens in urbe lætitia , è navibus in portu feſtus tormentorum fragor immugiit : & effuſa grati Principis munificentia erga omnes , qui fortiter præliati ſunt ; ornavit ſupremum ſuæ Claſſis Ducem Equeſtri dignitate : atque multorum clara facta liberaliſſimè compenſavit .

*Catharin o Cornelio Classis administrationem Senatus tradit.*

*Villa Candia discedentis vicem S. Andrea Marchioni Mombruno Gallo committit.*

**C**Andiam reversus Maurocenus, quia terrestribus, maritimisque curis distentus ægrè poterat ubique & opera, & animo adesse; Senatus Classis administrationi præposuit Catharinum Cornelium, qui tunc Dalmatæ Provinciæ præsidebat. Ille huic destinatus muneri sollicitavit suam expeditionem in Cretam milite, comœatu, bellicoque apparatu instructam; & patriciis ornatam commilitonibus, quibus Religionis defensio, Patriæ amor cordi esset. Hæc dum Veneriis parantur Marchio Franciscus Villa à Creta suum in Sabaudiam adornat iter jussus à Principe, cui erat mancipatus illuc quàm celeriter se transferri: ambiguum est; an ob suspicionem surgentis belli in ea provincia, cui maxime necessarius videbatur: an, quod magis credibile, ob invidiam turbæ aulicorum ægrè ferentis præclara illius gesta in Creta cum egregia fama, & plausu celebri: verùm remotus ab armis in otio consenuit. Atque ideo nullus neque Pontificis, neque Reipublicæ enixis precibus locus fuit, ut Candia permaneret eo tempore, quo sua præsentia, & vigilantia certam spem excitabat amoliendæ obsidionis. Patres abeuntis adventum in urbem cum honore excipiunt, illumque verbis compositis laudatum cum regalibus donis dimittunt, & Marchionem alterum Sancti Andree Mombrunum appellatum, sufficiunt, virum armis spectatissimum, & multæ, probatæq; existimationis in bellis, quibus cum imperio præfuit.

Per hos dies Nanius dum Candia suo muneri accuratè incumbit ictu glandis in capite occumbit: mors hæc Venetias allata Patres induxit, ut defuncti vices iterùm Hieronymo Battalæ committerent.

*Du-*

*Ducis Bassa in mari pugna cum Piratis Gal-  
lis: cum Vitali, & Lescasio.*

*Leonius navium Præfectus contra decem Pu-  
nicas à tribus Venetis defenditur.*

**Q**uatuor Navarchi Galli ; duo Equites alter de Verva , alter de Bremonte : & duo fratres Temericortii totidem Melitæas naves piratarum more agebant in Turcas. Singuli, ut quisque suam reficeret, Ion admove-  
runt : omni soluti metu cum sexcentis militibus alii excu-  
babant in portu ; alii ab ejus extrema parte in litus extra-  
hebant navalia impedimenta . Dux Bassa dum à Paro soli-  
citabat in Cretam præparata auxilia , explorata piratarum  
mora in proxima insula , ad hanc nocturno cursu vela  
dirigit . Piratæ cum circa ortum diei conspicerent appro-  
pinqnantem ex inopinatò classem, ex templo promptis ani-  
mis, & armis accinguntur ad repellendum hostem : utrum-  
que portus latus intortis firmant rudentibus , & binis na-  
vibus protegunt : binis aliis custodiunt tentoria . Ubi  
Classis sub ictu provecta fuit, uno tempore utrinque emis-  
sa est ingens pilarum vis: sed à Bassa, desperato intra por-  
tus fauces ingressu , jussa sunt descendere in continentem  
tria peditum millia : ut illi à terra , ipse à mari homines  
Turcis infensos oppugnarent . Terrestres manus in ten-  
toria irruperunt igni ; & inflammaverunt . Maritimæ ve-  
rò acies quadraginta triremium per ternas vices toto in-  
tegro die succedentes ad aggressiones conabantur progre-  
di & naves à portu deturbare assiduo tormentorum frago-  
re, & innumera sagittarum copia . Verùm non minùs re-  
spondebant quierant veluti obsessi pari jaculatione : in-  
gentes contorquent pilas, præcipitiq; minorum glandium  
procella prohibent classiarios ab accessu . Et in pedestres  
turmas librata ex majoribus sex ænea tormenta plum-  
beis

beis globulis inferta, strages accumulans. Ita confusus, & oppressus Bassa recessit: & Galli duces victores, solis viginti quatuor amissis, nec multis graviter sauciis, cum sexcenti Turcarum cecidissent, illustre facinus ingenti gloria perperarunt.

Postremò fortuna visa est respuere constantiam cum Piratis Georgio maria Vitali, & Lescasio: Bassa lacera resecta classe, & Cydoniis aliquo submisso auxilio, Asianas oras cæpit percurrere, ut colligeret suppetias deportandas in obsidionalia castra. Transiens Mitylenen in duas illorum naves invehitur: qui contrà audacissimè exceperunt accedentem: & continuata die noctuque per biduum acerrima pugna conflixerunt. Undique infinita propemodùm è tormentis globorum procella excussa est: sed ab universâ classe circumventi non potuere imminens fatum evitare. Vitalis bombardæ fulmine tactus vita exiit, & cum eo quingenti perierunt in ipsa navi, quæ unica fuit inimicæ classi ditissimum spoliū. Lescasius cum vidisset hostes in suum navigium propè oppressum insilire, illi ignem admovit nitrato pulvere: & spe fugæ cum se intulisset in scapham, à persequente celoce interceptus est, affectusque vulneribus, raptus in servitutem. Hac parta victoria Bassæ ex navarchis, qui maria, & insulas peragrans Turcica ligna infestabant, & captiva multa incolarum capita Candiam traducebant æquius visum est in Mitylenæis aquis compensasse cladem, quam antea apud Ion à piratis Gallis acceperat.

Nova alia in mari effervuit pugna: Venetus Præfectus Leonius cum quinque navibus in portu Hierapetræ obstabat, ne ulla illac subsidia pertransirent obsidentibus. Ea propter Visirus decem Punicas eò destinavit, quæ Venetas inde exturbarent, & everterent; ut non ampliùs advehentibus sibi necessaria ad bellum, essent impedimento. Illarum una Contarenam biremem adorta certamen accendit; utraque inter se commissa pugna, tormentis primùm; deinde comi-

nus

nus levioribus missilibus, nudatisque gladiis conferens manus, à marinis tandem fluctibus introgressis per rimas absorbetur. Hostilis altera Venetam triremem proximè erat oppressura; verùm hæc generoso ausu tormentario pulveri applicat ignem, qui diffusus etiam in opprimentem, ambas adussit. Leonius tribus aggressionibus à cæteris imperitus, semper strenuè se defendit; tamen ab iteratis ictibus continenter pulsatus summo in discrimine versabatur. Tres interim Venetæ naves opportunè supervenientes illum eximunt periculo; & Punicas cum clade repressas avertunt in fugam.

Non minùs Barbarorum sanguine rubebat æquor, quin etiam in Candix obsidione per multas strages, cædesque infecta tellus cruentabatur: nulla dabatur reficiendis corporibus quies: die nocteque vel oppugnando, vel repugnando, milites in armis ad lassitudinem, interitumque deducebantur. Turcæ si quâ irrumpere possent omnia tentabant, modò aperta, modò occulta vi. Veneti in conantes subire, & adoriri munitiones ad eò æquali studio se exercebant, ut nullis non machinarum inventis supra, infraque terram excogitatis parcitum unquam fuerit. Hac dimicandi ratione singuli dies, præter vulneratos recensabant alios ferro interemptos: alios tormentorum ictibus prostratos: alios in cuniculis igni, fumoque consumptos; terraque obrutos; excussos, & strangulatos. Verùm multò plures de hostibus; tum in subterraneis illis cavernis, tum in apertis, inopinatisque incurfibus peribant. Hic erat Candix status; de quo dum consultitur defendendo, modò vires suppeterent; adfuit tempestivè Hieronymus Battalea rursus ad generalem totius Insulæ procurationem designatus: accessit quoque Thaddæus Maurocenus, cui commissa erat navium præfectura. Hi duxerunt secum peditum tria millia ab urbibus in continenti, & ab arcibus evocata: mille à Dalmatia milites, quos Etrusci, & Pontificii Duces ducebant. Sub idem  
tem-

tempus Voluntarii plerique ex variis provinciis viri conspicui , & armis præstantes advenere excitæ fama inauditæ obsidionis, hanc non minùs ut oculis conspicerent, quàm ut in eadem manibus se probarent . Multi mense Nouembri ex Gallia Dynastæ, quorum antesignanus Sancti Pauli Comes, cum flore primariæ nobilitatis comparuere, mille, ac quingenti numero. Hi partiti inter se eruptiones; plerumque usque ad castrorum munimenta audacissimè penetrarunt, plurimis hostium interfectis. XIV verò Kal. Januarii, tercenti primo diluculò exiere tanta furentis impetus celeritate; ut in ipsa Turcarum receptacula (in quibus Cattrezolius Bassa homo pugnacis inter barbaros ingenii , magnique roboris cum tribus millibus Sabulonariam sollicitabat oppugnationem) sese ferocitèr intruissent; eorum mille, Bassa gravi vulnere faucio, ceciderint; & reliquos metu perculsos in fugam verterent. Non hac victoria contenti terga dantes insequuntur : & cùm morte contempta, confertissimas acies, ferreos globos, ignes fabrefactos, & sagittarum nimbos parvifacerent, ac impari numero præliarentur; eorum pars major interempta fuit . Non minùs per singulos dies urbis propugnatio absumebat defensores : & cum vulgo cadebant extincti multi Venetorum agminum instructores; machinarum, armorumque præfecti. Quo autem mortis genere, cujusque casus contigerit, quo mense, & die, non desunt auctores, qui hanc summam reponant. Cum duodècim Venetis patriciis , multi præstantes viri, duces, chiliarchæ, centuriones, hoc anno desiderari sunt: Patavina nobilitate conspicui cecidere Petrus Sala , Constantinus Dottorius, Jacobus Venturinus, Marcus Zacchus, omnes à prima ætate per militares gradus ad bellica evecti munia, & contra Barbaros fortissimè pugnantes eum vitæ finem invenerunt , quem gloriosum testantur perennia gestorum monumenta; & amplissima Veneti Senatus diplomata claris laudibus, collatisque honorum titulis commendant. De mili-

militibus, decem millia tercenta quinquaginta octo bellica tempestas oppressit. In barathrum præcipitarunt Turcarum triginta septem millia, æterno igni destinata mancipia.

*Obfessa Candia annus tertius.  
Pacem à Molino cum Visiro pangendam  
disturbant auxiliares accessus.  
Catharini Cornelii interitus.*

MDCLXIX.

**H**ic annus Candiæ urbi postremus fuit, & Cretæ insulæ fatalis. Exordium habuit luctuosum, cum ab Turcarum cuniculis, quos nostri satagebant scrutari, ut in eos converterent occultas flammæ vires, erumpentis ignis operum, violentia, concussa que motu terra combusta, & oppressi interiere, quorum unus ex armorum præfectis fuit Joannes Baptista Zacchus Marci superiori anno extincti frater, ingenio bellicosus, vigore animi, atque generositate illustris: Pauci de his, quos è Gallia generis nobilitas, ætatis fervor, & gloriæ stimulus attraxit voluntarios in Creticam expeditionem, rediere superstites ad patrios lares, post data integro bimestri illustria generosi animi experimenta. His decedentibus, alios Nonis Januariis quatercetos Diam attulit appulsa navis ex delectu Equitis Arcurtii: quo tempore tota belli moles erat conversa in Sancti Andreæ propugnaculum; cujus pars vi nitrati pulveris jacebat prostrata, graviq; lapsu ruebant muri, & multi inter ruinas laniatis corporibus peribant. Nostri verò nullo perculsi metu assiduis tormentorum fragoribus urgere hostium munitiones non intermittebant; tubos fictiles igniarios projicere; & vario armorum genere, saxorum, atque stipitum libramentis depellere aggressores. His gestis Visirus ira supra modum æstuans, quod nihil proficeret, præcipit ab egesta-

R r r humo



humo in altum attolli tumulos , qui mœnia supereminerent, & sedes essent enormibus machinis; quæ in illis dispositæ irrequietis ictibus fulminarent urbem . Obsessi alios in mœnibus elevant altiores aggeres, & grandioribus tormentis onerati , quæ repercuterent adversa , & stationibus ipsis damna inferrent . Interim non ignorabat Visirus undique ab Republica comparari auxilia , & conquiri opem apud Principes, quorum intererat Creticæ Insulæ tutio; illaque intra paucos dies , tum ab Italia , tum ab Gallia in Cretam transitura militum robore , & navium numero uberrimè instructa . Qua de causa Regi suo nunciat nulla opus esse cunctatione; sed celeri præcepto Bassas Hungariæ, Bosniæ, & Albanicæ, aliosque per Asiam armorum præfectos cogendos , ut quàm primùm tiremes expediant, copias conscendere faciant in eorum provinciis collectas, & festinato cursu transmittant; quia munitissima urbs strenuè propugnata non poterat nisi magnis viribus expugnari. Subinde monitus , Aloysium Molinum Reipublicæ Legatum Cydoniam pervenisse, illicò dimisit viarum custodes, qui illum ad se tutò deducerent; cupidissimus cum eodem transfigere: ut si belli fortuna ( cujus vicissitudines plerumque incertæ esse solent ) in diversum cessisset, haberet unde de se omne dubium tolleretur suspectæ administrationis . Igitur cum Molino egit de componenda pace, & de conditionibus, quæ illam confirmarent . Venetus Legatus prompto animo in ea pacta properabat, assequutus Ballarini propositum : ut Respublica Turcico Imperatori quæcumque oppida præsentì bello occupata, restitueret, ac nonnulla daret ex permutatione . Et Visirus obsidionem Candicæ solveret, & Veneris cum urbe, & arcibus, quas possidebant, dimidiatum jus esset in Insula . Sed alia ille quæritabat , fortasse ab Senatu non rejicienda; quia servata Candia , & ex dimidia parte Cretæ retenta possessio, non minimè æquabant gloriæ , quam ex diutino bello conquissierat . Dum talia discutuntur, & cum spe ineun-

dæ

dæ concordix, quia Molinus eadem proponebat, quæ Visir-  
rus à Ballarino non semel audiuisse affirmabat, eo ipso tem-  
pore rumor castra pervasit auxiliorum, quæ numerosa mite-  
bant Romanus Pontifex, & Rex Gallus. Ea vox speratam  
diffavit pacem ( quæ postea nobis ex necessitate iniquiori  
sorte revixit) & excitavit Visirum, ut Cydoniam magis ob-  
firmaret addito duorum millium pugnatorum præsidio: ut-  
que Venetæ vires plures in partes divisæ minùs in Creta  
coalescerent, Dalmatiæ agros incurfari curavit; terreri Af-  
civium irruptionibus; & in Epiri oppidum Torone, nunc  
Pargam, fieri impetus. Sed Antonius Priolus vigilantistu-  
dio excursiones per provinciam actas frænavit: & Epirotici  
litoris oram ab hostium machinamenti immunem reddi-  
dit trium Insularum Curator Andreas Valerius.

Post hæc Visirus adversus Sancti Andree, & Sabulona-  
riæ propugnacula iterùm summa vi omne robur admovit:  
quæ si expugnasset, se tum fore urbis, ac totius Insulæ com-  
potem censēbat. Hæc ( quæ versus mare protenta turò sub-  
missa auxilia intromittebant ) productis usque ad interiora  
mœnia cuniculis evertere conabatur: attamen in iis tuendis  
solicito labori Maurocenus, Cornelius, Mombrunus, & cæ-  
teri armorum duces incumbēbant, ut per contrarios me-  
tus deciperent hostes, & eorum vires in ipsis caveis elide-  
rent: quod ferè semper fortunatè gestum, incendia, & ruinas  
in operarum capita rejecit. Cæterùm Turcæ fidentes sua  
multitudine cō obstinatiùs anhelabant agere de copiosis vi-  
ribus experimenta. Summa igitur vi, eadem sæpiùs petita  
propugnacula tentarunt diruere, tum globis tormentorum  
creberrimis, tum muris intra fundamenta perfossis, ut vias  
sibi pararent, & emergerent ad illa occupanda improvisi.  
Obsessi neque hostium numero deterriti, neque trepidi oc-  
cultarunt fraudum formidine, & supra, & infra terram for-  
tissimè luctabantur. Qui de nostris proposuerant pro patria,  
pro religione gloriosè occumbere, ibi aderant ubi majus

erat periculum. Catharinus Cornelius nunquam recessit à propugnatione munitionis Sancti Andreae, quam videbat acrius à Turcis oppugnari. At dum in reficiendis, quæ aperti ruina muri erant, perfractis, ac dirutis sollicitam curam impendit; casus attulit, Pridie Kal. Junii, ut inter alia igniaria missilia ab hostibus emissa, una ex ollis, quæ bombæ dicuntur, propè ipsum concepto igne frangeretur in frustra; à quibus cum impetu percussus in latere, & vulneratus ita ut intestina effluerent, pius in Deum, & optimè de patria meritis diem suum obiit: commendata commilitonibus, & præcipuè Equiti Grimaldo (cujus in militari disciplina ingenium, ac experientiam magni faciebat) ejusdem propugnaculi custodia, & defensione: nam eo subactò Candia manebat extremum fatum. Ex præstantissimi Ducis interitu doloris plurimum hausit terrestris, & navalis exercitus: Turcæ hilaritate maxima affecti sunt, ac si ipsum cœpissent propugnaculum: Senatus tristi nuncio accepto suum mœrorem ostendit lugubri cultu, quo funus eidem faciendum cum mœstitia publica decrevit. Eodem infortunio succubere neci honorarii milites Comes Vignola Gallus, & Marchio Borrus. Per id tempus Joannes Maurocenus Candiam ingressus exposuit è navibus Germanas acies, quas in subsidium Bransuichius, & Luneburghius Principes ductu Comitis Valdecensis destinarant; armaque, annonam, & pecuniam; quibus rebus obsessis opportunè subventum fuit. Hæc inter de Corneliî morte Venetus imperator duxit è re publica dari literas ad Aloysium Molinum: igitur per albi vexilli signum petiit à Visiro tutum iter tabellario Cydoniam profecturo. Hanc ille concitato animo transiionem denegavit: dum extincto Cornelio, cujus solertiam, & fortitudinem verebatur, actum esse de Candia sibi persuadebat, & ejus deditionis tempus advenisse. Idcirco aciori fervidus ira, denuò tentat percurrere in propugnacula: in illud Sancti Andreae omnis

nis furit impetus cuniculorum, machinarum, & ingruentium militum, qui tandem ejus munitionis angulum occuparunt. Complures horas continenter dimicatum est: demum Turcæ repulsi, & in vallum à Bransuichiis agminibus detrusi, de suis multò plures recensuere occisos, quàm de nostris. Experti Maurocenus, & Mombrunus, quòd in illius propugnaculi custodia consisteret urbis tutela, statuere suas ibidem agere excubias, ne improvisò exciperentur hostium fraudibus. Horum copia quotidie augebatur: unde cùm fessis, & vulneratis assiduè submitterentur recentes nullum nostris quiescendi tempus erat: & Visirus furenti excitatus rabie, quòd non continuò vinceret, missilium, pilarumque procella nitebatur à munitionibus deturbare præsidia; subruere mœnia, alios substruere fornices ad tormentarium pulverem excipiendum, fossas perducere, ut ad aggressiones sui subirent milites tecti, tutique ab injuriis. Nostri contrà, præteritarum rerum successibus animati, Barbaris paria objiciebant molimina: cum ipsis pugnant occultis ignibus: furiali machinarum ira dilacerabant castra, & inquietabant tentoria. Quotiescumque cominus congressuri erant, tam se acriter interebant, ut irruentes in munimenta (Turcis in ea sibi parare ascensum ruptis obicibus contendentibus) multi ex conferta pugna caderent cruentissima strage. Porro Visirus, quibus affluebat viribus, nunquam cessabat ab oppugnando, ratus occupare posse urbem priùs quàm expectata Gallorum auxilia accederent: neque intermittebat fossorum, & cuniculariorum operas, non uno in loco, at passim, ac ubique: quare cùm eadem in terræ visceribus machinamenta Veneti quoq; molirentur, Candia tota foris, & intus erat cuniculata. Octavo Id. Junii adversus idem propugnaculum toties infestatum acriores renovantur impetus, duplicantur tormentorū ictus, & multiplici eructantium de inferis meatibus flammarū strepitu, una erat Visiri jussio, ut illud ab imis radicibus erueretur.

Exc-

Exequitur imperantis mandata obsequentium voluntas : primis incurſibus propugnantes exturbant : ignis cuniculis appoſitus violenta vi proſiliens cuncta oppoſita frangit, rimas agit in muris, potiorẽ partem excutit in ſublime, & ad irruptiones aditum aperit. Sub ruinis plurimi ultimum invenere excidium; Mombrunus vix periculo evaſit; Jacobo Contareno Inſulæ Rectori brachium fuit mutilatum, & non pauci illuſtres bellatores vitam cum glorioſa morte commutarunt. Propterea conſultum fuit de propugnaculo deſerendo; ſed non ſine ultione, ut Turcis, ne læta ulularent victoria, vires adhuc vividas oſtentarent. Quamobrem illos evadentes in ſummum occupari propugnaculi Veneta tormenta ex adverſis tumultis horrida fulmina jaculantia repulerunt, devolutique ad ima tres bombardas, quas evexerant reliquerunt. Ignes quoque ex abditis caveis non exhalant innoxii, cum terribili crepitu convulſa rudera obrutis mortem ſimul attulerint, & ſepulchrum. Qua ſuorum ſtrage Viſirus maximè indignatus, ſed minimè abſterritus non cohibuit impetum, neque ab occaſione violentiùs invadendæ urbis ſe continuit. Crevit gravior, atque aſperior oppugnatione, poſtquam fama pervaserat Gallica auxilia haud procul eſſe : nam ſtimulante Viſiro die, & noctu jugiſerat tormentorum excuſſio in urbem ; ignes perpetuò eructabant ab operis multiplici foſſorum numero aggeſtis : atque ſæpiſſimè exercitus robuſtior manus frequentes in munitiones dabat impreſſiones. Sic ille, ut præveniret ſubſidiariæ opis acceſſum, impigrè connitebatur, aut Candiam vi capere, aut cogere ad deditionem. Obſeſſi tamen remorantes pro viribus Viſiri conamina, conceperant de auxiliariſus copiis fiduciam, Turcas ſpe ſua fruſtratos obſidionem eſſe deſerturos.

*Candiam accedunt Gallica auxilia.  
Erumpunt in Turcas tristi eventu.  
Ducis Belfortii mors.*

**N**ONIS Juniis è Tolonenſi portu Regiæ naves celerrimo duodecim dierum curſu, quem triremes aſſequi non valuer, Candiam appulſæ; Urbem, & præſidia plurimum eo adventu exhilararunt. Has ductabat Novaliæ Dux, cui injuncta erat cura militaris exſcenſionis; & Franco Vindocinenſi Duci Belfortio univerſæ rei maritimæ Præfectura, atque Pontificiæ claſſis Imperium. Advehebant unâ cum triremibus in terreſtrem, maritimamque concertationem ſeptem peditum millia, & equites quingentos: de his exponendis, deque ferenda ope, ubi tempus, & neceſſitas poſtulabat, Novalea acturus cum Veneto Imperatore è Prætoria egreſſus ab eo excipitur honorifico dignationis teſtimonio. Sed, ut faciliùs deturbarentur occupantes unius propugnaculi tumultum, cùm opus eſſet majori virium acceſſione, expectandæ erant auxiliares triremes Pontificiæ, Melitenſes, & illæ, quas ducebat Comes Vivona. Ita diſſerebat Maurocenus: contrà moræ impatiens Novalea fretus ſuo pedeſtri militum delectu, & Belfortii epibatis (tanquam non egerent alieno adjumento Regiæ cohortes) in Barbaros deliberavit perrumpere. Itaque die vigefima quarta Junii inſtructæ acies ſub Ducibus primæ nobilitatis, notæque fortitudinis juſſæ ſunt noctis ſilentio ſequi viarum gnaros: his præeuntibus proximo mane deſcendunt in planitiem verſus Sabulonariam, cujus propugnationem Novalea ſibi delegerat. Tum explicatis agminibus, Damperius inopinato incurſu duo invaſit receptacula interemptis ſtationariis, ac terreas munitiones ſubvertit: eodem imperu in caſtrenſes aggeres alter dux Caſtellanus invectus obruncavit incautos, obvios, & repugnantes concitato furore ſtravit ad  
in-

internecionem Belfortius ab aliis stationibus fugavit Turcarum vigiles, plurimos neci dedit, & acriter dimicando sibi adversos insigni virtute submovit. Turcæ repentina vi acerrimè percussi, catervatim, uti quosque fors conglobaverat, in suos aggressores concurrunt; & numero plures confundunt. Novalea inclinantes in fugam aliquandiu sustinuit; & cæteri duces ingruentium hostium impetum, comprimere connixi sunt: Belfortius modò laborantibus succurrere, modò hostiles turmas, ubi confertissimæ obstiterant, contendit dispellere, ac tueri suos à circumfusus agminibus propè oppressos ad fortuiti casus eventum victoriæ cursu excutitur. Succensus de-improviso in oppugnatiscastris tormentarii pulveris cadus exterruit supra fidem milites Gallos, qui opinantes suffossam cuniculis totum solum, quod calcabant, seque erumpentibus flammis iri consumptos, retrò pedes retulerunt omnes, & extra ordinem metu trepidi in diversum avolarunt. Non ulla Ducum vis, non preces potuere sistere, quos pavor, confusio, fuga nimium consternerant: non Belfortius sua præsentia, & exemplo invadere manu, consulere meticolosis, conturbatis omnibus imperare; quin in se fugientium, & instantium hostium multitudo conflueret. Propterea à sanguine, pulvere, fumoque obvolutus; alieno pavore, & ignavia desertus inter innumeros Turcarum cuneos per ignes, & gladios discurrens, suis hostibus ignotus ita lacer occubuit, ut nullum illius cadaueris vestigium inveniri potuerit. Hic fuit Gallicæ expeditionis infelix exitus, quem Maurocenus præviderat, ac præmonuerat, sed frustra; quia Novalea ex insito gentis more præcipiti, nimisque animoso consilio, suisque tantum viribus exequi destinata concupivit. Dissipatæ acies, fuga magis, quàm pugna, reliquerunt in Campo ad stragem, & cædem mille, & ampliùs viros, & occisos non paucos spectatæ nobilitatis, ac virtutis Præfectos: at instar omnium Belfortium. Hujus extincti Principis occasus mœrore máximo

ximo replevit Senatum; qui ab imminuta præpotentis auxilii spe; suo volvebat animo labentis Candix hoc esse præludium, ac portentum. Verùm si cineri Belfortii Ducis tumulum excitare non potuit: ejus tamen memoriæ apud Rempublicam æternum mansuræ regium erexit cenotaphium. Publico quoque luctu parentavit Catharino Cornelio: & his gestis rerum maritimarum imperium Antonio Bernardo Marcio Procuratori contulit.

*Nulla navalium suppetiarum utilitas.*

*Novalea ab Creta discessus.*

*Mirandulani subsidii extenuata vires.*

**H**Æc inter fulcabant maria auxiliares triremes viginti novem: septem Pontificiæ, totidem Melitenfes, & quindecim Galliciæ, præter Venetas quatuor, quæ illis in navigatione duces præbant. Vincentius Rospiliosus Balivus omnium erat Imperator; Comes Vivona Gallicas administrabat, Melitæus Eques Clemens Accarisius in suas gerebat præfecturam. Classis hæc universa quinto Nonas Julii in Diæ insulæ portu defixit anchoras; & inde Rospiliosus, & Vivona, ægrorante Accarisio, celocibus advecti Candiam advenère. Hos Maurocenus, Mombrunus, & clari bello proceres multis humanitatis, lætitiæque signis editis complectuntur: qui post exploratum urbis statum in propugnaculis præsertim Sancti Andreæ, & Sabulonariæ à Turcis maximè oppugnatis, Diam iterum regressi sunt. Visirus his recentibus auxiliis ad iram magis incitatus continuo suis imperavit, ut noyos deducerent aggeres, cryptas effoderent, in tumulis obsidionalia tormenta, singulis horis exploderent; ac per transversa sepimenta in muros, in munitiones irreperent. Tantam suadebat diligentiam; ne cunctando, victoriam, quam de quassata urbe brevi se adepturum sperabat, auxiliares manus eriperent.

SSf Plu-



Plures dies , & vsque ad Julii exitum , vario , & obstinato bellandi genere insumpti sunt : quia nostri ad propugnationem expediti , & Ducum aspectu , atque cohortatione excitati , stationes suas quisque occupabat , & nescii despondere animos , cum omnes pro Republica , pro Religione mortem oppetere statuissent ; Turcarum irruptiones compescunt igne , missilibus , gladiis ; at non sine ursorumque jactura , & sanguine : dum dimicantium alii ascendere , alii detrudere adnites feralia arma miscebant , & frequentes oriebantur cædes. Præter hucusque gesta , in Concilio Candie habito fuit decretum , ut universa classis auxiliaris , ac Veneta , conjunctis navibus , è Dia in Candia conspectum se daret : & in dimidiatæ lunæ similitudinem explicata , signum expectaret à Rospiliosi summi Ducis Prætorii ; quo accepto omnes uno impetu , & in Turcica munimenta majores bombardas disploderent , & acies terrestres in eadem irrumperent. Porro Turcæ ubi viderunt in sua damna tot navium , triremiumque puppes tendere ; illicò cuncta bellica instrumenta in appropinquantes contorquent : ac ne propè accederent ductos in littoreis aggeribus cuniculos incendunt . Tunc singulæ nostrorum triremes , & naves tormenti maximi explosione monitæ , ex templo ingentem pilarum vim per tres horas excusserunt , quarum horribilis boatus , & fremitus , mugiente ponto , & solo resonante , hostes valdè exterruit , & immanes globi in castragrasantes ; flammis , & ruinis multos obruerunt . Sed eruptionem eodem tempore decretam cum decem militum millibus retinuerunt discrepantes Novalea , & Maurocenus . Ille postulabat ex Venetis quatuor millia qui suis præcederent irrupturis : hic nunquam adduci potuit , ut urbi præsidia detraheret . Hæc inter centum ac quinquaginta Germani , & Galli , aliis subsidensibus , in unum conglobati exiire ; at quia magis ad exploranda hostium facta , quàm ad manum conferendam ; à Turcarum turmis intercepti , ferè om-

omnes obtriti sunt. Ex his, quæ Galli terra gesserant, & quæ mari tentarant classes, ubique audaci animo; sed parvi momenti exitu, & non modico detrimento; coeperunt obsesse vires languere, Turcicæ verò ferociores reddi: & auctæ subsidiariis incrementis, quia ab Græcia, & Asia nullo loco infesto mari, Cydoniam commeabant navigia; acrius in dies frequentabant impressiones: continuabant verberationes, quassatisque aggeribus defensiones curabant amoliri; & sibi aperire accessus non minus ad Sancti Andree, & Sabulonariæ propugnacula, quàm ad navalia: ut interrupto commercio, nullum ultrò citroque excurreret auxilium, tum substructis fornicibus, & pulveri tormentario quo erant impleri injectus ignis per decidentium rudum tumulos ascendentes in munitiones tormentum unum abripuerunt, & præsidia disturbarunt. Maurocenus quà viribus, quà ingenio ad ea versus mare tuenda sollicitus curam illam Comiti Valdechenfi, & ejus turmis; quæ verò contrà prospectum habebant à terra Equiti Grimaldo commendavit. Viri interim omnibus in locis præsens erat: igitur adversus maritimas stationes observantem, validum immisit agmen. Aggressus præsidium primo impetu cognovit illud expugnatum iri, cui major metus, & confusio, quàm pugna fuit objecta. Dam Comes contendit intrepide, ne sui timerent oppositos, ex accepto in dimicando vulnere haud multos post dies interiit. Amissis in pugna dari supplementum oportebat; hoc Maurocenus ab Novalea obtinuit; & ea propugnaculi pars, quam Turcæ nitebantur invadere, strenuè defensa est, quamdiu Galli ibidem habuere stationes. Hoc loco Candix res erant, & quia Turcæ novis operibus illam ita sepserant, ut brevi esset ruitura; Maurocenus vocatis ad concilium Præfectis auxiliariis, & Venetis Chiliarchis; omnium exquirat opiniones: an ad exturbandos hostes ab urbe, cui incubabant, altera opus esset eruptione: quam si probarent, tria peditum millia Gallicis agminibus jungenda offe-

rebat. Diffenfit Novalea cum veteranis immiscere tyrones, & gregarios, ostentabat ab eventis usque adhuc satis probatam in urbis propugnatione bellicam Gallorum militum audaciam, & Ducum strenuitatem: omnes fortiter præliando invenisse mortem fermè trium millium strage propagatam: non esse cur amplius attriti exercitus reliquias internecioni exponeret: instare tempus sui regressus in Galliam, quod sibi in Creta assignatum prorogari non poterat. Hæc dicenti, & discessum meditati summi militiæ Præfecti ponebant ob oculos proximum afflictæ Candiæ excidium si Gallica deficerent præsidia, in quibus, & urbis salus, & universæ Christianæ Reipublicæ tutamentum consistere videbatur. Cùm verò nullius acquiesceret voto, & nocte integra altercando disceptatum esset: ex aliorum sententia statuitur: si vires faciundis eruptionibus non suppetarent; effodere intra mœnia recentes aggeres, loricas obducere, tutiora moliri refugia; & donec ab Senatu parata subsidia, ea ducente Antonio Bernardo; & Mirandulæ Principis venirent suppetiæ; hostiles aggressiones remorari tormentis, jaciendorum ignium machinis; districtis gladiis, hastarumque pulsibus tetundere impetus. Quoniam verò ad interna opera excitanda impar erat Venetæ militiæ nervus assiduo labore fractus, rogatur Novalea, ut saltem aliquam operariis adderet opem, & augeret robur, quod opus festinaret: sed ille hoc etiam se facturum abnuit; causando commissi reditus imperium ad Regem; cujus mandatis jam paruerat; & quòd ipse per se in suscepta expeditione abundè suo muneri satisfecerat.

Destinato profectioni die, XIV Kal. Septembris mandavit Novalea recolligi milites, navibusque imponi, præter sexcentos, quibus erat assignata statio, donec alias Venetus Imperator excubias subsisteret. Sic deferitur, cùm magis opis egeret: tamen non inops animi, neque consilii, disponit præsidia, & ad signum canentis classici quotquot erant

erant in urbe, eo audito promptissimi, sumptis armis, ad loca hostibus opposita concurrerunt. Ita recensuit, ac recognovit, quas haberet vires: porro tam debiles, atque enectas vigiliis, laboribusque, ut ostentatæ pro mœnibus ægrè repulissent inimicos. Cruciabatur præterea expectatione publici subsidii, quod Marcius Procurator Bernardus Veneriis digressus erat allaturus; quod proximum opinatus, conspectis haud procul navigiis, speculatoria quam dimisit, retulit, ea esse Mirandulæ Ducis, & Diam propè adventasse: ex quo nuncio suam auxit fiduciam tuendi parumper obsessam urbem. Visirus, cui præsentis auxilii fama pervenerat: & Gallorum audierat recessum, celer in consilio promovit omnia machinamenta in Cançiam tum facillimè expugnandam; cujus præsidia erant imminuta; & nondum intromissæ subsidiariæ manus. Idcirco cum potiori exercitus robore in toties impugnatas munitiones redintegrare conatus deliberat. Ex veteranis, qui nuper auxilio venerant, decem millia selegit; sex in Sancti Andree; quatuor in Sabulonariæ propugnacula, qui validissimas darent impressiones. Maurocenus ab nocturno exploratore præmonitus, quæ esset Visiri mens, ex templò hortatur duces, & milites, ut accurata diligentia ea munimenta custodiant, & pugnando edant suprema bellicæ virtutis gesta. Nox tota vigilata est; & nihil prætermissum repulsandis hostibus opportunum. Ex propugnaculis, quibus Turcæ avidius inhiebant, illud Sancti Andree obtigerat Equiti Grimaldo: qui in ejus defensione attentus, cuncta ex militari disciplina paravit, & ob missilium defectum altum suffodere jussit cuniculum, qui centum sulphurei pulveris cados occuleret. Laudatus à Mombruno (ubique excurrente, & indagante, ne quid sinistri ex incuria contingeret) hostem infraçto animo expectabat. Alterum Sabulonariæ tuebatur vigilans Imperatoris studium: Insulæ quoque Rector, & peritissimi rerum bellicarum viri in ejusdem custodiam sedulo incum-

cumbabant . Adversum hoc propugnaculum vigesima quinta Augusti die post meridiem Turcæ majora tormenta exonerant, quorum vehemens impetus summum præsidariis horrorem incussit : eodem momento , dum perterritos Maurocenus confirmat , ingens etiam strepitus, fremitusque illum admonent Sancti Andreæ munitiones irrequietis bombarbarum ictibus verberari : Ubi igitur omnia circum fragoribus, & ululatibus remugiant, à nostris pugna suscipitur, quam Turcæ arte elaboratis ignibus, glandibus, pilis, jaculis, sagittisque deposcebant aggressi Sanctæ Pelagiæ munimentum, quod occuparunt : præsidarii, pauci numero, non observato Grimaldi jussu, ut post explosos manuales tubos in refugia se reciperent, ab condensâ acie, cui repugnare temerè ausi sunt, dissipati, & concisi fuere. Proxima Brunsvichia statio, visô discrimine cœpit trepidare. Turcæ verò audaces efferre animos cùm interiores munitionum receptus conniterentur invadere . Sed propius admotos, & conantes ultra perrumpere, prohibuere tormenta in fronte, & à lateribus collineata : horum crebra percussione, multi cadebant cæsi, & vulnerati : ac sæviente minutarum glandium nimbo ruebant dejecti à propugnantibus adhuc obstinatissimo certamine . Tandem visi sunt hostes dubiis hædere animis , & abnuere in pugnam rursus descendere : hos ita fluctuantes conspicatus Grimaldus, è vestigio accersitis voluntariis, quibus se subsidarium præbuit, jussis equitibus desilire in pedestrem concertationem; & vocata in auxilium Melirensi acie, cui plurimum fidebat ; acriter aggreditur, quos etiam Gabriellius Chiliarcha cum suis, & Brunsvichiis turmis ferociter invadit . Hinc altera pugna, & quidem tumultuaria, at hostibus valdè cruenta, quia undique circumsepti, & innumera globorum tempestate penè contusi; major eorum pars interfecta est, exigua nostrum jactura : & qui fugerant in tentoria omne spreverunt suorum Ducum incitamentum, ut redirent, & prælium instaurarent .

rent. Per hæc quædam munimenta à nostris recepta sunt: quædam à Turcis retenta; ea præsertim, quorum prospectus in maritima: ubi eorum multi convenerant, & ingenti suscitato igne aliquod insolitum facinus videbantur molituri. Maurocenus illuc festinato cursu progressus, jubet parato pridem cuniculo injici flammam, & stragem. Visirus ubi intuitus est suos, quos increpabat timoris, & ignavia, omni vi, & ingenio ab aggressionibus summoverti, & occidi: totis viribus enititur, ostentata audentibus spe certa victoriæ, in altera Sabuloniæ propugnaculi oppugnatione. Tum experturus quod virium, quod robotis habebat, rursus aggeres subire imperat, molientibus ascensum præmia destinat; recedentibus minatur necem: omnes hortatur ad pugnam; nulli in castra daturus reditum, edicit, nisi expugnato propugnaculo, in quo rerum summa vertebat. Ab initio commissi conflictus, Barbaris depulso à protectoriis aggeribus præsidio quoddam fortunæ jubar affulsit; hoc tamen meliori fato citò disparuit. Succedunt subsidiarii Galli adhuc manentes in stationibus, & Allobroges: ingruentim imperum fortiter excipiunt: & quos compellebat Visirus, ut audaciùs sese inferrent; egregiè pugnatæ pugna propellunt, mactantque. Cæsarum non exiguus fuit numerus: ac omnis in bellis jactura Turcis mediocris est: quippe aliis alii integri, & alacres succedebant. Nostris nihil horum suppetebat; unde magna erat difficultas subrogare defessis, & sauciis sanos, ac valentes. Quæ supervenere Mirandulana subsidia parùm opis attulerant: de mille quingentis militibus sexcenti exscenderant, reliqui variis morbis inter navigandum consumpti perierant, hos paucos Maurocenus statim substituit stationarios in locum abscedentium Gallorum. Hi ab Candiæ castris noctu demigrarunt: cum ipsis recesserunt Voluntarii: quingenti etiam à Republica mercede conducti:

cen-

centumque ex remigibus, qui furtim Gallicis turmis immixti latebant : & omnes ingressi naves Diam profecti sunt. Quæstis de injuria, & reposcentibus fugitivos, ab Novalea factum ignorante, quadraginta tantummodò restituuntur Itali, & Germani, qui ut se omnino occultarent, vel ingenio, vel favore caruerunt.

*Candia deditio,  
Pax.*

**M**Aurocenus multis circumventus angustiis, quoniam discedentibus Gallis, Pontificii, ac Melitenses cogitantes recessum Diam proras converterant, sæpiùs anxius animi volvebat quo remedio deploratis rebus succurreret : quo molimine assultanti hostium potentia deinceps repugnaret, exutus externis auxiliis ; & omni spe publici subsidii. Habito suorum delectu reperit quatuor tantum millia numerari ad arma idoneos, & hi quotidie indefessis vigiliis, atque concertationibus imminui. Igitur indicto Concilio vocat omnes, qui maritimæ, qui terrestri militia præsidebant, ut proferrent, aut voce, aut scripto quæ de præsentis rerum statu sentirent : unusquisque ad sua consilia tendebat. Aliqui enunciarunt brevi lapsuram urbem ob propugnantium paucitatem : nullam esse repulsam repetitis hostiû aggressionibus : majora labefactata propugnacula, quassa, & penè diruta : à Sabulonaria ad Navaliam obductas munitiones ; impedita portus commercia : unde maturatò opus esse aliquid deliberare in rerum apice : ultima decernendo. Qui fortunam ponderabant eventis, dixerunt opportunè cum Visiro agendum esse de Candia deditio : ne cum civitate vi capta, simul cum ipsa victor hostis alias arces, & insulas interciperet ; Nonnulli malebant usque ad extremum spiritum tolerari obsidium, ac sub cadentis urbis ruinis tumulari : non alius finis futurus erat defensori-

foribus illustrior; quamvis factum apparetur ère Principis  
damnosum: ita Grimaldus cum Minio Conquisitore ab-  
horrens à deditioe, cum proprium sit Turcarum institu-  
tum fidem non servare. Suadebat traduci in naves nocte  
obscura, & quieta inutile vulgus, & impedimenta; & in  
classes omnis militia: quo facto, tum ignis per pulveris ni-  
trati semitas decurrens cuniculos ubique dispositos uno  
tempore succenderet. Profilientes flammæ inopinato, ac  
terribili strepitu universam urbem concuterent; fumo, in-  
cendiis, ruinis involverent: terrerent hostes formidine, &  
aspectu sibi pro victoria relictum fuisse devastatæ civitatis  
informe bustum. Mombrunus laudavit fortes animos ad  
generosum facinus, verum hoc exitu difficillimum arbitra-  
tus est: non poterat Turcis urbi incubantibus celari ea trans-  
migratio: ac propterea quod de tacito, nocturnoque traje-  
ctu; deque civitate inflammanda, dictum fuerat, vix tuto  
exequi posse. Huic opinioni favens Maurocenus sua aucto-  
ritate; quia pendebat à fortuna semper adversa, non minus  
discedendi, quàm navigandi securitas, censuit paciscendum  
de deditioe cum Visiro, quem credebatur pertæsum diutina  
obsidionis, & moræ procul Constantinopoli, ubi illum æ-  
muli insimulabant cupiditatis, & pigritiæ. Tandem sedatis  
quorundam altercationibus, qui primò ambigebant, Im-  
perator adhaeserunt affirmanti ex deditioe minus damni,  
detrimenti que publicis rebus importari. Decretum cogen-  
te necessitate, visum fuit indicari Auxiliariis hucusque Diæ  
in portu expectantibus ventorum tempestatem: & cum eis  
precibus agere, ut, dum tempus est, opem afferant, missis tri-  
bus militum millibus, qui ferè totidem adjunctis operariis,  
in excitandis subducta humo novis receptaculis se exerce-  
rent: quo perfugio haud erat difficile Candia diutius servari.  
Nullum auxilium, nec quidquam aliud fuit impetratum ab  
iis, qui obtentu sollicitæ velificationis pandere vela in occi-  
dentem constituerant. Itaque Maurocenus cum acrius per



singula momenta urgeretur auxiliorum incertus, aut ab alienis, aut à propriis viribus, eò celerius suum edixit dedicationis propositum formula notis exarata, cui cum cæteris Præfectis, & Chiliarchis subscribere Grimaldus, & Minius, ne ab Imperantis voluntate dissentirent. Hoc capto, probatoque consilio dedendæ urbis ad explorandum Visiri animum duo delecti sunt viri prompto ad omnia, sagacique ingenio Thomas Anandus Anglus, & Stephanus Scordilius. His datur in mandatis, ut Quarto Kal. Septembris primo mane Iophyri litus radentes in hostium conspectum album vexillum extollerent: Interrogantibus quid vellent, se missos dicerent ad paciscendam concordiam. Obvius occurrit Achmetus Aga, Visiro carus; sed illos de pace agentes; non tradita urbe, superbo fastu rejicit; minaturque dira, si rursus sine ejusdem libera deditione auderent accedere. Illi nihil profectò extimescentes denuo regressi sunt; cum ipso met Aga colloquuntur; postulant illa pacis pacta, de quibus actum fuerat ab Aloysio Molino Legato: rogant hæc referri Visiro, qui sciret Candiam vi vim adhuc strenuè posse repellere. Attamen si dederetur; quid Visirus ex æquo rependeret, hoc primum oportebat pacisci. Ad hæc Aga ex mente Visiri rerulit; dimissa Candia, Rempublicam optimas securæ pacis condiciones; & æquabilem compensationem esse, consequuturam. Super his acturi de concordia ultrò, citroque Palæocastrum usque commeabant: verum quia maritimum illud castrum congressibus valdè erat incommodum, ac plenum periculi; decretum fuit, ut deinceps ii haberentur in tentoriis ponendis ad Sancti Demetrii propugnaculum: nemine de loco discrepante, neque de Internuntiis Anando, & Scordilio; qui ob ejus viciniam commodius ad Concilium referri poterant, quæ gererentur: Interim Auxiliarii Pridie Kal. Septembris contorquentes proras in occiduas plagas Candiaæ vale dixerunt: Qui verò ad stabiliendas pacis condiciones à Mauroceno delegati fuerant; & delecti à Vi-

à Visiro Hibraimus Aleppi Bassa, Achmetus Aga cum aliis è Turcarum primoribus, suis in opinionibus discordes plurimum altercati sunt. Turcæ reposcebant bellicos sumptus, exacta ab Ægeis insulis tributa; atque ut vestigales essent Tenus, & Cythera: Clissam insuper, cæteraque castra in Dalmatia occupata, Nullam dicebant pro Candia posse fieri permutationem, quam Leges Mahumeticæ verabant, ubi extructæ essent Mesquitæ. Veneri referebant non congruere cum promissis ea postulata; quibus si obstinatè inhærent, evanescebat omnis transactio: non esse injustum, quod paulò antè Aloysio Molino desponderant dimidiatam Insulam, Enandiam, Cythæum, & Hierapetram, Mesquitas tunc habentes, ubi Candia dederetur: neque alienum ab honesta ratione dari in commutationem quæcumque præsentis bello Respublica in Dalmatia, & Bosnia conquiescerat loca; & eorum confines agros: hanc petitionem Grimaldus fuggererat. His auditis cum indignatione, & ira nostrum audaciam procacibus verbis deridebant; quòd talia temerè præsumerent, quæ non ausi essent requirere, si totus Occidens armatus ad eorum auxilia cucurrisset: nunc agi de oppido viribus, & ope destituto, & penè debellato. Abirent itaque, & nihil sperarent amplius de pace, subigendi victoris arbitrio. Sed Anandus dicta refellens magna animi libertate, & constantia, affirmabat adhuc vires suppetere, innumera parari subsidia, adornari classes, & Candiam de se nō per timescere: Visiro omnia hæc nunciarent; ne in obstinatis disceptationibus tempus tereretur. Tandem Quarto Non. Septembris convenere; ut Visirus intelligeret, absq; aliqua permutatione non esse Candiam dedendam: & Maurocenus agnosceret in postulationibus Turcarum pertinaciam: Nox integra tenuit Concilium variis agitatam sententiis; hæc tamen vicit; ut nihil omnino remittendum esset de præsentis statu, sed cum ipso urbis tutela, communis salus, & exultimatio maneret inconcussa. Postera die quinta eiusdem mensis,

diluculo, ad tentoria reditum est; ubi Turcæ aliud opinantes responsum ab eo, quod audierant, superbi, & iracundi nostros suis minis territare putabant. Exinde ad urbis custodiam sedulò vigilabatur; quia hostes vi conantes extorquere deditioem in munitiones recenter compactas decem maiora tormenta attraxere; quorum ingentibus globis, & magni ponderis saxis è mortariis in ædificia collibatis per aliquot horarum spatium urbem lacerarunt. Maurocenus, ubi insolita machinarum tonitrua fremebant, ocyùs procurrens duobus è cuniculis, abundantissima nitrati pulveris copia infertis ignem admoveo, quo illi subito eructantes ab internis visceribus flammæ; incendio, fumoq; involutos ab occupatis aggeribus excutiunt alios; alios inter ruderæ præcipitatos exanimant. Turcæ hoc moniti experimento in Veneris non refrixisse animos, & vires; ad paciscendū prouiores coivere iterum in tentoria; & cum destinatis à Mauroceno, decreverunt Nonis Septembris de dandis obfidibus tribus numero ab utraque parte, genere, & existimatione claris; deq; conditionibus scripto exprimendis. Maurocenus habito super re tanta Concilio; statuit illas à Grimaldo componi; qui sine mora susceptum munus accuratissimè explevit. Inter pacta, hæc præcipuè exarata sunt. Candix urbis deditio in Primi Visiri manus, cum omnibus, quæ in ea extabant, impedimentis ante belli exordium. Reipublicæ certa, stabilisque possessio littoralium arcium in Insula; Spinalongæ, Garabufarum, & Sudæ. Clissæ pariter, & oppidorum cum adjacentibus agris, quæ in Dalmatia, & Albania sibi armis conquieserat. Duodecimo à constituta pace, die, adversa tempestate non impedita, demigrarent ab urbe universa militia, incolæ, qui vellent; ac quicumque alii in ea degentes; & in naves, triemesque ad littora cum libero apulsu traducendas imponerentur armamenta omnis generis belli causa deducta in Insulam, commeatus, quælibet impedimenta, resque tum sacræ, tum profanæ ad publicos, vel pri.

privatos usus spectantes. Venetę classes tutissima fruerentur statione in Dię, aut aliis portibus, donec tempus captarent navigationi opportunum. De captivis libertati restituendis, tum esset agendum, cū Venetus Legatus Constantino-  
polim adiret. Dimittendos fore in pristinum statum illos, qui Reipublicę auxiliati essent; qui honorario militię titulo sumpserant arma; & qui adversis partibus in bello deservissent, his dandam esse veniam. Hęc presertim de pace scripta, postquam super singulis habita longa consultatione Visirus approbasset; de obsidibus agi cęptum est. Pro Venetis ob fidem dati sunt Faustinus Ripa Legatus; Joannes Baptista Calbus Conquisitor, & Zacharias Mocenicus, qui Ducis nomine rexerat Insulam: & Mauroceno transmissi Beblirus Assanus Bassa; Prętorianorum militum Pręfectus Achmetus Aga, & Gajus Bejus Romelię Thesaurarius; omnes magni nominis viri. His intra decimum diem peractis, & receptis utrinq; obsidibus Anandus, & Scordilius primo vespere ad Visirum profecti humaniter fuere suscepti; Salutatı Mauroceni nomine, eidem jussit reddi mutuam salutationem; & gratulari, qui sua virtute, & constantia mercatus esset; dedito oppido ad extremum proximo excidium, suę Reipublicę pacem, & Othomani Regis amicitiam; deinde bina conceptę pacificationis exempla; alterum Italica, Turcica alterum lingua digesta fuere subscriptaq; & regalibus sigillis obsignata; postea Visirus dimissos Anandum, & Scordilium, vestibus vario textis colore donavit. VIII Idus Septembris divulgatus confirmatę concordię rumor, proclamata securitas, & ab armis cessatio, ex templo in lætitię signum reboare tormentorum fragor exauditur, & inter turbarum, tympanorumq; clangorem, & strepitum personare in utrisq; exercitibus voces, & plausus confecti belli, & restituti commercii. Cęterum ad implenda quę fuerunt statuta de protectione, singuli Duces, quorum unus Comes Franciscus Sylvaticus, qui cataphractorum ductor multa

dedit prudentiæ, ac fortitudinis documenta, tum ad Cytheram, Cydoniamq; tum in propugnandis ex mandato Panigræ, & Sabulonariæ propugnaculis; atq; ita inclaruit, ut Candiæ civitatis, cum magis fervebat obsidio, Gubernatoris titulo meruerit insigniri; & deinceps ab Senatu ad alias armorum in urbibus Præfecturas promoveri: sedulitatem maximam adhibuerunt cupidi exire quàm primùm à Barbarorum conspectu. Nullus enim expertus se credebat hosti tot antea vicibus in præteritis bellis cœdisfrago. Mombrunus, & Grimaldus præcipuè destinati ad accelerandos commeatus summa cura, & ordine intra præfixos dies universam militiam, impedimenta omnia, diu noctuq; fatigantes in naves imposuere, quas etiam conscenderunt cives, & incolæ utriusq; sexus: vestales, sacrisq; addicti viri cupientes degere sub miti Reipublicæ regimine, execrando Turcicum, cui proprium est, dedititios pro vilissimis mancipiis habere. V Kal. Octobris tanto silentio fuit deliberatus discessus, remanentibus in urbe duobus Græcis, qui Pappi vocantur, Iudæis tribus, & una muliercula; ut celeritate haud credibili stupentes Turcæ dubitarent subesse fraudes, adhuc cuniculos, militesque ad inopinatas eruptiones, & ruinas latere. Verùm certiores facti de migratione; & quòd suspecti doli, machinæ, & fallaciæ omnino abessent, adducunt ad Visirum Pozzoburgium acierum instructorem, qui humilicum obsequio eidem deditæ Urbis claves detulit, atq; ea, quæ ex pactis præstanda erant, optima fide complevit laudatus à Visiro, & cū serica veste sexcentis nummis aureis donatus. Octiduum post, IV Nonas Octobris, die Veneris in Candiæ possessionem Visirus triumphantis more ingreditur, cui concrepantibus tympanis, clangentibus tubis; nec non tormentis reboantibus, lætis circumquaq; vocibus Turcæ gratulari victoriam, augurari vitam, felicitatem portendere, & in recepta Candia ominari totius Cretæ Othomanico Imperio subjectionem. Hæc vltima triennalis obsidii tempestas triginta septem

septem Turcarum millia protrivit. Et Maurocenus, qui arces, & castra, quæ Reipublicæ reliquæ erant in Insula, Battalæ Legati curæ, & vigilantæ commiserat, paratus ad navigandum nuncium à Visiro accepit referentem nullo umquam tempore sancitam pacem fore violandam eo incolumi, & stabili in gratia sui Regis, & auctoritate, qua supra cæteros in Aula possebatur. His promissis Venetum Imperatorem in patriam redeuntem prosequi voluit: at quamdiu erit duratura sponsio in unius vita facta, & quæ futuri securitas, nempe apud eos, qui pro nihilo ducunt fidem prodere, in simulatione officii celare insidias, & quolibet obtentu omnes amplificandæ dominationis occasiones arripere! Interea adventum Mauroceni, qui per hos dies XII. Kal. Octobr. ab Senatu inter Marcios Procuratores extra ordinem, & supra numerum, fuerat coopertus, fama præpeti volatu prævenit, & in vulgus dilapsa rumorem excitavit Candia deditæ, & pacis initæ cum Turcis. Vox hæc popularis vario affectu accipiebatur: illam alii vanam, mendacem, nullique veritatis fundamento innixam deridebant: alii existimabant non hominum esse, sed potius superum oraculi; neque temerè contemnendam: quod paulò pòst probavit eventus. Dum enim pro se quisque omnes suam confirmare opinionem contendunt; nunciæ litteræ afferuntur, quæ rei gestæ seriem exponebant. Maurocentum fatali veluti coactum, necessitate; facta Candia deditioe iis conditionibus, quæ de Consultorum consilio pro Republica visæ sunt honestiores, pacem cum Turcis transegisse. Atque eo quidem tempore, quo extrema non erant expectanda; quia nullæ amplius vigeant vires præpotenti hostium robori pares: hæc quotidie in propugnantibus laceræ, & imminutæ languoribus, cædibusque reddebantur ad repulsandas aggressiones invalidæ: hujus tertii anni asperissima obsidionis acerbitas militum duodecim millia, & sexcenta consumpse-

pferat cum duobus Patriciis Cornelio, & Quirino, ac sex-  
 decim clarissimis armorum Præfectis, ( quorum nomina  
 ad memoriam posteritatis insignia, summis præconiis ab  
 aliis concelebrata nunquam interibunt, ) præter bina Gal-  
 lorum millia cum Belfortio Duce interempta. Auxiliares  
 classes conspecta urbis proximè labentis deplorata condi-  
 tione suum maturarunt discessum: festinantis Novalex  
 exemplo non solum Pontificiæ, sed etiam Melitenses,  
 quorum causa Respublica præsentì bello vexata fuerat.  
 Externæ quoque copiæ ne ruituræ Candia obruerentur  
 ruinis verterunt solum. Cùm igitur obsessis spes omnis  
 auxiliorum terra marique occidisset; Turcica classis, cui  
 nemo erat qui resisteret, ultrò, citroque absque metu  
 pervagabatur Ægæum; ac uberes in obsidionalia castra  
 commentus, & impedimenta convectabat: Venetæ  
 subsidebat in portu vacua epibatis, remigibusque, qui  
 à maritimis excursibus vocati ad terrestres concertationes,  
 & opera, deficientes supplebant. At postquam hostis  
 magno virium incremento auctus majora cœpit audere  
 facinora, munitiora propugnacula invadere, ea inse-  
 dere, jamque mediam in urbem irrumpere: tum Mau-  
 rocenus omnem cunctationem arbitratus exitiosam de-  
 ditionis consilia maturavit. Si hostilibus armis Candia  
 subigebatur nullum non genus crudelitatis victor Turca  
 exercuisset in captos: aditus ad effugia, ad navigatio-  
 nem libertatem eripuisset; classibus interceptis, & ma-  
 ris positus arbitrio cæterâs Mediterranei insulas Zacyn-  
 thum, Cephaleniam, Corcyram exerruisset; ipsis Ve-  
 netis æstuariis incusso pavore: Quare optimo è re nato  
 consilio censuit exequi quæ magis videbantur è dignita-  
 te, atque utilitate Reipublicæ: hæc in mandatis habuif-  
 se dicitur: ac tempori cedendum cùm esset, omnem ex-  
 cludere procrastinationem; quia vel dies unus intermissus;  
 vel nox una interposita, cuncta sæpè perturbat. Non à  
 Patri-

Patribus alia mandata expectare potuit, ex distantibus locorum spatiis importunè afferenda: non Aloysio Molino referre eam, qua opprimebatur, necessitatem, Visiro nunciorum transitum prohibente. Igitur ad extrema redactum opportunitas, quæ se objecit publicæ, privatæque securitatis, compulerat in deditionem, & pacem: Hanc Senatus præsentia considerans, ac prospiciens futura, plenius suffragiis approbavit; & Dominicus Contarenus Princeps piè persolutis votis divinitus redditam testatus est. His itaque gestis Franciscus Maurocenus declinata obtrectantium æmulatione, & invidia in attributo sibi jure, ac merito Procuratoriæ dignitatis splendore, illustriorem suæ fortitudinis, & prudentiæ famam in omnium voces extendit. Et verò si quis æquus rerum æstimator accuratiùs expendere voluerit conditiones constitutæ pacis, post atrox, & diuturnum bellum, judicabit is, Senatum Venetum non ab hoste hanc accepisse, sed illi potius dedisse.

F I N I S.







100









